

43/3
30/3

პროფეტარული

26 მწერლობა

143/3

N-შ

ზ ი ნ ა ა რ ს ი
 ი. აბაშიძე — ლამე რაიკომში. ს. ეუ-
 ლი — ინფორმატორი. ბ. ჩხეიძე —
 დღეები (დასასრული). გ. კაჭახი-
 ძე — დღეები სოფლად. კ. ბობო-
 ხიძე — დამკვერელი ქარხანა. დ. შენ-
 გელაია — თეთრები (დასასრული).
 ფ. მახარაძე — ეგნატე ნინოშვი-
 ლის დრო, ცხოვრება და შემოქმე-
 დება. ბ. ბუაჩიძე — მხატვრული
 მწერლობის ამოცანები რეკონ-
 სტრუქციის პერიოდში. ვ. ლუარ-
 საშიძე — ვიბრძოლოთ სოციალის-
 ტური ადამიანისთვის გ. ნატრო-
 შვილი — ლიტერატურული შე-
 ნიშვნები. ს. კულაევი — ოსეთის
 თანამედროვე მხატვრული მწერ-
 ლობა (დასასრული). რეზოლიუ-
 ციები. კოტე შედვინეთ-უხუცესი —
 პუსიკალურ ფრონტზე. არქიტექ-
 ტორთა დეკლარაცია.
 ბიბლიოგრაფია.

ს ა ხ ა ე მ ნ ი ფ მ
ბ ა მ ო მ ს მ ე რ ო ბ ა

1 9 3 0

1

9

3

0


პროლეტარული მწერლების
ახალი წიგნები:



ბ. ბუჩქიძე

ბ რ ძ ო ლ ა
ჰეგემონისათვის

ბამ. შრომა. ფასი 1 მან. 80 კაპ.



მ. რაიანი

ლიტერატურის
საკითხები

სახელგამი. ფასი 1 მან. 50 კაპ.



პროლეტარული მწერლობა

საქართველოს პროლეტარულ მწერალთა ასოციაციის
ყოველთვიური საზოგადოებრივ-პოლიტიკური
და

მხატვრულ-ლიტერატურული
ორგანო

№ 3

მ ა რ ტ ი
1 9 3 0

წილიწადი მართხი



იუსტიციის სისტემა

საქართველოს იუსტიციის მინისტრის განკარგულებაშია
საქართველოს იუსტიციის მინისტრის განკარგულებაშია

საქართველოს იუსტიციის მინისტრის განკარგულებაშია
საქართველოს იუსტიციის მინისტრის განკარგულებაშია

ს. ს. მ. უ. ს. პოლიგრაფტრესტის პირ-
ველი სტამბა. პლენარის პროსპექ-
ტი № 91. მთავარლიტი № 557. შე-
კვეთის № 960. ტირაჟი 2.000.

საქართველოს იუსტიციის მინისტრის განკარგულებაშია
საქართველოს იუსტიციის მინისტრის განკარგულებაშია
საქართველოს იუსტიციის მინისტრის განკარგულებაშია

ლ ა მ ე რ ა ი კ ო მ უ ი

ბორჯომის კომკავშირულ ბრიგადებს

მომავონდება,
როცა ზოლებად
განთიადიდან ზეცა იხარებს,
ჩვენი ლაშქრობის დღენი — რომლებმაც
ჯარისკაცისათვის მე წამიყვანეს.

რაიონში ვარ. უკვე დაბინდდა
სად გავითენო,
ან ვის კარზე ვარ.....
ჩვენს რაიკომში მომცეს მაგიდა,
მცირე ბარგი და ლამის გათევა.

გარეთ მთვარე ჩანს.
თოვლის მაზარა
სხივთა ცემაში თითქო მორცხვდება;
არ დამაძინებს ვიცი სიზმარი,
არ დამაძინებს ლამით ოცნება.

სად არ ვიარე.
ეხლა ვსადგურობ,
მუხლი დაღალა რაზმთა გაძლოლმე;
სხდომის დარბაზი მერგო სასტუმროდ,
მღივნის მაგიდა დარჩა საწოლად.

აქ მე ყოყინა მახსოვს აქამდე,
აქ ასპარეზი ჰქონდა გონებას,
ეხლა ლამეა,
ვარჩევ ქალღმერთებს
წარსულ ქმედების მოსაგონებლად.

აი, ერთიან სხდომის თარიღი
როცა, ლაშქრობას ჩვენ მზარს ვუჭერდით,

როს გავაჩაღეთ თემში ჩქარი დღე
ბრიგადელებმა მრავალ უჯრედის.

გვითქვამს: — პირობა გახდა სალხენად:
არის ლტოლვა და.....
კიდევ სხვა და სხვა
და ვარაუდში ვწერდით მახვილად
კოლექტივებზე მთლიან ვადასვლას.

ვინ გვიჯერიდა,
ჩვენი იმედი
რალაც, — მიაჩნდათ როგორც ხორცმეტი
და რაიონშიც კოლექტივები
მხოლოდ განსაზღვრეს ექვსი პროცენტით.

*

გავამახვილეთ მაშინ დღე ჩვენი
და მოქმედება გავდა შეტევას,
რომ გამარჯვებით მათთვის გვეჩვენა
„ახალგაზრდული გადამეტება“.

ქება რა არი,
აი თარიღი,
როცა გლახობას საქმით ვურჩევდით,
როს გავაჩაღეთ თემში ჩქარი დღე
ბრიგადელებმა მრავალ უჯრედის.

არვინ ფიქრობდა:
ამგვარ გარდაქმნას
თუ ჩვენს დღიურში ჩქარა ჩავეწერდით
და რაიონტაბსაც ხშირად პატაკით
ვერ აჯერებდა ჩვენი რაზმები.

გზაში გავებოდით ჩქარი ნაევრდით,
ველად გვებრძოდა ყინვა, ხან ქარი
და მაინც ცნობა რაიონამდე
გვიძველდებოდა როგორც ზამთარი.

ქარმა და ყინვამ გვდია მეგობრად,
თოვლი და სეტყვა თავზე ვიწვიმეთ.

რა ხელთ ავიღეთ ბრძოლის შეფობა
და გაზაფხულის მთელი სიმძიმე.

ზოგი თანხმობის გეგმას სახავდა,
ბევრს გულჩვილობის დარჩა შედეგი,
როს თვალსაჩინო ზოლად გავხადეთ
მწვავე ქიდილი გლეხურ ფენების.

მაინც, განსაზღვრულ რიცხვებს გადავცდით
თუმც, დღე ყოველი დავას გვიჩენდა,
ჩვენ გადვიტანეთ დევნა მრავალგზით
და ბრძოლის გზაზე დამახინჯებაც.

მაინც, ქოხებში ჩადგა შეგნება,
კითხვა გადიქრა გლეხურ ოცნებით
და კოლექტივის რიგთა შენებამ
გამოატანა პროცენტს პროცენტი.

თემებს გამოჰყვა თემი ახალი,
გახდა შეჯიბრში ძმური გაწვევა,
მეც რაიკომში ცნობა ვახარე
და პროცენტების დავაეკაცება.

* * *

რაიონში ვარ. გარეთ დაბინდდა,
ეხლა აქ მხოლოდ
შეზავრის სახე ვარ,
ჩვენს რაიკომში მიდგას მაგიდა
ზედ გავატარე ლამე ნახევრად.

და მოგონება ისევ ფიქრებს შლის,
ისევ ქრის ხენეშით, შემთბარი ქარი,
გამელიმება: ნახეთ? კითხვებში
ჩვენ თუ, ისინი იყვნენ მართალი.

და ვიდრე დღემდე ასე ძლიერად
ჩვენო ლაშქრობავ, ხსოვნით მაწევები;
ეხლა თესვა დგას,
ეხლა ტრიერებს
ატრიალებენ ჩვენი რაზმები.

ო ნ ფ ო რ მ ა ტ ო რ ი

I

ს ა ყ ვ ე ლ შ რ ი

ე მ ი ბ რ ა ც ი ი ღ ა ნ

არც ის ივარგებს
 ძმაო ელიზბარ,
 რომ იჯდე მაქ და
 იყო ყრუ და ბრმა,
 რაც იყავ წინათ,
 ის აღარა ხარ:
 აღარ მიღიხარ,
 როგორც გავს წალმა, —
 გამჭრალა შენში
 მათდამი მტრობა, —
 რაც გწამდა ალბათ
 ის დღეს აღარ გწამს,
 და ჩვენც აღარ გვაქვს
 შენი დანდობა
 და არ ვიწამებთ
 შენს მეგობრობას...
 შენ იწერები:
 — არ ვართ მნახველი
 ხალხის ასეთი
 ენტუზიაზმის, —
 გადაიცვალა
 ცხოვრება ძველი —
 და ყოველივეს
 სიცოცხლე აზის.
 ფართო გზები აქვს
 აღმშენებლობას

და საქართველომ
 იცვალა ფერი, —
 ბოლშევიკებს დღეს
 ხალხი ენდობა
 და ჩვენ კი ხალხის
 ვყოფილვართ მტერი“.

ელიზბარ, ნუ თუ
 აღარ გრცხვენია?
 რას ამბობს? ხალხს სწამს
 ბოლშევიკების?
 შენ ხალხს ვერ იცნობ. —
 ის მომთმენია,
 მაგრამ გაწყდება
 ძაფი მოთმენის.
 რა აქვთ მათ? მხოლოდ
 ერთი ზაჭესი!
 განა ეს არის
 აღმშენებლობა?
 მაღალ ღმერთს ვფიცავ,
 ძმაო არ გესმის
 ბოლშევიკების
 „ჩხირკედელობა“.

რომ ვყოფილიყავთ
 ჩვენ მაქ ცხრა წელი
 დღეს ცხრა ზაჭესიც
 კი გვექნებოდა, —
 არ ვიქნებოდით
 ხალხის მტანჯველი,
 არც სისხლი
 ვინმეს დაიღვრებოდა.
 ცნობები შენი
 არ გამოგვადგა, —
 მოველით შენგან
 შესაფერ ცნობებს...

ელიზბარ, ქცევა
 შენი არ ვარგა, —
 არ მოეწონათ
 არც სხვა მეგობრებს.

II

ეროვნული
ბიბლიოთეკა

კაცი რომელსაც

უსაყვედურას

უზის მაგიდას
და წვალობს ფიქრით;
— განა ღირსი ვარ
საყვედურისა?
ნუ თუ ამცდარვარ
გზას უბედური;
კაცი მორწმუნე
მეფის და ღვთისა?“
დარდს ველარ იტევს:
არ იცის რა ქნას
და საყვედური
რისხვათ თავს ესხმის.
რა დაემართა, —
ლალატობს რწმენას?
ფიქრობს და ოფლი
ჩამოსდის სიმწრის...
— ბოლშევიკები
ვერ გავაშავე
და ვერ შემითხზავს
ყალბი ცნობები!
ო, თავო ჩემო,
ეს დააშავე
და შენც მიიღე
ეს შეცდომები!“
და ელიზბარიც
კიცხავს თავის თავს:
— გაჰყევ წინანდელ
გზას და არ აცდე!
განა შენს მეტი
სიყალბეს არ თხზავს?
მაშ, შინჯე — თავი
გამოიციადე!

დაიწყე ასე:
 — ნგრევა გრძელდება—
 ყველა შენობა
 დანგრეულია...
 აქ არც ღამდება
 და არც თენდება
 და მტკვარიც
 წითლათ ამღვრეულია
 ვერ იხიბლები
 მთვარიან ღამით,
 მალალს და შუშის
 აგებენ სახლებს,
 აქ მოსვენება
 არ არის წამით
 და ებმებიან
 ჯიბრში ერთ-მანეთს.
 და ასე, თორემ
 აღარ ივარგებს
 იყო სწორი და
 სთქვა ის, რაც არის, —
 სიმართლის მთქმელი
 ყველგან წააგებს, —
 გაჰყევ ქროლვასა
 უწყინარ ქარის...

III

კაცი, რომელიც
 იცდენს საყვამდურს

წერილს ხელმეორეთ
 გადაიკითხავს, —
 დაიგრიხება
 სარკის წინ მანქვით
 — განა ეს მე ვარ?
 თფუ, როგორა ყარს
 ეს ცნობა სავსე
 ქორით, სიყალბით...

ეროვნული
ბიბლიოთეკა

ოქროებს ფასობს
 ეს საქონელი
 და მეც რას ვაგებ. —
 ვარ იქაც-აქაც,
 ვწერ იმას, რისაც
 არ ვარ მნახველი, —
 რომ მოლაღატის
 არ მომცხონ ლაქა“.
 და ელიზბარი
 აწყობს პაკეტში
 ნიმუშებს ქორის
 და სიყალბისა, —
 წამლებს სიბრთხილით
 ჩაუდებს ხელში
 და გზას ულოცავს
 „წყალობით ღვთისა“.

დ ლ ე ე ბ ი *)

დასასრული

სოფლები აიყარენ. ოსების მრავალი ასეული დაჩარდახებული ურმები სოფლებიდან სოფლებში გადადიოდნენ. დაელაგებოდნენ და მოელოდნენ იქ მიინც მოსვენებას. საღამოს კი ახლო მიწებიდან იღრიალებდნენ ზარბაზნები, სეტყვასავით წამოვიდოდა ტყვია. რამდენიმე წამს სოფელს შემოერთებოდა ერობის გვარდიელები და იუნკრები. მოსული და დამხდური ოსები კვლავ აიყრებოდნენ და გარბოდნენ.

ნოემბერი ილეოდა. მთებზე ჭირხლი ჩამოიხსა. ტყე გაიხრილა და გუბეები გაიხიდა. გადახვეწილი ოსების ერთი ჯგუფი წონა-კუდაროსკენ გაემართა. გიკაევს ეგონა, რომ ლტოლვილები აქეთ მიინც გადაურჩებოდნენ ტყვის წვიმას. მაგრამ შორაპნის სამაზრო ერობასაც არ სძინავდა. დამსჯელი რაზმი იდგა პერევეში და ცეცხლითა და ყუმბარებით უმასპინძლდებოდა ბოლშევიკურ მოსახლეობას. ოსობა იქიდანაც აჰყარეს. ჩრდილოეთ კავკასიაში გადასვლა ყოველად შეუძლებელი იყო. მთებში თოვლი ჩამოყარა და მომსკდარი ზვაგები და მეწყრები უწყალოთ ანადგურებდნენ გაქცეულ ოსებს. თუ კი ვინმე გაბედავდა გზის განდობას, კავკავში ძნელად თუ ვინმე ჩაატანდა. გადახვეწილი ოსები ცხინვალისკენ გაეშურენ, რომ გაათფრებულ გვარდიელებისათვის თავი აერიდებიათ. მათ ღამე მოასწრებდა საღამე დიდ მინდორზე და სიკვდილის მოლოდინში პირქვეშად და ძნელად დაბინავდებოდნენ. უპატრონოდ დარჩენილი სოფლები კი გაეხვეოდნენ ცეცხლის ალში. ავარდნილი ალი ანათებდა მარცხნით კავკასიონის ქედს.

— ვინ იცის კიდევ სად ანათებდა ცეცხლი? ვინ იცის კიდევ სადამდე უწევს შუქი? — ფიქრობდა გიკაევი და თავიანთ ბინებიდან აყრილ მოსახლეობას არიგებდა აქა-იქ მთებში შერგულ ოსის სოფ-

*) დასაწყისი იხ. „პროლეტ.-მწერ.“ № 1, № 2.

ლებში, რომ ხვალ მათი მეპატრონეებიანათ კვლავ აყრილიყვნენ და კვლავ ცისა და მიწის ამარა დარჩენილიყვენ.

სუსხმა უმატა, ნაოფლარი ცხენები აცახცახდენ. კამეჩები ყინვამ დაჰკვეთა. ხარები უფრო მაგრად იყვენ. კიდურ დამძრალ ბავშვებს და ქალებს პირუტყვის ლაჯებში ხელები შეეყარათ და ითბობდენ. გარედ დარჩენილ ხალხს გიკაევი ამედებდა. არც ერთი რაზმელი ქოხს არ შეეფარებია. ადრე თუ გვიან უნდა დახოცილიყვენ, მაგრამ გადარჩენის სურვილი იმდენად ძლიერი გამოდგა, რომ მომდგარ უბედურების გამკლავებაში ერთმანეთს ეცილებოდენ.

ჯინიყაშვილი ქვაბთან იდგა. თამბაქოს აბოლებდა. თუ ვინმე ხმას გამოსცემდა, მას აუცილებლად მყრალად შეაგინებდა. ისევ გარინდებოდა და გახეთის ქალაღლში გამოხვეულ თამბაქოს ეწეოდა და აბოლებდა. ლომსაძეც იქვე იჯდა გახარატებულ ქვაზე და თოფს აწვავლებდა. ერთი ახალგაზრდა ამოხენეშით გადმოხტა და თოფს ხელი უტაცა.

— სოსნა მოგცემდე! პიტოს თოფი მოგცემდე! ჩემმა მზემ სიკვდილზე ვფიქრავ პიტოი! რალა ეშმაკად გინდა ჩემი თავი თუ დედაც მოგიკვდე, დაცა და მეც შიმშილით მოგკვდებოდე.

პიტო თავგამოდებით ებლაუქებოდა სოსნას და შაშხანას არ ანებებდა. ოსი გადმობორძიკდა. ჯინიყაშვილი ზეზე წამოვარდა და მოჩხუბარს დამშვიდება დაუწყა.

— თოფი გინდა... მთხოვო და მოგცემდი...

მოჩხუბარი შეჩერდა. ჯინიყაშვილმა გადმოიღო ურმიდან თოფი. მთელი ჩანთა ვაზნა და გადასცა. ეს სხვებმაც შენიშნეს. ვიღამაც დაიძახა, რომ თოფებს არიგებენო. სიცივისაგან დადუმებული ლტოლვილები გამოცოცხლდენ. ჯინიყაშვილი უკვე თოფებს აბარებდა, ხოლო მოშია თვლით არიგებდა ვაზნებს და ნიშნის მოგებით თუ ხუმრობით ეუბნებოდა ყველას.

— შენ ძაგა! ყვავს თვალი არ წამოთხარო.

— შენ ჯალაშვილო, გვარდიელს არ აწყენიო, ყური არ გაუხვრიტო.

— თუნდ ნიგუზალი დაადო, მაინც არ გავარდება.

— „დუმდუბი“ იმიტომ მოგეცი, რომ ბითარაშვილს კოკორახში გაარტყა.

მოშიას ყველასათვის მწვავე და ჯანზე მომყვანი სიტყვა ეშოვებოდა. ოსებს ეს ძალიან მოსწონდათ. თითქოს საპასუხო მადლობას და ხუმრობას ღიმილით ამბობდენ.

— დიდი მამაძალი იქნებოდეს მოშია! დიდი მამაძალი ხენი წირიმე!

თოფები და ვაზნები საკმაო იყო. ზოგიერთ გაბედულმა ბავშვებმაც დაიკავეს ყარაბინები. ჩადგენ სწორებაში. ტრიალში და მზადებაში, ყველანი გათბენ. თავგამეტებულმა ლტოლვილთა დორემ ქეჩო დაიყენა, აღიძრა, დაიტენა და გადაიქცა სულ სხვა ადამიანებათ. რომელთაც დაავიწყდათ, რომ ოდესღაც ისინი მშვიდობიანად ცხოვრობდნენ. აცილებდნენ წელიწადის ოთხ დროს შრომით. ყოველი ხიფათის გვერდის ავლა შეეძლოთ.

ინათლა. მზე ზარმაცად წამოდგა მძიმე ბურუსებიდან. ორიოდ ნამძინარევი სხივი შესტყორცნა მთების გადათეთრებულ კონუსებს. მდინარეებიდან ადგა მძიმე ნისლი და ფერღობებს გაეკრა. დაცლილ და გადამწვარ სოფლებში ამოძრავდნენ ცხენიანები. მათ გადასახლებულ ოსებისაკენ გამოსწიეს. ტყვიამფრქვეველებმა დაიწყეს უწყალო ცელება. მინდვრიდან ვილაც ჩასაფრებული ჯარისკაცები წამორეკეს. ლტოლვილები განცვიფრდნენ. მათ აღარავინ ეგულებოდათ უკან დატოვებული. გვარდიელებმა ოსებს მთლად სახლკარობა დაატოვებინეს. ასევე მოექცენ იმ მშრომელ ქართველ მოსახლეობასაც, რომლებიც ყველანი მალავდნენ ოსებს და ბოლშევიკებს. მშრომელ ქართველებს გამოადგათ ოსების საწინააღმდეგოთ დარიგებული იარაღი. მოულოდნელად გვარდიის და იუნკრების წინააღმდეგ გამოვიდნენ. პირველ შეტევაზე თითქმის გაანადგურეს გვარდიის ჯარი. მაგრამ მეორე შეტევისათვის ბუჩუკურმა დამხმარე ძალით და ტყვიამფრქვეველებით გლეხები ამოყარეს საფრებიდან. მათი ცოლშვილი გამოყარეს სახლიდან, აპკიდეს თავისი ბარგი, რაც კი შეიძლებოდა ურემზე დატეულიყო და სოფლებიდან ტყვიების ფეხებში სროლით გარეკეს. ოსების ცოლშვილს შეერია ღარიბი გლეხი ქართველები და ერთად აირია მრავალი ათასი ულუკმავურო ადამიანი. მათ სამივე მხრიდან ზარბაზნებსა და ტყვიამფრქვევებს უშენდნენ. ხოლო ერთი მხრით — ჩრდილოეთით იდგენ მუდამ მდუმარი და გულცივი, საუკუნეთა მოწმე კავკასიონი, რომელმაც იხილა გერმანელი ტომების დაუნდობელი და ბასრი სვლა, თემურ ლენგის თარეში, არაბთა აკლება, თურქი და სპარსთა თავგამეტება. ისინიც იბრძოდნენ, მათაც ხოცვა-ჟლეტა იცოდნენ. მაგრამ უკანასკნელი მოვლენების მსგავსი კი ქედს არ ენახა. აქ არ იყო თურქი, არც ხაზარი. აქ იყო შეჯახება მჩაგვრელის და ჩაგრულის შორის, ბრძოლა დაუნდობელი და მძვინვარე. (იქნებ მართლა ასე ფიქრობდა კავკასიონი. იქნებ გაბოროტებულ ადამიანების მაგიერ მას უნდოდა გადმოეყარა ცრემლები დახოცილ და უპატრო-

ნოდ დარჩენილ მძორების დასატირებლად. იქნებ მთები განგებ ელობებოდენ ადამიანებს და ეუბნებოდენ მათ — არ გაგიშვებთ, შევებით, დაჰკარით, გაანადგურეთ სადაც ფეხი დაადგათ, იქ ბალახი აღარ ამოვიდეს. თორემ მომაძულა თავი მრავალ საუკუნეთა დინებამ ჩაგრულთა ცრემლებით და დაუსრულებელი ვაით).

ლტოლვილები ერთიმეორეში აირიენ. მოწინავე რაზმელბის ერთი ჯგუფი საფრებიდან აჩერებდენ გვარდიელებს. ისინი უცებ შემოარღვევდენ ფრთას და სროლაზე ისევ უკან გარბოდენ.

რაზმელებმა მომატებულ გლეხებსაც იარაღი დაურიგეს. ვისაც შეეძლო ყველა რიგში ღვებოდა. ემზადებოდენ საომრად. მათ წინააღმდეგ იყო დარაზმული მეორე ბანაკი. (შეიძლება ერთი დედამამის შვილები, ერთივე კარის მეზობლები? ხოლო ადამიანს, რომელსაც ზურგსა და პირის წინ სიკვდილი უდგია, გადადის უალრეს თავდაცვისა და იერიშის თავდავიწყებაში. მაშინ ის უფრო საშიშია ვიდრე ლომი, რომელსაც ლეკვი მოსტაცეს და მზადაა გაწვდილ შუბს მოუფიქრებლად გული შეაპოს).

ბრძოლაში დღეები ჩქარა გარბიან. აქ სიბერე შემოგეპარება დევრც კი შენიშნავ ჭალარის გარევის. ზამთრის დღე მოძრაობაში დაილია. გლეხებს მთაში დასახევი გზა აღარ გააჩნდათ. ერობის ჯარის ცხენოსნები გუნდებთ გადმობრბოდენ გრძელ მინდორზე. მიაწვეენ აყრილ მოსახლეობის ბანაკს. გავარდა თოფები. ცხენებიდან გადმოცვივდა გვარდიელები. მათ უკან დაიხიეს. ამავე დროს მარჯვენა გაუმაგრებელ მხრიდან მოულოდნელად ტყისკენ მოაწვა ერთი ესკადრონი და ხელჩართული ბრძოლა გააჩაღეს. ქალები და ბავშვები შიშისაგან აღარც კი კიოდენ. გატყდა გიკაევის მოწინავე რაზმი. თითქმის ყველანი ამოხოცეს. შორს დაიქუხა ზარბაზნებმა და ლტოლვილთა ბანაკის ყველა ჯგუფებსა და დაჩარდახებულ ურმებში ჩაეცა ყუმბარები და აფეთქდა. მოეკიდა ცეცხლი ოჯახის ნივთებსა და ურმის ხეებს. ვადარჩენილი ადამიანები ეყარენ ძირს და აღარც ფიქრობდენ ალბად, რომ ოდესღაც ისინი ცოცხალი იყვენ. ალბად დაავიწყდათ რაა სიცოცხლე და სიკვდილი. რადაა პირველი ტკბილი, რადაა მეორე მწარე და საშიში. გვარდიის დამკვრელი რაზმი — საყვარელიძის ესკადრონი ერთბაშად ჩაერია შეტაკებაში. მათ შეჯობრი გააჩინეს ცოცხალ ადამიანების გაჩეხვაზე. საყვარელიძე ბავშვებს არჩევდა, ხმლის პირს თოთო ძვალი და რბილი ვერ იჭერდა და ერთ წუთს მთელს გვარდიელებში საუკეთესო ხმლის მომხმარებლის სახელი დაიგდო. მოშორებით ჩასაფრებული გლეხები კი უკანასკნელ შეტევისთვის ემზადებოდენ. ამ დროს საყვარელიძემ ურმიდან გადმოათრია ლომ-

საძეს უმცროსი ქალიშვილი და გააჩერა. არავინ იცოდა რა მოხდებოდა. გლეხებმა თოფების სროლაც ვერ გაბედეს. უცებ იპრიალა იარაღმა შუქზე და ქალის სხეული ორივე მხრით გადასცვივდა. სოსნამ თვით დაინახა გაჩეხილი შვილის გული, ჯინიყაშვილი თითქოს ჭკუაზე შეიშალა და გაიძრო ლეკური.

— აქ ოსი არ არის, აქ ქართველი არაა გიკაევო...

— წინ ბიჭებო — დაიძახა ვილამაც. გადმოცვივდნენ საფრებიდან და უკანასკნელი ძალებით ეკვეთნ მტერს.

გვარდიელბმა უკან დაიხიეს. ბრძოლა მიწყნარდა. მრავალ ასეულ ლტოლვილიდან ერთიც აღარ გადარჩენილიყო. გიკაევის ბიჭები თითქმის ყველანი მკვდრები ეყარნ. გარდა თვით გიკაევისა და რამდენიმე კაცისა. რამდენიმე ბიჭმა დაუარა მინდორს. ჯინიყაშვილმა მონახა დაჭრილი ლომსაძე. მხარზე შეიგდო ის და წავიდა. დამარცხებული გვარდიელები გონს მოვიდნენ. არ გასულა სულ რამდენიმე საათი, რომ საველე ზარბაზნებმა ყოველი მხრით დაიწყეს მოქმედება და მთის სოფლებსაც გაუჩინეს ცეცხლი. აეროპლანებმა მიუდგომელ სოფლებს დაუშინეს ბომბები. ერთი საათის განმავლობაში მთელი მთა ოსეთი ცეცხლში გაეხვია.

შპალის მუშები უმძევლოდ დაიხოცნენ. ქიათურის ვაგონის მუშების რაზმიც (რომელიც ბოლშევიკური იყო) თითქმის სულ ამოწყდა, გარდა ერთი ათეულისა. ისინი ერთ დაცულ ადგილას მოხვდნენ და სრულიად შემთხვევით გადარჩნენ.

გიკაევის განკარგულების თანახმად ყველანი მიუდგომელ მთაში გაიქცნენ.

ომმა საშინელი და გულშემშარავი შთაბეჭდილება დასტოვა. ნაბანაკევეს მენშევიკების ჯარების მთავარსარდალი თვით მოვიდა. უამრავი დახოცილი ვაჟკაცები, მოხუცი ქალები, შუაზე გაჩეხილი ბავშვები მინდორში ჩაკაფულ ტყესავით ეყარნ. ამ სურათის დანახვაზე ჯარის უფროსმა თავიც კი არ გადააქნია, ეწეოდა პაპიროსს და უფრო თბილად იხვევდა ახლად შეკერილ ინგლისურ მაუდის „პადიოვკას“, უბრძანა მკვდრების დაგროვება ცალ-ცალკე გროვებათ. ორასი გვარდიელი მთელი ღამე მუშაობდა და ურმებით აგროვებდნენ მკვდრებს. როდესაც მთლად მოთავდა მკვდრების შეგროვება, მოიტანეს მანუთი, გადაასხეს და ცეცხლი მისცეს. დილას ნაბანაკევეზე მოსჩანდა მხოლოდ სისხლი. ნიავს კი ბუმბულივით გაჰქონდა მსხვერპლთა ფერფლი და აფრქვევდა გაშლილ ქართლის მინდორზე.

ღამით, გამარჯვების ადგილას გამოცხადდნენ მთავრობის და დამფუძნებელი კრების წევრები. ბითარაშვილს საგანგებო ვახშამი გა-

ემართა. ვახშამზე იყვენ სამაზრო ერობის ყველა ხმონები, დაუსრულ-
ლებლად გათენებამდე ისმებოდა სადღეგრძელოები. მსხვერპლი კი
იწოდა და ანათებდა ქალარა კავკასიონს. ბოლოს მათაც მოსწყინდა
საშინელების ხილვა. უცებ წარბი შეიკმუნხა. გაეხვია ღრუბლებში,
გადმოღვარა ცრემლები მწარე და მძვინვარე. ალბად ცრემლები აღ-
მიანის გულთა სიცივეს ველარ უძლებდენ და მიწის პირამდი გაცი-
ვებული ხრილებად ეცემოდენ.



ორ დღეში ეს ამბავი მთელ საქართველოს ელვასავით მოედო.
სოფლები უკმაყოფილოდ გამოიყურებოდენ, რკინისგზელებმა სტი-
ქიურად შესწყვიტეს მუშაობა. ქარხნებმაც გაფიცვა გამოაცხადეს.
გლეხები მოთმინებიდან გამოდიოდენ.

ამათ საპასუხოთ თავადებმა და ბობოლა მიწადმფლობელებმა
შეადგინეს რალაც ბანდები. თავისიანსვე ჰკლავდენ, ბოლშევიკების
სახელითვე ამოხოცდენ მშრომელ გლეხებს, აწყობდენ პროფკაცციას
და სამაზრო ერობებს აძლევდენ საბაბს სოფლებში ეგზეკუციის ჩა-
საყენებლად. პრესა ერთხმად დამფუძნებელი კრების მხარეზე დადგა.
ჩააბეს პოლიტიკაში სკოლის ფანტაზიური მოსწავლეობა, მოიხმარეს
ეროვნულ აგიტაციის ყველა სახის სამარცხვინო საშუალებები. მშრო-
მელი გლეხობა და მუშები გამოიყვანეს ყველა უმსგავსოების საწყი-
სად. შეიქმნა აღამიანის ფენქვეშ გათელვის რეჟიმი. მიხურეს ბოლ-
შევიკების ორგანოები. ბოლშევიკობა კი ვისაც შეეთქმოდა, მას უწყა-
ლოთ სტანჯავდენ ციხეებში და ასახლებდენ სამშობლოდან. ბუჩუ-
კურმა მთელი ცხინვალისა და დუშეთის მაზრის მთის რაიონები
მთლად გადასწვა. ცეცხლი ყველას აჩვენა და ჩაუყენა გვარდიელები.
მშრომელ გლეხობას უსასყიდლოთ ატოვებდენ და ხელს აღები-
ნებდენ ჭირნახულზე და სახლკარობაზე. მოსახლეობა რამდენიმე თვე-
ში გალატაკდა.

ქალაქი გადასამუშავებელ ნედლეულს ველარ შოულობდა. დაი-
ხურა ქარხნები. გასაბჭოებულმა ბაქოს მუშებმა უარი განაცხადეს ნავ-
თის მიწოდებაზე. ნავთის გადმოსაზიდავად გაგზავნილი მემანქანეები
და ბრიგადები უარს აცხადებდენ სამშობლოში დაბრუნებაზე. მთელს
საქართველოს გზებზე მატარებლები დადიოდენ შეშით, რომლისთვი-
საც არც ერთი ორთქლმავალი მოწყობილი არ იყო. განადგურდა
ტრანსპორტი. დაეცა მრეწველობა. შესწყდა ექსპორტი. ხოლო სა-
ზღვარგარეთელი ვაჭრები შემოტანილ საქონელში ლებულობდენ

ბრუტო ოქროს და ვერცხლს, მასრებს, ხანჯლის ვერცხლის წვერებს, ქამრის ბალთებს, ხატის თვალებს, მარჯანს, ქარვას და ყოველგვარ ძვირფასეულს. ხალხი გატყავდა, გაიძარცვა და ძვალზე მიდგა. მდგომარეობა დაიჭიმა, ჩამოწვა საშინელი კრიზისი, პატარა რამე ფაქტი იყო საჭირო, რომ ნამცვეცი ზევად გადაქცეულიყო, რომ ხალხს კისრიდან მოეხსნა ერობის გარეწარული პოლიტიკა.

გადარჩენილმა რაზმელებმა დაიხიეს მთებში და შეეხიზნენ პატარა ოსის სოფელს და თითო ორ-ორად ჩამორიგდნენ ბოსლებში. გიკაევმა დაიბინავა ერთს მიგდებულ ქოხში. ქოხთან საქონლის ბზე არეულ ნეხვით შეღესილ გძელურ საბძელში იყვენ დაქრილები, რომელთაც უვლიდა და საჭმელს უკეთებდა მარგალუ ერთი ოსის დედაკაცით. ისინი ხარშავდნენ დოს. ოსებს თვით მოქონდათ ერბო. მარგალუ აღულებდა ერბოსთან დოს შექამადს. კართოფილი იხარშებოდა დიდი ქვაბებით უხვად. რაზმელები კი დადიოდნენ სოფელში: შოულობდნენ ქირჩახულის რახს, ქუბა-თვაბუას არაყსა და ლუდს. გვიან გრძელ ზამთრის ღამეში ფცქენიდან კართოფილს და აყოლებდნენ სასმელს. ხანდახან დაითვრებოდნენ, იგინებოდნენ და ღრიალებდნენ გათენებამდე.

ჯინიყაშვილიც შეიპყრო გამოუცნობმა ჯავრმა. საღამოს, როდესაც მას აღარავინ უყურებდა, საღმე ნათლიებში ჩაუხვევდა. ლუდით და არყით აირევდა თავსა და ზევ თოვლში მთელი ღამე დაბორიალებდა ბოსლებში ბიჭებთან. მას ყველა იცნობდა. ის ყველას კბილების ღრქიალით უტრიალებდა დედმამის სულსა, მაგრამ არავინ სწყინდათ და პირიქით ისეთი შთაბეჭდილება შეიქმნა, რომ ჯინიყაშვილი გინების გარეშე საჭმეს ვერ გააკეთებდა და არც ლაზათი ექნებოდა. ღამე, როცა ძაღლები ყეფას მორთავდნენ ყველამ იცოდა, რომ ჯინიყაშვილი ლუდით შეხურებული კრაველის ქუდით, კეტით დაბჯენილი მიდიოდა ავადმყოფ სოსნასთან და სხვა ბიჭების საგინებლად.

ლომსაძე უკანასკნელ შეტვეის შემდეგ მძიმედ დაქრილი უძრავად იდო ლოგინზე. ჯინიყაშვილი შემოვიდოდა მასთან. დიდხნის დუმილის შემდეგ კვლავ გაბრუნდებოდა. მეგობრები დუმილით უხვდებოდნენ ერთიმეორეს და დუმილითვე სცილდებოდნენ. ჭრილობები ბოლო დროს უწყალოთ ძნელდებოდნენ და ყველა ავადმყოფები უფრო სწუხდებოდნენ. პირველ მშრალზე თავდასხმები უნდა განახ-

ლებულიყვენ და ავადმყოფების ბარგად ყოლა ყოვლად შეუძლებელი იყო. დოც შემოვლიათ. კართოფილი და ქერის პური ავადმყოფებს ისე მოსჭულდათ, რომ პირს აღარ აკარებდენ. ძროხის, ხარის, თხა და ცხვარის ყიდვა შეუძლებელი იყო. ფული არავის ჰქონდა. ვაზნასა და თოფის გამეტება ისევე არ შეეძლოთ რაზმელებს, როგორც ორივე თვალების ამოთხრა. მარგალუს რაც რომ ჰქონდა დედმამის ნაჩუქარი ნივთები, ყველაფერი გაყიდა ავადმყოფებისათვის ხორციულზე. ავადმყოფებისათვის ბიჭებმა ქამრებს დააძრეს ბალთები, მოაცილეს ხანჯლებიდან ვერცხლის სევადები და გაჰყიდეს. მთის პაერზე ქამის მადანზე მოსულ ხალხს და დაჭირილებს არაფერი უძლებდათ. შიშნელი უნდა ჩამოვარდნილიყო.

ყველა ყალყზე იდგა, იარაღში ისხდენ და ემზადებოდენ დიდი ამბისთვის. მოთელილ თოვლით, გალესილ მოედნებზე გროვდებოდენ რაზმელები და მთელი სოფელი ერთბაშად აივსო. გვირაბის და შპალების მუშების გუნდი კვლავ შეივსენ. იქიდან კარგი ბიჭები გამოარჩია გიკაევმა და ჯგუფის თავებად ჩაუყენა გლეხების გუნდებს. ცხენოსნობაში გლეხები კიათურლებს ჯობნიდენ. ფეხოსან მწყობრში და ტყვიამფრქვეველში მუშები ეშმაკის სიმარდეს და კლდის პირყოფობას იჩენდენ. უკვე ქოხში ჩუმად მივიდენ კავკავიდან გალაქტიონ ვაშაძე და რამდენიმე წითელი კომანდირები. მოიტანეს ნაბეჭდი ფურცლები, წიგნები და პროკლამაციები. მთელ მთის ოსეთს მოედო ხმები, რომ საქართველოს ყველა სოფლები აჯანყდა, მთავრობა და დამფუძნებელი კრება მარტო გვარდიისა და იუნკრების ამარა დარჩა, რომლებიც მარტო კოჯორის სიმაგრეებზე იდგენ და მის დასაცავად არ კმაროდენ. ჯარისკაცები ბუშლატებს და თოფებს იპარავდენ და სახლში გარბოდენ. სარწმუნო წყაროებიდან მოდიოდა ცნობები, რომ სოხუმში მეცხრე არმიამ გადმოლახა. აღმოსავლეთიდან მუშებისა და გლეხების დახმარებით მოდიოდა ჟლობა ცხენ-არმიით.

თებერვლის დღე ილეოდა. ცაზე შედრეკილი ღრუბლები გაწყვეტილიყო და გაზაფხულისთვის მოძალებული მზე წითლად ღებავდა ცის დასავალს.

ყველა ფლანგები მზად იყვენ დიდი ხნის მოუპარსავი წვერებით. მთელი თავისი წვრილობანებით მორთული წითელარმიელის მეთაურის ტანსაცმელში ჯინიყაშვილის წაბლაზე შემგდარი გიკაევი იღვა რაზმელების სათავეში. მარგალუმ მას რალაც გადასცა.

სალამოს მზის სხივზე გაიპრიალა ხმალმა და რაზმელებმა ერთბაშად დაიღრიალეს.

— გამარჯვება ქოხებს, ომი სასახლეებს!

ყველაფერი უპაერო სივრცის სიჩუმესავით გაინაბა. შეძახილს თითქოს ქვაც დაემოწმა.

გაისმა განკარგულების ხმა და რაზმები დაიძრენ.

გიკაევი მიუძლოდა მათ. რამდენად ბარში ჩამოდიოდენ, იმდენად თოვლი პატარავდებოდა. მოსჩანდა გაშლილი ვეებერთელა მინდვრები ფრონებით გადასერილი. ისმოდა ქუხილი და არეული თოფის ხმები. გზაში ხედებოდენ გლეხებს. მათ ამ ქუხილის არ ეშინოდათ. პირიქით, სოფლები მიუხედავად გვარდიის საშინელი ავტაციისა, არ იძროდენ ადგილიდან და უცდიდენ ქუხილის შედეგს. ისინი სამართლიანად ამზობდენ „თუ თქვენზე უარესები მოდიან იმ მხრიდან, მინც ვერსად გავექცევით“—ო.

ბობოლები და აზნაურები კიდევ უფრო იმიტომ ბრაზდებოდენ, რომ გლეხები არ ეგებოდენ მათ პროვოკაციაზე და სოფლიდან ფეხსაც არ იცვლიდენ. ზურგიდან ჩამოსულ გიკაევის ბიჭებთან ძალიან კარგ განწყობილებაში იყვენ. ჯინიყაშვილის ერთ დაძახილზე ყველანი გამოდიოდენ ყრილობაზე. გიკაევის ბიჭები მოიჩქაროდენ გარინდულად, დაულალავად, თითქოს უნდოდათ მოესწროთ ვინმესათვის დანაშაულის ადგილას, გავრცელდა ხმები, რომ ქვენა ტკოცა აიღეს. მატარებლები მოდიოდენ დაქრილებით დატვირთული, მათ სურამში აგზავნიდენ დიდ საავადმყოფოებში. სოფლებში გაჩნდენ დეზერტირები. ისინი იარაღს ჰყიდდენ და შიგნით თავისივე სოფელში ახდენდენ თავდასხმებს. გიკაევემა რამდენიმე ასეთი პარტია დეზერტირებისა დაიჭირა და მათი იარაღით ბიჭები შეაიარაღა.

დეზერტირები რაზმელებათ ჩაწერას იხვეწებოდენ და ამზობდენ:

— ამხანაგებო, ჩვენ მოგვატყუეს, ისინი ძალიან „ტავარიშჩებს“ გვეძახიან. გვარდიელებმა ვინც დაიჭირეს, ყველანი მაშინვე დახვრიტეს. იმათ მშიერ ჯარისკაცებს პურიც კი არ მისცეს...

გიკაევემა იცოდა, რომ ისინი შეცხრე არმიის ჯარისკაცები იყვენ. რაზმელებზე ასეთი ლაპარაკი დიდ გავლენას ახდენდა. უფრო იჩქაროდენ და მთელი დღე და ღამე გარბოდენ საბრძოლველად და სამავიეროს გადასახდელათ.

ქიათურელები და შპალის მუშები მწყობრად მიდიოდნენ, მათ ცხენები არ ჰყავდათ, მაგრამ რა მხარეზედაც ისინი იყვნენ, აუცილებლად იქით მტერი განადგურდებოდა, ტყვია ნიშანს არ ცილდებოდა, და საფარის გაკეთება ისე მოხერხებულად იცოდნენ, რომ ტყვია ერთსაც არ დააკლდებოდა. გადმოდიოდნენ ბორცვებში და გორაკების დაფენებებში.

ლომსაძემ დაიწინაურა. სროლა ახლოს ისმოდა. გათენებამდე უნდა მოეხდინათ ახლო-მახლო ადგილების დაზვერვა. გაეგოთ ვინ სად იდგა და რაში იყო საქმე. ის რამდენიმე ბიჭით გამოვიდა ქინძათის გორაკებიდან ფლევის ქოჩორა ტყეებში. ნელა მოდიოდნენ, კვრინჩხებსა და ძეძვებს ეფარებოდნენ, ტყის იქით ნელა ამოდიოდა ბოლი. მოდიოდა ნაშწვრის სუნი. ეტყობოდა იქ იყო დარაჯი. ახლოს მიპარვა სცადეს. მიწას გაეკრენ და მუცლით გახობდნენ თოვლზე. მუხის ძირებიდან გამოჩნდნენ გვარდიელები. ისინი თამაშობდნენ კარტს. ოფიცრების პატარა კარავიდან ნაპრალში იხედებოდა გაშლილი სუფრა და მოისმოდა ნელი შემოძახილი. მზვერავები გაერთნენ, ნელა მიხობავდნენ, თითქმის მთელი ტყე გაიარეს. ლომსაძემ თავი გაჰყო კვრინჩხიდან და გვარდიელს ბუშლატიან ნიდაყვში წაჰკრა ცხვირი. გვარდიელები ზეზე წამოხტნენ.

ლომსაძე ბიჭებით ტყვეთ ჩავარდა. მათ იარაღი აჰყარეს და ოფიცრების კარავისაკენ წაიყვანეს.

სოსნამ მაშინ დაინახა გვარდიის მთელი ათასეული ფლევის ტყის გადაღმა ტაფობში ჩაწოლილი და დამზადებული.

მოემზადენ.

გიკაევის რაზმელებს და გვარდიელებს მარტო ტყე ჰყოფდა. გვარდიელებმა გამთენიის სინათლეში დაინახეს გიკაევის რაზმელები. საჭირო იყო ზედმეტი სიჩუმე. მზვერავები შეკრეს და პირში ჩაუტენეს ნაზღის ძველები, რომ ხმა არ ამოეღოთ.

კარავიდან მოისმოდა ტყვეების გასამართლება. მაღალი ინგლისურ მაუდის პადიოვკაში გამოწყობილი უფროსი მოითხოვდა დახვრეტას. ყველანი თითქმის დაეთანხმნენ. ამ დროს ვილაც მოვიდა და რალაც მნიშვნელოვანი ამბავი მოიტანა.

გიკაევი მთელი თავისი რაზმელებით ზედ მისულიყო და არაფერი იცოდნენ. გვარდიელებმა ტყვიამფრქვეველები მოიმზადეს. ინათლა თუ არა, ტაფობიდან თავი გადმოყვეს და გორაკზე წამოიშალენ გიკაევის რაზმელები.

თ ა ფ...

იქეა თოფებმა. ტყვიამფრქვევლები ამუშავდა, რაზმელები დაიბნენ. ჭიათურლებმა და შპალის მუშებმა ნაწილობრივ მოასწრეს ჩასაფრება ძეძვებზე მოდებულ ნამჭერებში. გვარდიელები შეტევაზე გადავიდნენ. უსაფრო პარტიზანები ჩათიბა ტყვიამ, ვინც საფარში მოასწრეს ისროდნენ და გვარდიელს წინ წაწევის საშუალებას არ აძლევდნენ. გვარდიელების სროლაზე გაღმა სოფლები ერთბაშად გამოცვივდნენ. გლეხები თოფებით ხელში გამოობოდნენ მინდვრებზე და უსიტყვოდ ემატებოდნენ რაზმელების საფრებს. გამოილია მოსული გლეხები, მთლად ამოწყდნენ შპალის მუშები, ჭიათურელ მუშების საფარში რამდენიმე კაცი დარჩა. მარცხნივ ჯერ კიდევ მაგრად იდგა ჯინიყაშვილის გუნდი. ისინი, მეორე ფლანგით დაცულ ადგილას მოეხვიენ და დიდხანს გაუძლეს. გაისრისა უკანასკნელი ძალა, დასჭრეს გიკაევი. გვარდიელების ნაწილი დაეცა აჯანყებულთა საექიმო მარხილს. უცებ ზურგიდან მოისმა სროლა. გვარდიელები შეჩერდნენ ვერ გაიგეს რა ხდებოდა. ალბად ზურგიდან არ მოელოდნენ არაფერს.

გუჯარელ და გომის ოსების ერთი რაზმი ზურგიდან მოექცა და გვარდიელები დამარცხდნენ: მათ იარაღი დაყარეს.

გიკაევის რამდენიმე ასეულ კაციდან გადარჩა სულ ათიოდე კაცი. გომელები-გუჯარელები საფრებში იყვენ ყოველ შემთხვევისათვის მზად. ჯინიყაშვილი და ლომსაძე გვარდიელებს უკვე იარაღს ართმევდნენ.

გამარჯვება ხვდათ რაზმელებს. მაგრამ წინ, შავ ზღვამდე კიდევ ბევრი იყო საბრძოლი და უნდა წასულიყვენ. განიარაღებულ გვარდიელების დატოვება არ იქნებოდა, ისინი კვლავ თოფებს მოჰკიდებდნენ ხელს და რაზმელებს ზურგიდან მოექცეოდნენ.

ლომსაძე ცხარობდა. ჯინიყაშვილი კი ჩუმად იდგა.

— მოვიშორით თავიდან გერისო თორემ მაგენი საქმეს გაგვიკირებენ. — იხვეწებოდა ლომსაძე, მაგრამ ჯინიყაშვილი არაფრის გულისთვის არ თანხმდებოდა. ლომსაძემ იცოდა, რაც უნდა მოყოლოდა მოწინააღმდეგეს დაზოგვას. მას ახსოვდა ჯარის და რუსეთის 1917 წლის ამბები. მან ხელის ბომბი აიღო ორივე ხელებში და უნდოდა ერთად შეყრილ გვარდიელების შუაში ჩაეგდო. აღარავინ გადარჩებოდა.

— რას შვრებოდე — ორასი კაცის ერთად როგორ დაიდებდე ცოდვა.

ჯინიყაშვილი ეცა ხელში ლომსაძეს და ბომბები წაართვა.

— გაშ რა უყოთ რა მოვანერხოთ. ვის ვკითხოთ რჩევა.

გიკაევი გუჯარელ და გომელ რაზმელების ქოხში იყო ფრონის პირზე უგრძობლად.

— იცი, სოსნა. მოდი ლენინს ვკითხოთ, ორასი კაცი ერთად როგორ მოკლავდე ჯინიყაშვილი. ამას ვერ ვიზამდე. ჩემმა-მზემ ვერ ვიზამდე.

ჯინიყაშვილი დაეყუდა ძირს ტელეფონის ყუთსა და იძახოდა...

— მოსკოვი... მოსკოვი... წითელი მოსკოვი... ლენინი... ლენინი...

— სულ ორასი გვარდიელი დავიჭირეთ... რა უნდა უყოთ...

ვინ იცის ტელეფონი სად რეკავდა. ლომსაძემ იცოდა, რომ ეს ხმა ლენინამდე ვერ მიახწევდა. ტელეფონი სადმე იქვე ორ ნაბიჯზე იყო გადაჭრილი. სოსნა თვითონაც შედრკა, გადაეგდო თუ არა ბომში.

ყუთს დაყრდნობილი ჯინიყაშვილი ფიქრობდა გასაბჭოებულ სამშობლოზე. ჩამოიტანა ყველი და კარაქი გორში, გაყიდა. აიღო ფარჩა, ფეხსაცმელი, იყიდა შვილებისათვის საჩუქრები, მოაჯდა ლაფშას, გამოუარა ლომსაძეს, სვეს ერთი თუნგი არაყი და გაუდგა გზას მთისაკენ.

ლენინ... ლენინ... ლენინ...

გვარდიელებმა შენიშნეს, რომ ჯინიყაშვილი და ლომსაძე შედრკენ სისხლის წინაშე. ვილაც ჯგუფიდან გადმოხტა. ქორივით დაახტა თავზე ტელეფონის ყუთზე დაყრდნობილ ჯინიყაშვილს და ხანჯალი მარცხენა ბეჭში ჩაურჭო.

— ძაღლის ჯიშო... დაუძახე ლენინს...

ლომსაძემ დაინახა სულ-მოზრდავი ჯინიყაშვილი. გაიჭნია მკლავები და ორივე ბომში ერთბაშად დაარტყა შეგროვილ გვარდიელებს შუა გულში, კიდევ ორი და ისინი ცოცხლები აღარ იყვნენ. დანარჩენი კი ახლადმოსულმა რაზმელებმა გარეკეს. უცებ იგრიალა გორაკების თავიდან ცხენოსანთა ტალღამ. მოდიოდნენ ხმლების პრიალით ელობას ცხენ-არმიელები.

ჯინიყაშვილმა ყუთზე ხანჯალ-გაყრილმა დაინახა ელობელები გაწვდილი ცხენის კისერ ფაფრებით, „ბუდიოვკა“ ქუდზე დაკრულ დიდი ვარსკვლავებით. დახუჭა თვალები და არასოდეს არ გაუხელია.

დ ღ ე ე ბ ი ს ო ფ ლ ა დ

1

მზის სილამავედით ღამე ბერდება,
სივრცე მასპინძლად რჩება დილისთვის, —
და მე მგონია ეს გათენება
არის ქარხნის და არის ტფილისის.
მაგრამ ფანჯრიდან მოსჩანს ლურჯი ცა,
ცის ქვეშ ღობე და ეზო ყამირი —
მოდის ოთახში ხეთა ბუჩქი და
ხბოს მომლოდინე ძროხის ბლავილი.

ფანჯრის კრიალით სახლი იღვიძებს, —
თითქო მზე ტალღად აქეთ მოგორავს.
— ტოვებს საწოლს და პირველ ღიმილზე
ქათმებს გასძახის გლეხის გოგონა.
მის ხმას მიყვება საჭმე მშობლების,
შინა წეს-რიგის შრომა მყარდება...
— მეც ვძლევ ლოგინს და თვალით სოფელი
კედლის ნოხივით მფარავს კარებთან.

2

ღლის გამარჯვებას მოსდევს სხვა სახე; —
თითქო ქალაქმა თავი იჩინა.
— მოდის ლაშქრულად სოფლის შარაზე
გლეხთა რაზმი და გლეხთა ყივინა. —
და ჩემს მასპინძელს მოაქვს ამბავი,
თან ჩვეული და სასიხარულო:
— დღეს არტელებმა მინდვრად გუთნებით
უნდა მთლიანად გავიმარულოთ.
— დღემდე ეს კითხვა ვწეწვით გულდაგულ,
ეხლა უფლება არტელს ვანიჭეთ. —

აღბად მოხვალთ და ნახავთ გადადგმულს
ჩვენი გლეხობის პირველ ნაბიჯებს.

საქართველოს
სოციალისტური
რევოლუციის

მე ვეთანხმები. —
გრძნობა მამალებს;
ამ რაიონში ვარ ბრიგადელი.
გლეხის ქერია ჩემი სასახლე
და სამოქმედოთ მთელი სოფელი.

3

თემი, რომელსაც ლექსში ვიამბობთ,
არის ოჯახი კოლექტივების, —
რითაც რაიონს აქვს საღიადლოთ
მისი ფრონტი და ბრძოლა პირველი.
აქ ჩემს წინაპრებს ჰქონდათ სახლკარი.
მეურნეობა წვრილი, — ბორკილად.
მაგრამ ერთხელაც პურით მაძლარი
მათი ოჯახი აღარ ყოფილა.
მამაც ამიტომ ქალაქს დაენდო,
იგრძნო ქარხანა მუშის მკლავებით...
— დავრჩი ბაბუსთან და მეც საერთოდ
აქ გავატარე წელი თვრამეტი.

4

ესლაც,
თვალს ვახელ ნაცნობ მინდვრებში,
მესმის ისევე შაშვის გალობა. —
მაგრამ გლეხობა სხვა იერიშით
იპყრობს მიწას და დღის ქედ-მაღლობას.
თითქო ფრონტია მტრის წინააღმდეგ;
მიჯნა,
მიჯნების რღვევით იქცევა.
— ხე საკუთრების ხმება ძირამდე
და წვრილ მეურნის ყველა თვისება.
— იბრძვის გუთნებთან ერთად ტრაქტორი.
— იწვევს შეჯიბრში ნიშა ნიკორას,

აქ არავინ სჩანს მიწის პატრონი,
გუთნის ბორბლები რიგზე მიგორავს.

აგერ, ჩემს თვალწინ გორა აყარეს.
სახნისს ამოყვა ქვა და ნახშირი. —
გლებს აქ,
რომელსაც ჰქონდა საყანე,
დარჩა ნახულით სახე გაშლილი.
ასე მეორეც... —
და ამნაირად
ნაქერს ეზრდება მიწის ნაქერი.
— ფართო გარემოს იძენს სარბევად
მანქანები და გლების მარჯვენი.

მეც ვამძიმებდი ამ ველს, ამ მინდორს,
როცა ხის ფარცხზე მსვამდა ბაბუა. —
შემდეგ საკუთრად ველმა დამინდო
და საკუთრების ფიქრი მამურა. —
მაგრამ ყველაფერს სახე ეცვალა;
მოკვდა ბაბუ და ფარცხი რგოლებით...
— დღეს ამ მხარეში მთელი ცხოვრება
აქვს სარბიელად მთლიან კოლექტივს.

5

დღე გამუდმებით დავალ ნუგეშით.
მრავალ ფეროვან განხრით ვმუშაობ:
— ხან ვხელმძღვანელობ კრებებს უბნებში.
— ხან ვენმარები გლებებს უშუალოდ.
აქ გარჯილობას ვინ მოწყინდება,
თვით ასპარეზი შეეჯიბრს გიცხადებს. —
ჩამორჩები და პირ-შავ უწყებას
თემი დაგიწერს პირად გაკიცხვით.

გუშინ გლებობას ჰქონდა მიტინგი,
ასამართლებდნენ ცნობილ ბობოლებს.
— აზრი იმათი, გულს მიტანილი
საამდღეისო იყო ბოლომდე.

და აქ პირველად ვნახე მტრის ცრემლი,
სიკვდილის განცდით რომ ისახება. —
მებრძოლ გლეხობის თქმა შეუცვლელი
და ბოძოლების გადასახლება.

მე ვავიფიქრე:

— ბრძოლა აშკარა

ჯერ არ გვქონია სოფლად ასეთი...

— ჩვენც შეტევების აღსანიშნავად
ავასაუბრეთ სოფლის გაზეთი.

გლეხმა მიღწევა თვითონ დასწერა.

გამოამქლავნა ნაკლი გზა და გზა...

და საკუთარი საქმის დაწყება

შრომის სიმღერის ხმაში გაზარდა:

— გლეხებს მარჯვენი მუდამ ვაგვიჭრის;

სასახლეებით შევცვლით გომურას.

— დღეს კოლექტივი.

— ხვალ წინ ნაბიჯი...

და ზევისათვის მიინც

— კოშუნა.

6

ორლობეებში მზერას ვამაღლებ,

ვხედავ ფაქტებით საქმის მტკიცებას. —

მშის ამოსვლიდან დაღამებამდე

გლეხის ცხოვრება როგორ იცვლება.

და აგერ ეხლაც.

ვხვერავე იმ მხარეს.

სადაც ბაბუას ჰქონდა სახლ-კარი.

— არის, კრება და ყოველ ნათქვამზე

ისმის სიტყვები ახალ-ახალი.

— ძმებო აქამდე. — ამბობს მოხუცი. —

მიწის ნაჭრების შოვლამ გამტება.

დღეს მას ვარღვევთ და ალბად სიცოცხლე

ვაგვიხანგრძლივებს თვალის გახელას.

მეც ხმას ვუერთებ... —
 სუნთქვა გაზშირდა...
 კოლმეურნეთა საკითხს ვეხები.
 თუმცა დღის თემას ვარკვევ გაშლილად,
 აღარ მასვენებს მაინც გლეხები.
 — ბიჭო ჩვენი ხარ, მჰადით გაზრდილი,
 ჩვენთან თვრამეტი წელი მოღალე.
 გინახავს სოფლის ყველა მანძილი
 და ამ ცხოვრების მტერი-მოყვარე
 სოფლის აფ-კარგი შენებრ ვინ იცის, —
 ალბად მოგცემდა რამეს მგზავრობაც...
 გვითხარ:
 — რას შერება ჩვენი ტფილისი,
 ან, და,
 — რას ფიქრობს ჩვენი მთავრობა.

მე მელიმება...
 რა ვთქვა ახალი,
 უნიადაგოთ როგორ ვიცელებო.
 — მეურნეობა შევექმნათ მაღალი,
 ჩვენივე შრომით, ჩემო ბიძებო.
 საქმე,
 რომელიც დღეს თქვენ მორკალეთ
 არის ცდებიდან გადმონერგილი.
 — ეს გადაწყვეტა არის ვეკაბე-ს.
 — ეს ამოცანა არის ლენინის.

და მ ძ ვ რ ე ლ ი ქ ა რ ხ ა ნ ა

მანქანის ძრავებს
 აგუგუნებს
 ელექტროს დენი.
 და უზარმაზარ
 საქსოვ ქარხანას
 გააქვს გრიალი;
 ბარაქიანობს
 სოც-შეჯიბრის
 გმირული დღენი
 და მიინც ვამბობთ:
 — „ეგ მიღწევა
 არის გვიანი“.

ჰაიასტანის
 კომბინატი
 აგზავნის ბამბას.
 აქ ფეიქრები
 სწრაფად ქსოვენ
 ნარმას და ხამებს,
 დღეს ეს ქარხანა
 ეჯიბრება
 მეორეს ალბათ
 და მძიმე შრომით
 ათენებს ღამეს.

ქარხნის მიღები
 კვლავ იწყებენ
 ადრევე ყვირილს,
 და გარიჟრაჟზე
 ფართო ქუჩას

სიცოცხლე ავსებს,
 აქ შრომის უინი
 ხანძარივით
 ძალუმად ღვივის.
 და გამარჯვება
 ასაკდეცებს
 მშენებელ მასებს.

გარეთ ყინვაა,
 მიბუტული
 ანათებს მთვარე.
 და ეხეთქება
 ცივი ქარი,
 მუშათა სახლებს,
 გამთენიისას
 გზაში მუშა
 იფშვნეტავს თვალებს,
 და ეხვითქება
 ქარხანაში
 სიცხისგან სახე.

მანქანებს დაღლის
 შრომის კვირა,
 განუწყვეტელი,
 რომ ენერჯია
 შეემატოს
 მშრომელთა მაჯებს;
 აქ ყოველი დღე
 გამარჯვების
 წუთით მეტყველებს
 და ღვარძლიან მტრებს
 უმატებს ტანჯვებს.
 ქარხნის სხეული
 დაუდგარ
 შრომით ირყევა:
 — „ჩვენთან არ არის
 მკონარე და
 ლოთი ამ ხანად;

ქარხკომის სხდომამ
 მოიწონა
 ჩვენი მიღწევა
 და ალტაცება
 მოეფინა
 „დამკვრელ ქარხანას“.

კვლავ გმირულ შრომას
 წარმატებით
 გააცხოველებს,
 სახე კრიალა
 მანქანა და
 ქარხნის დგამები;
 მრავლდება ციფრი
 მშენებლობის,
 ახალ ცხოვრების,
 და მრეწველობის
 იზრდებიან
 ღიაგრამები...

ქარხნის
 გიგანტობა

თ ე თ რ ე ბ ი *

მესამე აქტი

პირველი სურათი

ღამე. ზღვის პირი. პროექტორები სერავენ ღამეს. შორს განათებული საპატიმრო. საპატიმროს იქით შუქურა ანათებს: წითლად, ლურჯად, თეთრად. სცენაზე დუმილი. ისმის საბარგო ავტოს გუგუნი. გუგუნი ახლოვდება. სცენაზე ნახევრად შემოდის საბარგო. ჩამოდიან ფერადი ჯარისკაცები.

გამოსვლა პირველი

ზედამხედველი:

აბა დაეიწყოთ. (ავტომობილში ფათური, ვილაც კენესის. ზედამხედველი ავტოს სინათლეზე პორტფელიდან ქალადებს იღებს და კითხულობს) ბაკურაძე! შემოიყვანეთ ის დედაკაცი! (ავტოში ფათური. ჩამოყავთ შავებში ჩაცმული (ჩადრიანი ქალი, სულიას დედა.)

გამოსვლა მეორე

სულია:

ნენა! ნენა!

სულიას დედა:

შვილო!.. შვილო!.. (ჩურჩულობს გაშტერებული.)

მტვირთავი:

დაწყნარდი, სულია, დაწყნარდი, გაუყუჩდი ბიძიკო, გაუყუჩდი და ადვილი იქნება. აზრს შეურიგდი, სულიკო. შეურიგდი აზრს... უკეთესია... გაგიადვილდება...

სულია:

ნენა... რა ვქნა, ნენა?.. რა ვქნა?.. მეშინია!..

*) დასაწყისი იხ. „პროლეტ. მწერ.“ № 1, № 2.

ქართული
ბიბლიოთეკა

ზედამხედველი:

ხმა ჩაიწყვიტე, შე ძაღლის ლეკვო!

სულიას დედა:

(ხელებს ცად ალაპყრობს) ვაღლაჰ!..

ზედამხედველი:

აბა, დედაკაცო, უკანასკნელი პირობა: სთქვი ყველაფერი და შენი შვილი თავისუფალი იქნება.

სულიას დედა:

ნენა, რა ვქნა რომ არაფერი ვიცი.

ზედამხედველი:

იცი, ეშმაკის კერძო!

სულიას დედა:

(გაღაწყვიტით) მე არაფერი ვიცი!

ზედამხედველი:

მაშ კარგი. მოიყვანეთ ის ბიჭი. (ჩამოიყვანენ მიყავთ დედასთან) ხუთ წუთს გაძლევთ ვადას. კარგად იფიქრეთ, ჩამოიყვანეთ ყველა!

გამოსვლა მისამი

(შემოყავთ ტუსაღები. ხელები გაკრული აქვთ) შენი გვარი?

მტვირთავი:

ინწყირველი.

ზედამხედველი:

სახელი?

მტვირთავი:

ესტატე.

ზედამხედველი:

სათქმელი ხომ არაფერი გაქვს?

მტვირთავი:

სათქმელი ამაღამ მოხდება.

ზედამხედველი:

რა გინდა მაგით რომ სთქვა?

მტვირთავი:

ჩემი სისხლი უკანასკნელია.

ზედამხედველი:

რას მიჰპარავ, წუბაკო?

მტვირთავი:

გამარჯვება ჩვენი იქნება და მენანება.

ზედამხედველი:

რა გენანება?

მტვირთავი:

ჩვენ რომ ვერ ვნახავთ.

ზედამხედველი:

უუ, შე ძაღლო! წაიყვენეთ! (მიჰყავთ) მოიცა! (გააჩერებს) ზიარება ხომ არ გინდა?

მტვირთავი:

მე თქვენი ღმერთი არ მწამს.

ზედამხედველი:

მაშ წაიყვანეთ. (ეთხოვება სულთს. შიღის სცენის გარეთ. გაისმის სროლა. დუმბილი).

ხმა:

გათავდა.

ზედამხედველი:

გათავდა. (პაუზა) შენი გვარი?

1-ლი მუშა:

ქოიავა.

ზედამხედველი:

სახელი?

1-ლი მუშა:

იოსებ.

ზედამხედველი:

სათქმელი ხომ არა გაქვს რა? თუ დაასახელებ ვინმეს გაპატიებთ.

1-ლი მუშა:

თავს ნუ იღებ, წამიყვანე!

ზედამხედველი:

ზიარება ხომ არ გინდა?

1-ლი მუშა:

თავზე ვადისხი.

ზედამხედველი:

წაიყვანეთ!

1-ლი მუშა:

(უცრად შემობრუნდება ცხალგაზრდა მუშას) იუტან! აი, მიკროვარსკვლავი
(მიდის ბარბაცით. სროლა.)

ხმა:

გათავდა!

ზედამხედველი:

გათავდა! ახლა თქვენი ჯერია, დედაკაცო, სთქვი ვინ არიან მო-
ლალატენი და შვილს გაპატიებთ.

სულიას დედა:

(გაშტერებული, ჯიუტად) არ ვიცი. ჩუმითაი იყავი, ნენა. ჩუმითაი...
გოუყურდი, ნენა, დაგენაცვლე, გოუყურდი, თვალები დაჭუტე, ნენა,
თვალეები არ დაგავიწყდეს, თვალეები დაჭუტე... მეც შენთან ვარ შვი-
ლო... ნუ გეშინია... სისხლს ეღიბებენ... თვალეები... შვილო... თვა-
ლები... ნენა... ჩემი სიკვდილი... (გამოთხოვების სენა) დედა ვარ, შვილო,
დედა... მარა რა ვქნა მე ახლა? რა ვქნა მე ახლა?... მასწავლებო
რა ვქნა?... (ავტოს ხმა)

ზედამხედველი:

ეს ვინ უნდა იყოს. ის სულელი ამერიკელი ქალი ხომ არ მოსულა?
(შემოდის შიკრიკი ქალადით.) ვინ ხარ?

გამოსვლა მერთხა**შიკრიკი:**

გენერლის კაცი. საჩქარო ქალადი. დასახვრეტებს წაუკითხეთ.

ზედამხედველი:

მხოლოდ სამი დარჩა. (კითხულობს) საველე სასამართლომ განი-
ხილა რა ხელმეორედ საქმე სამხედრო მატარებლის აფეთქების გამო,
თინახმად; მუშა ერემია თოლიგაურის დაკითხვისა, გამოარკვია, რომ
მატარებლის აფეთქებაში უდანაშაულო არიან...

სულიას დედა:

ნენა!.. ნენა!.. შენ?... სულიკო!.. შენ?..

ზედამხედველი:

გააჩუმეთ ეგ დედაკაცი... (განაგრძობს კითხვას) უდანაშაულო არიან
შიკულია ბაკურაძე და ერემია თოლიგაური. განთავისუფლებულ
იქნან დაუყოვნებლივ. განაჩენს ხელს აწერს გენერალი დათიევი:

სულიას დედა:

მე?... მე?... არ მინდა!.. არ მინდა!.. მომკალიბთ! ჩემ შვილთან!..
ჩემ სულიკოსთან...

ზედამხედველი:

მომამორჩეთ ეს დედაკაცი (სულიას დედას მოამორებენ და იქვე მიადვენ ბენ. ისმის მისი ლეკვივით კნავილა.) თქვენ თავისუფალი ბრძანდებით!

ახალგაზდა მუშა:

მე?.. ხალხნო!.. არ მინდა!.. არ მინდა!.. არ მინდა!.. (მიდის წელში გაღუნული ტორტმანით, მერე შემობრუნდება.) სად წავიდე მე ახლა? ვისთან წავიდე?..

სულია:

(ფეხებში უფარდება ზედამხედველს) აფიცრო!.. მაპატიე!.. აფიცრო. მე უბრალო ვარ... მე მართალი ვარ!.. მე ლიბანაში ვიყავი ფორთოხალზე. რაზე მკლავთ?.. ცოდვა ვარ, ცოდვა ვარ...

ზედამხედველი:

სთქვი ვინ არიან მოლაღატენი და გაპატიებთ.

სულია:

(უცრად წამოდგება, ახალგაზდა მუშას მიუთითებს) ეე, ისაა მოლაღატე... მე გამცემი არ ვარ...

ზედამხედველი:

მაშ კარგი... წაიყვანეთ...

სულია:

(მიჰყვავთ: ებრძვის) ნენა!.. ნენა!.. (სტირის) ნენა!.. ნენა!.. რას მიშობიენ!.. რას მიშობიენ!.. ნენა!.. ნენა!.. ნენა!.. მიშველე!

სულიას დედა:

(დგება, გაღუცინაცია შეპყრობილივით დგას გარინდებული) დეიძინე, სულიკო... გენაცვალე, თვალები არ დაგავიწყდეს... დაქუტე... დეგეძინება... საწყალი შვილი... საწყალი სულიკო...

სულია:

(მიჰყვავთ და თანდათან შორს ისმის მისი ხმა) ნენა!.. ნენა!.. ქუდი!.. დამრჩა!.. მაქანა!.. ქუდი!.. გამიშვით, გამიშვით!.. მომადგრეთ მაგი პირსახოცი!.. არ მინდა... ჩემი თვალით მინდა უყურო... ჩემი თვალით მაყურებით...

ზედამხედველი:

შეჩერდით! (სიწყინარე, მხოლოდ სულიას კენესა ისმის) უკანასკნელად გეკითხები, ვინ არიან კიდევ დამნაშავენი? თუ გასცემ, შვილს გაპატიებთ ხომ ნახე, ის მუშა რომ გავანთავისუფლეთ ერთგულები-სათვის?..

სულიას დედა:

(გაღწევით) დეიძინე, ნენა, დეიძინე... ქულს მე მოგიტან...
ლები დაქუტე და დაგიძინება... მამაშენიც, შვილო, მამა შენი...
სისხლი... სისხლს ეიღებენ... სისხლს ეიღებენ...

ზედამხედველი:

მაშ კარგი! განაგრძეთ! (ისევ ისმის ხმაური)

სულიას ხმა:

ქული, ნენა, ქული!.. (სროლა. ხმა ნახევარზე წყდება)

ხმა:

გათავდა!

სულიას დედა:

რაი?

ზედამხედველი:

გათავდა! (პაუზა)

გამოსვლა მხეშთე

მისს ანტონია:

ოხ, რა სიბნელეა.

ჴეკ:

შეხედეთ მისს, რა კარგა თენდება... შეხედეთ ცას რა ლამაზია!..

მისს ანტონია:

როგორ მომატყუა იმ გენერალმა. მე იმას ვაჩვენებ სეირს...

ჴეკ:

მართალი იყო ის გენერალი. მისს, ასეთი სანახაობა ქალებისათვის არ არის.

მისს ანტონია:

ახ, ღმერთო, როგორ მიფანცქალებს გული... მაშ აქ ხერეტენ, არა?

ჴეკ:

ფრთხილად, მისს, აქ სისხლი უნდა იყოს, არ გაისეაროთ... (ხელში აიყვანს და გადაიყვანს).

მისს ანტონია:

(უცხრად შეჴვივლებს) აი... აი... ეს ვინ არის, ფეხებში რომ წამეტანა!..

ჴეკ:

(იხრება) ეს ქულია, მისს...

მისს ანტონია:

ქული... ქული... (გამოართმევს, მიზეზიანად ათვალეობს) ფუჰ, რა საზიზლარი სუნი აქვს... ოფლისა და ფორთოხალის... (გადაადგებს. გაისმის შორეული გუგუნი სირენებისა და ფაგოტების ვანგაში) ეს რა ამბავია?

ჯექ:

ალბათ, მუშებს ჭკუას თუ ასწავლიან.

მისს ანტონია:

რომ იცოდეთ, ჯექ, როგორ მომწყინდა ეს ამბები. მე დავილაღე-ჯექ, ძლიერ დავილაღე.

ჯექ:

(იხვევა) მე, მისს, მე...

მისს ანტონია:

მისტერ... ახ, მისტერ! (ჯექი უფრო გაბედულად იკრავს) მისტერ... მისტერ... რას სჩადიხართ, ახ!.. ჯექ!.. ჯექ!..

ჯექ:

ტონი!.. ჩემო ტონი!..

მისს ანტონია:

ჯექ... ახ, ჯექ... ჯექ...

კომერსანტის ხმა:

ტონი... ტონი... (შემოდის)

გამოსვლა მიმტვესი

მისს ანტონია:

დაგვლოცე მამა... ჯექი ჩემი საქმროა...

კომერსანტი:

ტონი! ტონი... წავიდეთ!.. ჩქარა ტონი!.. ახ რა უბედურება დავატყადა, რა უბედურება... ღმერთო!.. ღმერთო!..

მისს ანტონია:

რა, მამა?

კომერსანტი:

გენერალი დათიევი მოჰკლეს, ქალაქში აჯანყება! მე შენთან მოვიჩქაროდი.

მისს ანტონია:

(ზარდაცმული) ა?

კომერსანტი:

უნდა წავიდეთ, ტონი! ქალაქში ფრონტია გამოცხადებული.. ჩემი ჩაი, ჩემი ნიგვზის ხეების ექსპორტი, დავილუპე!.. დავილუპე!..

მისს ანტონია:

მაშ ასე... უნდა წავიდეთ, ჯეკ, არა?... ახ, რა სულელი ხართ, ჯეკ, რა სულელი!.. რა სულელი ქმარი მეყოლება, ღმერთო, რა სულელი ქმარი მეყოლება... (სერიოზულად) ეს კარგია!.. მე სულელი ქმარი მინდა. ეს მე მომწონს. დაგვლოცე, მამა!.. (სცენის უკან ფეხის ხმა).

მისს ანტონია:

ჩემ... ეს რა ამბავია?

ხმები:

ვინ ხართ?

კომერსანტი:

უცხოელები.

გამოსვლა მეუზილე

მუშები:

(შემორბიან შეიარაღებული მუშები) ხელები ზევით, ასწიეთ ხელები!

მე-3 მუშა:

აა, თქვენც აქა ხართ? თქვენც? თქვე ტურებო, მგელკაცებო!.. სისხლის სუნი იკარით და იმიტომ მოდით აქ არა?... ეს თქვენ ხართ ხომ, ჩვენ რომ გვკიცხავთ, გვიფრთხილდებით და მეტის მეტი სიფრთხილით გვხვრეტთ... ხომ, ჯენტლმენტებო?... მაშ ასე, ჯენტლმენტებო... შაბაშ... თქვენი დღე მიიწურა. ქალაქი ჩვენია და თქვენც, ჩვენო ქრისტიანობრივ სასოებით აღსავსე ძმებო, თქვენც ჩვენი ხართ და ვერ შეგელავით... რა ვქნათ, როცა ასე გვიყვარხართ. აბა, ბიჭებო, დააპატიმრეთ...

კომერსანტი:

(მეზღვაურებს დაინახავს) თქვენც? თქვენც აპყევით ამ აზიელ ძალებს? სირცხვილი, სირცხვილი, მეზღვაურებო...

მე-3 მეზღვაური:

ქმარა ქაქანი! დააპატიმრეთ! (აპატიმრებენ)

მისს ანტონია:

რა უნდათ, მამა, რომ გვაპატიმრებენ?

მე-3 მუშა:

არ იცით, არა, რა გვინდა?... ის ხომ კარგად იცით, თქვენ რა გინდათ, მოგვიტყვეთ, მისს, თუ ჩვენც ვიცოდეთ, ძლიერ კარგა ვიცოდეთ, თუ რა გვინდა და ამიტომ გააპატიმრებთ. (მუშებს მოუბრუნდება)

ქულები მოიხადეთ! (ყველა ქულებს იხდის და დგანან თავმოხდილნი) აჰ ჩვენი ძმების ცხედრებია. (პაუზა. დუბილი) ეებს, დავეციანდით... როგორ დავვიანდით, ამხანაგებო, კმარა დაღვრემა. რევოლიუციას დაღვრემა არ უყვარს, რევოლიუცია სისხლითა და გამარჯვების ყიყინით მოდის!..

მისს ანტონია:

მამა, ქრისტე რას ამბობს?..

მე-3 მუშა:

როგორ?.. როგორ ამბობს თქვენი ქრისტე?

მისს ანტონია:

ქრისტე კი ამბობს... როგორ ამბობს, მამა?.. მე მცივა, მომახურე რამე, ვეცე!.. უპ, ღმერთო, რა მოუსაზრებელი ხართ!..

კომერსანტი:

(სასოებით) ქრისტე ამბობს... არა მგონი, მოსე...

მისს ანტონია:

ეხ. მამა, განა სულ ერთი არ არის ვინ ამბობს?

კომერსანტი:

წმინდა წიგნში სწერია: არა კაც კლა.

მისს ანტონია:

(ნიშნის მოგებით) აი!.. აი!..

კომერსანტი:

რა დიდებულაია, რა დიდებულაია... წინადადება შემაქვს სამხედრო სამინისტროში, პრაქტიკული წინადადება, რომ ზარბაზნებთან და კაპიტალთან ერთად რამდენიმე მილიონი ეკვემპლიარი სახარებაც გამოგზავნონ ამ ველურების გასანათლებლად.

მე-3 მუშა:

აღარ არის საჭირო თქვენი წინადადება, თქვენი საქმე გათავდა. (მუშებსა და მეზღვაურებს) ამხანაგებო, მაშ ასე, გამარჯვება ჩვენია!..

სულიას დედა:

ჩუშ!.. ჩუშ!.. არ გააღვიძოთ... აქანა ჩემ სულიკოს სძინავს... ჩემი სულიკო... ჩუმთ იყავი, ძამია, ჩუმთაი... ჩუშ... ჩუშ... (ყველა გარინდებული უცქერის) ჩუშ... ჩუშ... აქანა ჩემ სულიკოს ქუდი დაეკარჭა და რა ვქნა ეხლა მე?... რა ვქნა?.. სძინავს ახლას სულიკოს... ჩუშ!.. სისხლია აქანა, ჩემი სულიკოს სისხლი... სანამ არ აიღებენ, მანამ არ გაშრება ჩემი სულიკოს სისხლი...

მე-3 მუშა:

სისხლი აღებულება, დაია. ჩვენ თავისუფალი ვართ...!

სულიას დედა:

(შეტევით) აა?..

მუშათაგანი:

• გენერალი მოჰკლეს, დაია, ეს უბანი ჩვენია!

სულიას დედა:

(უცებ წელში იმართება და რისხვით) ვინ მოჰკლა გენერალი?

მე-3 მუშა:

მე მოვკალ გენერალი!

სულიას დედა:

(ოხვრა აღმოხდება და მე-3 მუშას მკერდს მოეყრდნობა).

მე-3 მუშა:

წაიყვანეთ! (უცხოელები მიჰყავთ).

შის ანტონია:

მამა, ქრისტე როგორ ამბობს?.. მამა, რას ამბობს ქრისტე?

კომერსანტი:

არა კაც კლა.

(დასასრული)

ეგნატე ნინოშვილის დრო, ცხოვრება და შემოქმედება *)

ახლა თუ ნებას მომცემთ მე შევეხები ეგნატე ნინოშვილის შემოქმედებას, რაც შეიძლება სულ მოკლედ.

ნინოშვილის შემოქმედება, მისგან დატოვებული ლიტერატურული განძი, უნდა მოგახსენოთ დიდ შესწავლას მოითხოვს. ნინოშვილის მხატვრობის შესახებ შეუძლებელია ორი აზრი იყოს. ჩემის აზრით მწერლის საუკეთესო დამფასებელი არის უწინარეს ყოვლისა თვით მკითხველთა. მასა, მკითხველი საზოგადოება, რომელიც ნინოშვილის ნაწერებს თავიდანვე განსაკუთრებული სიმპატიით და უდიდესი ყურადღებით ექცეოდა. მკითხველი საზოგადოება, ხალხის უფართოესი მასა ეტანება ნინოშვილის ნაწერებს დღესაც ისე, როგორც 20-30 წლის წინანდ. შეიძლება ეს ინტერესი დღეს კიდევ მეტია, ვინემ წინეთ იყო. განსაკუთრებული ყურადღების ღირსია ამ მხრით ის, რომ მიუხედავად იმისა, რომ ნინოშვილის ნაწერების საგანი მხოლოდ გურიის გლეხ-კაცობაა, ეს ნაწერები ერთნაირად იკითხება საქართველოს ყველა კუთხეებში. ყველა ეს გარემოება მოწმობს იმას, რომ ნინოშვილის მოთხრობებს მართლაც დიდი მხატვრული ნიჭის ბეჭედი ასვია. როგორც იცით, დღემდის ქართველი ნაფიცი კრიტიკოსები ან სრულებით არ ეხებიან ნინოშვილს, ან თუ ეხებიან მხოლოდ გაკვირით. ნინოშვილის ნაწერები დღემდის ცოტად თუ ბევრად საფუძვლიანად გაარჩია მხოლოდ ერთმა მწერალმა, სახელდობრ — ივ. გომართელმა. მაგრამ გომართელის კრიტიკა არაა საფუძვლიანი შეფასება ნინოშვილის შემოქმედებისა. ნინოშვილი ჯერ კიდევ ელოდება ნამდვილ კრიტიკას.

მართალია, ივანე გომართელი დიდი სიმპატიით ექცევა ნინოშვილს, იგი ბევრ დადებით მხარეებს აღნიშნავს მის ნაწერებში და ხაზს უსვამს იმათ დიდ მნიშვნელობას, მაგრამ, მიუხედავად ამისა, გომართელის წერილში ჩვენ მაინც ვერ ვხედავთ ღრმა მიდგომას,

*) დასაწყისი იხ. „პროლეტ. მწერ.“ № 2-ში.

და რაც უფრო უარესია, მისი ზოგიერთი აზრი ნინოშვილის მოთხოვნებზე უფრო უარესია. მიუღებლად და დიდ შეცდომათ უნდა ჩაითვალოს. რომ ბევრი არ გავაგრძელო ამაზე სიტყვა, მოვიყვან აქ გომართელის წერილიდან რამდენიმე ადგილს. გომართელი დიდ ნაკლულევა-ნებას ხედავს ხელოვნების მხრივ განსაკუთრებით ნინოშვილის ორ მოთხოვნაში: „ს ი მ ო ნ ა ს ა“ და „პ ა რ ტ ა ხ შ ი“. აი რას ამბობს იგი პირველის შესახებ.

„დავითისთანა პირებს სოფელში გავლენა აქვს, მაგრამ არც იმდენი, რომ მთელ სოფელს თავის სურვილისამებრ საუკეთესო პირები გაამეტებინონ. მარტო დავითის ჩაძახება სრულიად არ იყო საკმარისი, რომ სიმონა ხალხს გაეცაო“.

„ყოველივე ნათქვამით იმის აღნიშვნა გვინდა, რომ წინდაწინვე დასახულმა მიზანმა ნინოშვილს ბევრი სიყალბე ჩაადენინა: დამოკიდებულება სიმონასა და დავით შორის იმდენად ბუნებრივი, აუცილებელი არ არის, რამდენადაც ნ ა ძ ა ლ ა დ ე ვ ი. ტენდენცია ღირსებას შეადგენს სახელოვანი ნაწარმოებისას, როდესაც ის სინამდვილეს არ ამახინჯებს; ხოლო თუ სინამდვილე დამახინჯებულია, ბევრი პირობები მოქმედების განვითარებაში ნაძალადევათ არის შექმნილი. ასეთი ტენდენცია ნაკლოვანებაა. ნაძალადეობა ეტყობა „პარტახსაც“. დანარჩენ მოთხოვნებში ნინოშვილს არც ერთ ალაგას არ უღალატნია სინამდვილესათვის“.

„ჩვენ დავინახეთ, თუ რაში მდგომარეობს მოთხოვნის („პარტახი“) დედა აზრი: ხოლო აზრის განსახორციელებლად ავტორმა სინამდვილე ბევრგან დაამახინჯა, ბევრი სიყალბე იხმარა, ნაძალადევად მოაწყო ბევრი გარემოება, წინდაწინვე დასახულ მიზნის მისაღწევად და ამიტომ მოთხოვნა მეტად ტენდენციური გამოვიდა. ავტორს სურდა უსათუოდ დაემტკიცებია, რომ ძველი ჩვეულებანი ხალხს ღუპავს; ცხოვრება კი იმდენად არ ეთანხმება ავტორს, რამდენადაც მას უნდოდა. მართალია, ცოლის შერთვაში ისეთი ჩვეულების გაბატონება, რომელიც ნინოშვილმა დაგვანახა ბევრ უბედურებას თესავს, მაგრამ იმ ზომამდე კი არავინ მიყავს, როგორც ჯერანი და ლიზა. ამიტომ ავტორმა ჩაუროთო მოთხოვნაში ბევრი ნაძალადევი პირობები, რომ მის მიერ დასასრული დასკვნა აუცილებელი ყოფილიყო. ამით კი სინამდვილეს დაამახინჯა და მოთხოვნის სახელოვან ღირსებას და მნიშვნელობასაც ზიანი მიყენა“. (გომართელი. „ხ ა ლ ხ ი ს გ უ ლ ი ს მ ე ს ა ი დ უ მ ლ ე“ ნინოშვილის თხზულებანი ტ. მე-2, გვ. 60-61).

ამნაირად, გომართელის აზრით ნინოშვილის ორი საუკეთესო მოთხრობა: „სიმონა“ და „პარტახი“ ტენდენციური, არაბუნებრივი და ნაძალადეგია. სინამდვილე დამახინჯებულია და ბევრჯან სიყალბეაო. რა თქმა უნდა, მე არ ვამბობ, რომ ნინოშვილის ნაწერებში ნაკლი არ იყოს. ეს არც ერთ მწერალზე, რა გინდ დიდი, უდიდესი არ იყოს. არ შეიძლება ითქვას; და, მაშასადამე, ამის თქმა შეუძლებელია ნინოშვილზედაც, მაგრამ გომართელი სასტიკად ცდება როცა ამბობს, რომ დასახელებულ მოთხრობებში ნინოშვილმა სინამდვილე დამახინჯა და მომქმედ პირებს ჩაადენინა სიყალბე, რათა თავისი წინდაწინ დასახული მიზანი ანუ ტენდენცია გაემართლებიაო. ეს ნიშნავს მხოლოდ იმას, რომ გომართელი ძლიერ ნაკლებ იცნობდა ნინოშვილის დროის გურიის სინამდვილეს. რა ნაკლიც ვნებავთ, შეგიძლიათ მიაწეროთ ნინოშვილს, მაგრამ არავითარ შემთხვევაში არ შეიძლება მას უსაყვედუროთ სინამდვილის დამახინჯება ან სიყალბის ჩადენა წინდაწინვე განზრახული აზრის გასამართლებლად. და მერე რისთვის ან ვისთვის იყო საჭირო, როცა სინამდვილე ამაზე უფრო აღმაშფოთებელ შემთხვევებს იძლეოდა. არა, არა ამაში იყო ნინოშვილის ნაწერების სუსტი მხარე და ნაკლი, როცა თქვენ გულდასმით ეცნობით და სწავლობთ ნინოშვილის ნაწერებს, თქვენ სულ უფრო და უფრო რწმუნდებით იმაში, რომ ნინოშვილი დიდი მხატვარი და მასთან დიდი რეალისტიც. არა, ამ სიტყვის ვულგარული მნიშვნელობით, რა თქმა უნდა. ასე რომ იგი სინამდვილეს არასოდეს არ ღალატობდა და არც შეეძლო ეღალატებინა, და ეს მისთვის სრულებით საჭირო არ იყო.

სამწუხაროდ, ნინოშვილი ცხოვრობდა ისეთ პირობებში, რომლებიც მისი ნიჭის სავესებით გაშლას ბოჭავდნენ და არ აძლევდნენ მას ცოტად თუ ბევრად ფართე გასაქანს. მას ხშირად არ ჰქონდა თავშესაფერი, არ ჰქონებია ცალკე ოთახი და საკუთარი საწერი მაგიდა; ტფილისში მას მუდამ გარს ეხვია მაშინდელი მოსწავლე ახალგაზრდობა, უმეტეს ნაწილად გამორიცხული სასწავლებლებიდან, რომელიც უმეტეს ნაწილად უსაქმოდ იყო დარჩენილი. რაც შეეხება იმას, თუ რა პირობებში მუშაობდა ნინოშვილი მარგანეცის კანტორაში, ამის შესახებ ჩვენ ზევით ვილაპარაკეთ. ნინოშვილის ყველა მოთხრობები დაწერილია თითქმის დაახლოვებით 1887 — 1893 წლებში. ეს იშვიათი ნაყოფიერება იყო ასეთ მოკლე დროში, მით უმეტეს, თუ ჩვენ მივიღებთ მხედველობაში ერთი მხრით იმ გარემოებას, რომ ამ ხნის განმავლობაში ნინოშვილი უზომოდ დატვირთული იყო კერძო სამუშაოებით თავის თავის გამოსაკვებად და მეორე მხრით იმა-

საც რომ სწორედ ამ ხანებში ავადმყოფობის გამო მას წერა არ შეეძლო. ყველა აქ ჩამოთვლილ გარემოებას არ შეეძლო არ ემოქმედნა ნინოშვილის მოთხოვნებზე უარყოფითად. მე ვამბობ იმაზე, რომ ზოგიერთ შემთხვევაში მის მოთხოვნებს ეტყობა ერთი მხრით სთანადოდ დაუმუშავებლობა და მეორე მხრით სიჩქარე. მაგრამ არსად არც ერთ მოთხოვნაში იგი არ ლაღატობს სინამდვილეს და მით უფრო არ ჩადის სიყალბეს.

მეორე ნაკლი ნინოშვილის მხატვრული შემოქმედებისა, რომელზედაც გვიჩვენებს ივ. გომართელი, მდგომარეობს შემდეგში. გომართელი ამტკიცებს: „თითქმის ყველა მისი (ე. ი. ნინოშვილის) მოთხოვნა პუბლიცისტური ხასიათისაა და მისი ნიჭის უმთავრესი ღირსება და მნიშვნელობაც ამაში მდგომარეობს“. ეს აზრი სრულებით არ შეეფერება სინამდვილეს. თუ ნინოშვილის ყველა მოთხოვნა პუბლიცისტური ხასიათისაა, იმ შემთხვევაში ნინოშვილი ყოფილა პუბლიცისტი და არა მხატვარი. ეს მართალი არაა, ეს ქვეყანამ იცის. მაგრამ საკვირველი აქ ის არის, რომ გომართელი ნინოშვილის ნიჭის ღირსებას და მნიშვნელობას თელავს სწორედ პუბლიცისტიკაში. ეს კი ნინოშვილის მხატვრული შემოქმედების სრული უარყოფაა. ვერ წარმომიდგენია, როგორ ხედავს ამაში გომართელი ნინოშვილის ნიჭის ღირსებას.

თქვენ უკვე იცით, რომ ნინოშვილმა აიღო თავის მოთხოვნების საგნად საქართველოს იმ კუთხის — გურიის — გლეხკაცობის ცხოვრება, რომელსაც იგი ზედმიწევნით იცნობდა. იგი იღებს ამ გლეხკაცობას იმ ეპოქაში, რომელიც მოყვა უშუალოდ ბატონყმობის გადავარდნას ჩვენში. გლეხკაცობის პირობები ამ ხანაში საერთოდ ყოველგან ერთგვარი იყო. მაგრამ გურიის გლეხკაცობის მდგომარეობას, არა თუ მხოლოდ იმ ხანაში, არამედ წინადაც და შემდეგაც, განსაკუთრებული პირობები ახასიათებდნენ. გარდა ამისა, რასაც ყოველგან ჰქონდა ადგილი, გურიაში ჩვენ ვხედავთ კიდევ სპეციალურ პირობებს. უპირველეს ყოვლისა მიწის მეტისმეტ სივნიროებს გურიის გლეხებში შედარებით საქართველოს ყველა სხვა კუთხეებთან. ამას მოსდევდა ერთი მხრით გლეხობის უკიდურესი სიღატაკე და მეორე მხრით შევიწროება მემამულეების მხრით, რაც იწვევდა გლეხებსა და მემამულეებს შორის ურთიერთობის უკიდურეს გამწვავებას. თუ მივიღებთ მხედველობაში გურული გლეხის განსაკუთრებულ თავმოყვარეობას, მის ამაყ და მეტად გულფიცხ ხასიათს და მასთან თურქეთის საზღვრის სიახლოეს, ჩვენ ადვილად გავიგებთ, რომ გურული გლეხი როგორც მემამულეების, ისე მთავ-

რობის აგენტების უხეშ მოქმედებას ვერ უძლებდა, საქართველოს და-
ნარჩენ კუთხეებში გლეხი ასეთ შემთხვევებს უმეტეს ნაწილად იტან-
და პასუხის გაუცემლად, და ყოველგვარ შეურაცხყოფას და შევიწ-
როებას თავისივე გულში იკლავდა, გურული გლეხის ბუნება კი ამას
ვერ ეგუებოდა. ამიტომ გურიაში შედარებით უფრო ხშირია შეტე-
ვები გლეხებსა და მემამულეებს შორის ერთი მხრით და გლეხებსა და
მეფის აგენტებს შორის მეორე მხრით. აქედან გლეხების ხშირად გ ა-
ფ ი რ ა ლ ე ბ ა ანუ გ ა ყ ა ჩ ა ლ ე ბ ა. ფირალების და ყაჩაღების
დევნა იწვევდა თითქმის განუწყვეტლივ ეკზეკუციების ჩაყენებას
სოფლებში და ოჯახებში.

ეგ. ნინოშვილი ცოცხლად თვალწინ გვიყენებს გურიის გლეხ-
კაცობის ვითარებას, მის ჭირ-ვარამს, მის უზომო ტანჯვას და გაჭირ-
ვებას. ამავე დროს იგი არ იღებს გლეხკაცობას უმოძრაოდ, განვითარების
ერთ საფეხურზე. იგი ღებულობს მას არა განყენებულად, არა-
მედ ჩაყენებულს კონკრეტულ პირობებში. იგი ანგარიშს უწევს ქა-
ლაქის, ფულის, ვაჭრობა-მრეწველობის გავლენას სოფელზე და გლე-
ხის ცხოვრებაზე; მას არ რჩება შეუმჩნეველი არც ერთი მოვლენა
სოფლის ცხოვრებიდან, ღირსი ყურადღებისა. იგი იძლევა თავის მო-
თხრობების გმირების სახით გლეხების ტიპების მთელ გაღერას. გან-
საკუთრებული დაკვირვებით და დიდი ნიჭით ხატავს ნინოშვილი
გლეხი-ქალების ტიპებს, იმათ მწარე ხვედრს, და მით იგი გვიყენებს
გლეხი-ქალის ყოფა-ცხოვრების საკითხს მთელი სიგრძე-
სიგანით. განსაკუთრებული ყურადღების ღირსია ის გარემოება, რომ
ნინოშვილი გლეხებს გვიხატავს, როგორც ყველა მისი დადებითი, ისე
უარყოფითი მხარეებით. მის თვალში გლეხი იდეალური ქმნილება
როდია. ნინოშვილი რ ო მ ა ნ ტ ი კ ო ს ი არაა, და სწორედ ამაშია
ერთ-ერთი მისი დიდი ღირსება. მან კარგად იცოდა, თუ რა უსამარ-
თლობაზე იყო აგებული მთელი მაშინდელი სახელმწიფოებრივი და
საზოგადოებრივი წესწყობილება, რომლის მეოხებით იტანჯებოდა და
იღუპებოდა ღარიბ-ღატაკი გლეხკაცობა. მთელი მაშინდელი სიამე და
ბოროტება წარმოსდგებოდენ, როგორც გლეხის სიბნელისაგან, ისე
კიდევ უფრო არსებულ სახელმწიფოებრივ-საზოგადოებრივი წეს-
წყობილებისაგან.

შეიძლებაოდა თუ არა, და თუ შეიძლებაოდა, რ ა გ ზ ი თ, იმ
უსამართლობის მოსპობა, რომლის მეოხებით გლეხკაცობა იტანჯე-
ბოდა და იღუპებოდა? ნინოშვილის მოთხრობებში თქვენ ვერსად ვერ
შეხვდებით ასე კითხვის დაყენებას, მაგრამ ასეთი კითხვა უთუოდ
სრულიად ბუნებრივად აღიძრებოდა მისი ნაწერების თითოეულ მკით-

ხველში. როცა ამ საკითხს აყენებდნენ, ბევრი ფიქრობდა, რომ გლეხის ცხოვრების გაუმჯობესება, უსამართლობის თუ სრულად მოხრჩობა არა, მისი შესუსტება შეიძლებოდა რადიკალური ცვლილებების მოუხდენლად. როგორც სიანს ასე ფიქრობდა ივ. გომართელიც. აი, რას ამბობს იგი ნინოშვილის იმ წერილში, რომელიც ჩვენ ზევით მოვიხსენიეთ, როცა იგი ამ საკითხს ეხებოდა.

„სოციალური პირობები, უსამართლობა, მანებელი ჩვეულებანი, უმეტრება, — აი, რა ლუპავს გლეხკაცობას. ნინოშვილმა დაგვანახა ხალხის იარები, ჩვენი მოვალეობა კი იმაში მდგომარეობს, რომ ამ იარების დაამებას და განკურნებას ხელი შეუწყოს. დროა დავანებოთ იმ ბავშურ რწმენას თავი, ვითომც ჩვენ შეგვეძლოს ისტორიულ პროცესს გაუმკლავდეთ და გლეხები, რომლებიც გაპროლეტარების გზას დადგომიან, ამ გზას აეცილოთ. დროა დავანებოთ ილიუზიებს თავი და შევიგნოთ, რომ ადამიანი ყოველად შემძლებელ არსებას არ წარმოადგენს, ის მეტად მცირე ძალის პატრონი და უნდა, სცდრილობდეს ეს მცირეოდენი ძალა ფიცილის ნაყვას. ვი არ მოანდომოს, არამედ ისე მოიხმაროს, რომ რაც შეიძლება მეტად ნაყოფი გამოაღოს ბიწოს. სოციალური ცხოვრების ჩვენი სურვილისამებრ გარდაქმნა თუ არ შეგვიძლია, სამაგიეროდ ჩვენ შეგვიძლია გავუმკლავდეთ უსამართლობას, მანებელ ჩვეულებებს, უვიცობას. გლეხს თუ ვერ ვიხსნით გაპროლეტარებულ საგან, სამაგიეროდ, შეგვიძლია ვიხსნათ ის უსამართლობისაგან, უვიცობისაგან. მოაშორეთ ყოველივე ეს გლეხს და მაშინ მისი ცხოვრება გაცილებით უმჯობესი იქნება, მისი ტანჯვა გაცილებით ნაკლებად იდრე დღეს არისო“.

რა თქმა უნდა, ეს არ იყო რევოლიუციონური მიდგომა; ეს არ იყო საკითხის ისე დაყენება, როგორც მას ევ. ნინოშვილი აყენებდა. ილიუზია იყო სწორედ ის, რასაც ივ. გომართელი ამბობდა. ეს იყო ნამდვილი ოპორტუნიზმი, მენშევიზმი ჯერ კიდევ მაშინ. როცა ეს ტერმინი ჯერ კიდევ არ არსებობდა (ივ. გომართელის კატაია ნინოშვილზე დაწერილია დაახლოებით 1900 წ.) არა, ასეთი გზით საკითხი არ გადაწყდებოდა ეს აშკარა იყო ნინოშვილისთვის უკვე გასული საუკუნის მეოთხეოცდაათე წლების დისაწყისში. ამიტომაც იყო, რომ იგი მხატვრობას ხელს უშვებდა და რევოლიუციონური მოღვაწეობისათვის ემზადებოდა.

მაგრამ ჩვენ მაინც რამდენიმედ უნდა დავახასიათოთ ნინოშვილმ, როგორც მხატვარი. იყო იგი ნამდვილი მხატვარი, ნამდვილი

ხელოვანი ამ სიტყვის ნამდვილი მნიშვნელობით, ან შეიძლება მისი მოთხრობები ნაძალადეგია და მოკლებული ნამდვილ მხატვრულ სიბრძნეებს?

ნამდვილი მხატვრობისათვის სრულებით არ ემარა, რომ იქ გადმოღებული იყოს სინამდვილის ასლი, კოპია. რეალისტი კიდეც არ არის მხატვარი. ეს უბრალო გადმოცემა იქნებოდა სინამდვილის, ანუ ოქმის შედგენა. მხატვარს უნდა შესწევდეს სინამდვილის და ნახულ-გაგონილის თავის ტვინში, თავის გონებაში გადასმული შავების ნიჭი, ცხოვრების მოვლენების ანალიზის და სინტეზის უნარი; მას უნდა შეეძლოს ისეთი გმირების გამოყვანა, რომლებიც კლასიკურ ტიპებად ხდებიან. ხასიათის დაცვა თავიდან ბოლომდე, ისე, რომ იმათ მოქმედებაში არ უნდა ჰქონდეს ადგილი წინააღმდეგობას, ე. ი. არ უნდა იყოს ძალდატანება ავტორის მხრივ წინდაწინ განზრახული ტენდენციის გასამართლებლად, როგორც ამბობს ივ. გომართელი.

ჩემი ღრმა რწმენით ნინოშვილის შემოქმედება საფესვით აკმაყოფილებს მხატვრობის ყველა ამ მოთხოვნებს.

სანამ მოვიყვანდე აქ რამოდენიმე ნიმუშს ნინოშვილის მოთხრობებიდან მისი მხატვრული ნიჭის დაფასების მიზნით, მე მინდა ვთქვა მოკლედ, საერთოდ ნინოშვილის მიერ გამოყვანილ ტიპების შესახებ. შეიძლება ყველა ისინი ორ მთავარ კატეგორიად გაეყოთ. ნინოშვილის გმირების ერთი ნაწილი იღუპება უშუალოდ სოციალურ უკუღმართობის მეოხებით, სოციალურ უსამართლობასთან ბრძოლაში („სიმონა“, „გოგია უიშვილი“, „ჩვენი ქვეყნის რაინდი“). სხვები კი სიბნელის, უვიცობის, ცრუმორწმუნეობის მსხვერპლნი ხდებიან („პარტახის“ გმირები, უნათლოშვილები „მოსე მწერალში“, „უცნაური სენი“, „ქრისტინე“ და სხვ.); მაგრამ ყოველივე ეს ხდება ბურჟუაზიული წესწყობილების საფუძველზე, უვიცობის, სიბნელის და ცრუმორწმუნეობის გამოყენებით ხალხის ექსპლოატაციის მიზნით. ცალკე კატეგორიას შეადგენენ გლეხ-ქალების ტიპები, როგორც არიან ქრისტინე, ტასო, ლიზა, დესპინე, ბაბალე და სხვ.. ამათი უიმისოდაც მძიმე მდგომარეობა, როგორც გლეხ-კაცებთან საერთო ჭაპანში მოქცეულების, კიდეც უფრო მძიმე ხდება იმიტომ, რომ ისინი დედაკაცები არიან, ნახევრად მხეცი-მამაკაცების მოპყრობით. აქ ჩვენ ვხედავთ კიდეც გლეხის ტიპების ერთ კატეგორიას, რომლებიც წლებზე ფეხს იდგამენ, უზომო შრომას ეწევიან, რომ გაჭირვებას თავი დაახწიონ და სიღარიბისაგან გამოძვრენ თუ მიწის იჯარით აღების საშუალებით, თუ ვაჭრობის მეოხებით, მაგრამ ასეთ უზომო შრომას

ვერ უძღვებენ და იღუპებიან იმ დროს, როცა აი თითქო ახლო არიან თავისი მიზნის განხორციელებასთან (ივანე „პალიასტომის ტბაში“), აწვევ არიან ისეთი გლეხებიც, რომლებსაც ბედმა გაუღიმა და რომლებიც ვაჭრობის, ჩაჩობის თუ მევახშეობის გზით უკვე საკმარისად გამდიდრდნენ, და გახდნენ სოფლის ახალი ტიპის მემამულეები, რომლებიც ბატონ-პატრონებად ევლინებიან მთელ სოფელს და როგორც მოეპრიანებათ, ისე იყენებენ სოფლის საზოგადოებას თავის სასარგებლოდ (დავით დროიძე „სიმონაში“). ნინოშვილს არ გამოარჩა იმ დროის არამშადები და მუქთა-ხორები, ნაბატონართა წიწილები, როგორც მაგალითად, იასონი („ქრისტინეში“) და ტარიელ მკლავაძე („ჩვენი ქვეყნის რაინდი“). ესენი არიან ხალხის მაწუხებელნი და მანებლები. იმათ კიდევ შერჩენოდათ ძალა, შეძლება და განმავლობა, რომ მშრომელი ხალხი შეეწუხებინათ და დაეჩაგრათ, მაგრამ იმათ გვერდით უკვე ჩნდებოდნენ სრულიად ახალი ტიპები, ხალხისგან გამოსულნი, და ახალი სოციალური იდეებით აღჭურვილნი, სოფლის მასწავლებელთა სახით (სპირიდონ მცირიშვილი და მისი ცოლი დესპინე, „ჩვენი ქვეყნის რაინდი“), რომლებიც ცდილობდნენ ხალხში სინათლის შეტანას და აყვარებდნენ მას სკოლას და სწავლას. ნინოშვილის მიერ დახატულ ტიპების ჩამოთვლა არ იქნება სრული, თუ ამას არ დაუმატებთ კიდევ რამდენიმე უარყოფითად „გაქალაქებული“ ტიპები, როგორც მაგ., გაქნილი და მატყუარა კოტე მამალაძე („უცნარი სენი“) და მაქანკალი ფეფიკო („სიმონაში“) და სონა („ქრისტინეში“), რომელთაც ქალაქური ცხოვრებიდან სოფელში გადაქონდათ მხოლოდ ყოველივე უარყოფითი.

რაც შეეხება საკუთრივ გლეხი-ქალების ტიპების გადმოცემას ნინოშვილმა ამ მხრივ, შეიძლება ვთქვათ, მოგვცა შეუდარებელი სახეები. ასეთებია ქრისტინე, დარია, ლიზა, ტასო, ბაბალე და ქეთევანი. ბაბალე და ქეთევანი — ესენი გლეხის ოჯახის ბურჯებია; მთელ თავის სიცოცხლეს სწირავენ ისინი, რომ ოჯახი იხსნან დაღუპვისაგან, და თითქო აღწევდნენ კიდევაც თავის მიზანს, მაგრამ იმათთვის უეცრად, სრულებით მოულოდნელად, ფეხზე დამდგარი ოჯახი ინგრევა. რაც შეეხება ქრისტინეს, დარიას, ლიზას, ტასოს, რომლებიც დასახასიათებლად ნინოშვილს არ დაუზოგავს თავისი მხატვრული ნიჭი, იმათი დაღუპვა დაკავშირებულია, როგორც ხალხის სიბნელესთან და მანე ჩვეულებებთან, ისე სქესის საკითხთან. ნინოშვილი თავის მოთხრობებში აყენებს ქალების საკითხს ყველაზე უფრო გამოკვეთილად. ჩვენ გამოგვრჩა ნინოშვილის გმირებში მოსე მწერლის და-

სახელება. ეს გაიძვირა, მატყუარა და ფლიდი კაცუნა მაშინდელ საზოგადოებრივ პირობების აუცილებელი ნაყოფი იყო. როგორც ვთქვით მოსე მწერალი, ისე ამ მოთხრობაში აწერილი ამბავი უნათლოშვილების ოჯახის დაღუპვისა ცოცხალი სინამდვილე იყო. სწორედ ასეთი საქმე გაიჩნა ქ. ოზურგეთის სასამართლოში ეგნ. ნინოშვილის გარდაცვალებიდან ერთი წლის შემდეგ. საქმის გარჩევის დროს მკაცრბლებს ხელში ჰქონებოდათ ევნატეს ეს მოთხრობა, და ყველაფერი ისე ხდებოდა სასამართლოში, როგორც იყო მწერალი ნინოშვილის მოთხრობაში. მაგრამ მოთხრობა ხომ დაწერილი იყო ბევრად უფრო ადრე, ვინემ ეს ამბავი მოხდებოდა.

ახლა მე დამჩინია მოვიყვანო აქ ნინოშვილის მოთხრობებიდან მისი მხატვრული ნიჭის ზოგიერთი უფრო დამახასიათებელი ადგილები.

ავილოთ, მაგ., მოთხრობა „გოგია უიშვილი“. ავტორი გვაცნობს გოგია უიშვილის ცხოვრებას მოკლედ შემდეგნაირად:

„სიკვტილი ჯობია ჩემ სიცოცხლეს! — ამოხდებოდა მას ხშირად გულიდან ოხვრასთან ერთად“. როცა მისი ცოლი მარინე მას ანუგეშებდა, რომ საქმე გამოკეთდება, ღმერთი გვიშველისო, გოგია გაჯავრებული უპასუხებდა: „ვითამ ძღან მანუგეშებ ამ სიტყვებით! შეც ამას არ ეტირი, რომ ასე უსაბუთოთ არის ჩენი ცხოვრება-მეთქინ! — მიუგებდა თავის მეუღლეს გოგია უკმაყოფილოდ“. ავტორი შემდეგ ამბობს:

„მართლა და რა ნუგეში შეიძლებოდა გოგიასთვის, როცა ის ცხადად ხედავდა თავის მდგომარეობას. მუდამ ხარივით მოუსვენარი შრომა, ოფლის ღვრა, ჭაბან-წყვეტა და მაინც ცოლშვილი შიშველტიტველი, ხშირად მშიერიც. მიწა-მამული მის ბარაზე არსად მოიპოვება, ნაბატონარი საბეგრო მიწის გარდა; გადასახადი დღითი-დღე მატულობს. უფროსი, მებატონე, მღვდელი, მამისახლისი, ასე გასინჯეთ ნაცვალიც კი მას უწყურება და იჯაბნებს; სახსარი ცხოვრების გაუმჯობესებისა არსადა სჩანს. ნუ თუ არ დაღონდება და არ მოსძულდება თავი! თავისი ფიქრები, რომლითაც ოდის აშენებას ფიქრობდა, კარგა ხანია რაც გაყიდა სხვადასხვა გადასახადის დასაკმაყოფილებლად. გადასახადში წაართვეს მარინეს მზითვი: ნოხი, ფარდაგი, სპილენძის ქვაბი და ის „ქისეის“ კაბა, რომელიც გოგიამ ჯვარის წერის დროს უყიდა მარინეს“. ახალი წლის წინადღით გოგის მიუვარდებიან და ართმევენ უკანასკნელ ნივთებს. გოგია ამას ვერ ითმენს და წინააღმდეგობას უწევს, ამიტომ მას გაბაწრავენ და სოფლის კანცელარიაზე წაიყვანებენ. „შუა-დღე იქნებოდა, რომ ნაცვალმა

და ყაზახებმა მიადწიეს ა-ის კანცელარიას და მიიყვანეს ვაზაწარული გოგია უიშვილი.

— მამასახლისო, მომთხარეს, დამაქციეს, გამლახეს! მიპატრონე, თუ სამართალი გაქ, მიპატრონე, თვარა შენი თვალის წინ დევიკლავ თავს! — დაიწყო გოგიამ ყვირილი კანცელარიაზე მისვლისთანავე.

— ზენდა ქვეყანაზე სამართალი არ ყოფილა! მომთხარეს, დამაქციეს, გამლახეს! სამართლის კარზე მოვედი, მეგონა, და აქანაივარესი მიყვეს! სად ხარ, სამართალო, ღმერთო, ხატო, რჯულო?!“

ბოლოს გოგიას ანთავისუფლებენ.

„ლამის სიბნელემ კიდევ მოატანა, როცა გოგიამ და მარინემ თავიანთ სახლს მიადწიეს, იმ დილას ნანახი სცენით თავზარდაცემულმა და მთელი დღის განმავლობაში უპატრონოთ დაყრილმა ბავშვებმა თავიანთი მშობლები რომ დაინახეს სიხარულით შემოესიენ აქეთიქიდან.

„გოგიამ, ალერსის მაგიერ, ბრაზიანივით წაჰკრა თავის პაწიაქალს ხელი და იქვე მუგუზლებში ჩააჯახა... მარინეს თავის დღეში არ ენახა, რომ გოგია ასე სასტიკად და შეუბრალებლად ოდესმე მოქცეოდეს თავის შვილს...

— „გასწი იქით, — დაუყვირა გოგიამ ცოლს და პურღვინო ლამბაქიან-ჭიქიანათ ცეცხლში გაისროლა.

„გოგია კი მთელი ამ დროს განმავლობაში გამოუთქმელად მძიმედ ჩაფიქრებული იჯდა ერთ ადგილას და ჩასცქეროდა ნაკვერჩხლებს. ჩიბუხი, რომელიც ისე უყვარდა და იმ დღემდე მუდამ პირში ეკავა, ეხლა დაეწყებოდა.

ყველას ღრმად ეძინა. მერე ფრთხილად მივიდა კუთხეში, ჩამოიღო თოფი და მიიტანა კარებთან. აქ კიდევ ერთ-ორ წუთს შეჩერდა, გატრუნა სული და მიაყურა მძინარე ცოლშვილს. ისევ ხვრიწვა დაძილის სუნთქვა ისმოდა.

„გოგიამ ნელა გააღო კარი, გავიდა გარეთ, ისევ ნელა მიხურა კარი და გაჩერდა სახლის წინ.

„სავსე მთვარე გადახრილიყო და მოწმენდილი ცის დასავლეთის კუთხიდან შემოსცქეროდა გოგიას ეზოს. მთვარის შუქით გაბრწყინებულ გაყინულ თოვლზე თავისი ტოტებიანად დახატულიყო ხეების ჩრდილები. დაწყნარებულს, ყინვისაგან დამძიმებულ ჰაერში ისეთნაირად მკაფიოდ გაისმოდა მამლების ყვილი, გეგონებოდათ, ეს ხმა ჰაერში თვალით დასანახავად სხეულად იქცაო. გოგრამ მიაპყრო თვალი იმ ადგილს, სადაც მთვარის სინათლეზე გარკვევით მოსჩანდა წავიას ლეში.

— „ჩემი წავიეი!.. რანაირათ კიოდა!.. ალბათ ძალიან ემწარა სიკეტილი! — ჩაილაპარაკა თავისთვის, შემდეგ მობრუნდა კარებისკენ და, თითქო კარებს ელაპარაკებო, დაიწყო ძლივს გასაგონი ხმით:

— „გღალატობ იჯახო! გღალატობ ცოლშვილო! მე მივალ, ვთავისუფლდები და თქვენ გტყებ სატანჯველში! მომიტყევთ! ველარ გავუძელი, ველარ ევიტანე მეტი და გავეჩეცი!.. გიღალატე მარინე, დაეყარე შვილები შენს ამარა და გაგეჩეცი!.. შენ უფრო სულგძელი ყოფილხარ ჩემზე... რა იმედით დევიწყეთ უწინ იჯახობა! ვფიქრობდი, ანაირად ვათავებდებოდა!.. რა დღეში რჩება ახლა ჩემი ცოლშვილი! მა მიტყევ მარინე! მომიტყევთ შვილებო! მომიტყევთ, მე თავს ვუშველე და თქვენ ასე დაეყარეთ! რა ექნა!.. ღმერთთა მოწამე, რაც თავს მოვსწრივარ, მერე დღეი რა მომისვენია და ღამე, ჩემი ოფლი მიწას ერთოდა, მარა ჩემ დღეს საშველი არ დაადგა! ერთი სინარული არ მინახავს! სხვაი სხვაი იყო და შოლტით ცემა! არა, ამას იქით ყოფნა აღარ ღირს.

„აქ რამდენსამე წამს კიდევ ჩაფიქრდა გოგია, მერე გააქნია ხელა და ყრუ ხმით წარმოსთქვა:

— „არა, არ იქნება! ვათავებულა! შვიდობით, ცოლშვილო! მივალ! სადა, არც მე ვიცი!.. თებრო, მომიტყევ, წუხელის რომ გავგლახე! მარინე, შენც, რომ ხმაი არ გამიცია! ყველამ, ყველამ მუუტევეთ თქვენს მოღალატე გოგიას!.. თქვენ გგონია, ჩემდა ადვილია მოცილება, დაკარქვა!.. რა ვიცი, სად მივალ! თავებრუ მეხვევა. ჟრუანტელი მირბენს ტანში, თვალები მიბნელდება! არა! ვათავებულა, ვათავებულა!

„ამ სიტყვებით გოგიამ სწრაფად მიიღო ამართული თოფი გულზე, გაჭკრა თოფის ფეხს თავისი ფეხის თითი, თოფმა იქექა და გოგია ჩაეცა კვალში.

— „ეკითხოს!.. გაუგებრად ამოილულულა და შემდეგ სამუდამოდ დახურა პირი“.

გოგია უიშვილის ხასიათი და მოქმედება დაცულია ბოლომდის. იგი თავმოყვარე და ამაყი იყო ბუნებით, მაგრამ უზომო ჯაფამ და გაჭირვებამ წელში გატეხეს, დაიჯაბნიეს, მოუსპეს სიცოცხლის საშუალება. უკანასკნელად საჯაროდაც კი გაშოლტეს, „როზგები“ დაკრეს, და სახლში გაუშვეს. ამ შეურაცხყოფას და გაბახებას იგი ველარ უძლებს, მას ბოღმა მოადგა ყელში; მაგრამ მას აკლია გამბედაობა, იგი ვერ გრძნობს თავისთავში იმოდენა ძალას, რომ საშაგვირო გადაუხადოს მოძალადეებს. იგი ხედავს, რომ მას არაფერ არ გამოე-

სარჩლა, მართო კი უძღურია გაუმკლავდეს მასზე ხმარებულ ძალ-
მომრეობას. მისი პასუხია თავის მოკვლა. ის სცენა, როცა მას სისრულეში
მოყავს ეს გადაწყვეტილება, ერთნაირად გვრის ყველა მკით-
ხველში, ისე ძლიერადაა გადმოცემული. სხვა ხასიათის მქონე ადა-
მიანი, რა თქმა უნდა, ასეთ შემთხვევაში სხვანაირად მოიქცეოდა. ან
შეურიგდებოდა თავის ბედს ან თავის მტერზე იძიებდა შურს. უკა-
ნასკენელი ტიპი მოგვცა ნინოშვილმა ს ი მ ო ნ ა ძ ა ლ ა ძ ე შ ი.

— „რავარი კაცის ჩამომავლობაა, რომ იმისაგან კაი რამე გა-
მოვიდეს; გაბრიელა ძალაძემ (სიმონას ბაბუა იყო) უდროოდ დააბერა
თავისი ბატონიო“, — ამბობდა სიმონაზე დავით დროიძე. — „აი ბიჭი
სათოკე იქნება, სულ ბაბუა მისის მოყვანილობა და თვალები აქ!“. —
ხშირად იტყოდა იგივე დავითი სიმონაზე. მართლაც სიმონას ბავშო-
ბისთანავე თანდაყოლილი ქონდა თავმოყვარეობა, სიამაყე და მას-
თან გაბედულებაც. ამას კარგად ხედავდა იმ სოფლის „მეფე“, ე. ი.
გამდიდრებული გლეხი დავით დროიძე და უნდოდა რამენაირად თა-
ვიდან მოეშორებია ეს ბიჭი, რადგან სიმონას ყოლას მეზობლად
დროიძე თავისთვის არასასიამონოდ თვლიდა. ამიტომ მან თავიდან
დაიწყო სიმონას ათვალწუნება, და თუ რამე მოხდებოდა სოფელში.
ქურდობა და სხვა, დროიძე ისე აჯერებდა მთელ სოფელს, რომ ყო-
ველივე ეს თითქოს სიმონას ჩაედინოს. სიმონა კი ყველაფერში ალაღ-
მართალი იყო.

როცა დედა არიგებდა სიმონას, ნუ იტყვი დავითზე ცუდსო,
რადგან „ჩვენ ობოლი ვართ და იგი ნეფის ტოლი კაცია, რომ მიენ-
დომოს, ერთი სიტყვის თქმით დაგვლუპავსო“, ამაზე სიმონა უპასუ-
ხებდა: „დამლუპავს და დავლუპავ! ოჯო, სვინდისზე ხელი ნუ აუღია,
ნუ გამაძალღებს, თვარა გემოს არც იმას ვაჩვენებო“. — მართლაც,
სიმონას სულ უმიზეზოდ აბრალებენ დროიძის ცხენის მოპარვას, მას
ატუსალებენ, და მიუსჯიან 3½ წლის საპყრობილეს. როცა სასჯე-
ლის მოხდის შემდეგ სიმონა ბრუნდება სახლში, ასეთ საუბარს აქვს
იღვილი მასსა და მის დედას. შორის:

— „ნენავ, ჩვენი დიდი სახლი?

— გავვიყიდეს, შევილო, გადასახადში, — ტირილით უპასუხა
დედამ.

— ხარებიც?

— ხარებიც.

— ახლა რაღა სიცოცხლეა — ჩემი სიცოცხლე! ბარემ ჩამკედა-
რიყავი იმ ციხეში! მითხარით, ახლა არ ვემართლები იმას, ვინც ასე
უსამართლოდ დამლუპა, იი რომ დავკლა“?

გავიდა ცოტა ხანი, სიმონა დაქორწილდა თავის საყვარელ დარიაზე, დაიწყო ოჯახის გამობრუნება. მაგრამ ამ დროს მახლობლად ფოსტა გაძარცვეს და დავითის წყალობით ესეც სიმონას გადააბრალეს, რისთვისაც მას ორი წლის ციხე მიუსაჯეს. ეს აიხსნებოდა იმით, რომ „რაც სიმონა საპატიმროდან დაბრუნდა, მას შემდეგ დავითს ტკბილად არ სძინებია“.

„იმისთანა თვალით მიყურებს, კაის არ მიზამს, რამე უნდა მოუხერხო“, — ამბობდა დავითი სიმონაზე, მოუხერხა კიდეც.

სიმონას მეორეჯერ პატიმრობის დროს მოხდა ერთი ასეთი ამბავი, რამაც საბედისწერო როლი ითამაშა სიმონას ცხოვრებაში. დავითის შვილმა აფიცურმა ტიტკომ ძალით შეიპყრო და ნამუსი ახადა მის ცოლს — დარიას, რის გამო ამ უკანასკნელმა თავი დაიხრჩო.

ამის შემდეგ სიმონა ბრუნდება სახლში. ნინოშვილი ასე აგვიწერს მის შინ მოსვლას:

„როცა სიმონას პატიმრობის ვადა გაუთავდა და შინ დაბრუნდა, დედამ მიუტირა დარიას დარჩობა, მაგრამ სიმონას ერთი ცვარი ცრემლიც არ გადმოუვდია. ყოველივე პატიმრობაშივე შეეცყო ერთის თავის მეზობლისაგან.“

სიმონას პატარა გაბრიელა ერთს მადლიანს ქალს ყავდა გასაზრდელად აყვანილი, სიმონამ მისგან უნახავი შვილის ნახვა არც ამჯერ მოიწადინა. დედის სიტყვებზე:

— ნახე, შვილი, შენი ვაჟი რა ანგელოზია! მკვახედ უპასუხა:

— „დამანებე თავი, რა ნახვა უნდაო“!

სიმონას ახლა ყველაფერი გადაწყვეტილი ჭონდა, მას უკვე გამოუმუშავებული ჭონდა თავისი მოქმედების გეგმა, თუ რა უნდა გაეკეთებია. მას არც გლოვის და არც ალერსის დრო აღარ ჭონდა. ეს იყო შურისძიება დავითის ოჯახზე. მის სიცოცხლეს სხვა რაიმე აზრი აღარ ჰქონდა მის თვალში. არც მოხუცებული დედა, არც პატარა მშვენიერი ვაჟი მისთვის არ არსებობდნენ.

შეუძლებელია აქ არ მოგაგონოთ მსგავსი სცენა დანიელ ჭონქაძის „ს უ რ ა მ ი ს ც ი ხ ი დ ა ნ“. როცა დურმიშხანი ბრუნდება შინ და გებულობს თავისი ერთადერთი ვაჟის — ზურაბის ბედს, მას აღარაფერი არ ახსოვს, არც გაუბედურებული ცოლი, რომელიც მწუნარების გამო გაგიყვებული იყო, აღარც თავისი ქონება, — მას ამოძრავებს მხოლოდ ერთი სურვილი, რაც შეიძლება ჩქარა გადაუხადოს სამაგიერო იმას, ვისი წყალობით მისი ზურაბი კედელში ცოცხლად ჩაკირეს. სიმონაც კლავს დავითის ორ ვაჟს და გარბის ტყეში ფი-

რალად. იგი შეიქნა ცნობილი ყაჩაღი, რომელიც თავზარს გვირდა ახლო-მახლო სოფლებს რამდენიმე წლის განმავლობაში. ბოლოს მისი ბედიც იგეთივე იყო, როგორც სხვა ყაჩაღების. რა მოუვიდა დავითს?

— „დავითს არ მოგვლავ, ეგდოს, გამწარდეს შვილების სიკვდილით, ეს უკეთესი სასჯელი იქნება!“ — ასე გადაწყვიტა სიმონამ მისი ბედი. მისი ცხოვრებაც ამას შემდეგ მართლაც გამწარდა და უკან წავიდა. ასე დამთავრდა ბრძოლა ამ ორ პირს შორის, — შედეგი ორი ოჯახის განადგურება.

„სიმონაში“ ძლიერი კალმით არის დახატული დარბას თავგადსავალი, მოცემულია ახალგაზრდა გლეხი-ქალის ნამდვილი პორტრეტი. რამ ააღებია თავზე ხელი ამ უწყინარს, მშვიდს, მორჩილს ახალგაზრდა ქალს? თურმე რაოდენი ზნეობრივი ძალა, რა მტკიცე ხასიათი იფარებოდა მასში. შეუძლებელია არ მოვიყვანოთ აქ ის სიტყვები, რომლებსაც იგი ამბობს თავის დახჩობის წინ.

— „იმას ვგავარ, ჩემო დედამთილო, რომ თავიც დაღუპე და მეც დამღუპე შენი წუხანდელი დაჯინებული რჩევით!.. დამიჩემე, ხატი და ღმერთიო. ჩვენისთანა უბედურებისთვის არც ხატია და არც ღმერთი! თუ იყოს, არც ასე იქნებოდა, მგელსავით რომ შემკამეს!.. არ დამეჯერებია, ცოცხალი გეყოლებოდი. აწი რალაი, გათავდა!.. მარა შენი რა ბრალია? ან შენ რა იცოდი, თუ კაცი და მგელი ერთი იყო? არ იცოდი და აგია! დედამთილო, ამას გთხოვ: სიმონ რომ მოვიდეს, უთხარი, შენის დამღუპველის შეილმა ტიტკომ ძალით მომერია და გაძლა ჩემი ხორცი-თქვა! ჰო, გაძლა! ჩემი არც ძალა გვეიდა, არც ხვეწნა, არც ტირილი!“

ასე ამეტყველდა ეს ჩუმი, თითქო უენო, მორცხვზე-უმორცხვესი ახალგაზრდა გლეხის-ქალი, იმიტომ, რომ მასზე ყოველად უხეში ძალდატანება იხმარეს, და მერე იმ ოჯახის წევრმა, რომლის წყალობით მისი ალალ-მართალი ქმარი ციხეში იჯდა. ამაზე შორს შეურაცყოფა ველარ წავიდოდა, რით უნდა გავცა პასუხი ასეთ შეურაცყოფაზე, თუ არა თავის მოკვლით. უმაღ კი იგი გმობს ყველაფერს, ღმერთსაც, რომლის არსებობა მას უკვე აღარ სწამს.

ასეთსავე თვითმკვლელობას ჩადის მეორე გლეხის-ქალი — მელანია (ლიზა) („პარტახი“), იმ განსხვავებით, რომ აქ მდგომარეობა ბევრად უფრო რთულია. მაგრამ საქმე იმაშია, რომ მელანიას სხვა გამოსავალი აღარ აქვს: იგი ყველას ეჯავრება, ყველა მას დასცინის, ყველა შეურაცხყოფას აყენებს. ერთად-ერთი არსება, პატარა ვაჟი. რომელიც კიდევ აკავშირებდა მას სიცოცხლესთან, სიკვდილში გამოსტაცა, და მით მოეპოო მას სიცოცხლის ყოველივე ინტერესი, მით

უმეტეს, რომ ეს სიცოცხლე მისთვის გამუდმებული ტანჯვა იყო. უნდა ვთქვათ, რომ მელანიას ის ფსიქოლოგიური განცდა, რომელიც აგვიწერა ნინოშვილმა, თავისი მხატვრული ღირსებით იმდენად მალა დგას, რომ ამის მსგავსი მთელ ჩვენ მხატვრულ მწერლობაში არაა. მე ნებას ვაძლევ ჩემს თავს მოვიყვანო აქ მთელი ეს სურათი შემოკლებით მაინც:

— „რაც უნდათ, იგი თქვენ მერე! — ჩაიფუჩუნა მელანიამ და განაგრძო ნაჭერ-ნაჭერად ფიქრი. გული არ გეიტეხო, რას ქვია, ჯერ კიდო ბალანაი ხარ, ეგება იმისთანაი ბედნიერება მოგელის, რომ შენ ბედს ძაღლმა არ დაყეფოსო, — მითხრა თეკლემ. რა კაი გულისაა: ყველა უბედური ანუგეშოს უნდა. კაია ნუგეში, თუ გწამს... მარა მე აღარ მწამს, წავიდა იგი დროი, რომ ვფიქრავდი, აი დღეს, აი ხვალ უკეთესად შეიცვლება ჩემი ყოფა-მეთქინ!.. რა კაია ბაღნობა!.. მესამე გზობაა აგი ასე რომ მემართება: ვფიქრობ, ვფიქრობ, ყოლიფერი გამახსენდება და ბოლოს აღარაფელი! იმ დღესაც ასთე დამემართა. ვიფიქრე, ვიფიქრე, ბოლოს ფიქრით მოღალღული მივედი წყლის პირზე, შემეშინა და ქე დავბრუნდი შინ. ერთი უწინ კიდო მევიტანე ფიშტო... მქონდა, მქონდა ხელში, ველარ გაგებდე, ისევ შევინახე. ნახავ, ახლაც ასე თუ არ დამემართოს!... ფიქრი ვის გუუგონია! უცფათაი უნდა... და გათავდა! ვის ეწყინება! ნიკოს ეწყინება, ეგებ კიდევ ატირდეს. ნეტაი ერთი მანახვა ახლა! ჯერ ცოლი კიდომ არ შეურთავს, თურმე. ნენას, ბაბას, დებს, ძმებს! უწინ ყველას ვუყვარდი და მას მერე ყველამ შემაჩვენა. რამდონი ხანია თვალი აღარ შემივლია ვერც ერთიზა! ნეტაი იგინს თუ ენატრება ჩემი ნახვა, რავაც მე იგინის! რა სულელი ვარ! თუ ენატრებოდეს, ვინ დუუშლიდა! რომ შევძულდი, შევძულდი ყველას! რეიზა შეცდიო, რავიცი, რეიზა შევცდი! ისე იყო ჩემი საქმე მოწყობილი და შევცდი! თლად იგინია დამნაშავე ჩემ შეცდომაში! არა ვითამ? აბა, მე ვარ? რა ვიცი, ვეფერს გეიგებს კაცი. ისეა მოწყობილი ჩვენი ყოფნა!.. ნეტაი ლევანს თუ ეწყინება? არა, იმას არ ვუყვარდი, თვარა არც ისე მომიძულებდა: მე ამ დღეში ჩამავდო, თვითონ ცოლი შეირთო და არის ტკბილად!.. მატყუებდა, მიყვარხარო! ვითომდა რა უნდა ექნა? მე ხომ ვერ შემირთავდა ქმრიან ქალს? ისე წვეყვანე სამე? ჯერანს რომ კაი გადავრჩენოდით, კანოლი არ გაგვიშობდა. ძალიან უბედურათ არის ქალის საქმე! ყაძახის ქალი ნამეტურ გაჭირვებულია! ჯერ დედამაა შენი ბატონი და მერე ქმარი! ხმაის ნება არც ერთთან არ გაქ! რომ გაწვალონ, მაინც იმათ ხელში უნდა დარჩე, სანამდი ცოცხალი ხარ! აბა, სხვაი რა გაგივა? გეიქცევი? რა გამოვიდა მერე? რამდონი გე-

იქცა, მარა ზოგი დაქერილი მეიყვანეს, ზოგი ქმარმა მოკლა და ზოგი ქირმა დააღობ. თაობიდან არის ყოლიფერი უხეიროდ მოწყობილი და იგია!.. რათ, რათ მინდა ახლა ამას რომ ვფიქრობ? დასწყევლოს ღმერთმა, ერთი ფიქრიდან მეორეს გავყვები და მერე აღარ გათავდება! ფიქრი? ფიქრს რა გაათავებს. ფიქრი მაშინ გათავდება!.. მაშინ ყოლიფერი გათავდება!.. რამდენზე ვაგვიანებ, იმდენზე ვარესია. ცოფის წამალი რომ არ დავლიე, იმის არ იყოს, უცფათაი დახუტე თვალეზი და გათავდა!..

„მელანია ნელნელა წამოდგა ლოგინიდან და გაჩერდა.

— „ვაიმე, მაშინდელა გული მისუსტდება და მიკანკალებს!.. — ჩაიფურჩუნა და დაუმატა — არ შემძლია! — ხელახლა დაჯდა ლოგინზე. დაჯდომის დროს ლოგინმა თუ იატაკმა დაიჭრიალა, ქრიალზე ჯერანმა გაიღვიძა და „ვაი შვილო“ —ო დაიძახა ზმორებით. მჯდომარე არ დამინახოსო, გაიფიქრა მელანიამ, დაწვა და წაიხურა თავზე საბანი, თითქოს სძინავსო.

„შუალამე გადავიდა. ქუხილი და ელვა მატულობდა. ბოლოს დაუწვა ზაფხულის მსხვილი წვიმა, რომელსაც საშინელი გრიალი გაჰქონდა ყავრით დახურულ სახლზე.

— „რა წვიმაა. — დაიწყა მელანიამ ფიქრი, — ამისთანა წვიმა რომ იქნებოდა, ჩემი ლუკაი მკითხავდა, ნენა, ლაა იიო? ნეტაი თუ ვნახავ ჩემ ლუკას? ბაღნები ანგელოზებში ურევიაო. მე ვინ მიმიშობს მასთან, იგიც კაია თუ დევინახე. ვინ იცის, ეგება ტყუილია ვატყუებ თავს, აფერი არაა! ეგები იმისთანაი ბნელი უფსკრულია, მე რომ იმ ღამეს მესიზმრა, წახვალ შიგ, წახვალ... ხელის მოსაკიდი არ გაქეთ და ფეხის... რას ფიქრავ? თვითონ ვნახავ რაც არის... „შენ არ მოკტები და სხვაი ყველაიო“... ეგები დანტურ არ მოკტები. არა, ცრუობაა, ყოლი კაცი მოკტება... სუ, მგონია მამალმა იყივლა, თუ ტყუილია მომეყურა? მალე, თვარა დამათენდება თავზე!.. ამელამ თუ არ იქნა, მერე აღარ იქნება... აა, შენ გლახავ, ჩემო თავო! ჩემგამეტს არ უქნია თუ? ცოფის წამალზე რომ ექენი, ასე თვალეზი დაეხუტე, გავაქანე ხელი და გათავდა!.. იმისთანაი წვიმაა, რომ კაცი ვეფერს გეიგონებს, მერე ქე გეიგონონ, თუ გინდა, რა მენაღლებ! სიფრთხილე კია საჭირო, ასლაზე არ დამინახოს: რას დაინახავს? სძინავს!.. — ამ სიტყვებით მელანია ხელახლა წამოდგა ლოგინიდან, სწრაფად მივიდა ქმრის საწოლთან, ფრთხილად აილო დამბაჩა და წამოიღო თავის ზანდუკისკენ.

ჯერანს ეძინა.

— ამით მიპირობდა ჩემი ქმარი მოკლას! ნეტაი მოვეყალბე! — გაიფიქრა მელანიამ და დაჯდა ლოგინზე. რამდენიმე ხანს კიდევ მძიმედ იყო ჩაფიქრებული, მერე ასწია თავი:

— „ასე უნდა, მგონია, — თქვა, შეაყენა ჩანმხზე, — აბა, მაშინ რომ ვქენი, ასე — ჩაილაპარაკა და მიიღვა დამბაჩა გულზე. მაგრამ გააერთიანა და ხელახლა ჩამოიღო ხელი. ერთი-ორი წამის შემდეგ ხელახლა მიიღვა, დახუჭა თვალები და სწრაფად მოსწია დამბაჩას ფეხი“.

ასე იბრძოლა მელანიამ სიკვდილ-სიცოცხლის შუა რამდენიმე ხნის განმავლობაში. იგი აქ ბოდავს, თითქო სიზმარში იყოს, მაგრამ რამდენი ღრმა და გულუბრყვილო გრძნობა, რამოდენი ფხიზელი აზრია ჩაქსოვილი მის მსჯელობაში. ანალოგიურ მდგომარეობას ვხვდებით ჩვენ „ქრისტიანეში“. ქრისტიანეს ირგვლივაც შეიქნა ისეთი პირობები, რომ მის სიცოცხლეს სიკვდელი სჯობდა, როგორც ამბობენ. მისი სიცოცხლე ნამდვილ ჯოჯოხეთად იქცა. იგი ბევრჯერ ნატრულობდა სიკვდილს, მაგრამ ეს უკანასკნელი მისით არ მოდიოდა, და თვით ქრისტიანეს კი თავის მოკვლა არ ეხერხებოდა. მაგრამ იგი ნახულობს სხვაგვარ გამოსავალს. ერთი საეჭვო ყოფაქცევის დედა-კაცის, ვინმე სონას ჩარევით, ქრისტიანე სამუდამოთ შორდება დედამამის ოჯახს, სამუდამოდ ტოვებს ყოველივეს, მშობლებს, თავის ჩვილ ძუძუმწოვარა ბავშვს — მიზეზს მისი გაკიცხვისა და ყველასაგან მოძულებისა. ის სცენაც, როცა იგი ამ ნაბიჯს გადადგამს მხატვრობის მხრივ დიდად არ ჩამოუვარდება იმ სცენას, რომელიც წინ უძლოდა მელანიას თვითმკვლელობას. მე მინდა ეს ადგილი მოვიყვანო აქ თითქმის შეუმოკლებლად.

„ბავში ჯერ მადიანად მიაძღა ძუძუს და მერე მოყვა ცელქობას. ცმუკავდა დედის მკერდზე; თან უმზერდა დედას თვალებში, უცინოდა და მოუსვენრად ელაპარაკებოდა რალაცას, თავის ბავშურ გაუგებარ ენაზე. ქრისტიანემ უმზირა, უმზირა ბავშვს, მერმე დაკოცნა, ჩაიკრა გულში და დაიწყო ტირილი. იკრავდა ბავშვს გულში და ტიროდა, როცა ტირილით გული მოიჯერა წაიყვანა ბავში და გასულელებულივით: დადიოდა აქეთ-იქით ეზოში. იმ დღეს მარტო ქრისტიანე და მისა დედა იყვნენ შინ. დანარჩენები ყანაში ღომის „საკრეფად“ წასულნიყვნენ.

როცა მოსალამურდა, დედამ ჰკითხა ქრისტიანეს:

— შეშიზა შენ წახვალ თუ მე წავიდე?

— „დღეს, ნენა, შენ წადი, მე რაცა შეუძლოთ ვარ.

მარიკა წავიდა ქედში შეშისთვის. ქრისტიანე იჯდა სახლში და რალაცაზე ისევ ღრმად დაღონებული ფიქრობდა და ფიქრობდა. ის

მხოლოდ მაშინ გამოფხიზლდა ფიქრისაგან, როცა ბავშმა ძეღისათვის ტირილი დაიწყო. ქრისტიანმა დააწვინა ბავში და გააძლია ძუძუქუთი. დედის რძით გაძძარმა ბავშმა დაძინების წინ ჩვეულებრივ დაუწყო დედას თვალებში მწერა და სიცილი.

— „რა გინდა, ჩემო უბედურო გოგი? რას იცინი? შენ ჯერ არ იცი, რომ წაწყმედილი დედაშენი გლალატობს! დღეის იქით შენ ვეღარ ჭამ დედის ძუძუს. ვეღარ ნახავ დედას! შენთვის კტება დღეს დედა, რჩები უდემამო, ობლად! დღეს ჩვენ ორი, საუკუნოთ ვცილდებით ერთმანეთს, ჩემო გოგი, ჩემო გოგი! — აქ ტირილმა მოუსწრო ქრისტიანს. გააბა მისებული გულის მომკვლელი, მკენესარი ტირილი და ვეღარ ჩერდებოდა. ჩვილ გოგის კი არ გაეგებოდა არც დედის სიტყვები და არც მისი ტირილი; ის ჯერ კიდევ მადიანად იცინოდა და ჭიკჭიკებდა აკვანში. მერე ძილმა მოუსწრო და ტკბილად ჩაიძინა. ძილში ხანდახან დააცმატურებდა ტუჩებს. თითქო ძუძუს ჭამსო.

„დიდხანს ტიროდა ქრისტიანე. მერე დაწყნარდა, მონახა რაც ტანისამოსი ებადა, გამოკრა „ცახოცში“ და დაიდო სასთუმალთან, ბალიშ ქვეშ.

„ერთი საათი თუ ცოტა მეტი ეძინა ბავშს. შემდეგ გამოახილა თვალები თუ არა, ქრისტიანმა საჩქაროდ ამოიყვანა აკვნიდან, თუმცა ეტყობოდა, რომ ბავშს ძილი აკლდა. ცოტა ხნის შემდეგ, რა რომ ძილდაკლებულმა ბავშმა ტირილი და ჭირვეულობა დაიწყო, დედამ უთხრა ქრისტიანს:

— „ციცავ, ქრისტიანე, არ ხედავ, იმ ბაღანას, რომ ძილი აკლია? დააწვინე!

— რა დააკლებდა ძილს, აგერ ნახევარი დღეია სძინავს! — უპასუხა ქრისტიანმა, რომელსაც ეტყობოდა, რომ განზრახ არ აძინებდა ბავშს.

დაღამდა.

დათიამ მოაჭრიალა ღომით დატვირთული ურემი. ცოტა ხნის შემდეგ დათიას დიდი ოჯახი მოუჯდა ვახშამს — მკადს, ყველს და მაჭარს. ყველა მადიანად შეეჭკეოდა, გარდა ქრისტიანისი. ქრისტიანს კი ხელიც არ უხლია საჭმელისათვის.

ბაწია გოგი ისევსე ტიროდა და ჭირვეულობდა.

— ადამიანო, ეძინება, დააწვინე ბაღანაი! — გაუშეორა ქრისტიანს დედამ.

— გაკეთებაზე იყო ჩქარი და მარჯვე, თვარა მოვლა თუ უნდა ბაღანას, იი აღარ იცის! ახლა რომ აჭყივლებ იმ ბაღანას და ერთი

წუთი არ მომასვენე აი მოღალღული კაცი, სვინდისი გაქ შენ?! რეჩხა არ აწვენ იმ ბალანას, თუ იცი? — გაუჯავრდა ქრისტინეს დათაბა.

— ვახშამს ეკამ და დაეწვენ, — ცივით უბასუხა ქრისტინემ.

გათავდა ვახშამი და პატარა ხნის შემდეგ დათიას ოჯახობა დალაგდა დასაძინებლად. ქრისტინე დაწვა, მაგრამ მაინც კი ცდილობდა ბავში არ დაეძინებია; ხან ხელში აიყვანდა, ხან ძუძუს უღებდა პირში და ხან კოცნიდა ჩუმად. ბავში უფრო და უფრო ქირვეულობდა და ტიროდა.

— „ქრისტინავ, რა შენი სიკტილი დაემართა ამელამ იმ ბალანას! რაცხა მუუხერხე და დააძინე, თვარა ღმერთს გეფიცები ისე გამაცხებლებ, რომ შენიან მისიანა კარში გავაგდებ ამაღამ! აღარ იქნა, აღარ დამაძინა აი მოღალღული კაცი! — დაუყვირა დათიამ ლოგინიდან.

„ეხლა კი საჩქაროდ ჩააწვინა ქრისტინემ ბავში აკვანში. არ გასულა ორი წამი, რომ ბავშმა შესწყვიტა ტირილი და ტკბილად ჩაიძინა.

„ყველას ეძინა, ქრისტინეს გარდა. ფიჩხის ცეცხლი ჩაქრა და სახლში დამყარდა საშინელი სიბნელე. ცოტა ხნის შემდეგ ქრისტინე ჩუმად წამოდგა ლოგინიდან. ჩუმად ჩაიცვა ტანს და ჩამოჯდა ტახტის კიდევზე. სახლში ისმოდა მძინარეთა სუნთქვა.

„ქრისტინე რამდენსამე წამს სულგანაბული უღებდა ყურს მძინარეთ. მერე კატასავით ჩუმად გადმოიარა ლოგინიდან და გადახედა აკვანს, რომელშიაც ტკბილად მძინარე ბავში ძლივს გასაგონად სუნთქვავდა, რამდენიმე წამს ისე უყურებდა ქრისტინე, თითქო, უნდა საუკუნოდ ხსოვნაში შთაიბეჭდოს ეს ბავშის სუნთქვაო. მერე ჩუმად, ხმის კანკალით ჩასჩურჩულა:

— „მშვიდობით, ჩემო გოგი! გათავდა ყოლიფერი, გათავდა!..

„მერე წაიწვინა ტუჩები, მაგრამ ბავშს კი არა, აკვანს აკოცა სამჯერ; შემდეგ ნელა ადგა და წყნარად მივიდა კარებთან. გული ისე მძლავრად უცემდა, რომ სახლის მეორე კუთხეში გაიგონებდით. თავბრუ ეხვეოდა, წელი და მუხლები ეკვეთებოდა. რამდენსამე წამს კარებთან იყო გაჩერებული.

— „აწი ველარ გნახავ ოჯახო! — დაიჩურჩულა. კიდევ უნდოდა. მგონია რალაცა ეთქვა, მაგრამ ტირილმა მოუსწრო. სწრაფად, მაგრამ წყნარად გაალო კარები, გავიდა გარეთ და შთაინთქა ღამის წყვდიადში“.

თქვენ ხედავთ, თუ რანაირი სიძლიერითა და მხატვრული სინამდვილით არის გადმოცემული ქრისტინეს გამოთხოვება. აქ ყველაფერია გამოყენებული, რომ სურათი მთლიანი და ბუნებრივი გამოსულიყო: ბავშისათვის ძუძუს წოვება, მისი ცელქობა და თამაში, შემ-

დეგ გამოღვიძება, ტირილი, ქრისტინეს დედის და მამის საყვედურები, რადგანაც ბავშვის ტირილი მათ ძილს უფთხოვდა: ამხვე დროს ქრისტინეს წუთობით უნდოდა ბავშვის შხერა, რადგანაც მას სამუდამოთ ეთხოვებოდა. დაბოლოს ბავშვის მაგიერ აკვნის კოცნა. ყოველივე ეს შეეძლო დაეხატა მხოლოდ დიდ მხატვარს.

„ქრისტინეში“ მოიპოვებთან სხვა სცენებიც, რომელთაც ნამდვილი მხატვრობის ბეჭედი ასვია. ისინი ჩვენ აქ აღარ მოგვყავს. აღარც დანარჩენ მოთხრობებზე შეეჩერდები. მოვიყვან აქ კიდევ ერთ ადგილს „პალიასტომის ტბი დან“, რომელიც მხატვრობის მხრით ერთ საუკეთესო ნაწარმოებთ ითვლება — სახელდობრ იმ ადგილს. სადაც აწერილია მამის და შვილის დაღუპვა პალიასტომის ტბის ტალღებში:

— „ივანემ დაინახა, როგორ ჩასძირა და ჩაყლაპა შეუბრალებელმა წყალმა მისი საყვარელი ნიკო. ერთი უკანასკნელად კიდევ დაიღრიალა საწყალობელმა ივანემ მონადირისაგან სასიკვდილოდ დაქრილ ლომსავით და უნდოდა მიშველებოდა შვილს, მაგრამ აღარც ღონე იყო მიშველებისა, და აღარც შვილი იყო მისაშველებელი: ნიკო უკვე ჩაიტანა ძირს წყალმა, ისე, რომ ხელიც აღარ გაუწიქრევია საცოდავს. რამდენსამე წამს შემდეგ ღონეგამოლეული ივანეც წავიდა წყლის ფსკერისკენ და ეს სიტყვები: ვაიმე ოჯახო, ვაიმე ცოლშვილო“, მტუცელშივე ჩაუბრუნა პირში ჩახეთქილმა წყალმა.

„ქარი საშინელი ქუბილით ზმუნავდა: მზემ ამოიწია და დაჰყურებდა პალიასტომს, თითქოს სეირს უყურებდეს; ივანეს ხეები ისევ თამაშობდნენ ტალღებში, თითქო ასულდგმულებულან და უხარიათო, რომ თავისუფალნი ვართო. ივანეს პატარა ნავიც გარეულიყო ხეებში და მიჰყვებოდა ტალღებს, ხან აღმა და ხან ჩაღმა. რამდენსამე წამს შემდეგ დამხჩვალი ივანე და ნიკო წყალმა ერთხელ კიდევ ამოიტანა ზემოთ, აჩვენა ქვეყანა და შემდეგ ისევ წაიღო თავის კუბრივით ბნელი ფსკერისაკენ“.

აი სურათი ასე მოკლეთ, უბრალო სიტყვებში გადმოცემული, რომელიც არასოდეს არ დაგავიწყდებათ. ისე ცოცხლად არის მამაშვილის დაღუპვა დახატული, რომ ასე გგონიათ, ყოველივე ეს პირდაპირ თქვენ თვალწინ ხდება; თქვენ ხედავთ; რომ დაშლილი ტივი, ფიცრები და დამრჩვალი გვამები პირდაპირ თქვენ თვალწინ დაცურავენ პალიასტომის ტბის გაშმაგებულ ტალღებში.

ახლა თქვენი ყურადღება მე მინდა ცოტა ხნით შევაჩერო ეგნატე ნინოშვილის ისტორიულ რომანზე „ჯანყი გურიისი“ („სამწუხარო შედეგი“). ჩემს აზრით ამ ნაწარმოებს აქამდის შედარე-

ბით ნაკლები ყურადღება ექცევა, ვინემ ის ამის ღირსია. რაც შეეხება მის შესწავლას, ეს ჯერ დაწყებულიც არაა. ამ ნაწარმოებს უდიდესი მნიშვნელობა აქვს არა მარტო იმ მხრით, რომ ის ეხება გურული გლეხკაცობის წარსულის ერთ უმესანიშნავეს ისტორიულ მომენტს, რომელსაც ადგილი ჰქონდა მეცხრამეტე საუკუნის მეორმოცე წლებში. არამედ თავისი მდიდარი შინაარსით, ისტორიული ფაქტების სწორი ანალიზით და დაფასებით, და აგრეთვე სწორი მიდგომით საერთოდ აჯანყებისადმი. ამ რომანში ავტორი გვიშლის თვალწინ გურიის ცხოვრების მაშინდელ სურათს აჯანყებასთან დაკავშირებით. ეტყობა მას კარგად ჰქონდა შესწავლილი გურიის 1841 წლის აჯანყება. ეს აჯანყება არ გავდა არც ერთ იმ აჯანყებათაგანს, რომელთაც ადგილი ჰქონდათ საქართველოს მეცხრამეტე საუკუნის პირველ ნახევარში. მოყოლებული საქართველოს რუსეთთან შეერთების დღიდან. თუმცა ამ აჯანყების დაწყების საბაბი შედარებით სრულებით უმნიშვნელო ფაქტი იყო, — სახელდობრ საფოსტო გადასახადის შემოღება, ხ უ თ ი შ ა უ რ ი ს რაოდენობით ოჯახზე, მაგრამ მას ჰქონდა უფრო ღრმა მიზეზები. აჯანყების მეთაურები თავდაპირველად იყვენ თავდაზნაურები ქობულეთელი ბეგების, უმთავრესად გურიაში კარგად ცნობილი ჰასან ბეგი თავდგირიძის შთაგონებით და წაქეზებით. აქედან აშკარაა, რომ აჯანყებას აწყობდა მაღალი თავდაზნაურობა, რომელიც უკმაყოფილო იყო რუსეთის მართვა-გამგეობის შემოღებით. მაგრამ გლეხკაცობის აქტიური მონაწილეობის გარეშე აქ იგი ვერას გახდებოდა. ამიტომ თავაზნაურობა ცდილობდა, რომ რაიმენაირად ჩაეთრია აჯანყებაში გლეხკაცობა. ამისთვის კი საჭირო იყო რაიმე საბაბი ეშოვნათ გლეხების ასაჯანყებლად რუსის მთავრობის წინააღმდეგ. საბაბიც მიეცათ. ეს იყო ფოსტის გადასახადების შემოღება. რა თქმა უნდა, ეს ახალი გადასახადი, რაც ფულად უნდა აღებულიყო, გლეხებს ეუცხოვათ. და აი იწყება მათში მოძრაობა, ჯერ ჩუმში, საიდუმლო კრებები, რომლებზედაც ესწრებოდენ თავდაზნაურებიც. შემდეგ ეს გადადის აშკარა აჯანყებაში. აჯანყება დაიწყო 1841 წ. 22 მაისს სოფ. აკეთში. აჯანყება თანდათან გაიზარდა და მოედვა გურიის თითქმის ყველა რაიონებს, ასე რომ ოზურგეთის მაზრის უმეტესი ნაწილი ქ. ოზურგეთს გარდა აჯანყებულთა ხელში იყო. მხოლოდ ქ. ოზურგეთი იყო მთავრობის ხელში, თუმცა მისი ბედი რამდენჯერმე ბევრზე ეკიდა. გურიის აჯანყებამ ფებზე დააყენა მთელი კავკასიის მაშინდელი მთავრობა, რომელმაც ჩქარა გაგზავნა ოზურგეთის დასაცავად დიდძალი ჯარი, როგორც ფებო-

სანი, ისე ცხენოსანი არტილერიით. ამავ დროს მთავრობის დასახმარებლად სამეგრელოს მმართველმა თ-დ და დ ი ა ნ მ ა — შედგინა ათასი კაცისაგან ცხენოსანი რაზმი და მოადგა გურიის საზღვრებს აჯანყებულთა წინააღმდეგ. მაგრამ ამ ცდამ უნაყოფოდ ჩაიარა; ასე რომ დადინანი თავისი რაზმით ჩქარა იძულებული შეიქნა უკან დაბრუნებულიყო. გარდა ამისა აჯანყებულთა წინააღმდეგ საბრძოლველად მოქმედებდა თავადაზნაურობისაგან შემდგარი ცხენოსანი მილიცია.

მიუხედავად ამისა, ივლისის, აგვისტოს და სექტემბრის განმავლობაში აჯანყება თანდათან ძლიერდებოდა; აჯანყებულები ბრძოლის ველზე ხშირად ამარცხებდნენ მთავრობის ჯარებს და ახევიანებდნენ უკან. დაწყებული სექტემბრიდან გარდატეხა ხდება მთავრობის სასარგებლოდ; მთავრობის ცნობით აჯანყება დაწყნარებული იქნა მხოლოდ იმავე წლის ოქტომბრის დასაწყისში.

გურიის აჯანყებით დიდად დაინტერესდა მაშინდელი რუსეთის იმპერიის ცენტრალური მთავრობა. პეტერბურგში ფიქრობდნენ, რომ ადგილობრივმა ხელისუფლებამ ჩაიდინა რაიმე ახალი ბოროტმოქმედება. ამიტომ ცდილობდნენ აჯანყების მიზეზების გამოკვლევას. ჩვენთვის დღეს აშკარაა, რომ მაშინდელი მთავრობისთვის აჯანყების ნამდვილი მიზეზი გამოურკვეველი დარჩა. ასე, მაგ. გენ. ლეიტ. ბ რ ა ი კ ი 1841 წ. ცხრა ივნისს აი რას სწერს სამხედრო მინისტრს ჩ ე რ ნ ი შ ე ვ ს: „აჯანყებულთა (мятежников) ნამდვილი მიზანი კიდევ უცნობია. იმათი მოთხოვნები ყოველ წუთში იცვლება: ისინი ხან შუამდგომლობენ საერო ბეგარისათვის დაწესებულ ფულადი გადასახადისაგან განთავისუფლებას, ხან კიდევ თავის აღ-შფოთების მიზეზად აყენებენ სასულიერო წოდების სასარგებლოდ უზომო გადასახადებს საეკლესიო წესების შესრულებისათვის; ხან სჩივიან მფლობელთაგან (თავადაზნაურობაზეა ლაპარაკი ფ. მ.) შევიწროებაზე, უზომოდ დაბეგვრაზე ხაზინის სამუშაოებით, რასაც ადგილი ჰქონდა გასულ წელს; უსამართლოდ დატუსათებაზე ზოგიერთი პირების დასჯ.“ (იხ. **АКТЫ Кавк. Археолог. комиссии**, т. IX стр. 161). ამ დოკუმენტიდან ნათლად ჩანს, რომ აჯანყებული გლეხების აღშფოთება გამოწვეული იყო არა მარტო რუსეთის მავრობის მოქმედებით, არამედ თავადაზნაურობისა და სამღვდელთაგანისაგან მიყენებული შევიწროებით. და უზომო გადასახადებით. მაშასადამე, აჯანყება არ ყოფილა მიმართუ-

ლი მარტო რუსეთის მთავრობის წინააღმდეგ; ის მიმართული იყო აგრეთვე თავადაზნაურობის, ანუ არსებითად ბატონყმობის წინააღმდეგ. მთავრობის წარმომადგენლები ამაში ვერ ერკვეოდნენ. მეორე მხრით, თვით აჯანყების პროცესში სოციალური მომენტი თანდათან ძლიერდებოდა, ე. ი. აჯანყება ლებულობდა იმდენად არა ანტი-რუსულ მიმართულებას, რამდენადაც ბატონყმობის წინააღმდეგ მიმართულ ბრძოლის ხასიათს. ამიტომაც იყო, რომ თავადაზნაურობა, რომელიც თავდაპირველად არა თუ აჯანყების მომხრე, არამედ მისი სულის ჩამდგმელი იყო, ბრძოლის პროცესში, როცა გლეხებმა წამოაყენეს ისეთი მოთხოვნები, რომლებიც მოასწავებდნენ არსებითად ბატონყმობის გაუქმებას, არა თუ უკან იხევეს, არამედ გადადის მთავრობის მხარეზე აჯანყებულ გლეხების წინააღმდეგ. აი, როგორ გადმოგვცემს ნინოშვილი ამ გარემოებას „ჯანყი გურიაში“.

„თუმცაღა კი „რუსების განდევნა“ თავადაზნაურებმა ასტეხეს, თავდაპირველად მათ ააყაყანეს გლეხები რუსების წინააღმდეგ, მაგრამ მაშინ, — როცა გლეხებმა რუსების ქვეშევრდომობიდან განთავისუფლების მეცადინის შონობის (ბატონ-ყმობის) დამხობის მეცადინიც თან მიატანეს, თავადაზნაურობამ იკბინა ენაზე და ამ „უცნაური კირის“ (ისინი ასე ეძახდნენ ბატონ-ყმობის უარყოფას) თავიდან ასაშორებლად სხვა გზა სადღა იყო, ისევე რუსების შემწეობა დაინახა საჭიროდ. გადაიხინეს ცოლშვილი და მიეშურებოდნენ ოზურგეთს მაზრის უფროსთან“.

აქ უკვე აშკარა იყო კლასობრივი ბრძოლის სუნთქვა. როცა თავადაზნაურობამ იგრძნო, რომ აჯანყებული გლეხკაცობა აყენებს ისეთ მოთხოვნებს, რომლებიც თავადაზნაურობის ინტერესებს ლახავდნენ, მან უღალატა აჯანყებას. ნინოშვილის ისტორიული რომანი „ჯანყი გურიაში“ უწინარეს ყოვლისა მით არის შესანიშნავი, რომ იქ ხაზგასმით ნაჩვენებია კლასთა ბრძოლა 1841 წლის აჯანყებაში. მეტად საყურადღებოა ის გარემოება, რომ აქამდის ვერც ერთმა მწერალმა-კრიტიკოსმა ეს ვერ შეამჩნია; ამას როგორღაც ყველამ აუარა გვერდი. საკმარისია ნინოშვილის რომანის წაკითხვა, რომ ეს ფაქტი თვალწინ დაგიდგეთ. ასე გამოდის, რომ თითქო არავის უნდოდა ამ ფაქტის დანახვა. ამიტომ მით უფრო საგულისხმიერია ჩვენთვის ის გარემოება, რომ ამ ფაქტზე პირველად მიუთითა ამ უკანასკნელ დროს გრ. რობაქიძემ. თავის პატარა, მაგრამ მეტად მოხდენილ და მხატვრული ენით შემკობილ წერილში:

„ვენატე ნინოშვილი“¹⁾ (იხ. „ქართული მწერლობა“, № 11-12, 1929 წ.) იგი ამბობს: „მთავარი აქ იგულისხმება („ჯანყი გურიის“), მართო ის არაა, რომ კლასთა ბრძოლაა წამოყენებული, არამედ ისიც, რომ კლასთა ბრძოლის იდეა ეროვნულ მომენტთანაა შეჯახებული, და ავტორი კლასთა ბრძოლის იდეის მხარეზეა. „სიმონაში“ მაგალითად უფრო ადვილი იყო კლასთა ბრძოლის ხაზის გაყვანა. „გურიის ჯანყში“ კი უფრო ძნელი. ამისათვისაა ეს ნაწარმოებში უფრო გულისხმიერია. განსაკუთრებით ჩვენი დროის სამზირიდან თუ გავხედავთ მას“. (ხაზს მე ვუსვამ ფ. მ.). ამ სიტყვების ავტორი სავსებით მართალია. მაგრამ, მე კიდევ ვკითხულობ, სად იყვენ აქამდის ჩვენი კრიტიკოსები, რომ ეს სპილო ვერ შეამჩნიეს?

აქ იბადება ერთი არსებითი კითხვა, სახელდობრ: იცავს თუ არა ნინოშვილი ამ თავის ნაწარმოებში ისტორიულ სიმართლეს? ე. ი. მართლა ჰქონდა ადგილი გურიის 1841 წლის აჯანყებაში კლასთა ბრძოლას, თუ არა? აყენებდა თუ არა იმ დროს გურიის გლეხკაცობა ბატონყმობის გაუქმების საკითხს? ვფიქრობ, რომ, ვასაკვირად სრულებით არ უნდა ჩაითვალოს, თუ გურიის გლეხები აჯანყების დროს თანდათან მივიდნენ იმ დასკვნამდე, რომ ბატონყმობა უნდა მოსპობილიყო. ამიტომ ნინოშვილი ამ შემთხვევაშიც არ ღალატობს ისტორიულ სინამდვილეს. და სრულიად სამართლიანად იქცევა, როცა იგი თავის რომანის შინაარსს აგებს სწორედ თავადაზნაურობასა და გლეხკაცობას შორის ამტყდარ კლასობრივი ბრძოლის ფონზე, 1841 წლის გურიის აჯანყების ისტორია, რამდენადაც მას ჩვენ ვიცნობთ არსებული წყაროების და მასალების მიხედვით, მოწმობს, რომ ნინოშვილის რომანი აგებულია ისტორიულ სინამდვილეზე, ისტორიულ ფაქტებზე, რომანში გამოყვანილი პირობი თითქმის ყველანი ცნობილი არიან გურიის 1841 წლის აჯანყების ისტორიაში. ასეთებია, მაგ. ერთი მხრით, ამბაკო შალიკაშვილი და დავით გუგუნავა — ორივე თავადები და ამავე დროს ბოლომდის გლეხობის აჯანყების სამხედრო ხელმძღვანელები, მეორე მხრით ჰასან-ბეგი (თავადგირიძე), ბრუსილოვი, და დიანი და სხვები. გარდა ამისა ნინოშვილს გამოყავს თავის რომანში კიდევ ერთი მთავარი მომქმედი პირი — გიორგი, ვინმე თავადის ნაშვილები, რომელსაც რუსეთში მიუღია უმაღლესი განათლება და იმ ხანებში დაბრუნებულია გურიაში

¹⁾ ეს წერილი ავტორის მიერ იქნა წაკითხული ევნ. ნინოშვილის ხსოვნის აღსანიშნავად გამართულ საღამოზე.

თავის ნათესავეებთან. ეს გიორგი გამოყვანილია რევოლუციონერად და სოციალისტადაც. მე პირადად საეჭვოდ მიმაჩნია, რომ ასეთი პიროვნება მართლა ყოფილიყო იმ დროს გურიაში. შესაძლებელია, რამდენიმედ ამის მსგავსი ყოფილიყო. უფრო მართალი იქნებოდა, თუ ვიტყვით, რომ გიორგის პირით აქ ლაპარაკობს თვით ავტორი, ე. ი. ნინოშვილი.

ახლა თქვენ იკითხავთ, რა როლს აკისრებს ავტორი გიორგის გურიის აჯანყებაში 1841 წელს? განსაკუთრებით მრჩეველ-დამრიგებელის როლს. მოთხოვნიდან სჩანს, რომ გლეხების ერთი მეთაურთაგანი — ბესია — პირადად იცნობს გიორგის და იცის, თუ როგორ თანაუგრძობს ეს უკანასკნელი გლეხებს. ამიტომ ბესია გლეხების ერთ-ერთ საიდუმლო კრებაზე, სადაც წყდებოდა აჯანყების დაწყება, ამბობს, რომ გურიაში არის ერთი ნასწაველი კაცი, რომელსაც შეუძლია ასეთი საქმის დაწყების დროს რჩევა-დარიგების მოცემა, და ამიტომ გავაგზავნოთ მასთან კრებიდან რამდენიმე ამხანაგო. ბესიას წინადადება მიღებული იქნა და გიორგისთან იგზავნება დელეგაცია, რომელშიაც შედის აგრეთვე ვინმე აზნაური ივანე, რომელსაც თავი გლეხების მეგობრად მოაქვს, ნამდვილად კი მათი მოალაბტეა. დელეგაცია მიდის გიორგისთან. გიორგი პირველად გაოცდა და არც იჯერებს, რომ გლეხებს განუზრახავთ აჯანყება რუსების გასაძევებად. მაგრამ როცა დარწმუნდა, რომ ეს სერიოზული ამბავია, იგი უკითხავს დელეგაციას მთელ ლექციას აჯანყების მნიშვნელობაზე საზოგადოდ და კერძოდ იმ აჯანყებაზე, რომელიც გურიის გლეხებს განუზრახავთ. იგი გამოთქვამს აქ მეტად საღ აზრებს. არსებითად გიორგი ამართლებდა სახალხო აჯანყებას, მაგრამ იგი წინააღმდეგი იყო გურიის ხალხის აჯანყებისა რუსების გაძევების მიზნით, რადგანაც ასეთ აჯანყებას გარდა დიდი ვნებისა არაფრის მოტანა არ შეეძლო. მისი აზრით, სწორი იქნებოდა გლეხების აჯანყება არსებულ წესწყობილების, ნამეტურ ბატონყმობის მოსასპობად, მაგრამ ამის განხორციელება არ ძალუძს მართო გურიის გლეხკაცობასო. ამას შესაძლებს მხოლოდ მთელი რუსეთის გლეხკაცობის აჯანყებაო. გიორგის აზრთა მსვლელობის დასახასიათებლად მოვიყვანოთ აქ სიტყვასიტყვით რამდენიმე ადგილი მისი ნალაპარაკებიდან. აი, რას ეუბნებოდა იგი გლეხების დელეგაციას:

„შესაძლებელია, დღეს ჩვენთვის უმჯობესი იყოს, რომ ჩვენი ქვეყანა დამოუკიდებელი შეიქნებოდეს, მაგრამ სამაგიეროდ იმას კი აღარ ბრძანებთ, თუ რა ვიქნებოდით, აქამომდე რუსეთს რომ ჩვენთვის პატრონობა არ გაეწია. დარწმუნებული ბრძანდებოდეთ, ჩვენ

ვიქნებოდით მაშინ ბარბაროსი ოსმალეთის ან ეგეთივე ბარბაროსი სპარსეთის ყურმოჭრილი ყმა. შოლოდ რუსეთმა დაიხსნა ჩვენი ქვეყანა ამ უბედურებისაგან. ეს ყოველივე უნდა ვიქონიოთ სახეში და ცალმხრივ შესჯელობა აღარ მოგვივა.

„რაც შეეხება მას, რომ გლუხკაცობა ცუდ მდგომარეობაშია. ცალკე თავადაზნაურობა იმსახურებს და ცალკე შთაერობაო, ამას თუ ბრძანებთ, ამისი მეც თანახმა ვარ. არც ერთ რიგიან სახელმწიფოში, გარდა რუსეთისა, ბატონ-ყმობა აღარ არსებობს. ასე გასინჯეთ, თვით გაუნათლებელ ოსმალეთშიაც კი მოსპეს ეს საზარელი და სამარცხვინო სენი — ადამიანის მონობა“... „ჩვენი გლუხკაცობა უნდა იყვეს შემყურადე რუსეთისა და უნდა მოელოდეს იმავე ბედს, რასაც რუსეთის გლუხკაცობა. ვინცობაა, რუსეთში გლუხკაცობამ ნებაყოფლობით ვერა გამოიტანოს რა და აჯანყდეს, მაშინ, რა თქმა უნდა, ჩვენი გლუხკაცობაც ვერ გაჩერდება გულხელდაკრეფილი, მიხედავს რუსეთის მაგალითს და იომებს თავისუფლების მოსაპოვებლად“...

ერთი სიტყვით გიორგის ნალაპარაკევიდან იმ დასკვნის გამოტანა შეიძლებოდა, რომ იგი სავესებით გლუხების მხარეზეა, რომ იგი მომზრეა ხალხის აჯანყებისა, რევოლიუციის ხალხის საკეთილდღეოდ, რომ იგი მტერია ბატონყმობის, მაგრამ, მიუხედავად ამისა, მას დაუშვებლად და სრულიად მიზანშეუწონლად მიიჩნია არსებულ პირობებში ხალხის აჯანყება. კარგის მოქმელს კარგი გამგონეც უნდაო — ნათქვამია. ასე იყო ამ შემთხვევაშიც. გიორგის ნათქვამი გაიძვერა და ფლიდმა აზნაურმა ივანემ გამოიყენა გიორგისთვის სახელის გასატეხად ხალხში. იგი კარგად ხედავდა, რომ თუ გიორგის დაუჯერებდა ხალხი, იმ შემთხვევაში თავადაზნაურობის გეგმა და განზრახვა ჩაიშლებოდა. გარდა ამისა ივანე დარწმუნდა, რომ გიორგი შეურიგებელი მტერი იყო ბატონყმობის და თუ გლუხები აჯანყდებოდნენ, თავის მახვილს ისინი მებატონეების წინააღმდეგ მიმართავდნენ, ამიტომ ივანემ გადაწყვიტა გიორგის დასახვა ხალხის მოლალატედ, და არ მოერიდა ამისათვის არავითარ პროვოკაციულ ქორებს. აი როგორ უამბობს იგი კრებას გიორგისთან მოლაპარაკების შედეგს:

„თურმე აი ჩვენი გიორგი დიდი ღვთის მოლალატე, ურჯულო ბრძანებულა. მაშინ ამისთანები გვითხრა, კალამ გადაგვრია, მარა ამას რაღას ვჩივი. აქანაი ბევრია იმისთანა კაცები, მაშინ რომ ჩვენთან იყო და იმ ლაპარაკზე უყურა. იგინიც ქე გეტყვის, რაც ურჯულობა ილაპარაკა. ერთი უბედურება აგია, რომ ი ტრიკი გიორგი იმ დღესვე ამდგარა და ოზურგეთს, ქუთაისს, ქალაქს, სულ ყოლგან გან-

ცხადება მუუცემია რუსებისათვის, ასე აპირობენ გურიაში და მარჯვეთ დახდითო“.

აი, როგორ ხერხს და უსინდისო პროვოკაციას მიმართავდა აზნაური ივანე, რომ ხალხი დაეტყუილებია. და, მართლაც, ივანემ შესძლო კრების რამოდენიმე ნაწილი გადაებირებია თავისკენ. ახლა ყური დაუგდეთ, რას ლაპარაკობს გლეხების ბელადი ბესია:

— „ამბაკო შალიკაშვილს თელი გურია იცნობს და იგიც უნდა იცოდეთ, რომ იგი ლალატს არ იკადრებს. მარა დღეს წყუელმა ავადმყოფობამ მოგვაცილა იგი. თუ ავადმყოფობას მოუტრია, მაშენ რავაც უსახელებია, ისე ისახელებს თავს ვაშკაცობით. გიორგიმ გვილაღატაო, კიდევ რომ ბრძანებს ივანე, იმაზაა რომ გიორგი ჩვენი მხარეა, ყაძახების მწუხარებას ჩივა, უნდა რამე საშველი მოგვეცეს, მებატონე არ გვკამდეს. ამის გულიწა ლანძღავს მას ივანე.

— ღმერთმა უშველოს ჩვენი შებრალეებიზა. ქრისტიანი იგი ყოფილა, — დაიძახა რამდენიმე კაცმა ხალხში.

— „ღეიფხო, ღეიფხო. აღარ გვყავს ბატონი და აღარც გვინდა. და ი გ რ ი ა ლ ა ხ ა ლ ხ მ ა“.

ივანე ხედავდა, რომ მისი ტყუილი აღარ გადიოდა, ბესიეს ენა ხალხში უფრო მოქმედებდა. იგი ხედავდა, რომ გლეხკაცობა ბატონყმობის წინააღმდეგ ილაშქრებდა. მაგრამ იგი ერთბაშად არ ყრის იარაღს. იგი კიდევ სცდილობს ხალხის გადაბირებას თავისკენ, და ამ მიზნით აშინებს იგი მას ათასგვარი უბედურებით, თუ ხალხი ბესიას დაუჯერებდა. იგი ხელახლა გამოდის და შემდეგი სიტყვებით მიმართავს კრებას:

— „ძმებო, ბესია მოტყუებულა იმ ურჯულო ტრიკი გიორგისაგან, — დიწყო ივანემ, რა რომ ბესიას სიტყვა მიწყნარდა, — ბატონის წინააღმდეგობა არ ავინ იფიქროთ, თვარა დევილუპებით. დიდი სისხლი მოყოლა ბატონის ვარისყოფას. აგი აზრი იმიზა დათესა იმ ურჯულო გიორგიმ, რომ უნდა რამენაირად ჩვენში გახეთქილობა მოახდინოს, ჩვენ ერთმანეთს შეგვატაკოს და ამით ჩვენს მტერს ჩვენზე გაამარჯვებოს. არ შეცდეთ, ბატონის ვარისყოფა არ იფიქროთ. ჩვენ მტერს უნდა ვადინოთ სისხლი და არა ძმას.

— არ იქნება, ივანე, ტყუილად ნუ ჩივი, გათავდა დღეს ბატონობა, — შესძახა ხალხმა.

— დიდი სისხლი მოყობა, არ ივარგებს შესძახებს კიდევ ივანე.

— მოყვეს, მოყვეს, ეს გვეწყურია ჩვენც, — უპასუხებს ნალხი.

ამნაირად ომი თავადაზნაურობასა და გლეხკაცობას შორის უკვე გამოცხადებული იყო. თავადაზნაურობის აგენტის, აზნაური ივანეს ლათაიებს ძმობაზე და ერთობაზე სამუდამოდ ეკარგებოდა ხალხში ნიადაგი. რა თქმა უნდა, ასეთ ლათაიებს კიდევ დიდი ხნის განმავლობაში მიმართავდნენ ყველა გაბატონებული კლასების იდეოლოგები. მაგრამ ყველა ამ მქადაგებლებს საკადრისი პასუხი ვასცა თავის ისტორიულ რომანში, „ჯანყი გურიაში“ ეგნატე ნინოშვილმა. სამწუხაროდ, როგორც ზევით იყო ნათქვამი, ნინოშვილი ძლიერ ცუდად არის შესწავლილი; ყველაზე უფრო კი ეს უნდა ითქვას „ჯანყის“ შესახებ. დროა ეს ნაკლი გამოსწორებულ იქნას. ნინოშვილის რომანი „ჯანყი გურიაში“ უნდა შესწავლილ იქნას 1841 წელს მომხდარ აჯანყებასთან დაკავშირებით. ეს აჯანყება მეტად სერიოზული რთული მოვლენაა. ის წარმოადგენს რთულ კვანძს კლასობრივ და პატრიოტულ-ეროვნულ მომენტების შეხლა-შემოხლათ.

მე უკვე მოგახსენეთ, რომ უკანასკნელ ხანებში ეგ. ნინოშვილმა როგორღაც ხელი შეუშვა მხატვრობას და შინჯა წერა პუბლიცისტურ დარგში. ეს ცდა ეკუთვნის 1893 წელს; ამას შემდეგ, როგორც იცით, მას დიდხანს აღარ უცხოვრია. სულ სამიოდე პუბლიცისტური სტატიის დაწერა მოასწრო. ამ წერილებიდან სჩანს, რომ ნინოშვილს ბევრი ემუშავნა იმისთვის, რომ კარგი პუბლიცისტი გამხდარიყო. რადგანაც იგი დარწმუნებული იყო — პუბლიცისტიკის საშუალებით მას უფრო მეტი სარგებლობის მოტანა შეეძლო. ეს სტატიები მოწმობენ აგრეთვე იმას, რომ მათი ავტორი სხვადასხვა საკითხებს მარქსისტული თვალსაზრისით უდგებოდა. გარდა ამისა ნინოშვილის პუბლიცისტური წერილები დაწერილია მეტად მსუბუქ და ადვილი ენით და თანაც შეზავებული მდიდარი იუმორით. მაგრამ სიმაართლე თხოვლობს განვაცხადო, რომ სად ნინოშვილი — მხატვარი და სად ნინოშვილი — პუბლიცისტი, რა შედარებაა! და თავის პუბლიცისტურ წერილებშიაც იგი უფრო მხატვარია, ვინემ პუბლიცისტი. ყოველ შემთხვევაში მე მოვიყვან აქ ნინოშვილის პუბლიცისტიკის დასახასიათებლად რამდენიმე ნიმუშს. ასე; მაგ., წერილში, „უებარი საშუალება საქართველოს გამდიდრებისათვის“ ნინოშვილი ამბობს:

„ეკ მკითხველო, რამდენ ქვეყნის გულშემატკივრობაზე მოგიყვე. რამდენი მათგან გამოგონილი ქვეყნის გასაბედნიერებელი საშუალება ჩამოგიტვალო. აუარებელია რიცხვი მათი, მაგრამ ბატონი პლებსის მიერ გამოგონილი საშუალება ყველა აქამომდე გამოგონილ საშუალებ-

ბებზე მარტივი და ადვილია. ეს საშუალებაა, რომლითაც ვაგვიჩნდება — „ორი ათასი კარგი ტექნოლოგი და სამდე-
ნივე ავრონომი“ („ივერია“ № 185), კი არ დაგავიწყდეთ
ორი ათასი კარგი ტექნოლოგი და ამდენივე ავრონომი — სულ 4.000.

„ახლა იფიქრეთ მარტო ეგრად ღირს ქვეყნისათვის, რომ მდი-
დარ მებატონეებს განვითარებულ მოურავე-
ბი ეყოლებათ, არ გითხარით ტვირთ-მიძიმნო და მაშვრალნო.
შემდეგში შეიძლება იმდენად დაწინაურდეს ჩვენი ერი, რომ შეიგნოს
მდიდარი „მებატონეები“ სხვა საჭიროებანიც და და-
არსონ, მაგალითად, ისეთი სკოლებიც, სადაც გაიზრდებიან მდიდარი
მებატონეებისათვის განვითარებული ლაქიებიც.

„ღიახ, ეს ხომ მშვენიერი აზრია, მაგრამ ბ. პლემსის აზრი, გან-
სხვავებით მალა დგას ჩვენი დიდებული პედაგოგის აზრზე, როცა
ბ. პლემსის გამოგონილ საშუალებას მიმართავენ, აბა მაშინ „ალორ-
ძინდება ჩვენს ქვეყანაში ყოველგვარი მეურნეობა და შექმნიან სი-
მდიდრეს“. მაშინ დაიბრუნებს უეჭველად ჩვენი ერი — „მოსვენე-
ბულს, მადლარს, უპრეტენზიო, ქართულ ოჯახს, რომლის გადაშენებას
ისე გულდაწყვეტილი დასტირის ბ. მეველე“. (ივერია“ № 144
ნინოშვილის თხზ. ტ. II გვ. 342 — 343).

„დასასრულ, თუ ბ. მეველესა და პლემსს ამეამად მხო-
ლოდ „უფროსთა“ (თავად-აზნაურობა უნდა ვიგულის-
ხმოთ) გამდიდრება აქვთ მხედველობაში (ეს პირველ ჩემს
სტატიაშიც მოგახსენეთ ევრეა მეთქი), ჩვენს ერზე ლაპა-
რაკით რათ გვაძულებენ თავს. ნუ თუ არ იციან, რომ მარტო
„უფროსნი“ არ შეადგენენ ერს, მართალია ბ. პლემსი ადვილად იზო-
რიებს ამ კითხვას თავიდან ერთი გაცვეთილი ანდაზით: „ღვინო არ-
სად იყო და გუდას ალბობდნო“. ვითომდა ჯერ რა დროს „უმცი-
რესობაზე“ ლაპარაკია: „უფროსნი“ არ გამდიდრებულანო. აცათ ჯერ
ეგენი („უფროსნი“) დამდიდრდენ და შემდეგ ნახეთ, თუ „უმცროსნი“
არ გავიხსენოთ“ (ეგ. ნინოშვილის თხზულება გვ. 346 — 347).

ეს სიტყვები ლახვარივით გულში ხვდებოდათ იმათ, ვისაც ეს
ეხებოდა. მართლაც 4000 ათასი სპეციალისტი იმ დროს, აბა, მითხა-
რით, ვისთვის იყო საჭირო. ეს პირდაპირ უტოპია იყო. ჯერ დღეს,
ამ უმაგალითო მშენებლობის დროს, საქართველოს მასშტაბით ვერ
ვმოულობთ ამოდენა სპეციალისტებს და მაშინ კი ეს სპეციალისტები
აბა სად უნდა წასულიყვნენ, ან რა უნდა ეკეთებიათ. და სრულიად
მართალი იყო ნინოშვილი, როცა ასეთ პროექტს სასაცილოდ იღებდა.
ახლა კიდევ მოვიყვან აქ ნინოშვილის წერილიდან „საბაასო“ ერთ

ადგის. და ამით დაეაბოლოვებ. წერილი ეხება ფირალების ისტორიას გურიაში. ამ საგანს ხომ ზედმიწევნით იცნობდა წინთშვილი. „სიმონას“ ავტორი. აი რას ვკითხულობთ ჩვენ ზევით დასახელებულ წერილში:

— ეშველა, მოჰკლეს! მოდის გურიიდან თანდათან ამბავი.

— ვინ მოჰკლეს?

— აი ლლონტი, მუხუზლა, დათუაშვილი, გოგიტია, დარჩია, და რა ვიცი რამდენი კიდევ სხვაი.

— მერე ვინ არიან ესენი?

ყაჩაღები გახლავან.

— ჰო, ყაჩაღები? ღმერთმა სიკეთე უყოს იმ ჩვენ მფარველებს, რომლებიც ასე გვიფრთხილდებიან, გვიცავენ ყაჩაღებისაგან!

„მაგრამ... მართალია ასეთ ნათელ საქმესთან „მაგრამ“ ძნელი გასაბედავია, მაგრამ (კიდევ ეს წყეული „მაგრამ“!) ადამიანი ცოდვილი ვართ, რაც გინდა ნათელი საქმე იყოს, ბევრი ჩვენგანი მაინც იქვის თვალით უყურებს და უნდა მოგახსენოთ, არც მე ვარ თავისუფალი ამ ცოდვილ იქვისაგან.

„მოგახსენოთ, საიდან იწყება ჩემი იქვი: გასული წლებისას რომ არ გამოუდგეთ, მარტო შარშან და წრეულს აგე ათზე მეტი „ფირალი“ მოკლეს გურიაში.

„მერე, იცით ვინ არიან ეს ფირალები? ცოლშვილიანი კაცები, რომელნიც გუშინ მშვიდი მიწის მუშაიყვნენ, სახელმწიფო ბეგარას იხდიდნენ და თავის მოძმეებთან ცხოვრების მძიმე უღელს ეწეოდნენ.

„აი ასეთი ადამიანი, რაღაც უხილავი, უბედური გარემოების მიზეზით დღეს ტოვებს ცოლშვილს, იღებს ხელში თოფს და ნადირივით გარბის ტყეში, — ფირალდება. ასეთ ფირალებს უდგებიან კვალში და ზოცავენ „დღუინობით“.

„მართალია ყაჩაღებს ხოცავენ და არა მშვიდ ხალხს, მაგრამ მოგახსენოთ რა ხალხიდან გამოდიან ეს ყაჩაღები, ანუ როგორც გურიაში ეძახიან „ფირალები“, უმეტესი ნაწილი ცოლშვილიანი მუშაკაცია.

„ეხლა გადავხედოთ რაები გამოაშკარავდა თავადი გურიელის საქმის გარჩევის დროს.

„დახეთ თურმე, რისთვის გამოასალმეს სიცოცხლეს მამის ერთა მიხეილ გოგიტიძე: ქ. ბათომში ვიღაც ლებედევი გაუცარცავთ: ორი ამ მცარცველთაგანი შეუპყრიათ; ამით უთქვამთ, რომ ჩვენთან

ლებედვის გაცარკვის დროს მესამეც იყო და ამ მესამეს მიხაკო-
ჰქვიან სახელათო.

„ამ სახელისათვის ყური მოუკრავს ფირალების მღვწეებს გუ-
რიაში და მაშინვე გამოუყვანიათ დასკვნა: მიხაკო, რა თქმა უნდა,
გოგითიქე იქნებაო. ამდგარან და დაუწყყიათ გოგითიძის ძებნა; შე-
უმწყვდევიათ ვილაც ერთი გლეხის სახლში და მოუკლავთ. მოუ-
კლავთ, მაგრამ ცოდნით კი დღესაც არავენ იცის — ის მიხაკოა? მხო-
ლოდ ეს კი ვიცით რომ ლებედვის გამძარცველებმა აჩვენეს: ჩვენი
მესამე ამანაფი — შიხა სომეხი იყო“.

ნინოშვილი გვეუბნება, თუ ვინ იყო ის თავზე ხელაღებული
ხალხი, რომელიც ფირალად მიდიოდა და მშვიდობიან ხალხს მოსვენ-
ებას არ აძლევდა. ყველა ესენი იყვენ ყანის მუშა-ცოშვილიანი გლე-
ხები. ყველა ესენი უმეტეს შემთხვევაში იძულებული ხდებოდნენ ტყე-
ში გაქცეულიყვენ და ავაზაკობისათვის მოვეიდათ ხელი. და როცა
გაზეთებში იბეჭდებოდა ცნობა ესა თუ ის ფირალი მოკლესო, ნი-
ნოშვილს არ შეეძლო ამას არ გამოხმაურებოდა.

ვიმეორებ ნინოშვილის პუბლიცისტური მოღვაწეობა დიდხანს
არ გაგრძელებულა. რომ დასკოდა, იგი — დიდი პუბლიცისტი გა-
ხდებოდა. მაგრამ მისი ბუნებრივი ნიჭი მხატვრობა იყო და ამ დარ-
გში მან უკვდავყო თავისი სახელი.

დასასრულ მე მინდა შევეხო აქ შემდეგ საკითხს: რა ადგი-
ლი უჭირავს ნინოშვილს ქართულ მწერლობა-
ში? ამ საკითხს უმეტეს შემთხვევაში ჩვენი ეგრედწოდებული ნა-
ფიცი კრიტიკოსები, შეიძლება ითქვას, სრულებით გაურბოდნენ და
რამდენიმედ დღესაც გაურბიან. ისინი ვერც კი ამჩნევდნენ ეგ. ნინო-
შვილს, როგორც ერთ დროს დიდი ხნის განმავლობაში ვერ ამჩნე-
დნენ დანიელ კონქაძეს. ამაში ბრალი მიუძღვით არა მარტო
პურუფაზიული მოდგმის მწერლებს, არამედ პროლეტარულ
მწერლებსაც. მხოლოდ სულ უკანასკნელ დროს, ნინოშვილის
დაბადების 70 წლის შესრულების გამო, ქართველ მწერლებში რამ-
დენიმედ აღიძრა ინტერესი ნინოშვილის მიმართ. ჟურნალებში „ქარ-
თული მწერლობა“ (№11 — 12, 1929 წ.) და „პროლე-
ტარული მწერლობა“ (№12, 1929 წ.) მოთავსებულა რამ-
დენიმე წერილი, მიძღვნილი ნინოშვილის მიმართ. ჩემის აზრით ამ
წერილებში ღრმა მთაბეჭდილებას ახდენს გრ. რობაქიძის წე-
რილი სახელწოდებით „ეგნატე ნინოშვილი“. მე უკვე მო-

ვიყვანე ზევით ამ წერილიდან ერთი დამახასიათებელი ადგილი ნინოშვილის ისტორიული რომანის („ჯანყი გურიაში“) შესახებ. არ შემიძლია არ მოვიყვანო კიდევ ერთი ადგილი გრ. რობაქიძის დასახელებული წერილიდან. „თითქმის მთელი ქართული ლიტერატურა — ამბობს ავტორი, — მეხუთე საუკუნიდან მოყოლებული ვიდრე მეოცე საუკუნის ზვარამდე, ან სასულიერო არის ან ფეოდალური. შრომის მომენტი გვხვდება მეცხრამეტე საუკუნის ლიტერატურაში, შაგრამ ეს მომენტი აღებულ ია უმეტესწილად არა მშრომელი წრიდან გამოსული მწერლების მიერ. მათი „სოციალობა“ უფრო ჰუმანიზმის ნაკადია. ნინოშვილი კი გამძაფრებული მესაქუა მშრომელი მასის. აქ მას ყავს წინამორბედი, თუ გინდ დანიელ კონქაძე“. ავტორი ასე ათავებს თავის სწორ მიდგომას და დასასიათებას: „მან ისე მკვეთრად ასახა სოციალური მხრით ტკივილები ამ კუთხის (გურიის), რომ იგი გამარჯვებული შედის ქართულ ლიტერატურაში“.

ასეთი შეხედულება ნინოშვილის მხატვრულ შემოქმედებაზე წარმოთქმული თანამედროვე ქართული მხატვრული ლიტერატურის ერთ-ერთ დიდ წარმომადგენლის მიერ, მეტად საგულისხმეოა. თქვენ იცით, რომ პირადად სწორედ ასეთი შეხედულება ნინოშვილზე მე არა ერთხელ გამომიტყვამს, სხვა სიტყვებით და ფორმით; რა თქმა უნდა, ამით მე ორიგინალობას სრულებით არ ვიჩემებ. ჩემთვის მხოლოდ სრულიად მოულოდნელი იყო, რომ სწორედ ასე შეაფასა გრ. რობაქიძემ ნინოშვილის შემოქმედება. და როცა გრ. რობაქიძის წერილის გვერდით ქურნალის იმავე ნომერში კითხულობთ ვახტანგ კოტეტიშვილის სტატიას: „ანტონ ფურცელაძე და ეგნატე ნინოშვილი“, თქვენ ხედავთ ამ უკანასკნელის უსუსურობას და არაბუნებრივობას. თქვენ გრძნობთ, რომ ავტორი ნამდვილ ძალდატანებას ახდენს თავის თავზე, როცა იგი ნინოშვილზე სწერს. ჩემის აზრით ბევრად უკეთესი იქნებოდა, რომ იგი ამ თემას სრულებით არ შეეხებოდა. კოტეტიშვილი ისეთი კილოთი სწერს ნინოშვილზე, თითქო ეს მისი მხრით დიდი დავალება იყოს. ავტორი ასე იწყებს ნინოშვილის შესახებ: „ორი წლის წინათ ჩემს ლიტერ. ისტორიაში ეგ. ნინოშვილის შესახებ ვსწერდი: „ალექსანდრე ყაზბეგის შემდეგ, ასეთი ავად მყოფური ტკივილებით, („ავადმყოფური ტკივილები“ ეს იგივე იქნება რომ ვთქვათ: წყლიანი წყლები ფ. მ.), ასეთი კვენსით ჩვენში არავის უწერია“. „ამ აზრს ვიმეორებ დღესაცო“. მით უარესი ავტორისთვის. არც

„ავადმყოფური ტკივილები“, არც „კენესა“ ოდნავაც არაა დამახასიათებელი ნინოშვილის მხატვრობისა. ვინც ამას გარდა ნინოშვილის შემოქმედებაში ვერაფერს ხედავს, მას საერთოდ არ ესმის ნინოშვილი, და ასეთია სწორედ ვახტ. კორტეტიშვილი. ავტორს გონია, რომ „გულიანი სიმღერა“ განსაზღვრავდა მის (ნინოშვილის) მხატვრულ ფიზიონომიას — ეს სისულელეა. კორტეტიშვილის მედიდური თავხედობა იქამდის მიდის, რომ იგი სწერს: „მისი (ნინოშვილის) თემატიკის შესახებ ვრცელი ლაპარაკი არ დაგვირდება (ასე იადვილებს საქმეს). ეგნ. ნინოშვილს აქვს ერთი და იქნებ ერთადერთი თემა. ალ. ყაზბეგის იაგოსავით, ეგნ. ნინოშვილიც „მისციებოდა ერთ ადგილს, სადაც ძალა და სიმართლე ერთმანეთს შესჭიდებოდნენ და სიმართლე ძლეულიყო... და ამას იქით, მას თემა არც გააჩნდა და არც სწამდა“.

შემდეგ მოყავს რა კაცია მუნჯაძის (მოთხრობიდან „განკარგულება“) სიტყვები, კორტეტიშვილი ასკვნის: „აქ არის ეგნ. ნინოშვილის მთელი თემატიკა“ (ბაზს ყოველგან ჩვენ ვუსვამთ ფ. მ.). მაშასადამე, ვახტ. კორტეტიშვილს თუ დაუჯერეთ, ჩვენ უნდა უარვყოთ იმ თემების და ამოცანების სიუხვე-სიმრავლე, რომლებიც ალძრა ნინოშვილმა თავის მხატვრულ ნაწერებში და რომლებიც მან თავისი მხატვრული ნიჭის მეოხებით გააშუქა და დაგვიყენა წინ. მე გგონია, საჭირო არაა კვლავ განვიმეორო აქ ის, რაც ზევით იყო ნათქვამი. ვახტ. კორტეტიშვილის შეხედულებას ნინოშვილზე მაინც და მაინც დიდი მნიშვნელობა არ აქვს. ჩვენი აზრით მას ორგანიულად არ ძალუძს ნინოშვილის გაგებაც კი, არა თუ მისი დაფასება. ამის მთავარი მიზეზი ის არის, რომ ვახტ. კორტეტიშვილი თავიდანვე შეიქნა ერთის მხრით ილია ქავჭავაძის სკოლის მწერლების ბრმა მადიდებელ-მთაყვანებელი, და მეორე მხრით კიტა აბაშიძის კრიტიკის გამაგრძელებელი. რა თქმა უნდა, ასეთ კრიტიკოსს არ შეეძლებოდა ისეთი მწერლის, როგორიც ნინოშვილია, ობიექტიური დაფასება. ჩვენთვის ბევრად უფრო საყურადღებოა ნინოშვილის შესახებ გრ. რომაქიძის აზრი, ვინემ ვახტანგ კორტეტიშვილის. ეს ყველასათვის აშკარა უნდა იყოს.

მეორე საკითხი — ესაა ნინოშვილის იდეითური დამოკიდებულება სხვა ქართველ მწერლებთან, ეს საკითხიც აქამდის გამოურკვევმილი და შეუსწავლელია. ამ 26 წლის წინად მე დავსვი საკითხი იმის შესახებ, თუ ვინ გახდა ჩვენში სულიერად, იდეურად დაინიერ ქონქაძის მემკვიდრედ, მის გამგრძელებლად (იხ. „დანიელ ქონქაძე და მისი დრო“), და მე ვამბობდი, რომ ასეთად უნდა

ჩაითვალოს ეგნ. ნინოშვილი-მეთქი. მაგრამ ეს იყო მშრალი დებულება, რასაც დასაბუთება ესაჭიროებოდა. როგორც თქვენ დაინახეთ, ახლა ასეთივე შეხედულება წარმოსთქვა გრ. რომაქიმემაც. როგორც ხედავთ, ამ შეხედულებას ღრმა საფუძველი აქვს. ამ უკანასკნელ დროს დაიბადა კიდევ მეორე აზრი, რომლის თანახმად ეგ. ნინოშვილს უკავშირებენ ანტ. ფურცელაძეს. ასე რომ ნინოშვილი გამოდის ანტ. ფურცელაძის იდეურ მემკვიდრედ. ამ საკითხს რამდენიმედ შეეხო რაჟდენ კალაძე ამ რამდენიმე წლის წინად მის მიერ შედგენილ ეგნ. ნინოშვილის ბიოგრაფიაში. ჩემის აზრით, ეგნ. ნინოშვილის და ანტ. ფურცელაძის იდეურად დანათესავება, და ნინოშვილის გამოყვანა ანტ. ფურცელაძის მემკვიდრედ ქართულ ლიტერატურაში ძართალი არაა. ეს საკითხის უკიდურესი გამარტივებაა. მე ვფიქრობ, რომ ასე მარტივად რ. კალაძე არ აყენებდა ამ საკითხს. მაგრამ ახლა, როგორც ჩანს, ამ საკითხს მეტის-მეტად ამარტივებენ. სამწუხაროდ, ასე იქცევა, სხვათა შორის, აშხ. სიმონ ხუნდაძეც (იხ. მისი წერილი „ანტ. ფურცელაძე და ეგნ. ნინოშვილი“, დაბეჭდ. თურნ. „ქართულ მწერლობის“ უკანასკნელ ნომერში). იმის დასამტკიცებლად, თუ როგორ გაამარტივა ავტორმა ეს საკითხი, მე მოვიყვან აქ მისი წერილიდან ერთ ადგილს: „ისტორიული ფაქტია — სწერს აშხ. ხუნდაძე, — რომ 1872 წელს ქართველმა ნაროდნიკულმა ინტელიგენციამ დააარსა პირველი რევოლუციონური პარტია საქართველოში... ანტონ ფურცელაძე ერთ-ერთი აქტიური წევრი და დამაარსებელი იყო ამ საქართველოს ნიადავზე აღმოცენებულ პირველ სოციალისტურ პარტიისა“... და ბოლოს: „და ამ პირველი რევოლუციონური ორგანიზაციის დაარსების (1872 წ.) ოცი წლის თავზე — 1892 წ. ეგ. ნინოშვილმა საქართველოში საფუძველები ჩაუყარა პირველ მარქსისტულ ორგანიზაციას“. რა თქმა უნდა, ასე არ შეიძლება ისტორიის გამარტივება. უწინარეს ყოვლისა, შემცდარია აშხ. ხუნდაძე, როცა გადაჭრით გვეუბნება, რომ 1872 წელს ნაროდნიკული ინტელიგენციამ დააარსა საქართველოში „პირველი რევოლუციონური პარტია“. ასეთი პარტია ჩვენმა ისტორიამ არ იცის. ამ „პარტიის“ არსებობა, თუ გნებავთ, ჩვენ ქანდარმერიის არქივიდან ვაივით. ამ შემთხვევაში შეიძლება ლაპარაკი მხოლოდ ნაროდნიკულ წრეებზე, ან ჯგუფებზე, ვიწრო ორგანიზაციაზე, რომლებიც შთაფრობის ერთი დარტყმით უეცრად გაქრენ, და არა რევოლუციონური პარტიაზე. რაც შეეხება იმას, რომ „ნა-

როდნიკული პარტია ჩვენში საქართველოს ნიადაგზე იყო აღმოცენებულიო“, — ეს დებულება სრულიად არ შეეფერება სინამდვილეს, რადგანაც ჩვენ ვიცით, რომ დასახელებული პარტია აღმოცენდა რუსეთის პირობებში, რუსული „ობშინის“ ნიადაგზე. შემდეგ, გაკვირვებას იწვევს ამხ. ხუნდაძის მიერ მოყვანილი შეფარდება 1872 წელს დაარსებულ რევოლიუციონურ ორგანიზაციასა და 1892 წელს გამართულ პირველ მარქსისტულ თათბირის შორის. ჯერ ერთი, რომ ეს არ იყო წმინდა მარქსისტული თათბირი, უფრო მართალი რომ ვთქვათ, ეს იყო მარქსისტულად განწყობილი ახალგაზრდობის თათბირი, და მასთან ამ თათბირს არავითარი ორგანიზაცია არ ჩამოუყალიბებია. ეს მოხდა შემდეგ წლებში. მე ვფიქრობ, რომ ისტორიის და დატების ასე გამარტივება მისაღები არაა. ანტ. ფურცელაძის იდეითრად დანათესალება ეგნ. ნინოშვილისა ეს რთული საკითხია, რომელსაც უფრო ღრმა შესწავლა ესაჭიროება.

ჩემი შეხედულებით ის აზრი, რომ დანდიელ ჯონჭაძე იყო ეგნ. ნინოშვილის წინამორბედი, ბევრად უფრო ნაყოფიერია. ამ ორ მწერალს შორის ბევრი რამ საერთო არსებობს. უპირველეს ყოვლისა წრე, საიდანაც ისინი გამოვიდნენ, არა თავადაზნაურული, არამედ გლეხური ან გლეხკაცობასთან დაკავშირებული. შემდეგ საგანი მოთხრობებისა ორივეს ერთი და იგივე აქვს — გ ლ ე ხ კ ა ც ო ბ ი ს ბ ე დ ი. ამასთან ერთად დანიელ ჯონჭაძე აყენებს საკითხს ბატონყმობის მოსპობის შესახებ რევოლიუციონურად. მისი მოთხრობის გმირები, ისევე როგორც ეგ. ნინოშვილის, პროტესტანტები არიან, რომლებიც არ ურიგდებიან არსებულ წესწყობილებას, ან თავის თავს იკლავენ ან ხოცავენ თავიანთ მტარვალ — მებატონეებს და გარბიან. როგორც ვიცით, ასევე იქცევიან ნინოშვილის მოთხრობების გმირებიც. მაგრამ მათ შორის ბევრი და დიდი განსხვავებაც არის. ეს განსხვავებანი უმთავრესად იქიდან გამომდინარეობენ, რომ დან. ჯონჭაძე და ეგ. ნინოშვილი ცხოვრობდნენ სულ სხვადასხვა დროს. იმავე დროს ჯონჭაძე სრულიად განმარტოვებული იყო. იგი ნამდვილი ობოლი იყო. მას არ ყავდა თავის ირგვლივ არავითარი საზოგადოებრივი ძალა, რომელზედაც მას შეეძლო დაყრდნობა. ეს იყო დ. ჯონჭაძის უდიდესი ტრაგიზმი. სულ სხვა იყო ის დრო, როცა ეგნატე ნინოშვილი ცხოვრობდა.

აქვე საჭიროა ერთ გარემოებაზე უჩვენო. ბევრი ხედავს მსგავსებას ეგ. ნინოშვილის და ალ. ყაზბეგის გმირებს შორის. ეს გაუგებრობაა. ალ. ყაზბეგი გაუსწორებელი რომანტიკოსია. ყველა

მისი გმირები და თვითონ ავტორიც წარსულს აღმერთებენ, წარსულ ზნე-ჩვეულებებს და წესებს დასტირიან. არაფერ ამის შესავს აღვლი არ აქვს ნინოშვილის მოთხრობებში.

ნინოშვილი უკვე ეყრდნობა ახალთაობას, ახალ ძალებს. მის გარშემო თავს იყრის რევოლუციონური ახალგაზრდობა და უკვე არსებობს მუშათა კლასიცი. იგი ერთი აღარ არის. იგი უკვე ხედავს განთიადის მოხალოვებას.

მისი სიკვდილის შემდეგ ჩვენ განვიცადეთ სამი დიდი რევოლუცია; რომელთაც მოყვა განხორციელება იმ იდეალების, რომლებისთვის იბრძოდა ეგნატე ნინოშვილი. მის შემდეგ რამდენი პარტია არ წარმოიშვა საქართველოში, მაგრამ ისტორიამ ყველა ეს პარტიები გააცამტვერა. მაგრამ ის პარტია, რომელსაც ჩვენში საფუძველი ჩაუყარა ნინოშვილმა, დღეს გამარჯვებულია. ეგნატეს დროს არ არსებობდნენ ბოლშევიკები და მენშევიკები, მაგრამ ნინოშვილი რომ ამ ხანას მოსწრებოდა, რა თქმა უნდა, იგი ბოლშევიკების პირველ რიგში იქნებოდა. ამიტომ ჩვენ ვამბობთ, რომ მართალია ნინოშვილი უდროოდ დავკარგეთ, მაგრამ ის საქმე, რომელიც მან დაიწყო არ მომკვდარა, არა თუ არ მომკვდარა, არამედ გაიზარდა და დღეს ჩვენ ვხედავთ მის ნაყოფს, საბჭოთა ხელისუფლების და უდიდესი სოციალისტური აღმშენებლობის სახით.

აქედან ნათლად ჩანს, თუ რამდენად აუცილებელ საჭიროებას წარმოადგენს დღეს ნინოშვილის მოღვაწეობის და მისი ლიტერატურული მემკვიდრეობის ღრმა და საფუძვლიანი შესწავლა.

მხატვრული მწერლობის ამოცანები რეკონსტრუქციის პერიოდში *)

ჩემი მოხსენების თემა არის მხატვრული მწერლობის ამოცანები რეკონსტრუქციის პერიოდში. რისთვის დაგვჭირდა ჩვენ ერთის შეხედვით ასეთი უცნაური სათაურის დაჩქმევა მოხსენებისათვის? მხატვრულ მწერლობის და განსაკუთრებით კი პროლეტარული მწერლობის შესახებ კეთდებოდა მოხსენებები ჩვენს წარსულ პლენუმებზედაც. ვკამათობდით. ვღებულობდით რეზოლიუციებს. ერთის სიტყვით ჩვენ ამ საკითხებს ვამუშავებდით. ესლა კი სხვა-გვარად ისმება მხატვრული მწერლობის საკითხები. დღეს ჩვენ მწერლობის ამოცანებს ვარკვევთ — რეკონსტრუქციის პერიოდთან დაკავშირებით, საზოგადოებრივი ცხოვრების მთელ რიგ ახალ მომენტთან შეფარდებით. ეს კი მოწმობს იმას რომ მწერლობის და კერძოდ კი პროლეტარული მწერლობის ამოცანები — შეიცვალენ, გაიზარდენ, გამრავალდებიან.

რით ხასიათდება დღევანდელი პერიოდი და რა დამატებითი ამოცანები ეკისრება პროლეტარულ მწერლობას და საერთოდ მთელ მწერლობას? რეკონსტრუქციის პერიოდის უმთავრესი დამახასიათებელი თვისება არის სოციალისტურ შეტევის გაძლიერება — კაპიტალისტურ ელემენტებზე, როგორც ქალაქათ ისე სოფლათ. გამწვავდა კლასთა ბრძოლა. გაძლიერდა ახალი ბურჟუაზიის და კულაკობის წინააღმდეგობა. ეს არის ანტი-საბჭოთა კლასების აღსასრულის წინ უკანასკნელი ძალების დაქიმვა. ეს მოვლენა ბუნებრივია.

სოციალისტური შეტევის გაძლიერება იწვევს მუშაობის ახალი მეთოდების შექმნის აუცილებლობას, ბრძოლის ახალ ფორმებს. რეკონსტრუქციის პერიოდი ითხოვს რომ ქალაქათ და სოფლად — მუშაობის ყველა სფეროში (წარმოებები, ახალი სოფლის სოციალისტური სექტორი) იქნეს გამომუშავებული ახალი მეთოდები, ახალი ფორმები, ახალი საშუალებები — სოციალისტურ ელემენტების და-

*) მოხსენება, წაკითხული საქ. პრ.-მწ. ასოსტ. მე-3 პლენუმზე.

გროვებისათვის, მათი თვალსაჩინო ზრდისათვის. მუშაობის მეთოდების გარდაქმნა აუცილებელი ხდება იდეოლოგიურ ფრონტზედაც. კლასიური ბრძოლის გამწვავება იდეოლოგიურ ფრონტზედაც ძლიერათ მელანდება. თუ კოლმეურნეობის მოძრაობას კულაკები აქტიურათ ებრძვიან, კლავენ კოლმეურნეობათა ხელმძღვანელებს, თავს ესხმიან კოლმეურნე ღარიბ გლეხებს, სწვავენ ანეულებს და სხვ. — კლასიური მტერი არც იდეოლოგიის ფრონტზეა მშვიდობიანათ. კლასიური მტრის აქტიური გამოლაშქრება იდეოლოგიის სფეროშიაც ვლინდება; ძლიერდება წინააღმდეგობანი კულტურული რევოლიუციის განვითარების მსვლელობაში.

უკანასკნელ ხანებში პროლეტარული მწერლობა განაკუთრებულ ყურადღებას აქცევდა მწერლობის მემარჯვენე ფრონტს. ეს შემთხვევითი არ იყო. მემარჯვენეობა მწერლობაში და საერთოდ იდეოლოგიის ფრონტზე უშუალოთ დაკავშირებულია — საზოგადოებრივ ცხოვრებაში კლასიური ბრძოლის გამწვავებასთან. როდესაც ჩვენ გამოუშვით გაზეთი „5 მაისი“ და განსაკუთრებული ენერჯით შეუტით მემარჯვენეობას მწერლობაში, ხელოვნების ფრონტზე, ოზივატელს, მეშხანინს, აქტიურ კლასიურ მტერს — ეს ჩვენი მორიგი „გამოგონება“ კი არ იყო — არამედ სინამდვილეში არსებულ მემარჯვენე მოვლენათა აღნიშვნა და მასთან შებრძოლება.

იდეოლოგიის ფრონტზე ჩვენ ჯერ კიდევ ძალიან ბევრ ადგილას გვჭირდება პოზიციების გამაგრება. მთელ რიგ სფეროებში მარქსიზმი, ჯერ კიდევ ძლიერათ არ შექრილა და არ დაუფლებია სახელმძღვანელო სიმაღლეები. კულტურულ რევოლიუციის მსვლელობაში — დამატებითი სიძნელეები ჩნდება, რომელთაც დაძლევა რეკონსტრუქციის პერიოდში აუცილებელი ხდება. გავიხსენოთ ლენინიზმის დებულება კლასიური მტრის იდეური წინააღმდეგობის შესახებ. ამხ. ლენინი ხაზგასმით აღნიშნავდა: „Наша задача — побороть все сопротивление капиталистов, не только военное и политическое, но и идеинное, самое глубокое и самое мощное“. აი სწორედ ეს ყველაზე მეტი ძლიერების მქონე იდეური წინააღმდეგობა, განსაკუთრებით მელანდება ესლა; მის დასაძლევათ აუცილებელია მახვილი ფორმების გამომუშავება.

სწორ ნიადაგზე სდგას თუ არა ჩვენი მუშაობა კულტურულ რევოლიუციის ფრონტზე? პარტიისა და ყველა ჩვენი სახელმწიფო ორგანოების მიერ განსაკუთრებული ზომები არის მიღებული, რომ რაც შეიძლება ფართოდ იქნეს გავლილი კულტურული რევოლიუ-

ცია. შემთხვევითი არ არის ის გარემოება რომ განზრახულია, საქართველოში სამი წლის განმავლობაში მოხდეს წერა-კითხვის უკონდინარობის ლიკვიდაცია. ეს არის საფუძველი — რომელიც მოგვცემს საშუალებას კულტურის უმაღლეს სფეროების იდეურ სიმაგრეების დაპყრობისას. კულტურულ რევოლუციის გატარებაში აუცილებელია მტკიცე კლასიური თანმიმდევრობა.

საჭიროა გადაჭრით შევებრძოლოთ კულტურულ რევოლუციის გატარების პროცესში გამოშლანებულ მანვე ტენდენციებს. ერთის მხრივ: იდეოლოგიის ყველა საკითხების, თანმიმდევრობითი კლასიურათ დასმის უარისყოფა, ნების განწყობილებანი იდეოლოგიაში, ზეკლასიური „კულტუროსნობა“ და მეორეს მხრივ: ულტრა-მემარცხენე ტენდენციები, კლასიური ბრძოლის მეთოდების დამახინჯება.

ფრიად მნიშვნელოვანია პარტიის უკანასკნელი დირექტივა — განსახკომის მუშაობის ძირითად რეორგანიზაციის შესახებ. დიდი ხანია დროა განსახკომი გადაიქცეს კულტურულ რევოლუციის შტაბათ. რეკონსტრუქციის პერიოდში კულტურულ რევოლუციის ყველა ოწინარები ძირეულათ უნდა გარდაიქმნენ, დაკვირვებით უნდა ამოძრავდენ. პრესა, წიგნი, სკოლა, ხელოვნება, მწერლობა და სხვ. კულტურულ რევოლუციის დამკვრელ იარაღათ უნდა გადაიქცენ.

ეხლა გადავიდეთ მხატვრული მწერლობის საკითხების გარკვევაზე. შეუძლებელია მხატვრული მწერლობა დარჩეს კულტურული რევოლუციის პროცესის გარეშე. მხატვრულმა მწერლობამ პრაქტიკულათ უნდა გადასჭრას ის ახალი ამოცანები — რომელნიც დღეს მის წინაშე სდგანან. მხატვრული მწერლობა რეკონსტრუქციის პერიოდის დამკვრელი ტემპების მოწინავე რიგებში უნდა იყოს. ამ თვალსაზრისით განვიხილოთ მხატვრული მწერლობის სხვადასხვა ფენები; გავივოთ თუ რომელი მისი ნაწილი ფეხდაფეხ მისდევს რეკონსტრუქციის პერიოდს და რომელი უპირდაპირდება მას, რომელი ასრულებს ახალი დროის ამოცანებს.

პროლეტარული მწერლობის უკანასკნელი მუშაობა — განსაკუთრებულათ ამტკიცებს კლასიურ ბრძოლის გამწვავებას მხატვრულ მწერლობის სფეროში. მაისში ბექდვითი სიტყვის დღის აღსანიშნავათ გამოსულ გაზეთში, (როდესაც ვხსნიდით ქართული მწერლობის დღევანდელ მდგომარეობას), — ხაზგასმით აღნიშნულია შემდეგი:

„კლასიური ბრძოლა ძლიერათ და მწვავეთ მელანდება ხელოვნებისა და კერძოთ მხატვრული მწერლობის სფეროშიაც. პროლეტარიატის შემოქმედებითი ენერგია თანდათანობით იპყრობს კულტურის ამ ნა-

წილებს: თანამედროვე ქართული ლიტერატურის სინამდვილეში დღეს ცხრიად მნიშვნელოვანი პროცესები მიმდინარეობს. უმთავრესია: მემარჯვენე (პროლეტარული) და მემარჯვენე ბანაკების დაპირდაპირება. დღეს მწერლობაში თვალსაჩინოა ძალთა შეფარდების შეცვლა. ერთის მხრივ, მემარჯვენე ბანაკს ერთგვარი გამოცოცხლება დაეტყო, მეორეს მხრივ — პროლეტარული მწერლობა უკვე გადაიქცა ერთ უმნიშვნელოვანეს რაზმად, რომელიც არამც თუ „ავიწროებს“ მემარჯვენე მწერლობის მადს, არამედ სდევნის ლიტერატურის სინამდვილიდან საშუალო, უიდეო კაობის მწერლობას. „ამასთან ერთად“ დღეს თანამგზავრობაში კიდევ მეტი სიჩქარით მიმდინარეობს დიფერენციაცია. თანამგზავრობა ნაწილი აშკარათ გადავიდა მემარჯვენეთა ბანაკში, მნიშვნელოვანი ნაწილი გარკვეულ კრიზისს განიცდის, რევოლიუციის გარეგნული ათვისება ხელს უშლის მათ აწმყო სოციალისტური მშენებლობის ორგანიული წარმოდგენისა და მომავლის გათვალისწინებაში. ძირითადი კადრი თანამგზავრობისა ირკვევა, ყალიბდება და მუშავდება რევოლიუციის მიმართულებით“.

ქართულ მწერლობაში მიმდინარე პროცესების და ძალთა შეფარდების ეს განსაზღვრა დღესაც სავსებით სწორია. ეხლა ჩვენი მწერლობის მდგომარეობის ზუსტი წარმოდგენისათვის, დაგშალოთ თვითეთული ეს პროცესი შემადგენელ ელემენტებათ, გამოვამჟღავნოთ მათი კონკრეტული, არსებითი რაობა.

როგორია მემარჯვენე ფრონტის მწერლობა, იმ ფრონტის როლელსაც ჩვენ ვუწოდებთ ბურჟუაზიულ, ფეოდალურ ნაშთების მწერლობას, „სმენავეხოველებს“?

ქართულ მემარჯვენე მწერლობასა და რუსულ მემარჯვენე მწერლობას შორის ბევრი მზგავსებაა, მაგრამ არის განსხვავებანიც. რუსეთში გარკვეულათ ჩამოყალიბებულია ახალი ბურჟუაზიული მწერლობა; ჩვენშიაც ბურჟუაზიული მწერლობის არსებობა უდაო ფაქტია; მაგრამ მას ახასიათებს თავისებურებანი, ხშირად ჩვენს ბურჟუაზიულ მწერალს, განსაკუთრებული სიმკვრივით ჩაქსოვილი აქვს თავის შემოქმედებაში ფეოდალური იდეოლოგიაც და ის ამ ორ იდეოლოგიას (ბურჟუაზიულს და ფეოდალურს) ორგანიული მთლიანობით ატარებს. ცხადია — ხშირად ფეოდალური ნაშთების იდეოლოგია. ყოველგვარ ბურჟუაზიულ შელამაზებისაგან დამოუკიდებლად გვევლინება.

ჩვენ ვამბობთ რომ უკანასკნელ წელს მემარჯვენე მწერლობა გააქტიურდა, ერთგვარად გაიზარდა. მაგრამ ეს იმას არ ნიშნავს, რომ საქართველოში ან-და რუსეთში დღემდე მემარჯვენე მწერლობა არ არსებობდა. არავითარ შემთხვევაში ეს ასე არ უნდა გავიგოთ. მე ამ საკითხზე იმისათვის შევჩერდი რომ ერთი რუსი ამხანაგი, როდესაც აღნიშნავდა მემარჯვენე მწერლობის ზრდას, ლაპარაკობდა,

რომ 1925 წელს არ იყო მემარჯვენე ბურჟუაზიული მწერლობა, როგორც არის დღეს. გამოდის თითქოს რომ 1925 წელს ბურჟუაზიული მწერლობა არ არსებობდა და მხოლოდ 1929 წელს შეიქნა და გაიზარდა. მე წაფიქრებავ თვით ამ ამხანაგის სიტყვებს, რაც სასვებით თვალსაჩინოთ გახდის მისი აზრის შეცდომას. ვლადიმერ აბრამოვი შესახებ, რომელიც ამბობს:

„თუ რამდენათ მნიშვნელოვანია ლიტერატურის ფრონტზე მომხდარი გადაჯგუფებანი, მაგალითად, შედარებით იმ დროსთან, როდესაც ს. კ. პ. (ბ) ცეკამ მიიღო რეზოლიუცია „პარტიის პოლიტიკის შესახებ — მხატვრული მწერლობის დარგში“ — შეიძლება დავინახოთ იმის მიხედვითაც, რომ ეს რეზოლიუცია პირდაპირ არ ლაპარაკობს ბურჟუაზიულ ლიტერატურაზე და კმაყოფილდება მხოლოდ მითითებით, რომ პროლეტარულ, გლეხურ და თანამგზავრულ მწერალთა გარდა, ჩვენ გვყავს კიდევ „სხვა“ მწერლები, რომლებზედაც რეზოლიუციაში მეტი არაფერი არ არის ნათქვამი“ (ბ. ოლხოვი. „იზვესტია“ 17 ოქტ. 1929 წ. „ლიტერატურის ფრონტზე ძალთა გადაჯგუფების შესახებ“).

მასთანადე უნდა ვიფიქროთ რომ ან პარტიის რეზოლიუციაში ყოფილა შეცდომა ან-და თვით ამხანაგი ოლხოვი უხეშად სცდება. რეზოლიუციის დაკვირვებით წაკითხვა ადასტურებს, რომ შემცდარია ოლხოვი და არა პარტიის დოკუმენტი, ვინაიდან — რეზოლიუციაში გარკვევით ნათქვამია რომ საჭიროა ბრძოლა ახალი ბურჟუაზიული იდეოლოგიის წინააღმდეგ; მასში ხაზგასმით აღნიშნულია იდეოლოგიაში ბურჟუაზიული ფრონტის არსებობა და მასთან სასტიკი ბრძოლის აუცილებლობა. არავითარ შემთხვევაში არ შეიძლება დაუშვათ, როგორც ოლხოვი ამტკიცებს რომ 1925 წელში, ბურჟუაზიული მწერლობა არ არსებობდა. ბურჟუაზიული მწერლობა მაშინაც არსებობდა — მაგრამ დღეს ის გააქტიურდა, გაიზარდა. გაიზარდა და არ შეიქნა. ამ დებულების დასამტკიცებლათ საკმარისია მიუთითოდ პილინაკზე და ზამიატინზე. შემთხვევითია თუ არა მათი ემიგრაციის დერეფანში სეირნობა? სრულებითაც არა. ეს მათი შემოქმედებითი გზების, იდეოლოგიის ორგანიული განვითარება და შედეგია.

ქართული მემარჯვენე მწერლობა, მიუხედავად იმ აქტიურობისა, რომელიც უკანასკნელ წლებში მას ემჩნევა, გასულ წელს სრულიად უფერული იყო. არავითარი თვალსაჩინო ნაწარმოები რომელზედაც შეიძლებოდა ყურადღების მიქცევა, ლაპარაკი — მწერლობის მემარჯვენე ფრთას არ მოუცია. დიდათ ამ მოვლენიდან არც თა-

ნამგზავრობის მდგომარეობაა გამორჩეული. პრეტენზიების მიხედვით ჩვენ დიდი მწერლობა გვაქვს. ფაქტიურად კი ფრიად უფერულია ეს მწერლობა. უნდა აღვნიშნოთ ქართული მწერლობის მხატვრული ხარისხის დამდაბლება, უუნარობა. მე ამ გარემოებას ხაზს უსვამ იმ მიზნით რომ ბევრი ჩვენი მწერალი ავაცილინო თავის მოტყუილებას. როდესაც ჩვენ მწერლებს იდეოლოგიურ გაუმართლებლობაში სდებენ ბრალს, რეაქციონურ განწყობილებებზე უყიყინებენ — მათ ჰგონიათ რომ მხატვრულათ ბუმბერაზნი არიან. აქედან კიდევაც აკეთებენ შესაფერის დასკვნებს. ქართულ მწერლობისათვის საზოგადოებრივ-პოლიტიკური პირობები არ არის ხელსაყრელი თორემ... მაშინ ნახავდით რაც ვიქნებოდითო. (ჯერ კიდევ გოგებაშვილის „დედა-ენაში“ ისწავლა, ყველა ქართველმა მწერალმა: მთვარიანი ღამე რომ არ იყოს... ...მე ვიცოდით) ამდაგვარი თავის მოტყუილების სენით შეპყრობილი არიან განსაკუთრებით — შემოქმედებითი სიკვდილის პირზე მდგარი მწერლები, რომელნიც მხატვრულად იმდენად გამოიფიტენ რომ — აღარ შეუძლიათ ოდნავ რაიმე ახალი შექმნათ მწერლობას. მწერალთა ეს ყალბი, შემცდარი ილიუზია უნდა გაიფანტოს. საქმე მართო იდეოლოგიურ მანებლობაში კი არ არის, არამედ მხატვრულ უმადრუკობაშიდაც. კ. გამსახურდია ერთ-ერთ თავის წერილში სწერს, რომ ქართული მწერლობა დაამშვენებდა ევროპის ყოველ პატარა ერსო. ძალიან მეექვება. ჩვენ ვიცნობთ ევროპის პატარა ერების მწერლებს — რომელნიც მართლაც და საამაყო არიან. ჩვენც გვყავდა საამაყო მწერლები — მაგრამ დღევანდელი ქართული მწერლობის ერთ-მნიშვნელოვან ჯგუფში, ამაოდ დავიწყებთ ასეთი მწერლების ძებნას. შემოქმედებითი დაბერება, უუნარობა ფაქტი ხდება ქართული მწერლობის ძველ, დიდ ფენისათვის. აღარ ხდება მათი ახალი კადრებით გადახალისება. შემოქმედებითი გამოფიტვა, დაბერება, უუნარობა, შესაფერისი სოციალური ნიადაგის გამოცლა — არის მწერალთა ერთი ფენის მხატვრული სისუსტის, სიჩუმის, უიდეურობის, უფერულობის მიზეზი.

ამასთან ერთად აღსანიშნავია მწერალთა ერთი კატეგორიის საზოგადოებრივ-პოლიტიკური სიბლაგვე, გაურკვეველობა, პერსპექტივის უქონლობა, ერთმა მწერალმა ხუმრობით სთქვა: „ერთ მშვენიერ დილას გავიღვიძე, ავდექი და ორშაბათი აღარ იყო. ასეთ პირობებში როგორ გინდათ გამართლებული, შეუმცდარი ნაწარმოები დავწერო“. ამ ხუმრობაში, თანამედროვეობის პროცესებში გაურკვეველობის, საზოგადოებრივი სიჩლუნგის — მთელი ფილოსოფია არის ჩაქსოვილი. მწერლისათვის საჭიროა დიდი აქტიურობის უნარი, მო-

წინავეობა, საზოგადოებრივი ალლოს, ძარღვის ქონება — უნდა გავიგო და აითვისო დღევანდელობის დაკვირვით ტემპები, ინდუსტრიალიზაცია, კოლექტივიზაცია, განუწყვეტელი კვირა, სოც-შეჯიბრი და ყველა სხვა, რეკონსტრუქციის პერიოდის თავისებურებანი. ჩვენი მწერლების ერთ ფენას ეს ალლო და უნარი არა აქვს, სამაგიეროთ ქარბათ ეხერხებათ ობივატელური წუწუნი და ხითხითი.

ქართული მწერლობის ფენებათ დახარისხების დროს — უნდა აღვნიშნოთ ფეოდალური იდეოლოგიის წარმომადგენლების არსებობა. აი აქაცაა განსხვავება ჩვენსა და რუსს მწერლებს შორის, ვინაიდან იქ, მწერლობაში მკაფიოდ გამომქლავებული ფეოდალური იდეოლოგია უკვე აღმოფხვრილია. რით ავხსნათ თუ არა ამ გარემოებით შალვა დადიანის ცეცებრთელა რომანი, თამარ მეფის ეპოქიდან „უბედური რუსი“. ნუ თუ აქ არ სჩანს დასრულებული ფეოდალური მწერალი? შემდეგ: არავისათვის ახალი არ იქნება განცხადება შესახებ იმისა, რომ გამსახურდიას მწერლობა — ორგანიულათ აერთებს, ბურჟუაზიულ და ფეოდალურ იდეოლოგიას.

თანამედროვე მთელი რიგი მწერლების შემოქმედებითი განვითარება, თავისებურათ დახვეული გზებით მიიძარბება. მაგალითად: ჩვენ არ შეგვიძლია გრიგოლ რობაქიძის შემოქმედება არ დაუკავშიროთ ბურჟუაზიულ იდეოლოგიას, მაშინ როდესაც რობაქიძე — თავის საზოგადოებრივი პოზიციებით სცდლობს ჩვენთან დაახლოვებას. სპეციალურად არ შეგჩერდები გრ. რობაქიძის ფილოსოფიაზე. ეს პირწავარდნილი იდეალისტური ფილოსოფიაა. ეხლა მე ხელთა მაქვს მისი საუბარი (წერილათ გადმოცემული) ბერძენ მწერალ კაზანცაკისთან. წერილი დაბეჭდილია გერმანულ ჟურნალის, საქართველოსადმი მიძღვნილ ერთ-ერთ ნომერში. ამჟამად წერილის გაცნობა ჩვენთვის საინტერესოა იმიტომ რომ ეს აზრები მთლიანად ახასიათებს მის შემოქმედებას.

ჯერ ჩვენ ვისმენთ უცნაურ ფილოსოფიას:

„ყველაზე უბედური ჩვენი საუკუნისა — რობაქიძის აზრით — ის არის რომ ჩვენ მშინარები ვართ და ეს იმიტომ ხდება, რომ ჩვენ გათიშული პიროვნებები ვართ. ჩვენ დაგვიკარგავს შინაგანი კონტაქტი, უნივერსალურ ძალებთან. ჩვენ დაგვიკარგავს ნდობა მამისადმი და ვგავართ უდაბნოში მოხეტიალე უძლებ შვილებს მამის სახლ-კარიდან გადაკარგულებს. აღმოსავლეთში მამა ბატონობს. დასავლეთში შვილი.“

რაშია საქმე? ვინ შესძლებს ამ სომნაბულური იეროგლიფების გაგებას? ან და არის რაიმე გასაგები? ვფიქრობ რომ სრულებით არაფერი. უგზო-უკვლო მისტიკას რა აზრი და რაციონალობა უნდა

მოვთხოვთ. მსოფლიო ომის, პროლეტარულ რევოლუციის, ზეცის და ქვეშეთის დაფლობის საუკუნეში, რატომ ვართ მშობარები ვერ გამოვია. თურმე უდიდეს კლასიურ სოლიდარობის ეპოქაში გათიშული პიროვნებანი ცვაფილვართ. თავის ფიქრით კულტურული, მოწინავე მწერალი დღეს თამამად აფენს მისტიკის შავ კარაბადინიდან, ძველთა-ძველ ჩერებს: „შინაგანი კონტაქტი, უნივერსალურ ძალებთან“. ამის შემდეგ მოთხოვეთ ახსნა რობაქიძეს, თუ რატომ ვგავართ უდაბნოში მოხეტიალე, მამის-სახლიდან გადაკარგულ — უძღებ შვილებს. სიზმრის ახსნის წიგნში თუ მოვძებნით ამის პასუხს. შემდეგ:

„პამლეტს მამა არა ჰყავს. იგი არა გრძნობს მამას თავის მეში, მამის ხმა მასში ოდნავ ლიცლიცებს და ეს გახლავთ პამლეტის ტრაგედია. ორესტეს წინააღმდეგ ყავს მამა, იგი გრძნობს თავის „მეში“ მამის ძახილს, მისი მოქმედება მამის ხმასა აყოლილი.

პოეტი უნდა ცდილობდეს ყოველ ორგანიზმში, ყოველ მოვლენაში მამა იპოვოს და ეს გამოგვიხატოს არა აბსტრაქტიულ ფორმით, არამედ რაც შეიძლება კონკრეტულად, დრამის, რომანის, ლირიკის სახით.

დრამაში უმთავრესია მითოსი, იგი კოსმიური მოვლენაა და არა ისტორიული. უმითოდ კედება დრამა. (კიდევ კარგი რომ ეს შეხედულება რობაქიძემ თავის პიესა „უღდეგაში“ საბოლოოდ არ განავითარა. ბ. ბ.) სწორედ ამიტომაა რომ ბერძნული დრამები ჰეშმარიტი დრამებია, რადგანაც ყოველი სახის უკან დიონისო სტირის ან იცინის. შეჰსპირი არ არის თავად — მწვერვალი, იგი უღელტეხილის დასაწყისია. შეჰსპირში ცალი ფერი უღვას მითოსს, მაგრამ ინდივიდუალობა მასში მაინც ძლიერია.“

შეიძლება თუ არა ამ დებულებების საწინააღმდეგო საბუთების მოყვანა, მის ავტორთან კამათი? არა. არ შეიძლება. არ შეიძლება იმიტომ რომ ეს უსაგნო ნისლია, რომელიც საუკუნოების განმავლობაში აბრუებდა უჭკუოთ „მოაზროვნეთა“ თავებს. არც ერთი დასაყრდენი წერტილი, არც ერთი ხელშესახები აზრი. მამა, მე, დიონისო. მითოსი და სხვა ასტრალური, განყენებული სიმბოლოები. ეს უნუგეშოთ დაბანგულის, უსუსურობით გაქვარტლულ სივრცეში, ხელეების საფსავია. რობაქიძეს ჰგონია რომ ამ უშინაარსო, „იუროდიულ“ აფორიზმებით — რაიმეს არკვევს. აზრთა ეს მარგალიტები მხოლოდ ღიმილს იწვევს. საშუალო საუკუნეებში ალქიმიკოსები ოქროს ქვას ეძებდნენ. ჰვა ვერ იპოვეს; მაგრამ მათი იდეოლოგია ჯერ კიდევ დარჩა. გრ. რობაქიძე აგრძელებს ოქროს ქვის ძიებას. მატერიალისტურ ფილოსოფიისათვის ეს აზრები, პრიმიტიული ტიტინია; იმ დროის ნაშთია, როდესაც ჯერ კიდევ ადამიანის თავში სწორად არ იყო დალაგებული სხვადასხვა მოვლენანი და საგნები.

ამ უაზრო ლოცვის შემდეგ გრ. რობაქიძე გადადის უფრო ნამოყალიბებულ და აზრიან ბურჟუაზიულ ფილოსოფიაზე, ბურჟუაზიულ ისტორიკაზე:

ხელოვნება უფრო ზენარულია, იგი თავისებური ტეურგიაა, კეშმარიტი ხელოვნება უფრო ზენარულია, იგი თავისებური ტეურგიაა, კეშმარიტი მაგია, რომლის სიტყვა უხილავი სუნთქვით გვაჯადოებს და გვიპყრობს. იგი ანხორციელებს იდეას და ანკაცებს ადამიანს. ამიტომაც კეშმარიტი პოეტი ღმერთსავით ქნის: პირველთაგანვე იყო სიტყვა.

რომანშიაც ასეა. კარგი მოთხრობა კიდევ არ არის მალალი ხელოვნება. აქაც უმთავრესია ხილულსა და უხილავს შორის არსებულ ბრძოლის წარმოდგენა. რომანს უწინარეს ყოვლისა პირწმინდათ კონკრეტული შინაარსი უნდა ჰქონდეს, მაგრამ ეს ყველაფერი არაა. გმირსა და მკითხველს შორის დიდი მანძილი უნდა იყოს. მკითხველი გმირს უკან უხილავი პიროვნების მთელ ლაშქარს უნდა შეკრეტდეს, სულების მთელ ლაშქარს, მთელს ახალ სამყაროს, რომანის გმირი არ უნდა იქნეს პირწმინდადნობი ფოტოგრაფია პიროვნებისა, იგი უნდა იყოს თვალმისაწვდენი ნიღაბი უხილავისა.⁴

აქ უკვე გრ. რობაქიძე დალაგებულათ ლაბარაკობს. იძლევა ხელოვნების დეკადენტურ გაგებას (ხელოვნება-ხელოვნებისათვის, ხელოვნება ტეურგიაა) და გვიშლის ბურჟუაზიულ თვალსაზრისს საზოგადოებრივი ურთიერთობის შესახებ. რომანის ხასიათზე მსჯელობაში საზოგადოებრივი ცხოვრების სისტემაა მოცემული. გმირი და მის უკან უხილავი ლაშქარი. ე. ი. გმირი, ერთეული პიროვნება და უსახო ბრბო. ეს არის ბურჟუაზიის საზოგადოებრივი ცხოვრების იდეალი და პრაქტიკა. ასეთია გრ. რობაქიძის იდეოლოგია, გამომქლავებული ფრიად გაშიშვლებულათ. ეს იდეოლოგია მის მიერ სრულათ გადატანილია მხატვრულ პრაქტიკაშიდაც. ეს დებულებები უკვე მხატვრულათ გაფორმებული არიან მის რომანებში: „გველის-პერანგი“ და განსაკუთრებით კი „ფალესტრა“-ში. ამრიგათ გრიგოლ რობაქიძის შემოქმედება ბურჟუაზიულ იდეოლოგიის მატარებელია, მიუხედავად მისი, პრაქტიკულ საქმიანობაში — საბჭოთა პოზიციებისა.

ავილოთ მემარჯვენე მწერალთა ორგანიზაციის საქმიანობა. რას აკეთებს „აკადემიურ მწერალთა ასოციაცია“? რა პოზიციებზე დგას ის? როგორ უპასუხებს ის რეკონსტრუქციის პერიოდის მოთხოვნილებებს? ამ საკითხებზე ეს ორგანიზაცია პირდაპირ პასუხს ვერ მოგვცემს და არც არაფერი აქვს საპასუხო. „აკადემიური ასოციაცია“ განდგომილია საბჭოთა საზოგადოებრივობისაგან. ის შემოფარგლულია მიუყარებელ განყენებულობით. ჩუმად, სადღაც დაკარგულ კუნძულზე თავის საქმეს აკეთებენ. (საერთოდ თუ აკეთებენ რამეს?)

ყოველ შემთხვევაში ეს საქმე საბჭოთა არ არის. საბჭოთა მკითხველ-ვერ ხედავს თუ რას აკეთებს აკადემიურ ასოციაციის მწერალთა უმრავლესობა. ეს გარემოება ამტკიცებს იმას, რომ მათი ინტერესები დაპირდაპირებულია ჩვენს ინტერესებს. მათი აქტიური წევრები აშკარათ ამჟღავნებენ თავის ანტი-საბჭოთა იდეოლოგიას — მასა კი ემალება თანამედროვეობას. მათ საქმიანობაში ჩვენ ვერავითარ შემთხვევაში საბჭოთა მწერლის მოვალეობის შესრულებას ვერ ვხედავთ. „აკადემიურ მწერალთა ასოციაციას“ ხელმძღვანელობენ მათ შორის ყველაზე მეტად მემარჯვენენი. შევხვით აკადემიურ ასოციაციის პრაქტიკულ საქმიანობას. ეს უმთავრესათ არის გამომცემლობა „ქართული წიგნის“ მუშაობა. ამ გამომცემლობაში კეთდება ჩუმი საქმე, რომელიც არავითარ შემთხვევაში პროლეტარულათ არ ჩაითვლება. დამისახელეთ რომელი პროლეტარული მწერალი გამოსცა „ქართულმა წიგნმა“? ან და საერთოდ თანამედროვე მწერალი. გარდა ორი მემარჯვენე მწერლისა, ა. აბაშელისა და კ. გამსახურდიასი. „ქართული წიგნი“ სცემს კლასიკებს. ეს ცხადია კარგი საქმეა — მაგრამ მათ დავთრებში სხვაგვარათ ჩხრიალებს კლასიკების კაპიტალი. საქმიანი „აკადემიკები“ კლასიკების ზურგს მოფარებულნი ცდილობენ დამალონ თავისი ნამდვილი ფიზიონომია. ისინი გულისხმობენ — რომ აკეთებენ „ქართულ საქმეს“; ნამდვილათ კი კლასიკების საბჭოთა მკითხველისათვის აპოლიტიური მოწოდებით, თავის კლასიკურ საქმეს ჩარხავენ. „ქართული წიგნის“ პოლიტიკა, — „აკადემიურ მწერალთა ასოციაციის“ პოლიტიკაა. აკადემიური ასოციაცია საბჭოთა მწერლობის ფედერაციის მიმართ, აშკარა გულგრილობას იჩენს. ავიღოთ თუ გნებავთ ფედერაციის სახელმძღვანელო ორგანოებში წარმომადგენლობის საკითხი.

აკადემიურმა ასოციაციამ თავის წარმომადგენლათ გაგზავნა გრიშაშვილი. ეს ფაქტი უკვე განსაზღვრავს აკადემიკების დამოკიდებულებას ფედერაციისადმი. გრიშაშვილი თავის საარქივო გამოკვლევებით დატვირთული, მხოლოდ ზრუნავს დაკარგული და ისტორიას გამორჩენილი მწერლების აღდგენას ფედერაციაში. სხვა რამის გაკეთება საბჭოთა მწერლობის ფედერაციაში მას არ შეეძლო და არც შეუძლია. ჩვენს პლენუმზე საქირთა გადაწყვეტი პირდაპირობით დავსვათ საკითხი, აკადემიურ მწერალთა ასოციაციის — ფედერაციაში საქმიანობის და მისი საბჭოთა მწერლობის ორგანიზაციაში დარჩენის შესაძლებლობის შესახებ.

როდესაც ქართული მწერლობის განწყობილებებზე ვლაპარაკობთ, არ შეიძლება გვერდი აუხვიოთ ერთ ფრიად საინტერესო

დოკუმენტს. ეს არის ნიკ. მიწიშვილის მიერ, მწერალთა ქსედიდან: რამოდენიმე დღის წინეთ გაკეთებული მოხსენება. მიწიშვილის ძირითადი დებულებები, ჩვენი მოხსენებების თეზისების პირდაპირ საინსტრუქციო მასალაა. მოხსენებაში სჩანს, რომ მიწიშვილს მიზნად ჰქონია, ჩვენი მწერლობის დღევანდელი მდგომარეობის გარკვევა, მისი ოქტომბრის შემდგომი პროცესების ბუნების გამომჟღავნება. მწერლობის რევოლუციისთან დამოკიდებულების ჩვენება და პერსპექტიული საკითხების დასმა. მიწიშვილი ამ საკითხების დასმის და დასკვნების გამოტანის დროს წარმოუდგენედ წინააღმდეგობებში არის ჩივარდნილი. შეგნებულად აბნელებს და აბუნდოვანებს მთელ რიგ აშკარა და ნათელ საკითხებს. პოლიტიკურ ხასიათის შეცდომებს-შეცდომებზე უშვებს. ერთის მხრივ ბრალს სდებს მემარჯვენე მწერლობას — მეორეს მხრივ იცავს მას რევოლუციისაგან, (?) მემარჯვენე ფრონტის მისამართით, მთელ რიგ ცილისწამებითი თავდასხმაზე მიდის და ობივატელურ ობუნჯობით და ანდაზებით ასწორებს ანგარიშებს. შეიძლება მიწიშვილს მიზანი კარგი ჰქონდა — მაგრამ შედეგი მივიღეთ სულ სხვაგვარი. ¹⁾

მემარჯვენე მწერლობის სოციალური ბუნების გამომჟღავნების დროს აუცილებელია შევეხოთ „სმენავეხოველობის“ ტენდენციებს. თუ რამოდენიმე წლის წინეთ „სმენავეხოველობას“ ჰქონდა ერთგვარი საბჭოთა ელფერი, რამოდენიმეთ დადებითი მოვლენა იყო დღეს ის წმინდა რეაქციონური მოვლენაა. „სმენავეხოველობას“ თანამგზავრობასთან არაერთი კავშირი აღარ აქვს. ნაციონალიზმი და მშენებლობა თავისთავად (და არა სოციალისტური) აი ჩვენი „სმენავეხოველობის“ დღევანდელი ქვაკუთხედი. უკანასკნელ ხანების მწერლობაში „სმენავეხოველობის“ სანიმუშო მაგალითებია. აშკარად უკიდურესი მემარჯვენე მწერალი კ. გამსახურდია ოდის უწერს სოციალისტური მშენებლობის სიამაყე „ზაგესს“. ამით მემარჯვენე მწერალი სცდილობს გვითხრას, რომ ისიც იღებს სოციალისტურ მშენებლობას. ისიც თანამგზავრია; მაგრამ იქვე ამ ოდის აქვს მეორე სათაური „ქართლის ფალავანი“. მაშასადამე „ზაგესი“ ეს სოციალიზმის ძარღვი კი არ არის, არამედ საერთოდ ქართლის. საქართველოს აღმშენებლობაა. ამ ოდის შინაარსის განხილვაც კი აღარ არის საჭირო. სათაურების დაპირდაპირება ნათლად ამჟღავნებს მისი ავტორის განწყობილებას.

¹⁾ რედაქცია სტოვებს მოხსენების მთელ იმ ნაწილს, რომელიც არჩევს ნიკ. მიწიშვილის მოხსენების დებულებებს. აღნიშნული ნაწილი, წერილის სახით დაბეჭდება ჩვენი ჟურნალის მახლობელ ნომრებში.

„სმენავეხოველი“ მწერლები ხედავენ მშენებლობას. ლებულობენ მას არა როგორც სოციალიზმის საფუძვლებს, არამედ როგორც საერთო ეროვნულ მშენებლობას, კლასიური-პოლიტიკური მიზნების გარეშე. არაფერს არ ლაპარაკობს შრომა; მშენებლობა თავისთავად, სოციალისტური გამიზნულობის გარეშე.

ავილოთ გრ. რობაქიძის პიესა „უღეგა“ აქ შრომობენ, ებრძვიან ბუნებას, აშენებენ — მაგრამ ყველაფერი ეს ხდება კონკრეტულ დროისა და სივრცის გარეშე. აქ მართლაც და რობაქიძის მარადიული „მითოსი“ — ა მამოძრავებელი. ასეთი შემოქმედებითი გზები — საბჭოთა მწერლობის ფარგლებში არ შედის. პირიქით.

ქართულ მწერლობაში ასეთ შემოქმედებით განყენებულობასთან ერთად, ჩვენ ვხედავთ მეორე მოვლენას: ეს არის შემოქმედებითი მუშაობის შენაცვლება ვიწრო „საქმოსნობით“ (делячество). ამით მწერლები ემბრუნებიან, საბჭოთა მწერლობის შემოქმედებით ამოცანებს. ამ ხაზისაა „აკადემიკების“ „ქართულ წიგნში“ საქმიანობა. ამ დებულების საილიუსტრაციოდ ფრიალ საინტერესოა ნ. მიწისვილის პოეტური არგუმენტაცია („ლექი სახელგამზე“). უწყებებში, თარგმანებზე და სხვადასხვა „უიდეოლოგო“ სამუშევრებზე — მწერლებს თანამგზავრებათ წარმოუდგენიათ თავი. ეს ტექნიკური ინტელიგენციის აპოლიტიური ნაწილის თვისებებია — რომელთაც გადმოტანა მწერლობაში დაუშვებელია და შეუძლებელიც არის.

საჭიროა აღინიშნოს წვრილ-ბურჟუაზიული მწერლების მემარჯვენე ჯგუფი. წვრილი ბურჟუაზია მწერლობაში იძლევა, როგორც პროლეტარიატის ისე ბურჟუაზიის თანამგზავრსაც. ქართულ ლიტერატურაში წვრილბურჟუაზიულ მწერლებს დიდი ფენაა, თითქმის ყველაზე მეტი. მიხ. ჯავახიშვილი თავის „დამბატიყეთი“ და საერთოდ თავის შემოქმედებითი პროდუქციის უდიდესი ნაწილით, ბურჟუაზიის თანამგზავრია და არა პროლეტარიატის. მწერლობა რომელიც ობივატელების და მეზიანების სულისკვეთებით სცოცხლობს, მთელი თავის არსებით არის ანტისაბჭოთა, ბურჟუაზიული მწერლობის ფრონტის გამმაგრებელი.

ჩვენს ლიტერატურაში თვალსაჩინოა უიდეურობის, დაცემულობის, ნეიტრალობის შემოქმედებითი აპოლოგია. საშუალო, უფერული, აქტიურ საზოგადოებრივ ინტერესს მოკლებული მწერლობა, ქმნის ქაობს ლიტერატურაში. ამ მოვლენის უარყოფა ძნელია და შეუძლებელიც, რადგან ლიტერატურის სინამდვილე, ფაქტებით ამტკიცებს მწერლობის ასეთი ფენის არსებობას. ახალი მკითხველისთვის მიწო-

დებულ მხატვრული მასალების მნიშვნელოვანი ნაწილი, ამ ხაზით მიიშრება.

ესლა გადავიდეთ თანამგზავრული მწერლობის გარკვევაზე. ამ ეხმად როგორი ამოცანები სდგას თანამგზავრობის წინაშე? რეკონსტრუქციის პერიოდი, როგორც პროლეტარული მწერლობის, ისე თანამგზავრობის წინაშეც აყენებს ახალ და მრავალ მხრივ ამოცანებს. დღეს თანამგზავრობას მეტი შემოქმედებითი საქმიანობა სჭირდება — ვიდრე ოდესმე. მან ახალ საბჭოთა მკითხველს უნდა მისცეს ჯანსაღი, რევოლიუციონური და იდეოლოგიურ-მხატვრული თვალსაზრისით მაღალი ღირსების შემოქმედებითი პროდუქცია. თანამგზავრობა მჭიდროთ უნდა დაუკავშირდეს პროლეტარულ მწერლობას, ამას წინათ აზერბაიჯანის პროლეტარულ მწერალთა ყრილობაზე — გლეხური თანამგზავრი მწერალი სანილი, ამტკიცებდა რომ პროლეტარული მწერლობის, გვერდის ანვევით, მის გარეშე გავხდებით რევოლიუციის კარგი მწერლებიო. ეს შემცდარი გზაა.

კომუნისმის კულტურულ ძალებთან თანამშრომლობის გარეშე მწერალს გაუჭირდება გახდეს კარგი თანამგზავრი.

დღეს თანამგზავრობაში ძალთა გადაჯგუფება სწარმოებს. ერთი ნაწილი კიდევ მუდმივ რყევას განიცდის; ნაწილი აშკარა მემარჯვენე გზას დაადგა, საბოლოოდ გაუთანამგზავრდა ბურჟუაზიას. ნაწილი კი მეტი გამორკვევის საშუალებით მჭიდროთ დაუკავშირდა პროლეტარულ რევოლიუციას. თანამგზავრობის სოციალური საფუძველი წვრილი ბურჟუაზიაა. ამით ნათელი ხდება მისი მერყეობაც და მოპირდაპირე ბანაკებში გადანაწილება. თანამგზავრობაზე საკითხის დასმის დროს დიდი ყურადღება არ უნდა მივაქციოთ ამ თერმინს. ამ ბოლო ხანებში გამოქვლავებული თერმინის რევიზია, ჩვენი აზრით არ არის აქტუალური საკითხი. თუ საჭირო იქნება თერმინი თანამგზავრობა შეიძლება შეიცვალოს, მაგრამ ჯერჯერობით ის ძირითადში სწორია. უმთავრესია საკითხი გარკვეულ იქნეს არსებითი ხაზით.

პოლიტიკური დეკლარაციებით თანამგზავრობის ხანა გავიდა. ეს დღეს ყველა მწერალმა უნდა შეიგნოს. საჭიროა შემოქმედებითი კაპიტალი. მეორე: წარსულში რევოლიუციონერობის პროცენტებით თანამგზავრობა არ შეიძლება. გარდა ამისა მწერალი, რომელიც მხოლოდ წარსულის შესახებ სწერს (თუნდ რევოლიუციაზედაც) კიდევ არ არის თანამგზავრი. ზოგიერთი მწერლები სწერენ მხოლოდ 1905 წლის რევოლიუციაზე და ამით მოაქვთ თავი დიდ თანამგზავრათ. ისინი თანამედროვეობაში გადმოსვლის უნარს ვერ ამჟღავნებენ. ეს

კი თანამგზავრობისათვის აუცილებელია. მაგალ. ლ. ქიანელმა ძლიერ მოახწია 1910 — 14 წლამდე. მის თანამგზავრობაზედ საბოლოოდ და გარკვევით ვილაპარაკებთ მაშინ, როდესაც ის მოახერხებს დღევანდელობამდე მოხწევას. ამით მე ის არ მინდა ვსთქვა, რომ თანამგზავრ მწერლებს უფლება არ აქვთ წარსულზე სწერონ. სრულებითაც არა. ყოველგვარი მასალის მხატვრულათ გაფორმების დროს მთავარია თვალსაზრისი, რომელიც არკვევს მის თანამგზავრულობას, მაგრამ როდესაც მწერალი ყოველგვარი ეპოქიდან ახერხებს მასალის აღებას, მხოლოდ არა თანამედროვეობიდან, ეს ფრიად დიდ ეჭვებს ჰბადებს. თამამად შეიძლება ითქვას, რომ ის მწერალი, რომლისთვისაც თანამედროვეობა უცხოა, ახალი მასალა მისთვის დაუმორჩილებელია — თანამგზავრი არ არის.

ჩვენი მწერლების ერთი ჯგუფი 1905 წლის რევოლიუციაზეა გაყინული. ასეთია ვ. რუხაძე, ა. აბაშელი და სხვ. ლ. ქიანელიც ამ ჯგუფს ეკუთვნის იმ განსხვავებით რომ მოძრაობის უნარს ამჟღავნებს, მაგრამ ის ჯერ კიდევ გზაშია. ზოგიერთი იდეოლოგიითაც და მასალითაც წარსულში ჩარჩენილი მწერალი, გვაყვედრის ამ წარსულს. ამ მხრივ დამახასიათებელი არის ალ. აბაშელის დეკლარატიული განცხადება ლექსში — „ახალგაზრდობა“. ის ამბობს რომ დღევანდელ ბრწყინვალე შენობის ასაგებათ აგურები მეც მომიტანია-ო. მე წარსული მაქვს. მე საქმე გამოიკეთებია-ო. ეხლა სჯობია დავივიწყოთ ბრძოლა, შევიყვაროთ ერთმანეთი და საერთო ჩირაღდნები ავახლოთო. ამდაგვარ განცხადებით პოეტი თანამგზავრი ვერ გახდება და არც ჩვენ მივიღებთ — კლასიური საზღვრების წაშლის წინადადებას. თანამგზავრობა კლასიურ მშვიდობიანობას არ გულისხმობს. პირიქით. აუცილებელია თანამგზავრების, ბურჟუაზიულ მწერლობისაგან გადამქრელი გამოიჯვნა. მერყეობის უკუგდება და სოციალისტურ მშენებლობის პერსპექტივის ორგანიული შეთვისება. არავითარ შემთხვევაში არ უნდა შევანელოთ ბრძოლა წითელ ხალხურასთან, თანამგზავრობის მიტმასნების ტენდენციებთან გაიგივებასთან. ჩვენ გავ. „5 მაისში“ გამოვამჟღავნეთ ამ მავნე ტენდენციების ბუნება. მაგრამ ამ ხაზით საჭიროა თანმიმდევრობითი ბრძოლის წარმოება. თანამგზავრ მწერლების ბირთვი თანდათან ძლიერდება. ფრიად საგულისხმოა ის გარემოება რომ ერთმა თანამგზავრმა მწერალმა, შესძლო ისეთი ორგანიული გადამუშავება, რომ სამართლიანად დაიმსახურა პროლეტარული მწერლის სახელი. მე ვილაპარაკებ გიორგი ქუჩიშვილზე, რომელიც ეხლა პროლეტარულ მწერალთა ასოციაციის წევრია.

მეტად ძნელია რომელიმე ჯგუფის მთლიანათ თანამგზავრულათ აღიარება — მაგრამ „მემარცხენეთა“ ჯგუფზე თამამად შეიძლება ითქვას, რომ მათ შეუძლიათ სავსებით დაიპყრონ თანამგზავრობის პოზიციები. მათ შორის შეგვიძლია დავასახელოთ სიმონ ჩიქოვანი — როგორც გარკვეული თანამგზავრული მწერალი. ნაწილობრივ ესევე ითქმის დენია შენგელიაზედაც. ეს მწერლები სცდილობენ დაუახლოვდნენ პროლეტარულ იდეოლოგიას, ორგანიულათ შეითვისონ პროლეტარული მსოფლმხედველობა.

ჩვენი განცხადება „მემარცხენეთა“ უმეტესობის თანამგზავრული გზების შესახებ ისე არ უნდა იქნეს გაგებული, რომ ვითომც-და ჩვენსა და მათ შორის ყველა სადაო საკითხები წაიშალა.

ერთეულ მწერლებიდან ჩვენ გვყავს მნიშვნელოვანი თანამგზავრები. მათ შორის უპირველეს ყოვლისა აღსანიშნავია პოეტი გალაქტიონ ტაბიძე, რომელიც არის ერთ-ერთი პირველი თანამგზავრი; თანამგზავრობის გზაზე მას ჰქონდა ჩავარდნები, მაგრამ ის დღეს სავსებით გამორკვეული თანამგზავრია.

„გლახური მწერლის ფრთიდან“ — როგორც თანამგზავრი აღსანიშნავია სანდრო შანშიაშვილი.

საბჭოთა მწერლების ფრონტზე ერთგულათ მუშაობენ მთელი რიგი მწერლებისა, რომელთაც დღემდე ჩვენ სათანადო ყურადღებას არ ვაქცევდით — (რაც უარყოფითი მოვლენაა) ასეთია: დ. სულიაშვილი, ვ. გორგაძე, ვრ. ცეცხლაძე, და სხვ. ეს მწერლები სცდილობენ თავის წვლილი შეიტანონ საბჭოთა მწერლობის შემოქმედებით მარაგში.

ყურადღება მისაქცევია მწერლობის ის ფენა, რომელიც იბრძვის თანამგზავრული პოზიციების დაპყრობისათვის. ამ მოვლენის დამახასიათებელ მასალას იძლევა რამოდენიმე მწერალი „ცისფერ ყანწელთა“ ჯგუფიდან. ჩვენ მათთვის ერთბაშით თანამგზავრობის სახელის მიკუთვნება არ შეგვიძლია — ვინაიდან უახლოეს წარსულში ისინი ამჟღავნებდნენ პერმანენტულ წვრილ-ბურჟუაზიულ მერყეობას. „ცისფერ ყანწელთა“ მწერლებიდან ზოგიერთები თანმიმდევრობით სცდილობენ თანამგზავრულ გზაზე დადგომას. მაგ. ტიცაან ტაბიძე იძლევა იმედს, რომ გასწყვეტს კავშირს მერყეობასთან. ამ მწერლების რიცხვს უნდა მივაკუთვნოთ ვ. გაფრინდაშვილი და რ. გვეტაძე. ნ. მიწიშვილს — რატომღაც ყველაზე მეტი პრეტენზიები აქვს თანამგზავრულ მწერლობაზე. მისი უკანასკნელი მოხსენების დებულებები წვრილბურჟუაზიულ მერყეობის და „აქეთ-იქითობის“ კლასიკურ ნიმუშს წარმოადგენენ. ეს არის ორ ბანაკს შორის

გამართული საქანელა. ასეთივე წინააღმდეგობანია მიწიშვილის „პეი-პეიაში“.

თუ მიწიშვილი აღმოფხვრის თავის შემოქმედებაში მეშხანურ და ობიექტურ ფილოსოფიას—მაშინ ის შესძლებს თანამგზავრათ გახდომას. ჯერჯერობით მისი თანამგზავრათ აღიარება აშ შეგვიძლია.

ასეთი დანაწილება არსებობს თანამედროვე ქართული მწერლობის არა პროლეტარულ ნაწილში.

როგორია საბჭოთა მწერლობის ფედერაცია? ფედერაციამ დღემდე ვერ შესძლო თავის მუშაობის სათანადო ღონეზე დაყენება, ის ვერ გახდა საბჭოთა მწერლობის შემკრებ ცენტრად. ფედერაციაში არიან მთელი რიგი მწერლებისა, რომელთაც არაფერი საერთო არა აქვთ საბჭოთა მწერლობასთან. იმ შემთხვევაში თუ ჩვენ ვერ შევძლებთ ფედერაციის მუშაობის ძირეულათ გარდაქმნას, ჩვენ საბჭოთა მწერლობის ფედერაცია არ გვექნება.

შე სრულიადაც არ მინდა საბჭოთა მწერლობის ფედერაციის მუშაობის სისუსტე დავაბრალო მხოლოდ არა პროლეტარულ მწერლობას. პლენუმზე უნდა აღვნიშნოთ, რომ პროლეტარულ მწერლების დელეგაცია ფედერაციაში მუშაობს სუსტად და მათ უნდა დავავალოთ, რომ მომავალში გააცხოველონ მუშაობა. მაგრამ ამასთან ერთად, უნდა აღვნიშნოთ რომ ფედერაციის მუშაობის სისუსტის მთავარი მიზეზი მასში შემავალი დანარჩენი ორგანიზაციებია. აუცილებელია ფედერაციაში შემავალმა ჯგუფებმა ერთგვარი პასუხისმგებლობა იკრძონ. როდესაც ფედერაციაში იმყოფებიან ისეთი მწერლები, რომელთაც არაფერი საერთო არა აქვთ საბჭოთა მწერლობასთან ეს იმას ნიშნავს, რომ მასში შემავალი ზოგიერთი ჯგუფები უპასუხისმგებლოთ ეკიდებიან საბჭოთა მწერლობის სახელს. საჭიროა საბჭოთა მწერლობის ფედერაციის წმენდა, მისი ძირითადი რეორგანიზაცია. ფედერაცია უნდა გადაიქცეს თანამგზავრულ მწერლობის გაძლიერების იარაღათ.

აუცილებლათ საჭიროა რომ ჩვენ რაც შეიძლება მჭიდროთ დავიახლოვოთ თანამგზავრები. სასტიკი ბრძოლა უნდა გამოუტყვადოთ თანამგზავრობის მიჩქმალვის ტენდენციებს, ულტრა-მემარცხენეობის რეციდივებს რომელნიც არ აფასებენ თანამგზავრობას და ყოყოობენ.

თანამგზავრული მწერლობის გაძლიერება ჩვენი ერთ-ერთი ამოცანაა. დღეს ჩვენ გვყავს კადრი თანამგზავრებისა, რომელიც უნდა გავაძლიეროთ. ჩვენ უნდა ვეცადოთ თანამგზავრი მწერლები დაუახლოვოთ პროლეტარიატის იდეურ პოზიციებს.

ვიზრძოლოთ სოციალისტური ადამიანისთვის

„...ჩვენს ცხოვრებაში ყოველთვის კედება რაიმე, მაგრამ იმას, რაც კედება უბრალოდ სიკვდილი კი არ სურს, ის იბრძვის თავის არსებობისათვის, იცავს თავის დრომოკმულ საკმეს. ჩვენს ცხოვრებაში ყოველთვის იბადება, რაიმე ახალი. მაგრამ ის რაც იბადება, უბრალოდ კი არ იბადება, არამედ ჩხავის, ყვირის, იცავს თავისი არსებობის უფლებას.

ბრძოლა ძველსა და ახალს შორის, იმას შორის რაც კედება და რაც იბადება,—აი ჩვენი განვითარების საფუძველი“.

ი. ს ტ ა ლ ი ნ ი.

ჩვენ არ ვლაპარაკობთ დაცემულობის გამომწვევ მრავალ მიზეზზე (როგორიცაა უსწავლელობა, ხანგრძლივი უმუშევრობა, საკუთარი კლასისაგან ჩამოშორება, უბინაობა და სხვ.) და დაცემულობის გამოვლინების ნაირ ფორმაზე, ვინაიდან საერთოდ საბჭოთა ახალგაზრდობის ერთ პატარა ნაწილში არსებული დაცემულობის განწყობილებათა შესამჩნევი ტალღა საგრძნობლად შენეელდა, რადგან მიმდინარე პერიოდში პესიმისტური აზრების და განცდების „ტრიუმფალურ“ სვლას ნივთიერი ბაზა გამოეცალა. რასაკვირველია, მხედველობაში არა მაქვს ჩვენთვის სოციალურად უცხო საზოგადოებრივი ფენები (დაცემულობის „ფილოსოფია“ უმთავრესად ზედმეტი, ნაკაცარ ელემენტებისგან მომდინარეობს) და საზოგადოების „ნეიტრალური“ ფენების ის ნაწილი, რომელსაც ჩვენ შინაურ ემიგრანტებს ვუწოდებთ; ეს ფენები განაგრძობენ დაცემულობის ხაზით „განვითარებას“.

რა არის დაცემულობა და საიდან მომდინარეობს ის სოციოლოგიური თვალსაზრისით? დამტკიცებულია, რომ დაცემულობის ნაკადი ჩვენს წრეში ჩვენი ნივთიერი და კულტურული რესურსების სიღარიბიდან და მისგან გამოწვეულ სულიერ განწყობლებიდან მომ-

დინარეობს. ამხ. ლუნაჩარსკის არ იყოს, ჩვენ ეს „სულიერი განწყობილება“ არ უნდა დავუკავშიროთ, რომელიდაც ფიზიოლოგიური მიზეზების ბიოლოგიურ თვისებას — თითქოს ასეთები უკმაყოფილონი იბადებიან, ასეთია მათი პლანადა, რომ ისინი აუცილებლად პესიმისტები უნდა იყვნენ. დაცემულობის ძირები სოციალურია, თუმცა ზოგიერთ პირობებში და ნაწილობრივ, ბიოლოგიური მიზეზებიც უწყობს ხელს მის გამოვლინებას.

დაცემულობის ფილოსოფიით გამსჭვალული არიან უმთავრესად საზოგადოების დეკლასიური ელემენტები, რომელთაც სოციალური სიკვდილი მოელით. მაგრამ ეს იმას როდი ნიშნავს, რომ მუშურ-გლეხური ახალგაზრდობა მთლიანად დაზღვეულია დაცემულობის ნაწილობრივი გავლენისაგან. რასაკვირველია, ჩვენ ვანსხვავებთ ამ მოვლენის სპეციფიკას ახალგაზრდობის სხვადასხვა ფენაში, ამაში მხოლოდ წვრილ ბურჟუაზიული ფსიქიკა ვერ ერკვევა.

არა ვართ პანიკური ეფექტების მოყვარული ხალხი, მაგრამ ვიტყვით ხაზგასმით, რომ ჩვენს გენერალურ ამოცანებთან ბიოფსიქოლოგიური მასალის ნაწილის ნაწილობრივი დაუკავშირებლობა არსებობს. ეს კი საუკეთესო ნიადაგია ყოველგვარი ყოფილი არანორმალურობისათვის.

სწორად დასმული პროგრამა საკითხის ნახევრად გადაჭრას უდრის. ყოფის პრობლემების რკვევის დროს ჭოგიერთი ამხანაგი ივიწყებს ან ავულგარებს რეალური ბაზისის და ზედნაშენების თეორიას და ნარკვევის მაგივრად ბელეტრისტული ვარჯიშობა გამოუდის. მხედველობიდან ეპარებათ მთავარი: საზოგადოებრივი განვითარების მამოძრავებელი ძალები მწარმოებელი ძალებია (რეალური ბაზისი), რაზედაც შენდება იურიდიული და პოლიტიკური ზედნაშენები და რომელსაც ეფარდება საზოგადოებრივი შეგნების განსაზღვრული ფორმები. მაგრამ ზედნაშენსაც შეუძლია გავლენა იქონიოს ბაზისზე; ლენინის მითითება: „сознание человека не только отражает бытие, но и творит его“, არსებული ზედნაშენების ყველა სახეზე ვრცელდება.

კაცობრიობის მოძრაობა A წერტილიდან B წერტილამდე, B წერტილიდან C წერტილამდე და ასე შემდეგ თვით D წერტილამდე — არასოდეს არ ხდება მარტოდენ ეკონომიკის გზით. იმისათვის რომ A წერტილიდან მივიდეთ B წერტილამდე და სხვ... საჭიროა ყოველთვის ავმაღლდეთ „ზედნაშენამდე“ და იქ მოვახდინოთ ზოგი ცვლილება. მხოლოდ ასეთ ცვლ.

ლებათა შემდეგ შესაძლოა მივალწით სასურველ წერტილს*) აი ჩვენი მეთოდოლოგიური გამოსავალი. დიალექტიური მატერიალიზ-
მია საზოგადოებრივ მოვლენათა კვლევის უნივერსალური მეთოდი.

ხშირია შემთხვევა, როდესაც საშუალო გლებობიდან გამოქ-
ული სოფლის კომკავშირელები მორბიან ტფილისში და ჰგონიან, რომ
აქ დაფნის გვირგვინები ელის მათ. თურმე ცხოვრება უფრო რთული
ყოფილა და ურთულესი წინააღმდეგობებით სავსე. მიდიან შრომის
ბირჟაში, იქ კი გარკვეული ლოდინია საქირო და ამით „გაცრუე-
ბულნი“ ჰაერში ეკიდებიან. ასეთი ახალგაზრდა გაიგებს, რომ ტფ-
ლისში მწერლების ფედერაცია არსებობს და მწერლები ლექსების
წარმოებით კარგად ცხოვრობენ, ყოველ შემთხვევაში, ასე ჰგონია
ამ ახალგაზრდას. ის ეცნობა „ცნობილ“ მწერლებს და პოეზიისათ-
ვის განკუთვნილი ჰგონია თავისი ახირებული თავი. მწერლობა, თუ-
მე, ნუ იტყვი, ადვილი საქმე ყოფილა, ვინაიდან არ საქიროებს შრო-
მის ბირჟას, დიდ ცოდნას და, რაც მთავარია, შრომას. უკვე დას-
წერა პირველი „ლექსი“, რომელიც დიდ მნიშვნელოვნად ასე დაა-
თავა: „ეს ქვეყანა ძალის კუდივითაა მოგრებილი“ და პროსპექტის
ბოგემური ფსიხოლოგიით იმსჯელებს, სახელგამის გზაც ისწავლა. —
ყოველდღე ნახავთ მას სახელგამის ცნობილ დერეფანში ტრალიკუ-
ლი მანერით მობაასეს რომელიმე ლიფსიტა მწერალთან ცხოვრების
არარაობის თემაზე, რომ მას არ აფასებენ და არ აძლევენ ფულად
დახმარებას ან პენსიას, ბევრ დაუმსახურებელ მწერალს კი ეძლევა
პენსია საქართველოში, ამ მოპოვებო ახალგაზრდის ლოლიკა პენსიე-
ბის საკითხში სწორია, მაგრამ როდესაც ოცი წლის ახალგაზრდა ინ-
ვალიდობას იდეალად გაიხდის. — ეს ასეთი ტიპის ახალგაზრდების
სოციალური სიკვდილის მომასწავებელია.

შემარჯვენე მწერლების ყოფა-ცხოვრება ძალზე წვრილ-ბურ-
ჟუაზიულია, ბოგემური, ჭაობის მაგვარი, განსაკუთრებით საქართვე-
ლოში; ლოთური ცრემლები, მიმინო, ტიტველი სხეულით ლაზღან-
დარობა, სპირტიზმი, ეკლესია, და სხვ. — აი მათი ყოფა-ცხოვრებითი
სტიქია. ნაწილობრივ ჩვენი სისუსტის გამო ასეთ ატმოსფეროში ვარ-
დება მოპოვებო მოზარდი და ცხადია, თუ როგორ უარყოფითად, გამ-
ხრწნელად იმოქმედებს მასზე ეს სიღამაზე, ეს ჭაობი.

აი განცხადება სოფლიდან ჩამოსული ერთი მოპოვებო კომკავ-
შირელის, რომელიც უკვე ნაწილობრივ გადაგვარების რონებზეა
შემდგარი:

*) ლია წერილი გოლცევისადმი — „За двадцать лет“.

„ჩემი სოციალური მდგომარეობა უკიდურესია. პარტიის ხაზი კი ღარიბთა (რასაკვირველია, კლასიური ხედვით) ფენებს ეხმარება. მე ვარ კომკავშირელი მწერალი, ვმუშაობ პროზაზე, ოჯახური მდგომარეობა ასეთია: მამა ჩემი სოფლის უკიდურესი მუშაკაცია, შიშველი— მთელი დღეები მიწის ქერქში ჭრება... ახლა, მე რომ არ გაეჭრე, რა თქმა უნდა, როგორც უფრო კომკავშირელი გთხოვთ მატერიალურ დახმარებას. ვიცით, რომ ელემენტები, ჰქმნიან მთლიანობას და მეც როგორც ელემენტი დამიცავით, შემიბრალეთ! და... ისე კი არ მოვიქცევი, როგორც ესენინი, არა, მე მინდა: სწავლა, მე მინდა ვიყო ერთ-ერთი კომკავშირელი და არა მწერალი, მინდა ვიბრძოლო ახალი ყოფისათვის... შეიბრალეთ, შეიბრალეთ მთიულეთიდან მოსული...“.

განცხადება გარკვეულად ლაპარაკობს, რომ განმცხადებელი კომკავშირელი არაა, ყოველ შემთხვევაში ცუდი კომკავშირელია, ჩვენ არ ვამბობთ, რომ კომკავშირელს დონკიხოტური გატაცება უნდა ახასიათებდეს, პირიქით, ეს ფუქსადვატობის გამომხატველია, მაგრამ რომ კომკავშირელი, იქნება ის ხარბტი, კალკულატორი თუ დამწყები მწერალი, ახალგაზრდა ენტუზიასტი, სოციალისტური ყოფისათვის მებრძოლი მტკიცე ჯარისკაცი უნდა იყოს და არა წირპლიანი „გულ-ახდილობით“ პანიკური მოტივებით მოვაჭრე, ეს ექვს გარეშეა; ყალბი ნოტები, პოლიტიკური უვიცობა, მანჭიობა, პედანტიზმი, „ზევილობა“ და გულგატეხილობა კომკავშირელს როდი ახასიათებს.

რასაკვირველია, ამ მოპოეტო ამხანაგის ნაწილობრივ გადაგვარებაში ნაწილობრივ პროლეტარული მწერლობის საზოგადოებრივობაა დამნაშავე, რომ პანიკური განცხადების ავტორი ვერ მოაქცია საზოგადოებრივად საჭირო კალაპოტში.

მაგრამ მარტო ძიძაობით საზოგადოებრივად სასარგებლო საქმე როდის გაკეთებულა, რომ მოცემულ შემთხვევაში გაკეთებულიყო. საჭიროა საკუთარი აქტივობის, ინიციატივის, დაინტერესების ამოძრავება და არა წმუტყუნი იმის შესახებ, რომ მამა „მიწის ქერქში ჭრება“ და შვილსაც „გაჭრობა“ მოელის.

საჭიროა მასობრივი პროლეტარული საზოგადოებრივი აზრის ამუშავება, რომ ასეთი ყალბი კომკავშირელები ვამხილოთ. ის ახალგაზრდები, რომელთაც ჯიბეში კომკავშირის გაჭონილი ბილეთები უდევთ და პოლიტიკურად უმეცრები არიან, როდესაც პარტია და ხელისუფლება უამრავ ფულს ხარჯავს პოლიტ-სკოლებზე. საჭიროა ვამხილოთ ის ახალგაზრდები, რომელნიც კომკავშირის რიგებში ითვლებიან და მხოლოდ საშუალო სტატისტიკურ ციფრებს წარმოად-

გენენ. საქიროა გავკიცხოთ ის ამხანაგები, რომელნიც „პატარა“ საქმეებს თაკილობენ, რცხვენიათ „პატარა“ პარტიოსანი შრომის და ამჯობინებენ უგზო-უკვლოდ ყიას და ისტერიულ კივილს: „გვიშველეთ“, და თუ შეუძლებელია მათი გასწორება, გავდევნოთ ორგანიზაციიდან, როგორც ჯანსაღ ორგანიზაციაში პესიმიზმის მთესსავეები, რომელნიც ამ გზით ორგანიზაციაში გადაგვარებისათვის იდეურ არეს ამზადებენ.

ბოლშევიკების ძველი გვარდია ათასჯერ უფრო ცუდ პირობებში იმყოფებოდა; ვიდრე ეს ახალგაზრდები, რევოლიუციონური მუშები აუტანელ ნივთიერ და პოლიტიკურ პირობებში მუშაობდნენ, ვიდრე ეს ცრემლიანი მოზარდები, ახალგაზრდა ბებრები, მაგრამ მათ არც კი იცოდნენ, თუ რა იყო სულიერი მოდუნება, პირიქით; ვეფხებივით იბრძოდნენ ოქტომბრისათვის. ჩვენი გმირული წითელი არმიის ნაწილები შშიერ-მწყურვალნი და ფეხშიშველნი იბრძოდნენ უამრავ ფრონტზე, მაგრამ, მიუხედავად აუტანელი ნივთიერი პირობებისა, ბრწყინვალედ გაიმარჯვეს. საქართველოს სახელოვანი „სპარტაკელები“ დაკანკილ ხალათებით იბრძოდნენ საქართველოს ოქტომბრისათვის და გაიმარჯვეს! მაშასადამე, ცხოვრების მთავარი მამოძრავებელი მხოლოდ კუჭი როდი ყოფილა, — ეს იქნებოდა კუჭის მატერიალიზმი, — არამედ იდეათა ის სამყარო, რომლის განაღდებისათვისაც სწარმოებს დიდი ლენინური ლაშქრობა.

აი ვის უნდა მივბაძოთ. აი ვისგან უნდა ვისწავლოთ ბრძოლა და შრომა! პატარა დაბრკოლებების გამო კი არ უნდა ვიცრემლებოდეთ, არამედ უნდა ვიბრძოდეთ მათი გადალახვისათვის, თორემ სლოკინი, მლაშე ცრემლი და ხელების ყველაფერზე ჩაქნევა ადამიანის სოციალურ სიკვდილს მოასწავებს. აქედან კი ფიზიკურ სიკვდილამდე მოკლე მანძილია.

ვინ არიან ესენი, რომელნიც თანადროულობას მხოლოდ პირადი კეთილმოწყობის ასპექტით უყურებენ, მებრძოლი კლასის იდეალებს სახამებლიან საყულოზე და „იუბკაზე“ სცვლიან. ვინ არიან ეს აცდენილი ტიპები, რომელნიც „იუბკისათვის“ ყველაფერს დასთმობენ, რომელთა შთაგონების ბაზაა „იუბკა“ და მხოლოდ კუჭი? ცხადია, ახალგაზრდობის ერთი პატარა ნაწილი, რომელიც უმთავრესად წვრილ ბურჟუაზიული წრიდანაა გამოსული და ახალი მოსულია კომკავშირში.

ეს თემა ბევრჯერ დაგვიმუშავებია კომკავშირული გაზეთის ფურცლებზე, აღნიშნულ საკითხზე ხშირად თავსდებოდა აღნიშნულ გაზეთში ფელეტონები და ამიტომ მოცემული წერილის საილიუსტ-

რაცო მასალით დატვირთვა ფუნქციონალურად გაუმართლებელი იქნება, თუმცა საზოგადოებრივ ინტერესს არ იქნება მოკლებული, რომი დამახასიათებელი მაგალითის მოყვანა:

ამხ. პონევეჟსკი თავის საინტერესო ბროშურაში „ფოქსტროტის ტალღებში“ სწერს, რომ ლენინგრადის ერთ-ერთ დანსინგში გამართულ კონკურსზე „ლამაზი“ ფეხებისათვის პირველი ჯილდო... შოკოლადის ფაბრიკის მუშა-ქალმა მიიღო, ზედმეტი არ იქნება, თუ გავეცნობით ამ ახალგაზრდა მუშა-ქალის ზოგიერთ ბიოგრაფიულ ფაქტს, მით უმეტეს, რომ ეს ქალიშვილი მუშა-ახალგაზრობის ერთი პატარა ნაწილის განსაზღვრულ ტიპს წარმოადგენს. „ლამაზ-კანჭებიანი“ გოგო ლენინგრადში ჩამოსულა გომელიდან 1925 წელს; ქალი ახერხებს ფაბრიკაში და შემდეგ კომკავშირშიც შესვლას. ითვლება ენერგიულ მუშა-ქალად, ჯამაგირს უმატებენ... და ნელ-ნელა იწყებს „ლამაზ“ ცხოვრებას, სულ სხეულზე ფიქრობს და მაცესტროზე, კომკავშირის სცილდება და საღამოობით „პიონერებში“ ტრიალებს. ცხადია, აქედან დანსინგამდე, თავბრუდამსხმელ ჩარლსტონამდე მოკლე მანძილია და „ლამაზი“ ფეხების ხულიგნების მიერ დაჩქმეტისათვის ამ ქალიშვილმა ჯილდოდ ერთი კოლოფი საზღვარგარული პუდრა „კელკლერ“ მიიღო. ასეთი „ლიზეტები“ (ამ მუშა-ქალმა თავისი სახელი ელიზავეტა უკვე „გააკეთილშობილა“!) ჩვენშიც მოიპოვებიან და როდესაც ამის შესახებ ვწერთ, რომ ეს მდგომარეობა უკვე ნამდვილი გადაგვარების, მტრულ ელემენტებთან სოციალური შეზრდის სიმპტომია, ზოგი იდეოლოგიურად მტკიცე ამხანაგიც კი ექვდება მოსაზრების სერიოზულობაში და გულუბრყვილოდ, „ვეგეტარიანულად“ უდგება ამ ყოფის საშიშროებას.

მინდა შევეხო ერთ პარტილეთიან ქალს, გალინა კ-ს, რომელიც საჩხერის საბავშო სახლის ხელმძღვანელია და რომელსაც გასაფრენად გამზადებული ეროსები თვალების ქუთუთოებზე უსხედან. ვიწყებთ ამბავს! მაგრამ ვთხოვთ ამხ. მკითხველებს ეს ფელეტონურ გადაქარბებად არ მიიღონ, ვინაიდან ყველაფერი ქვემოთ აღნიშნული ნამდვილი, კონკრეტული პიროვნების კონკრეტული ქცევების ასახვაა.

მაგრამ რითაა ცნობილი ეს პროვინციალური მთვარე და „განმანათლებელი“? უფრო იმით, რომ პარტიის კანდიდატი გალინა მხოლოდ კუჭით „აზროვნობს“ და ზარბაცია (კრებ რომისსონი ამბობდა, რომ ის, რასაც ჩვენ სიზანტეს ვუწოდებთ, არსებითად საკუთარი უვარგისობის შეუგნებელი შეგნებაა).

ქალი, რომლის დანიშნულებაც მომავალი თაობის კომუნისტურად აღზრდა, რელიგიურ დღესასწაულებზე დაიარება და ვაჭრების

სადლეგრძელოებს სვამს „ვახტანგურად“. საბავშვო სახლში საჭეიფოდ საეჭვო პირებს დაატარებს, დოქებით ღვინოს სვამენ; პაპიროსს კინო-ვარსკვლავით ეწევა, და აშენდა საბავშვო სახლი! მხოლოდ ვიწრო სურვილები ამოძრავებს მას; მორიგეობის დროს უპატრონოდ დასტოვა 41 ბავში და ვილაცებს გაპყვა აკაკი წერეთლის სახლში, სადაც ღამის ცხრა საათამდე დაპყო... მეორეჯერ ექსკურსიაზე წავიდა ბათომში, რვა დღე დაწესებულება შემთხვევითი პირის ხელში დასტოვა. ტენიკურ პერსონალს უდიერად ეპყრობა, დარაჯს დოქებით ხელში სამიკიტნოებში დაარბენინებს, სოფ. სხვიტორშიც კი გაგზავნა დარაჯი ღვინისათვის.

საჩხერის მთვარე ტუჩებს იღებავს; წარბებს იკეთებს და, რაც მთავარია, ხშირი სტუმარია ტფილისის, ექიმ მიქაბერიძის, რომელმაც პარიზში ე. წ. „სილამაზის ინსტიტუტი“ დაამთავრა. ისვამს პიროს კანის გასანაზებელი სითხეებს და კანჭების დასაწვრილებლად მასაჟს იკეთებს. ეს „პედაგოგიური“ საქმიანობა მან მოზრდილ ბიჭებშიც გადაიტანა, ეალერსება მათ და ვაზელინით თმებს უპრიალებს.

ერთ საღამოს საჩხერის მყუდრო ქუჩები ქალის ისტერიულმა კივილმა და რევოლვერის სროლამ შეარყია. „რომანი“ მოხდა თემკომის ყოფ. მდივნის ოჯახში! თემკომის ყოფ. მდივნის ცოლი ამ მშვიდ საღამოს მოულოდნელად თავს წააწყდა თავის ქმარს გალინასთან ინტიმურ ყოფაში... შემდეგ თუ რა მოხდა, არაა საინტერესო, აღსანიშნავია მხოლოდ „რომანის“ ადგილას მოგროვილი ხალხის ყვირილი: „ეს მისგან პირველი არაა“, „მოგვაშორეთ უხნეო, გახრწნილი ქალი!“.

ოჰ, გალინა, ვერ გაგიგეს შენ, შენი ცხოვრების გზა ეკლებითაა მოფენილი!

განა მართალი არ იყო ფერგიუსონ, როცა სწერდა, რომ ქალის ცხოვრებას, შინ და გარეთ, მხოლოდ სიყვარული შეადგენს! ასე ფიქრობენ ფერგიუსონთან ერთად გალინები, ლიზეტები და ბიჭიკობი. ჩვენ კი ვფიქრობთ, რომ „არაფრიდ დასაქმული ტენი ეშმაკის სახელოსნოა“ და საზოგადოებისათვის ზედმეტი ბარგია, უკეთეს შემთხვევაში საუტილიზაცია ნედლეული.

ბრძოლა „საწოლის იდოლოგიის“ წინააღმდეგ სოციალისტური კულტურისათვის ბრძოლასაც ნიშნავს. მოსაზრება მიუწვდომელია მხოლოდ იმისათვის, ვისაც ვერ გაუგია, რომ ერთი ინდივიდის თავისუფლება თავდება იქ, სადაც მეორის იწყება, გაუგებარია — მხოლოდ „ოცნების პრინციპებისათვის“, მერზლიაკოვებისათვის, რომელთაც სქესობრივი ანარქიზმი, რომელიც ძველი ოჯახური ურთი-

ერთობების საზოგადოებრივი უვარგისობიდან მომდინარეობს, ფიზიოლოგიური პრობლემის და პრინციპის სიმაღლეზე ავყავთ. ჩერნიშევსკიც კი, რომელიც სამართლიანად რუსეთის სოციალ-დემოკრატიის წინამორბედად ითვლება, ყოფის მოუწყობლობის მიზეზს „ძველ ოჯახში“ ეძებდა. მისი ახალი ყოფის პრობლემები, მცირედის გამოკლებით, დღესაც საზოგადოებრივად აქტუალურია, რის რეალიზაციისათვისაც ჩვენ გვიხდება მუშაობა. ქალ-ვაჟთა ხანგრძლივი შეკავშირება ურთიერთ ნდობის და გაგების სფუძველზე (იდეოლოგიური საფუძველი), ორივე მხარის სრული დამოუკიდებლობის (ეკონომიურ-მორალური) საჭიროება, ბრძოლა რომანიულ ნიადაგზე აღმოცენებული ექვიანობის წინააღმდეგ, რადგან ეს ძველი გრძობა ახასიათებს ჩამორჩენილ ადამიანს, რომლისათვისაც ერთი მეორის საკუთრებაა და სხვა, — აი, დაახლოვებით, ჩერნიშევსკის ვიწრო ყოფითი იდეალი, რის განაღდებსათვის მხოლოდ დღეს იქმნება საჭირო საწარმოო ურთიერთობა. მართალი იყო პლექანოვი: ჩერნიშევსკიმ იცოდა, რომ „თავისუფალი სიყვარულისათვის“ უნდა გადაეფიქრებინა ყველა ოჯახური და, მაშასადამე, საზოგადოებრივი ურთიერთობა.

ქალ-ვაჟთა „ოჯახური“ დამოკიდებულების სფეროში საქმე არა ხელსაყრელ მდგომარეობაშია: სასიცოცხლო ძალების, სქესობრივი ენერჯის ფუქსავეტური ფლანგვა, ოჯახური დრამები, აქედან გამომდინარე შედეგებით. მიზეზი? რევოლიუციის დამრღვევი მოქმედება ყოფა-ცხოვრებაში დღევანდლამდე გრძელდება, ახალი ყოფაჯერ ჩანასახებშია, არა გვაქვს ახალი მტკიცე ეთიური ნორმები ოჯახის საკითხში და სხვ. მაგრამ ეს იმას არ ნიშნავს, რომ გულზე ხელები დავიკრიბოთ და ველოდოთ თუ როგორ მოგვივა საინით ახალი ყოფა. ყოველი ჩვენგანი მოვალეა თავისი ქცევითა კონკრეტულ მაგალითებზე შეებრძოლოს საკუთარ თავში მოკალათებულ მონური წარსულის ნარჩენებს და ხელი შეუწყოს ახალი ყოფის ელემენტების მტკიცედ შეკვრას.

ქალთან დამოკიდებულების, საკითხი დიდი სოციალური და ყოფითი მნიშვნელობის საკითხია. კომუნისტური მორალი ქალისადმი ეთიური დამოკიდებულების მთელ ჯამს და ყველა სახეს იტევს; ქალთან დამოკიდებულებაში, როგორც გასართობ ნივთთან ადამიანის გადაგვარება ვლინდება, ადამიანი ამ შემთხვევაში არსებობს მხოლოდ თავისთავისთვის.

მარქსი სწერდა, რომ შეუძლებელია სქესობრივი მუთხოვნეულებანი გაუსწოროთ კვების მოთხოვნილებას, ვინაიდან ქალი ნივთი არაა, არამედ საზოგადოებრივი ადამიანია. ამიტომ ჩვენი ყოველგვარი მოთხოვნილება ქალისადმი (და შებრუნებით) ადამიანურ ხასიათს უნდა ატარებდეს, ჩვენში საზოგადოებრივი გრძნობები უნდა განვავითაროთ.

ზნეობრივი კრეტიზების მიერ ათვალისწინებული ინდივიდუალური სიყვარული აუცილებელია და ენგელსის თქმით „დიდი ზნეობრივი პროგრესის“ შედეგია. სქესთა ურთიერთობა „კერძო“ საქმეა, რომელიც მხოლოდ „დაინტერესებულ“ პირებს ეხება: მრავალ ცოლიანობა და მრავალ ქმარიანობა და აიძულო „ერთი მაკოცინე“, მთლიანად ბურჟუაზიულ საზოგადოებას ეკუთვნის და ნაწილობრივ ძალაშია დღესაც პროსტიტუციის სახით.

კომუნისტური ეთიკა უარყოფს ე. წ. სქესობრივ ანარქიზმს, დაძალებას და მკაცრ ეთიურ ურთიერთობას ამყარებს ქალის მიმართ. მხოლოდ „მემარცხენე“ ფილისტერები და ჩუბაროველებია ამის წინააღმდეგი.

დე ამას ყოველი ჩვენგანი საქმიანად ჩაუფიქრდეს. ვინაიდან კომკავშირული ახალგაზრდობის მნიშვნელოვანი ნაწილის ყოფითი იდეალი საწოლს არ სცილდება.

„ახალი ცხოვრება აჩენს ახალ ადამიანებს... ახალი თაობა იზრდება ახალ რევოლუციონურ ატმოსფეროში, უკეთ — რევოლუციის შემდგომი დროის ყოფაში. რევოლუცია მისთვის უპირველესყოვლისა ყოფაა, რევოლუციის კულტი — სახელმწიფოებრივი კულტი. დღევანდელი ახალგაზრდობა რევოლუციას სახელმწიფო სკოლაში სწავლობს, არ ამზადებს მას იატაკქვეშ და არ ოცნებობს მასზე ეენევის დახუთულ ყავახანებში. იგი რადიკალურად გამოირჩევა არა მარტო რევოლიუციის წინა ეპოქის ახალგაზრდობისაგან, არამედ რევოლიუციონერთა უფროსი თაობისაგანაც. იგი თავდადებულია რევოლიუციისათვის, მაგრამ სხენაირად, არ ჰქმნიდა მას, მხოლოდ იღებს მზამზარეულად. იგი არ იტანჯებოდა მისთვის, მხოლოდ გაბედნიერებულია მისით. არ განიცდის ენტუზიაზმით რევოლიუციონურ ბრძოლას, ხოლო ენტუზიაზმით უქმობს რევოლიუციონურ უქმეებს, კალენდრის მიხედვით“... (უსტრიალოვი).

როგორ ამუქებს სმენავებოველი პროფ. უსტრიალოვი თავის მოსაზრებათა რგოლს, საითყენაა გამიზნული მისი — „ანალიზი“?

ექვს გარეშა, რომ უსტრიალოვის მიერ საბჭოთა ახალგაზრდობის „დახასიათება“ — ნაწილობრივ ობიექტიურია; განა ფაქტი არაა, რომ საბჭოთა ახალგაზრდობის დიდ ნაწილს, უმთვრესად ასაკობრივი მიზნის გამო, არ გაუვლია რევოლიუციონური ბრძოლის და გამძლეობის არალეგალური ლენინური სკოლა? სწორედ ამ მოვლენაში ეძებს გამოსავალს ცნობილი რეაქციონერი: მისი გაგებით ახალი ეკონომიური პოლიტიკა უზრუნველყოფს საწარმოო ძალების კაპიტალისტურ ფორმებში განვითარებას და საბჭოთა (ე. ი. მუშური და მოსწავლე ახალგაზრდობა) ოპოზიციაში ჩაუდგება საბჭოთა ხელისუფლებას, ვინაიდან არ „განიცდის“ რევოლუციას, არამედ „უქმობს“ რევოლიუციონურ დღეებს და მისი იდეური დაქანება, სოციალური გადაგვარება შესაძლებელია.

უნდა აღინიშნოს, რომ ჩვენი პარტიის ყრილობები ამავე საშიშროებაზე მიგვითითებენ: გაშლილი კლასიური წინააღმდეგობანი და ახალი საზოგადოებრივი ურთიერთობებისათვის ბრძოლა ამავე დროს ახალგაზრდობისათვის ბრძოლა საცანიშნავს.

ყოფის სოციალისტურად გარდაქმნის პრობლემა მჭიდროდაა დაკავშირებული ახალგაზრდობისათვის ბრძოლის მწვავე საკითხთან. ყოფაცხოვრების სოციალისტური რეკონსტრუქცია მოითხოვს ადამიანების მასალის სოციალისტურ გადამუშავებას. რა უნდა მოსთხოვო ისეთ ვითომდა კომკავშირელს ან პარტიის კანდიდატს, რომელიც ვერ გარკვეულა ელემენტარულად მაინც მიმდინარე სოციალ-პოლიტიკური პროცესების დიალექტიკაში, დამძიმებულია მონური წარსულის ყოფითი ჩვევებით, გარდამავალი პერიოდის გარდამავალი სიძნელეები პროლეტარიატის იდეურ განიარაღებად ეჩვენება და მხოლოდ პირადი კეთილმოწყობის ასპექტით უდგება საბჭოთა სინამდვილეს. რა უნდა მოსთხოვო ისეთ კომკავშირელს, რომელიც მემარჯვენე ელემენტების ფსიქოლოგიურ ტყვეობაში იმყოფება, რომელსაც ვერ გამოარჩევთ პროსპექტის „კოხტა“ ბიჭებისაგან და რომელიც ყოველ მოხერხებულ დროს მოჰყვება ხოლმე გაბუტულივით სლოკინს და „თავისუფალ“ ლაყობას ცხოვრების გაუტანლობაზე. ასეთი „მოფილოსოფოსო“ ბატები, რომელნიც დაცემულობის ტალღებში ქანაობენ, ჩვენი ორგანიზაციისათვის ბალასტია.

მაგრამ ეს იმას როდი ნიშნავს, რომ ჩვენ მათზე ნეკროლოგს ეწერთ: ზოგიერთისათვის ეს მართლაც ნეკროლოგი იქნება: გულგატეხილი; გაბუტული და პანიკური ეფექტი-

მით მოვაქრე ახალგაზრდები, „მოფილტვნილნი“ ბატები, მანესტროს მოყვარული „რომანტიული“ ქალიშვილები, კუჭისმატერიალისტები და ძმანი მათნი ხელს უშლიან ყოფა-ცხოვრების სოციალისტური რეკონსტრუქციის რთულ პროცესს, სოციალისტური აღმშენებლობის ძლევამოსილ მსვლელობას. მაგრამ ამ ნაწილში ურევია სოციალურად მისაღები ხოლო გაუფნებელი ელემენტები, რომელთა იდეოლოგიურ-ფსიქოლოგიური, ყოფითი გაჯანსაღება შეიძლება. ჩვენ გვაქვს იარაღის დიდი არსენალი, რომლითაც შეიძლება ახალგაზრდობისათვის ბრძოლაში გამოსვლა; უნდა ვაწარმოოთ მედგარი ბრძოლა ყოველი ჩვენი ახალგაზრდისათვის, ჩვენი კადრებისათვის.

„მართლაც, თუ ადამიანი თავისი ხასიათის ყველა თვისებით გარემოზეა დამოკიდებული, მაშინ, სხვათა შორის, მისი ნაკლის მიზეზიც გარემო იქნება; მაშასადამე, თუ თქვენ გსურთ მის ნაკლს ებრძოლოთ, — საჭიროა სათანადოდ შესცვალოთ მისი გარემომცველი, სახელდობრ, საზოგადოებრივი წრე, რადგანაც ბუნებით ადამიანი არც ბოროტია და არც კეთილი. ჩააყენეთ ადამიანი გონივრულ საზოგადოებრივ ურთიერთობაში, ე. ი. ისეთ პირობებში, სადაც ადგილი არ ექნება თავის დაცვის ინსტიქტით გამოწვეულ ბრძოლას ერთი-მეორის წინააღმდეგ; შეუთანხმეთ ცალკე ადამიანის ინტერესი მთელი საზოგადოების ინტერესს — სათნოება (wertu) თავისთავად გაჩნდება ისე, როგორც თავისთავად ეშვება ძირს ქვა, დასაყრდენს მოცილებული. სათნოება კი არ უნდა ვიქადაგოთ. არამედ გზა უნდა გავუკაფოთ მას საზოგადოებრივ ურთიერთობათა რაციონალური მოწყობით“ *).

*) გ. პლენხანოვი: „მონისტური თვალსაზრისი ისტორიაზე“. გვ. 6-ე.

ლიტერატურული შენიშვნები

კონსტანტინე ლორთქიფანიძე „ახალი გლეხები“

უკანასკნელ ხანებში, ჩვენი სახალხო მეურნეობის დიდი გარდატეხის პარალელურად პროლეტარული მწერლობა აქტიურად შეეცადა იმ ამოცანების ბოლშევიკურ გადაჭრას, რომელსაც ჩვენს წინაშე აყენებს რეკონსტრუქციის მიმდინარე პერიოდი. უნდა აღინიშნოს, რომ ამ მოვლენამ თავისებური ცვლილება შეიტანა ჩვენი მწერლობის, როგორც თემატიურ საღაროში, ისე ფორმალურ ხერხების სფეროშიც. სოციალურ ცხოვრების და საერთოდ კლასობრივი ბრძოლის ფრონტებზე წამოიჭრა მრავალი ახალი საკითხი. მთელი რიგი ამხანაგებისა (კ. ლორთქიფანიძე, ფრიდონ ნაროუშვილი, ალიო მაშაშვილი და სხვა) შეუდგა კოლმეურნეობათა ფრონტზე არსებულ მდგომარეობის მხატვრულ გაშუქებას. თავისთავად ცხადია, რომ დღეს ინტიმიური ლირიკის ფარგლებში მთლიანად შეუძლებელია დიდი სოციოლოგიური საკითხების მხატვრული გაშლა-გაფართოვება. მხატვრული თანრები ერთგვარი ფუნქციაა ყოველთვის თემატიური მასალისა. კოლმეურნეობათა მშენებლობის გრანდიოზული მოძრაობა ვერ ჩაეტევა მხატვრულ ხერხების იმ სქემაში, რომელშიც თავისუფლად თავსდება თავადის ასულის ლირიკული განცდები. ეს გარდაუვალი სოციოლოგიური კანონია. კოლექტივის აქტიური წევრის და საერთოდ ბოლშევიკის ტიპის მხატვრული პროექცია უფრო შედარებით ადვილათ იხაზება იმ თანრის ნაწარმოებში, სადაც მეტია სოციოლოგიური გაშლის შესაძლებლობა. ასეთები არის მასალის ეპიური დამუშავების მთავარი სახეები: რომანი, პოემა, მოთხრობა და ბოლოს მხატვრული ნარკვევი. ამ უკანასკნელმა ხერხმა ძლიერ დიდ პოპულარიზაციას მიაღწია; ქართულ ლიტერატურაში ამ მეთოდით დამუშავდა მთელი რიგი ფაქტებისა; (ელ. პოლუმორდვი ნოვი — „ქიათურა“, სიმონ ჩიქოვანი — „ერთი თვე სვანეთში“), მაგრამ მიუხედავად ამისა ჩვენს ლიტერატურულ კრიტიკაში ჯერ კიდევ არ არის განსაზღვრული ის შინაარსი, რომელიც იგულისხმება

ამ მცნების ქვეშ. ნარკვევი ახალი ამბავი არ არის. მას აქვს საკმაოდ ვრცელი ისტორია; მეცხრამეტე საუკუნის ქართულ ლიტერატურის შემოქმედებითი გზების ერთი ხაზი უშუალოდ მიიმართებოდა მხატვრულ ნარკვევების და საერთოდ პუბლიცისტური განხრის მხატვრულ პროდუქციის დამუშავებისაკენ. ასეთი იყო პირველ ყოვლისა ახლად მოზარდი რეალიზმის ლიტერატურული ტენდენციები. მხატვრული ნარკვევი იზრდება და ჩნდება საზოგადოებრივი გარდატეხის ინტერვალებში, ამ ხანებში იგი ასულდგმულებს ამომავალ კლასის ლიტერატურას; ამიტომ არის, რომ მხატვრული ნარკვევი — ეს წარბეუხრელი ბრძოლაა, აქ არ არის ბურჟუაზიული ესტეტიზმის უნდილი ემოციები და მინორული ფრაზების უადგილო ხეტიალი. ნარკვევი ყოველთვის იბრძოდა; დღესაც ქაწრების პრობლემა მეტად აქტუალურად დააყენა ჩვენს წინაშე პროლეტ. მწერლების იდეურმა ლიტერატურულმა ზრდამ. ამიტომ სრულებით ბუნებრივია ის ცდები ახალი გზების გამონახვისა, რომელიც მრავლად შეგხვდებათ თანამედროვე ლიტერატურის ექსპერიმენტალურ მუშაობაში;

„ახალი გლეხები“ უთუოდ მნიშვნელოვანი მოვლენაა ჩვენს პროლეტარულ ლიტერატურაში.

პროლეტარული ლიტერატურა თანდათან ხდება ფართო საზოგადოებრივი მოძრაობა. ამ მხრივ იგი უნდა დაუახლოვდეს ქარხნის მუშებს, დამკვრელ ბრიგადებს, კომკავშირულ ახალგაზრდობას, სოფელს და სხვ. ეს ამოცანა მოითხოვს, რომ „წმინდა“ ბელეტრისტიკის გვერდით განვაფართოოთ მხატვრულ ნარკვევების ქანრი. მაგრამ აქ არის ერთი საშიშროება, რომელზედაც სერიოზულად უნდა დაფიქრდეს თითოეული პროლეტარული მწერალი. სახელდობრ. ის რომ არ გადაიქცეს ეს ქანრი კომუნისტურ საზოგადოებისათვის უინტერესო, მოგონებებათ, დეკადენტურ ესკიზებათ და წვრილმან ამბების მოსაწყენ აღწერათ. ჩვენ ვიცით, რომ გასაბჭოების წინ ქართულ ლიტერატურაში იყო ისეთი მდგომარეობა, რომ სოციალური თემატიკის მაგიერ მუშავდებოდა ვარდბულბულიანის გაცვეთილი ამბები.

ერთმა თანამედროვე მწერალმა სიმბოლისტების ბანაკიდან დასწერა სანტიმენტალური ზღაპარი (იხ. ადგილები ნ. მიწიშვილის „ეპოპეიაში“ მიწის ფეტიშზე, სამშობლოს საკითხზე და ბავშობის დროინდელ ღრუბლებზე), რომელიც ერთმა კრიტიკოსმა ფაქტოგრაფიული პროზის ნიმუშად გამოაცხადა; ჩვენ ასე არ გვესმის ეს დარგი მხატვრულ შემოქმედებისა. პირიქით: ქარხნის მუშამ უკვე წაუყენა განსაზღვრული მოთხოვნილება მხატვრულ ლიტერატურას, მას ესაქიროება არა ძველი ესტეტიკის მხატვრული მეთოდებით კომბინაცია-

ქმნილი სხვადასხვა ლირიკული უაზრობები, არამედ ჯანსაღი, ბოლო
შევიკური ცხოვრების პროზა;

ნარკვევი, როგორც ლიტერატურული უაზრო
რი სდგას ბელეტრისტიკის და პუბლიცისტი-
კის მიჯნაზე. იგი სინთეზია ამ ორი ფორმალური და იდეური
მოვლენისა. ჩვენთვის ორივე ერთგვარად აუცილებელი და საჭიროა.
ასე არ ესმით ამ უაზროს მნიშვნელობა „მემარცხენებს“, ისინი ამბო-
ბენ, რომ მხატვრული ნარკვევი არის მთავარი სახე მხატვრულ ლი-
ტერატურისა, ხოლო რომანი, მოთხრობა და სხვ. იგივე დანიშნულებას
ასრულებს, რასაც „ძაღლის მეხუთე ფეხი“, როგორც სთქვა ერთმა
მკვლევარმა სრულიად სხვა მიზეზის გამო. ამ აზრს ჩვენ აბსოლიუ-
ტურად ვერ დავეთანხმებით; ჩვენ არ გამოვიყვანთ ბელეტრისტიკას
საბრძოლველ მოედანზე, რომელზედაც უნდა გადასწყდეს მისი ყოფ-
ნა-არყოფნის საკითხი.

კ. ლორთქიფანიძის ახალ წიგნს წინასიტყვაობის სახით დართუ-
ლი აქვს ამხ. ბენიტო ბუაჩიძის მოკლე და საკმაოდ ღრმა შინაარ-
სიანი წერილი, რომელშიც სრულიად სამართლიანად განსაზღვრუ-
ლია ნარკვევების ყოველმხრივი მნიშვნელობა.

„სინამდვილე ყოველდღიურად იცვლება, — სწერს ამხ. ბენიტო
ბუაჩიძე, — ვითარდება, მრავალფეროვანდება. ნარკვევი ყველაზე
უფრო ახერხებს ამ მოძრაობის მაჯისცემის ათვისებას, დაკვირვით
ტემპისადმი კვალდაკვალ მიყოლას. ხაზი უნდა გაესვას იმ გარემო-
ებას, რომ ნარკვევი პირადი დღიური არ არის და არც ფაქტების
შრალი რეგისტრაციაა. ზოგიერთები სცდილობენ ნარკვევს წაართვან
„მხატვრობის“ უფლებები. ეს შემცდარი აზრია. ნარკვევში ორგა-
ნიულათ შეერთებულია, პუბლიცისტურ-პოლიტიკური სიმახვილე,
მხატვრული სისადავე და დამაჯერებლობა. ნარკვევის მწერალს სჭირ-
დება ორგანიულ-საზოგადოებრივი აქტიურობა, მხატვრის ალლო და
თვალი“.

ამ მკვეთრ განმარტებას ჩვენ ვერაფერს დავუმატებთ.

კონსტანტინე ლორთქიფანიძის ნარკვევი „ახალი გლეხები“ ეს
ახალი გამარჯვებაა ავტორისა. ამ ნაწარმოების თემად აღებულია
ქედის კომუნის სოციალ-ტეხნიკური გარემო, მისი საზოგადოებრივი
და ფსიქოლოგიური სახე, რომელიც ჯერ კიდევ ყალიბობის პროცეს-
ში იმყოფება. როგორც საერთოდ ნარკვევების უაზროს შეფერება
კ. ლორთქიფანიძის „ახალ გლეხებში“ არ არის არავითარი ფაბულა
და აქედან ცხადია სიუჟეტურ კონსტრუქციაზე ლაპარაკი ზედმეტია,

მაგრამ მთელი ნედლი მასალა, კომუნის ცოცხალი სინამდვილე ისეთ ხერხებშია ორგანიზაციაქმნილი, რომ „ახალი გლეხები“, როგორც აქვე ამხ. ბენ. ბუაჩიძე შენიშნავს „შეუწელებელი ინტერესით იკითხება“. რუსულ ლიტერატურაში საკმაოდ ცნობილ ი. ჟიგას ნარკვევებში („ახალი მუშები“) საკითხი დაყენებულია სოციოლოგიურ სიბრტყეზე და ავტორი ნათლად გვიჩვენებს ეგრედწოდებული ახალი მუშების კლასობრივ შეუგნებლობას შედარებით ბოლშევიზმის ძველ კადრებთან. ამხ. კ. ლორთქიფანიძე აგრეთვე საკითხს სოციალურ არეზე აყენებს, ეს უთუოდ ფრიალ დიდმნიშვნელოვანი მიღწევაა წიგნისა. ავტორი პირველი სტრიქონებიდანვე იჩენს სოციოლოგიური ანალიზის მკვეთრ უნარს. მეეტლეების ადგილი ავტორს უთუოდ სწორად მოუნახავს ჩვენი ეპოქის ტენზიკური განვითარების გზაზე. (ეს მაგალითისათვის). მკითხველი გრძნობს, რომ მეეტლეების მდგომარეობა მკიდროდ დაკავშირებულია ტენზიკის პროგრესთან და ამ საფუძველზე მეეტლეების პროფესია მუშავდება მეტად სპეციფიურ პირობებში. მიდის კუსტარნიკული, მამა-პაპური იმერეთი თავის დანჯღრეული ეტლებით, ეს სრულებით არ იწვევს ავტორის სიმპატიებს, ავტობუსები, რომელნიც მარდათ დაქროლავენ იმერეთის გზატკეცილებზე თანდათან სდევნიან დანჯღრეულ ეტლებს. აქ უკვე წარმოსადგენია მეეტლეების ტრალედია, მათში ვითარდება ავტორიტარული, ლაქიური და ეიარაქიული ფსიქოლოგია, იგი სცდილობს დაგინათესავდეს; კახეთის გზებზე ჯერ არ გაუვლია ავტომობილს, ამიტომ იქაური მეეტლეები უფრო გულადათ არიან.

ეს მაგალითი იმიტომ მოვიყვანეთ, რომ აქ მკვეთრად ნაჩვენებია ნივთების, ადამიანების და იდეების მიზეზშედგობრივი ურთიერთობა. აქ ტრანსპორტი განსაზღვრავს ფსიქოლოგიის ინტიმებს; მხატვრის თვალის კარგად ხედავს ამას და გადააქვს იგი ტილოზე მკითხველების წინაშე.

შირაქის კომუნა განსაკუთრებული მოვლენაა გლეხური მასების ცხოვრებაში; ღარიბი გლეხობა, რომელიც უკიდურეს გაჭირვებას განიცდიდა ლოლიკურად მივიდა იმ დასკვნამდე, რომ მათი ხსნა მხოლოდ შეერთებულ ცხოვრებას შეუძლია; ეს გაერთიანება მათ საშუალებას მისცემს მამაპაპური სას.-სამეურნეო ინვენტარის ნაცვლათ შემოიღონ მანქანური ტენზიკის განვითარებული იარაღები. ღარიბი გლეხობა, რომლის ნახევრად კონსერვატიული და ნახევრად რევოლუციონური ფსიქოლოგია ღრმად შებოჟა გაერთიანების სურვილმა — უკვე პრაქტიკულათ შეუღდა საქმის კეთებას. ამ მიზნით მათ

ქედელი ბასილი ქავთარაძე გაგზავნეს სამთავისის კომუნაში იქაური წესის გასაცნობად. უნდა ითქვას, რომ კომუნის იდეას სხვადასხვა გვარად შეხედენ გლეხობის სხვადასხვა სოციალური ფენის წარმომადგენლები.

— „შეერთების საწინააღმდეგო რა უნდა გეკონდეს! გამოაკეთებს კი ჩვენს ცხოვრებას?“

შიშით იკითხა ერთმა.

— ვცადოთ;

მესამემ ჩაიცინა და შენიშნა:

— რატომ არ ცდი შეილოსა, რა; ცარიელი მოხვალ — არ გმოვა არაფერი და ისევ ცარიელი წახვალ: რა გაქვს რომ დაკარგო.

შენიშვნა იმ დენად დამაფიქრებელი იყო, რომ მეორე დღეს რამდენიმე შეძლებული გლეხი არ მოვიდა კრებაზე“ (იხ. „ახალი გლეხები“ გვ. 30).

ამ ამონაწერში ნათლად მუდგანდება ის ზიგზაგებიანი გზა, რომლითაც მიიმართებოდა კომუნისაკენ საშუალო გლეხობის უმრავლესი ნაწილი. საერთოდ უნდა ითქვას, რომ ამხ. კონსტანტინე ლორთქიფანიძეს საკმაო სისწორით აუთვისებია გლეხის ფსიქოლოგია და მისი სოციალური საფუძვლები. მართლაც „გლეხი ძლიერ ფრთხილია და ექვიანი... ეს სიფრთხილე და იქვიანობა გლეხს ხშირად ინიციატივის და ხელმძღვანელობის უნარს უკარგავს“. სწორედ ამიტომ წარსულ რევოლუციონურ ბრძოლებში გლეხობის აჯანყებებს ხელმძღვანელობდა მუშათა კლასი და მისი ხელმძღვანელი კომუნისტური პარტია.

კომუნარები დიდი ენერგიით შეუდგენ ახლად დაწყებულ საქმეს. მაჟ პირველ რიგში დაანგრის უკან დასაბრუნებელი ხიდები. ამის შემდეგ მიჰყვებს ხელი ახლის შენებას, ტრაქტორის გამოყენებამ ძლიერ მალლა ასწია მათი შრომის ნაყოფიერება. ყვეელივე ამან გააძლიერა მათი ენტუზიაზმი, მაგრამ კომუნაში შესვლის პირველ დღიდანვე არ გარდაქმნილა რადიკალურად მათი ინსტინქტები. კერძო საკუთრების საფუძველზე აღმოცენებულმა იდეოლოგიამ თავისი დალი დაასვა ყველას, აქ კონკრეტიულათ ნაჩვენებია მარიამის მაგალითი; ამის შემდეგ „მარტივმა, მაგრამ დამაჯერებელმა არითმეტიკამ ჩააქრო ძველი ინსტიქტების ჯანყი“.

ავტორი უყურადღებოთ არ სტოვებს კლასობრივ ბრძოლას. მას მოცემული აქვს მთელი რიგი მომენტები კულაკების ბრძოლისა. როდესაც ეს უკანასკნელები სცდილობდნენ დაეშალათ კომუნა და გაეტეხათ მისთვის სახელი. მათ რასაკვირველია, ეს ვერ შესძლეს.

დიდი ინტერესით იკითხება აგრეთვე წიგნის ის თავები სადაც ცოცხალი მხატვრული მეტაფორებით აღწერილია კომუნისტური ცხოვრება. აქ კომუნების პირველი ნაბიჯები აღვსილი იყო მრავალი შეცდომებით. დროთა მსვლელობაში ეს შეცდომებიც მოსპობილი იქნა.

არ შეიძლება აგრეთვე არ აღვნიშნოთ მთელი რიგი საწარმოო მომენტები შესაფერი ფოტო-ილიუსტრაციით. ნარკვევის მანძილზე გამოყვანილი არიან მთელი რიგი ტიპები გლეხებისა, რომელნიც წარბშეუხრელათ იბრძვიან ახალი ყოფისათვის. ასეთებია მაგ. კობა ჩოხელი და სხვა...

როგორია „ახალი გლეხების“ ფორმალური მხარე? აქ პირველ რიგში უნდა აღინიშნოს ავტორის წერის მხატვრულ-პუბლიცისტური მანერა. კ. ლორთქიფანიძეს ეხერხება აგრეთვე მთელი რიგი სურათების მოცემა, სადაც მკითხველის განწყობილება უშუალოდ მიიმართება მხატვრობის ობიექტისაკენ. ამაშია ავტორის გამარჯვებაც.

საბოლოოთ უნდა ითქვას, რომ ამ ნარკვევში მოცემულია ქედის კომუნის, როგორც სოციალური, ისე ყოფაცხოვრებითი და ფსიქოლოგიური პორტრეტი.

ოსეთის თანამედროვე მხატვრული მწერლობა *)

კოსტას შემდეგ რევოლუციის წინა დროის ჩვენს მხატვრულ ლიტერატურაში თვალსაჩინო ადგილი უჭირავთ ე. ბრიტაევის, ა. კუბალოვის და ა. კოცოევის. მათ ერთნაირად განიცადეს ოქტომბრის რევოლუცია და მოცემულ მომენტში საჭიროა მათი შემოქმედება გავყოთ ორ პერიოდად: შემოქმედება ოქტომბრამდე და ოქტომბრის შემდეგ. ისინი ჩვენი მოწინავე ინტელიგენციის წრეს ეკუთვნიან და როდესაც ვლაპარაკობთ მათი მოღვაწეობის შესახებ რევოლუციამდე, უნდა აღვნიშნოთ, რომ ბევრი რამ, რაც ითქვა კოსტას შემოქმედების სოციალური რაობის შესახებ, ასე თუ ისე მათ შესახებაც ითქმის.

ეროვნულ-განმანთავისუფლებელი მოძრაობის ეპოქაში მათ თავისი ნაწარმოებებით შემოჰქონდათ ეროვნული თვითშეგნების იდეა, მტრულად იყვნენ განწყობილი კოლონიზატორი რუსების მიმართ და ხწორედ ამით ილაშქრებდნენ კავკასიის ეროვნებათა დამჩაგრელი იმპერიალიზმის წინააღმდეგ.

ავიღოთ ბრიტაევის დრამა „Xazbi“. ამ დრამას ტფილისის სცენაც იცნობს (საოპერო თეატრი, ზუბალაწვილის სახელობის თეატრი). კავკასიის დაპყრობა, მედგარი, გმირული წინააღმდეგობა, რასაც უწევდნენ მთიულები ორთავიან არწივს, — აი ამ პიესის ძირითადი პოლიტიკური აზრი. ამ პიესაში ბრიტაევი გვაოცებს ყოფა-ცხოვრების ცოდნით, თავისი გაუყალბებელი მომხიბლავი რეალიზმით, რომლისაგანაც ბევრს ჩვენს ახალგაზრდას ბევრი რამის შესწავლა შეუძლია. ამ პიესას თუ ჯეროვნად დადგამენ, მას ჩვენს დროშიაც დიდი მნიშვნელობა ექნება. მისივე პიესა „ორი და“ — საყოფაცხოვრებო დრამა, რომლის იდეა მთიელი ქალის განთავისუფლება ახალი ყოფა-ცხოვრების შექრა ჩვენი მთების მივარდნილ კუნჭულებში, ამ ყოფა-ცხოვრებისთვის ბრძოლა. ბოლოსა და ბოლოს იმარჯვებს ძველი ტრადი-

*) დასაწყისი იხ. „პროლეტარული მწერლობა“ № 2.

ცია, — დამონებული ქალის ყიდვა-გაყიდვის ადათი, და დრამა მთავარი გმირი ქალის ასიათის ტრალედიით თავდება.

მაგრამ მორალურად ასიათია გამარჯვებული — პირველი ის გამოვიდა ძველი დროის დამღუპველი ნაშთების წინააღმდეგ საბრძოლველ ასპარეზზე, თავისი გამბედაობითა და ენერგიით მას უნდა აღეფრთოვანებია არა ერთი მთიული ქალი.

ოქტომბრის რევოლუცია მოულოდნელად დაატყდა თავს ე. ბრიტაევს და ბევრ მის მსგავსს. ის, როგორც ინტელიგენტი, არ მოელოდა, რომ კაცობრიობის განთავისუფლების იდეა, რის შესახებაც ოცნებობდა მუდამ, მხოლოდ ყველგანის განმანდგურებელი კლასობრივი ბრძოლის ქარიშხლის გამო განხორციელდებოდა. აქედანაა წარმოშობილი მისი გულის გატეხა; რეალური მძიმე ატმოსფერო სამოქალაქო ომისა, გმირული ბრძოლა ქვეყნის მეურნეობის აღდგენის ფრონტზე და ამასთან დაკავშირებით ჩვენს წინაშე შედგარი სიძნელენი ე. ბრიტაევმა თავის დროზე ვერ აითვისა. აი რატომ დაღატობს იგი შემდგომ იმ შესანიშნავ რეალიზმს, რომელსაც ასე ძალიან ვაფასებდით მის წინა პიესებში; რეალური ცხოვრების და რეალური გმირების ადგილს ფანტასტიური ცხოვრება-გმირები იჭერენ. აი რატომ არის ჩვენთვის გაუგებარი მისი „ამირანი“. ამ დრამის გმირების ჩამოთვლაც კი საკმაოა, რომ ვიმსჯელოთ ამ ნაწარმოების რაობის შესახებ: ტიტანი ამირანი, კლდეზე მიჯაჭვული, ქალიშვილი — იმედი, მისი მფარველი, მსოფლიოს მპყრობელი, ქინკები და სხვა „სულელები“. პიესის მთავარი გმირი — მთიული ბესა — განყენებული პიროვნებაა, მას გარკვეული საზოგადოებრივი სახე არა აქვს. ავტორს უნდოდა აღეფრთოვანებია იგი „მამაცთა სიგიჟით“, მაგრამ გორკის მიმინოს „მამაცთა სიგიჟე“ კი არ გამოვიდა, არამედ ნამდვილი სიშტერე. ცხოვრებას სავსებით მოწყვეტილ ბესას პატიოსანი შრომაც კი არ სურს, მისთვის გაუგებარია, როგორ შეიძლება ადამიანებს აინტერესებდესთ ისეთი „სათამაშო“ რამ, როგორიცაა გუთანა. პირდაპირ გაუგებარია, როგორ მოხიბლა ამ ნაწარმოებმა დიდი ლიტერატურული გემოვნების მქონე, ოსეთის ლიტერატურის ერთ-ერთი საუკეთესო მოღვაწე ა. ტიბილოვი. „ამირანი“, მისი აზრით, „მოფიქრების სიღრმის მხრით საოცარია“, „ორიგინალური სიუჟეტის მქონეა“ და ამბობს, ეს შეიძლება დავაყენოთ „მსოფლიო ლიტერატურის საუკეთესო ნიმუშების გვერდით“. ჩემის აზრით, ესაა ფორმით გატაცება. ნაწარმოების სოციალისტურ სახეს ტიბილოვს უჩრდილავს დიდი ესაუტიურო გემოვნება და ეს შემთხვევითი როდია — ტიბილოვი მოხიბლულია აგრეთვე კუბალოვის დრამით „აღდგენის

სიკვდილი“, რომლის შესახებაც ჭვემით გვეჩვენა საუბარი, ამ განმარტებებიდან ვერც ერთს ვერ გაიზიარებს ფართო მკითხველი-მასწავლებელი, როგორც შინაარსის, ისე ფორმის მხრივ ნაწარმოებს მიმბაძველები არ უნდა გამოუჩნდეს. მისი სიმბოლიკა, განყენებული გმირები შეიძლება ესხილის, გოეთეს, შელლის დროს იყვენ მისაღები, მაგრამ ჩვენს დროში კი შეუძლებელია მათი მიღება, მათ საერთო არაფერი არ აქვთ თანამედროვე იდეებსა და სულისკვეთებებთან. ბრიტაევის შემოქმედებაში „ამირანი“ პროგრესი კი არ არის, როგორც ა. ტიბილოვეს ჰგონია, არამედ რეგრესი იმ ადამიანის ლიტერატურული მოღვაწეობისა, რომელმაც ვერ შეძლებისა რევოლუციის სვლა. ასეთია ყველა უხერხემლო ინტელიგენტის ტრადედია, რომლებმაც ვერ შესძლეს პროლეტარულ რევოლუციასთან ფეხდაფეხ სვლა. „ხაზბის“, რომელმაც მთელი ეპოქა შექმნა ჩვენს სცენაზე და დრამატიულ ხელოვნებაში, რომელმაც თავის ირგვლივ დარაზმა მშრომელთა ფართო ფენების რევოლუციონური სულისკვეთება, კიდევ დიდხანს გადაიკითხავენ ინტერესით, — „ამირანი“ კი პირველი დადგმისთანავე კვდება სცენისთვის, მას ვერ შევლის ვერც ტენდენციურად, ხელოვნურად მიყვრებული „საკაცობრიო იდეები“ — სიყალბე გამოდის. დამახასიათებელია, რომ ეს მაგალითი მეორდება ზოგიერთი ჩვენი უკვე დიდი ხნის წინათ აღიარებული მწერლისა და პოეტის შემოქმედებაშიც.

ოსეთის პოეზიაში თავისი კომპოზიციით ენის ჰარმონიულობით და სახეების სიმდიდრით საუკეთესოდ კ უ ბ ა ლ ო ვ ი ს პოემა „ავხარჯი ხასანა“ ითვლება. მიუხედავად ზოგიერთი იდეოლოგიური შეცდომებისა (სისხლის ალების და ღვთაება თეასტირჯის იდეალიზაცია), ეს პოემა საყოველთაოდ მოწონებულია და უმტკივნეულოდ შეიძლება მისი მოთავსება ჩვენს საბჭოთა ქრესტომატიებში: ასეა თუ ისე, მისი გმირი ხასანა თვითონ ლატაკია, მაშინ დაობლდა, როდესაც აკვანში იწვა და დედა ზრდის, ნანინაში უმღერის, აილოს მამის სისხლი, რომელიც ძლიერმა უზღენებმა მულდაროვებმა მოჰკლეს. მთელი სიმპატია ხასანის მხარესაა, მთელი სიმძულვარე მულდაროვებს აქვთ დამსახურებული, და ბრძოლის ველზე ცხრა მულდაროველს ჰკლავს ხასანა და თვითონაც ტრადიკულად იღუპება ბრძოლაში, როდესაც შეასრულა ტრადიციული სისხლის ალების თავისი „მისია“.

მძლავრად გამოკვეთლ ხასანასა და მის დედის ტიპებს შეუძლიათ ადამიანის აღზნება საბრძოლველად, მკითხველი საზოგადოების პიროვნების გასაღკდევება, მხოლოდ საჭიროა ჯეროვანი კრიტიკით პოემაში გატარებული სისხლის ალების იდეის გაბათილება. პოემის

სიძლიერეს უნდა მიეცეს ჩვენთვის საჭირო მიმართულება — ახალი ეცხოვრების აღმშენებლობისა და რევოლუციონური ბრძოლისაკენ. უნდა იყოს იგი მიმართული. ამ ნაწარმოების ფასი ჯერ სხვა არა გვაქვს და შესატყვის სხვა ნაწარმოებებში ჩვენთვის საჭირო იდეებით განაყოფიერებული, ის იმის ღირსია, რომ ოსეთის პროლეტარულ მწერალთა ახალმა კადრმა წაჰბადოს მას.

რას გვაძლევს თანამედროვე კუბალოვი? „აღლუზას სიკვდილი“ ის მართლაც ძლიერი, კლასიკური სახეებით და ფოლადისებური ლექსით გვაძლევს შექსპირი „მაკბეტის“ მაგვარ დრამას. კუბალოვის „აღლუზას სიკვდილი“ ისევე გაუთქვამდა სახელს, როგორც შექსპირს მისი დრამები, მხოლოდ ერთი პირობით: მას რომ ეცხოვრა და ეწერა შექსპირის დროს.

განა ყოველივე ამით შეგვიძლია ოქტომბრის ახალი თაობის აღზრდა?

ჩვენი შექსპირისთვის ძნელია რევოლუციის რაზმეულებთან ერთად ფეხშეწყობით სვლა, მისთვის ძნელია იმ დიდი ისტორიული გარდატეხის გაგება, რის მოწმენი ამჟამად ჩვენა ვართ. ისტორიული სუფეტების დამუშავება ჩვენს ხანაშიც შეიძლება, მაგრამ საქმე ისაა, რა სუფეტები და როგორ უნდა იქნეს დამუშავებული. თუ ისინი მშრომელთა ფართო მასების სულისკვეთების შესატყვისი არ იქნებიან, (ცხადია, უნდა ვერიდოთ ვულგარულობას და ფეხის აყოლას), თუ მათში არ იქნება ასახული მშრომელთა საუკუნოებრივი კლასობრივი ბრძოლა და, ბოლოს, თუ ისინი არ მოგვცემენ ბრძოლის ლოზუნგს არ მოგვიწოდებენ სოციალისტურ აღმშენებლობისაკენ. — ისინი გროშადაც კი არ ეღირებიან.

კუბალოვისა და ბრიტაევის პირად და შემოქმედებითს ტრადიციას სხვა ჩვენი ძველი ლიტერატორებიც იზიარებენ.

განა ამისივე განმეორებას არ ვხედავთ ცომაკგადიევის ისტორიულ დრამაში „ოსი ბაყათარი“? აქ ოსეთის პატარა მეფე ბაყათარი ანთავისუფლებს ოს და ქართველ გლეხებს ფეოდალიზმის ბორკილებიდან, თითქოს მშრომელებს თავისი გმირები ცოტა ჰყავდესთ. ისტორიული სიყალბე ცომაკის შემოქმედებაში ცდილობს თანამედროვე იდეებთან დაძმობილებას, მაგრამ მხოლოდ და მხოლოდ სიყალბე გამოდის. როგორც მოფიქრების, ისე იდეის მხრივ აქაც „შექსპირის ვაცოცხლება“ და ის, რაც ითქვა კუბალოვის „აღლუზის“ შესახებ, გადიევის „ოსი ბაყათარის“ შესახებაც ითქმის.

ამხ. გადიევი ამჟამად ჩვენს პარტიაში კარგ პრაქტიკულ მოღვაწედ ითვლება. პოლიტიკური კატორღელის მშვენიერი წარსული

აქვს და ყველას მიერ ცნობილია, როგორც კარგი ლიტერატორი, მაგრამ ინტელიგენტური სული იმასაც უშლის, როგორც ეტყობა, რომ ლიტერატურული მოღვაწეების პროლეტარულ კოპორტებს გაჰყვეს მხარდამხარ, და მას ჩვენ მხოლოდ თანამგზავრს თუ ვუწოდებთ ოსეთის ლიტერატურაში.

ახლა — რამდენიმე სიტყვა კოცოევის შესახებ, რომელიც რევოლუციის წინაღობინდელი ლიტერატორია და ამჟამადც განაგრძობს წერას.

კოცოევი ჩაუყარა საძირკველი ოსურ პროზას. მას მდიდარი იუმორი აქვს. რევოლუციამდე კოცოევის ასულდგმულებდა აგრეთვე ეროვნულ-განმანათავისუფლებელი იდეები; ის თავისი იუმორით ამათრახებს საზოგადოების სხვადასხვა ნაკლს, ლოთობას, ენის შერყვნას ბარბაროზებით, სწერს ანტირელიგიურ ნაწარმოებებს და სხვ. ყველა ეს ნაწარმოები სამსახურს გვიწევს ძველი ყოფა-ცხოვრების ნაშთების, ჩამორჩენილობის და სხვა ასეთების წინააღმდეგ ბრძოლაში. ამ შემთხვევაში ის ჩვენი თანამგზავრია.

მაგრამ როდესაც ის გვაძლევს ისეთ ნაწარმოებებს, როგორიცაა „რა მოხდა ფაზი-კაუში“ და „ნაშუალამევს“, ის გარკვევით ჩვენთვის სასესებით მიუღებელ იდეებს იძლევა, მხატვრული ნაწარმოების სახით გვაძლევს ახალი წესწყობილების წინააღმდეგ მიმართულ აგიტკას. უზნეო კომკავშირელი თამარი, რომელსაც პაპიროსი აქვს ხელში და მოკლე კაბა აცვია, — აი რა მოგვცა რევოლუციამ — ესაა მოთხრობის დედა აზრი. ჩვენი საბჭოთა ყოფაცხოვრების არავითარი დადებითი მხარე არ არის დაპირისპირებული ქალთა ორგანიზატორის თამარის უზნეობასთან, პირიქით, მას უპირისპირდება „ძველი კარგი დრო“, წარსულის „ლამაზი“ ტრადიციები, ქორწილი, მეოჯახეობა და სხვ. სწორედ ამიტომ კოცოევის მოთხრობა „რა მოხდა“ უდავოდ მანებელი და ჩვენთვის პოლიტიკურად მიუღებელი ნაწარმოებია.

თანამგზავრებს უნდა მივაკუთვნოთ ნიგერი, გულუევი, მალიევი, აგუბეკირ, ბიტაევი და ბევრიც სხვა. მათ წრეში ჩავწერდი აგრეთვე გ. ბარაკოვს, ძველ პარტიულს და ლიტერატორს, რომელსაც ამნაირად არა სურს დაახწიოს თავი ისტორიულ, ლეგენდარულ და რომანტიკულ თემატიკას, სადაც არა სჩანს გარკვეული მტკიცე კლასობრივი იდეოლოგია.

ყველა ზემოჩამოთვლილი მწერალი ანალიზისათვის დიდ მასალას იძლევა; მათ შორის, უეჭველია, არიან ნიჭიერი მწერლები და

პოეტები, ბევრი მათგანი კი წუწუნობს და ვენესის, სტკებეა ინდი-
ვიდუალურ სულისკვეთებათა მინორული ლირიკით (მალიევის „ქა-
ლური მუზა“, გულუევის მუზა, რომელსაც არ ასწამს „მომავალ
წელთა სიამოვნება“).

ზოგიერთნი ნიადაგს სინჯავენ, რომ თუნდაც ცოტათი დაუ-
ახლოვდნენ პროლეტარულ ლიტერატურას და დღევანდელი დღის
ინტერესებს გამოეხმაურონ.

მაგრამ, აი, პროლეტარული მწერლების და პოეტების ახალ-
გაზრდა გვარდია: კაბერდიევი, კაიტუკოვი, მამსოროვი, კ. ფარნიევი,
ა. ბალაევი, ბოდოევი, ბოციევი და სხვ. მათ მოჰყვება სამხრეთ და
ჩრდილოეთ ოსეთის მუშგლეხკორების დიდი რეზერვი, ათასზე მეტი.

ადამიანისთვის ძნელია საკუთარი ზრდის შემჩნევა, მაგრამ თუ
მიმოვიხედავთ, გადავფურცლავთ ჩვენს კრებულებს და პერიოდულ
ჟურნალებს, პროლეტარულ ლიტერატორთა ეს ზრდა სავსებით ნა-
თელი იქნება. ისინი სულ უფრო და უფრო ავსებენ „Zin“-ის,
„Fidiog“-ის, გაზეთ „xurrorin“-ის „Acestdzinad“-ის და „Raz-
ma“-ს ფურცლებს. მათი ნაბიჯი დღითი-დღე უფრო და უფრო მტკი-
ცეა და ძლიერი.

ფარნიევი ოსურ პროზაშიც ჯეროვან მონაწილეობას იღებს. სა-
ჭიროა მხოლოდ გაუფრთხილდეს იგი ესენინშინას, გლეხურ სტი-
ქიას, რაც ხშირად იპყრობს მას.

ბალაევის ლექსებში არის მძლავრი რევოლუციონური მოწოდე-
ბა ჩვენი სასოფლო მეურნეობის რეკონსტრუქციისკენ, მისი ტრაქტო-
რიზაციისკენ.

ოსეთის სხვა პროლეტმწერალთა ნაწარმოებშიც არის ასახული
რეკონსტრუქტიული პერიოდის ამოცანები. ნიადაგი ამისათვის მზაა:
ჩრდილო-ოსეთში სოფლის მეურნეობის თითქმის 40% უკვე შეეხო
კოლექტივიზაცია, შენდება ელექტროფიკაციის გიგანტი გილსტროი,
60000 ცხენის ძალის, თითქმის ორჯერ უფრო მძლავრი ზაჰესზე; შენ-
დება დიგორის კომბინატი — საბჭოთა კავშირის ერთ-ერთი უდი-
დესი საბჭოთა მეურნეობა. სამხრეთ ოსეთშიც კოლექტივიზაციას საკ-
მაროდ აქვს საფუძველი ჩაყრილი, წარმოებს დიდი საგზაო მშენებ-
ლობა, გვაქვს ოკონის მარმარილო, კუდაროს ცინკი და სხვ.

ასე გამოეხმაურა მეორე ჩვენი პოეტი სუციალისტურ აღმშენებ-
ლობას პოემაში „Abon“ („დღეს“).

პროზაშიც, თუმც გვიან-გვიან ჩვენი მწერლები ასახავენ თანდა-
თანობით: სამოქალაქო ომის, ოქტომბრის რევოლუციის, ალდგენის
და შემდეგ რეკონსტრუქტიულ პერიოდს, პროლეტარიატის გამორულ

ბრძოლას სოციალისტური აღმშენებლობისათვის, კოლექტივიზაციისათვის.

არის კლასობრივ ურთიერთობათა თვალსაზრისით ისტორიული თემების სწორი დამუშავების ცდები, მაგალითად: ბოლაევის დრამის „ჩერმენ“ ჟურნალში „Fidiog“, მოთხრობის „Fscen uolyg“, „Nog fcendag“ და სხვათა თემა სოციალისტური აღმშენებლობა.

მიუხედავად ყოველივე ამისა, კატეგორიულად უნდა გაუხსნათ ხაზი იმას, რომ ოსეთის პროლეტარულ მწერლებს ჯერ კიდევ ორგანიზაციულად არა აქვთ თავისი თავი შეცნობილი, არა აქვთ ერთი ფრონტი ბრწყინვალე მომავლისთვის საბრძოლველად და დაქსაქსულნი მოქმედობენ.

შეცდომა ბევრია, ჯერ კიდევ ძალზე ბევრი რამ არის შესასწავლი, თვით ცხოვრება გვაძულებს მივცეთ იმპულსი, მივცეთ განწყობილება მასების შემოქმედებას, ყოველივე ამის მტკიცედ გაკეთება კი შეუძლებელია, თუ ორგანიზაციულად მტკიცედ არ ჩამოვყალიბდით.

ამჟამად ჩვენ ორი ასოციაცია გვაქვს — ჩრდილო და სამხრეთ ოსეთში, მაგრამ მათ ჯერჯერობით ვერ შესძლეს თავისი ყოველდღიური მუშაობის გაშლა-გაფართოება: არ არის ლიტერატურული წრეები, არ წარმოებს მასიური მუშაობა, არ ეწყობა სალიტერატურო საღამოები, რეფერატები და სხვ.

საქართველოს პროლეტარულ მწერლებთან ორგანიზაციულად დაკავშირების მხრივაც დღემდე თითქმის არაფერი არ გაკეთებულა. საქართველოს პროლეტმწერალთა ეს პლენუმი, მე მგონია, ბოლოს მოუღებს ასეთს ორგანიზაციულ დაუკავშირებლობას. რეზოლიუციაში ჩვენ უნდა აღვნიშნოთ ცოცხალი შემოქმედებითი კავშირი, ჩვენ უნდა მოვაგვაროთ ქართულიდან ოსურ ენაზე და ოსურიდან ქართულ ენაზე თარგმნის საქმე, ჩვენ უნდა დავანაგრძოთ მუშაობაში ჩვენი დაუკავშირებლობის და ჩამორჩენილობის ჩინური კედელი. უცხო თვალის ყოველთვის მეტს ხედავს, და ჩვენ უნდა მოვუწოდოთ ქართულ მარქსისტულ კრიტიკას — რაც შეიძლება მეტი ყურადღება მიაქციოს ეროვნულ უმცირესობათა შემოქმედებას. უნდა მოვუწოდოთ აგრეთვე ქართველ პროლეტარულ მწერლებს — მოინახულონ ხოლმე მთები, შეისწავლონ მთიულთა ცხოვრება. — გარწმუნებთ. მათ იქ შეუძლიათ მდიდარი მასალის შოვნა თავისი შემოქმედებისათვის. ჯავახიშვილის ყაიდის წვრილ-ბურჟუაზიული მწერლები, თავისი ნაციონალისტური სიბეცის გამო, იქ მხოლოდ „მოურავებს“ და

ჩატრებს პოულობენ. ამის ჩადენა მათ განზრახაც კი შეუძლიათ, მაგრამ ჩვენ მათგან არ უნდა გადმოვიღოთ ასეთი მაგალითები.

მეცნიერულ მარქსისტულ კრიტიკაში მითითებულა იმაზე, რომ ხელოვნება ცხოვრებას ცოტა დაგვიანებით ასახავს. როგორც ეტყობა, ეს უნდა ეხებოდეს მხოლოდ ფეოდალურ და ბურჟუაზიულ ხელოვნებას, ვინაიდან თვით ფეოდალიზმისა და კაპიტალიზმის წესწყობილებას ახასიათებს მოძრაობის სტიქიურობა, ჩვენ კი ვებრძვით ამ სტიქიურობას, ვქმნით გეგმიან სახელმწიფოს, რომლის ხელმძღვანელია პროლეტარიატი თვისი ავანგარდით — კომუნისტური პარტიით. პროლეტარულ მწერლებს, როგორც ამ ავანგარდის ნაწილს, არ შეუძლიათ იდეოლოგიურ ფრონტზე მოვლენების უკან ჩანჩალი, არ შეუძლიათ ბურჟუაზიული ხელოვნების შემოქმედთა მსგავსად, რეკონსტრუქციული ხანის საკითხებზე დაგვიანებით პასუხის გაცემა. ამას ჩვენ მხოლოდ მაშინ ავიცილებთ თავიდან, თუ ორგანიზაციულად მტკიცედ ვიქნებით დაკავშირებული, თუ შევებრძოლებით ნაციონალურ შემოფარგულებას და მკაფიო კლასობრივ ხაზს გავატარებთ მხატვრულ ლიტერატურაში. ეს მით უმეტეს მოგვეთხოვება ჩვენი მეურნეობის რეკონსტრუქციასთან დაკავშირებულ კლასობრივი ბრძოლის გამწვავების პერიოდში.

ოსურ ლიტერატურაშიც კლასობრივი დიფერენციაციის იმავე პროცესებს ვხედავთ, როგორცაა საქართველოში და საერთოდ საბჭოთა კავშირში — ერთის მხრივ იგივე მემარჯვენე და მემარცხენე თანამგზავრნი, აშკარა თუ ფარული ბურჟუაზიული ტენდენციებით, მეორე მხრით — პროლეტარული მწერლები, ჯერ კიდევ მცირერიცხოვანნი და ორგანიზაციულად განუმტკიცებელნი. ის ფაქტი, რომ არის სამხრეთ და ჩრდილო ოსეთის გაერთიანებული ორგანო და ენაც ერთი გვაქვს, გარდა ამისა, აგრეთვე ის რომ აუარებელი საერთო საკითხი გვაქვს, რომლებსი ერთად გადაწყვეტაა საჭირო (მხატვრული მემკვიდრეობის შეფასება, განვითარების პერსპექტივები და სხვ.), ჩვენგან მოითხოვს სამხრეთ და ჩრდილო ოსეთის პროლეტარულ მწერალთა ყრილობის მოწვევას.

აქვე, საქართველოს პროლეტარულ მწერალთა ასოციაციის პლენუმზე, უნდა გამოცხადდეს სამხრეთ ოსეთის ასოციაციის შესვლა საქართველოს ასოციაციის წევრად და შემდგომ უნდა ვიმუშაოთ ჩვენს შორის ორგანიზაციული და შემოქმედებითი კავშირის განმტკიცებისათვის.

(რეზოლუცია)

მოისმინა რა ამხ. კულაევის მოხსენება, თანამედროვე ოსეთის მხატვრული ლიტერატურის შესახებ — საქართველოს პროლეტ-მწერალთა ასოციაციის მე-3 პლენუმი აღნიშნავს შემდეგს:

1. ოქტომბრის რევოლიუციამდე, ოსეთის მხატვრულმა ლიტერატურამ განვითარების სათანადო სიმაღლეს მიაღწია; რომელიც გამოხატავდა ნაციონალურ-განმანათავისუფლებელ ბრძოლას; არსებითად იგი რევოლიუციონურად განწყობილ მიმდინარეობად შეიძლება ჩავთვალოთ, იმდენად, რამდენადაც იგი მიმართული იყო იმპერიალისტური წყობილების წინააღმდეგ. მაგრამ ამავე დროს ოსეთის ლიტერატურულ ასპარეზზე მოიპოვებოდნენ ისეთი ელემენტები, რომელთა დამახასიათებელ თვისებებს წარმოადგენდა წვრილ-ბურჟუაზიული იდეოლოგია, დაცემულობა, რელიგიური მიდრეკილებანი, ვიწრო ნაციონალური მსოფლმხედველობა და სხვ.

2. ახალგაზრდა პროლეტ-მწერალთა კადრებისათვის, რომ გარკვეული იყოს თანამედროვე თვალსაზრისით, წარსულის ლიტ-მემკვიდრეობა, ამისათვის აუცილებელია მეცნიერულ-მარქსისტული კრიტიკით შეფასებული იქნას ოსეთის მხატვრული მწერლობა. (როგორცაა, — კოსტა ხეთაგუროვი, ბრიტაევი, ა. კუბალოვი, კოცოვი და სხვ.).

3. ოქტომბრის რევოლიუციის შემდეგ, კლასობრივმა დიფერენციაციამ, საგრძნობი გავლენა მოახდინა ოსეთის ლიტერატურულ მოღვაწეთა რიგებზე. ერთის მხრივ, — აღმოჩნდნენ ისეთი ელემენტები, რომლებმაც ვერ შესძლეს პროლეტარული რევოლიუციის მიღება, და თავიანთი შემოქმედებითი იდეოლოგია მომართეს ჩვენს საზიანოდ; (როგორცაა ნაციონალიზმი, წარსულის გაიდევლება, უიმედო განწყობილებანი და სხვ.) მეორეს მხრივ, — ახალი ცხოვრების მშენებლობასა და ყოფასთან დაკავშირებით, დაირაზმა საბჭოთა მწერლების ახალი კადრი; რევოლიუციის პირველ ხანებში ისინი სახადდნენ თავიანთ შემოქმედებაში სამოქალაქო ომების პერიოდს, შემდეგ კი — აღდგენის და რეკონსტრუქციულ ხანას. დაბოლოს ხდება დიფერენციაცია თვით საბჭოთა მწერლებს შორის — (მემარჯვენე და მემარ-

ცხენე) თანამგზავრებათ — და ამავე დროს იქმნება ჩრდილო და სამხრეთ ოსეთის პროლეტ-მწერალთა ასოციაცია, რომლის ირგვლივ თავს იყრიან ახალი ძალები (კამბერდიევი, მამსოროვა, კაიტუკოვი, კულაევი, ფარნიევი ბალაევი და სხვ.). მათ მხარდამხარ გაჰყვეს უამრავი სოფლის მუშა-კორესპოდენტები, პროლეტარული სტუდენტობა და სხვ. ისინი თანდათან შეავსებენ პროლეტარული მწერლობის რიგებს.

4. ამრიგად, საერთო სქემა დიფერენციაციამილ მწერლებსა, კლასობრივ დაჯგუფებათა საფუძველზე მართლდება. ოქტომბრის რევოლიუციამ ოსეთის ლიტერატურის სფეროში დიდი შემოქმედებითი გარდატეხა მოახდინა, რის შედეგადაც ამ მოკლე დროის განმავლობაში ჩვენ გვაქვს ლიტერატურული კრებული „მალუსალი“ ლიტერატურულ-მხატვრული და საზოგადოებრივ-პოლიტიკური ჟურნალი „ფიდიოვი“, გაზეთები — „ხუზარი“ და „რასტდზინად“.

5. უნდა აღინიშნოს ორგანიზაციული ჩამოუყალიბებლობა პროლეტ-მწერალთა მუშაობაში, უმოქმედობა ლიტწერების ყოველდღიურ აღმზრდელით მასიურ საქმიანობაში და დისპუტებისა და ლიტერატურულ საღამოების მოწყობაში.

ასეთი მდგომარეობა აღუნებს პროლეტ-მწერალთა რიგებს, ახშობს მათ ბრძოლას შემარჯვენე ელემენტების წინააღმდეგ, ასუსტებს გულწრფელ თანამგზავრების მომხრობას და უკეტავს გზას პროლეტ-მწერლებს თვით-განვითარებისაკენ.

6. აგრეთვე უნდა აღინიშნოს კავშირის სისუსტე საქარ. პროლეტ-მწერალთა ასოციაციასა და ოსეთის პროლეტ-მწერალთა ასოციაციას შორის, ამ უკანასკნელის არადაამაკმაყოფილებელი ხელმძღვანელობა: რამაც საგრძნობლად დააზიანა ასოციაციის პრაქტიკულ და ორგანიზაციული მუშაობა.

7. სოციალისტურ აღმშენებლობის აყვავება, კოლექტივიზაცია, რომელიც წინ უსწრებს ყველა გათვალისწინებულ გეგმებს. (ჩრდილოეთ ოსეთში კოლექტიურად უკვე გაერთიანებულია მოსახლეობის 40%) ელექტრო-მშენებლობა, საწარმოვო კომბინატები, სამთო-მანძო სიმდიდრეთა დამუშავება და საზოგადოთ მთელი ჩვენი სამეურნეო ორგანიზმის რეკონსტრუქცია, შეტევაზე გადასვლა კაპიტალისტურ ელემენტების წინააღმდეგ და გადამწყვეტი კლასობრივი ბრძოლის გამახვილება, აყენებს ოსეთის პროლ. მწერლობის წინაშე იდეოლოგიურ გეგმონის როლს და ახალ ყოფა-ცხოვრებითი ამოცანებს.

გამოდის რა ყველაზე ზემოთქმულიდან, საქართველოს პროლეტ-მწერალთა ასოციაციის პლენუმი, ოსეთის მხატვრულ-ლიტერატურის მომავალ საქმიანობისათვის აყენებს შემდეგ პრაქტიკულ ამოცანებს:

1. პროლეტ-მწერლობის ხელმძღვანელი როლის უზრუნველსაყოფად, მოწვეულ იქნას სამხრეთ და ჩრდილოეთ ოსეთის პროლეტ-მწერალთა ასოციაციის პლენუმი და ამ პლენუმზე გამოიმუშავებულ იქნას მკიდრო იდეურ-შემოქმედებითი კავშირის გზები ორთავე ოლქის ასოციაციებს შორის.

2. დამტკიცდეს, რომ შეყვანილი იქნას სამხრეთ ოსეთის პროლეტ-მწერალთა ასოციაცია, საქართველოს პროლეტარულ მწერალთა ასოციაციის შემადგენლობაში, — და შემდეგ მიღებულ იქნას ყოველი ღონისძიება, მტკიცე ორგანიზაციულ და შემოქმედებითი კავშირის დასამყარებლად.

ადგილობრივი მდგომარეობის შესასწავლად და ოსეთის ლიტერატურის გასაცნობად ხშირად მოეწყოს მივლინებები ოსეთში საქართველოს პროლეტ-მწერლებისა და პროლეტ-მწერალთა ასოციაციის გამგეობის წევრების.

3. შეფასდეს ჟურნალ „ფიდიოგის“ მუშაობა, რომელსაც იგი აწარმოებდა, საქართველოს მწერლების ნაწარმოებთა გასაცნობით ოსეთის მკითხველ მასაში, და შემდეგში მიღებულ იქნეს გადამწყვეტი ღონისძიებანი, რათა საქართველოს მშრომელი მასები გაეცნონ თარგმანის საშუალებით ოსეთის პროლეტარულ და საბჭოთა მწერლების შემოქმედებას.

4. საქართვე. პროლეტ-მწერლებს დაევალოს ოსეთის მშრომელი მოსახლეობის და შემოქმედებითი საკითხების საფუძვლიანად შესწავლა, და შემდეგ მათი გამოსახვა ქართულ მხატვრულ ლიტერატურაში.

5. უნდა აღინიშნოს პროლეტ-მწერალთა ასოციაციის არადამაკმაყოფილებელი მონაწილეობის მიღება, პარტიულ პროფესიონალურ და საბჭოთა ორგანიზაციებში, დაისვას საკითხი სამხრეთ ოსეთის პროლეტ-მწერალთა ასოციაციის წინაშე — საკავშირო კომუნისტური პარტიის (ბ) ცენტრალური კომიტეტის (1925 წ. რეზოლიუციის) დირექტივების მიხედვით — იდეურ-სახელმძღვანელო მუშაობის გაძლიერება.

6. სამხრეთ ოსეთის პროლეტ-მწერალთა ასოციაციის ორგანიზაციამ — ლიტერატურული საღამოებისა და დისპუტების საშუალებით, უნდა აწარმოოს განუწყვეტელი შემოქმედებითი მუშაობა; კომ-

კავშირელ აქტივთან, მუშა კორესპონდენტთან და სხვა მწერალთა ახალი კადრების ჩამოსაყალიბებლად.

განსაკუთრებული ყურადღება უნდა მიექცეს სპეციალურ მხატვრულ-ლიტერატურულ უმაღლეს სასწავლებლებში მივლინების საქმეს და თვითგანვითარებას.

7. ოსეთის ლიტერატურულ მოღვაწეებს მიექცეს გრძელ ვადიანი შევებულებები (ეს შევებულება განსაკუთრებული დავალებებით უნდა იქნენ გამოყენებულნი) და ნაკლებად იყვნენ დატვირთულნი სხვა სამუშაოებით.

8. კულტურული რეკოლიუციის ამოცანების ნათელსაყოფად და ჩვენი მეურნეობის რეკონსტრუქციის შესათვისებლად, დამუშავებულ იქნას მთელი რიგი მოხსენებებისა ლიტ-წიგნებში და ლიტერატურულ სალამოებზე. პროლეტარულ მწერლობის და თანამედროვე მშენებლობის ამოცანებთან დაკავშირებით.

9. შემოდებულ იქნას პროლეტ-მწერალთა მივლინებანი, როგორც თვით ოსეთის საწარმოო რაიონებში, აგრეთვე მთელი საბჭოთა კავშირის მასშტაბითაც, იმ მიზნით, რათა გლახური ოსეთის პროლეტარულმა მწერლებმა შეიგრძნონ წერილ-ბურჟუაზიული ტენდენციების და ვიწრო ნაციონალისტური შეხედულებების მანებლობა. გარდა ამისა განსაკუთრებული ყურადღება მიექცეს პროლეტ-მწერლების უფლებრივ და მატერიალურ მდგომარეობის გაუმჯობესებას.

10. გრანდიოზული იდეა, მასიურ კულტურულ მუშაობისა, სამხრეთ ოსეთის პროლეტ-მწერალთა ასოციაციის წინაშე აყენებს ამოცანას, რათა მან გაავრცელოს თავისი გავლენა ხელოვნების დანარჩენ დარგებზე; როგორცაა: თეატრი, მუსიკა, მხატვრობა და სხვ..

11. განსაკუთრებული ყურადღება მიექცეს ლიტერატურათმეტყველებას და მარქსისტულ კრიტიკას.

12. წინადადება მიექცეს ჟურნალ „პროლეტარულ მწერლობა“-ს მიიღოს შეფობა ჟურნალ „ფიდიოგ“-ზე.

ავხაზეთის პროლეტ.-მწერალთა ასოციაციის მუშაობის შესახებ

(რეზოლუცია)

მოისმინეს რა აშხ. ხაშბას ინფორმაციული მოხსენება, აფხაზეთის პროლეტ-მწერალთა ორგანიზაციის მუშაობის შესახებ — საქართველოს პროლეტ-მწერალთა ასოციაციის გამგეობის პრეზიდიუმში აღნიშნავს, საქ. პროლ. მწერალთა ასოციაციის სუსტ ხელმძღვანელობას და მჭიდრო კავშირის უქონლობას, აფხაზეთის ასოციაციასთან. ეს არის ერთი მთავარი დამაბრკოლებელი მიზეზი, აფხაზეთის ასოციაციის მუშაობისა. გარდა ზემოხსენებულ მიზეზისა, აფხაზეთის ასოციაციას მყარ ნიადაგზე დადგომას და გამოცოცხლებას ხელს უშლიდა: ხელმძღვანელი ორგანოს სიდიდე, გამგეობის წევრების დატვირთვა, კრიტიკოსთა კადრების მოუძნალებლობა, ბეჭდვითი ორგანოს უქონლობა და სამოსწავლო საქმის მოუწყობლობა.

აფხაზეთის პროლეტ-მწერალთა ასოციაციის მუშაობის გასამაგრებლად და გამოსაცოცხლებლად, — საქართველოს პროლეტ-მწერალთა ასოციაციის გამგეობის პრეზიდიუმს აუცილებლად მიაჩნია განახორციელოს შემდეგი ღონისძიებანი:

1. განმტკიცებულ იქნას კავშირი საქართველოს პროლეტ-მწერალთა ასოციაციასა და აფხაზეთის ასოციაციას შორის; საქართველოს პროლეტ-მწერალთა ასოციაციიდან გაიგზავნოს ხელმძღვანელი მუშაკები; რაც შეიძლება ხშირად იყოს მოსმენილი საქართველოს პროლეტ-მწერალთა ასოციაციის პრეზიდიუმში საქმიანი მოხსენებანი და ცნობები, აფხაზეთის პროლეტ-მწერალთა ასოციაციის მუშაობის შესახებ. აფხაზეთის ასოციაციის საქმიანობის გასაცნობად, პერიოდულად დაიბეჭდოს წერილები და შენიშვნები ყურნალ „პროლეტარულ მწერლობასა“ და „ნა რუბეჟე ვოსტოკაში“.

2. გამგეობა არჩეულ იქნას ისეთი აშხ. რომლებიც ნაკლებ დატვირთული იქნებიან სხვა საქმეებით და მეტ ყურადღებას მიაქცივენ ასოციაციას.

3. აფხაზეთის პროლეტ-მწერალთა ასოციაციის გასაჯანსაღებლად და ყოველდღიურ ორგანიზაციულ მუშაობის მოსაგვარებლად

იუცილებელია შეიქმნას მუდმივი შტატი და ამორჩიულ იქნას ასოციაციის პასუხისმგებელი მდივანი.

4. ეთხოვოს აფხაზეთის პარტიის საოლქო კომიტეტს რათა მან გააძლიეროს პარტიული ხელმძღვანელობა, აფხაზეთის პროლეტ-მწერალთა ასოციაციაზე.

5. აღძრულ იქნას საკითხი, საქართველოს კომუნისტური პარტიის (ბ) ცენტრალურ კომიტეტში, აფხაზურ ენაზე, ყოველთვიურ, მხატვრულ-ლიტერატურულ და პოლიტიკურ-საზოგადოებრივ ჟურნალის გამოსაცემად.

6. საქართველოს პროლეტარულ მწერალთა ასოციაციის შემდეგ პლენუმზე მოსმენილ იქნას მოხსენება, აფხაზეთის პროლეტ-მწერალთა ასოციაციის მუშაობისა და პროლეტარული ლიტერატურის მდგომარეობის შესახებ.



მ უ ს ი კ ა ლ უ რ ო გ რ ა მ ე ნ ტ ზ ე

საბჭოთა ეკონომიკის და თვით ადამიანის უდიდესი რეკონსტრუქციის ხანა, რომელმაც ააზღვავა პროლეტარიატის აზროვნება და წააღვეა ყოველივე, რაც ხელს უშლიდა ახალი ცხოვრების ჩამოყალიბებას, გვაიძულებს საღი კრიტიკით გადავხედოთ ხელოვნების იმ დარგსაც, რომელსაც მუსიკა ეწოდება.

არ არის საერთოდ არც ერთი დარგი საბჭოთა ხელოვნებისა, სადაც დაწინაურება და ჩამორჩენა ისე უცნაურად იყოს გადახლართული ერთმანეთთან, როგორც მუსიკაში. მეორეს მხრივ ხელოვნების არც ერთ დარგზე არ დახარჯულა და არც იხარჯება საბჭოთა სახელმწიფოს მიერ იმდენი ფული, როგორც მუსიკაზე და იმავე დროს არცერთ დარგს ხელოვნებისა არ გამოუღია იმოდენი უფარგისი და ხშირად-კი მავნე პროდუქცია, როგორც მუსიკას. ამ ფაქტზე ლაპარაკობენ. სწერენ. მუსიკოსთა იდეოლოგიური ჩამორჩენილობა აქსიომად არის გადაქცეული და აქსიომადვე მიღებულია აზრი, რომ მუსიკალური კრიზისი ამოიწურება მაშინ, როდესაც გაძლიერდება ახალგაზრდა პროლეტარულ მუსიკოსთა ასოციაცია. მეორეს მხრივ, იმის კრიტიკრიუმად, თუ რამდენად არის მისაღები პროლეტარიატისათვის ესა თუ ის მუსიკალური ნაწარმოები, ამ ნაწარმოების ტექსტუალური შინაარსია არჩეული, მუსიკალური ფაქტურის შესაფასებლად-კი მოხმარებულია პლენხანოვის ცნობილი ფორმულა, რომლის მიხედვით პროლეტარიატისათვის მისაღებია ყოველი კლასის მიერ წარმოშობილი ხელოვნების ის ნაწილი, რომელიც შეფარდებულია თვით ამ კლასის ახალგაზრდობასთან, ანუ წარმოშობასთან და განვითარების პირველ საფეხურებთან. სწორედ ამ კრიტიკრიუმების უდავოდ გაზიარებამ და კრიტიკის თვალთ შუუფასებლობამ მოგვიტანა ის რიცხვით მრავალი და ხარისხით-კი დაბალი მუსიკალური პროდუქცია პროლეტარულ განხრის ახალგაზრდა მუსიკოსებისა, რომელიც უძლურია გაუწიოს რაიმე კონკურენცია პროლეტარიატის მტერთა ბანაკიდან წარმოშობილ მუსიკალურ ნაშთებს. თუ მივიღებთ მხედველობაში, რომ ამ ნაშთების ფორმა და ტექნიკური მხარე დღესაც

უდავო და წასაბაძავ ნიჟეშებად ჩაითვლება და, მაგალითად მოსკოვის კონსერვატორიის თეორიული ფაკულტეტი სავსებით იზიარებს ძველ კომპოზიციის ყველა ტექნიკურ და ფორმალურ პრინციპს, ლენინგრადის კონსერვატორიის თეორიული ფაკულტეტი კი თავის რევოლუციონურ მიღწევად სთვლის იმას, რომ დაჟინებით იკვლევს და საკომპოზიციო ცხოვრებაში ატარებს მე-XVI საუკუნის საეკლესიო კომპოზიტორის პალესტრინას ხერხებს.

საბჭოთა კავშირის ამ უდიდეს კონსერვატორიებში იზრდებიან ახალგაზრდა პროლეტარული მუსიკოსები, და მათ შორის ჩვენი ახალგაზრდა მომავალი ძალაც, სახელმწიფო ხარჯზე გაგზავნილი ცოდნის გასაღრმავებლად და გასაშალაშინებლად. იმავე დროს სწარმოებს გახურებული ძიება მუსიკის სოციოლოგიური ფესვებისა და მტკიცება, რომ მუსიკა დამოკიდებულია ეკონომიკისაგან (ბრაუნდო, გლენბოვი, საბანევი, ჩემოდანოვი და სხვ.). ამიტომ სწარმოებს მუსიკის ისტორიაში კომპოზიტორთა ბიოგრაფიებში იმის ძიება, თუ რომელი კლასიური დაჯგუფების მიერ იყო წარმოშობილი ესა თუ ის კომპოზიტორი, რომელ კლასთან ჰქონდა ეკონომიური ურთიერთობა, რომელი კლასის იდეოლოგიას გამოსახავდა ამ კომპოზიტორის ნაწარმოების ტექსტუალური შხარე, და ყველა ზემოხსენებულის მიხედვით რამდენად მიზანშეწონილია ამ ნაწარმოებების ჩვენი პროლეტარიატისათვის მითავაზება.

ყველა ზემოხსენებული მაჩვენებელია, რომ ჩვენი ახალგაზრდა მუსიკოსები ცდილობენ დაუკავშირდნენ მარქსიზმის პლატფორმას არამარქსისტული ძიების საშუალებით, ვინაიდან მარქსიზმი თვით წარმოადგენს ღრმა მეცნიერებას, დამყარებულს ისტორიზმის პროცესის შეუჩერებელ წინსვლის ურყევ კანონზე, რომელშიც ყველა ელემენტი მჭიდროდაა დაკავშირებული ერთმანეთთან; შესაძლებელია ამ ელემენტების დროებითი შეჩერება, მაგრამ უკან დაბრუნება — ყოვლად შეუძლებელია; ისტორიზმის პროცესს მოაქვს ელემენტების გართულება და განვითარება და არა გამარტივება, კულტურის წინსვლა გაიზომება შრომის იარაღთა განვითარებით, ამ იარაღთა პირველ რიგში კი დგას ადამიანის ფსიქიკა. მუსიკას წარმოშობს სწორედ ეს ფსიქიკა, რომელიც ასოციაციის სახით აყალიბებს დამოკიდებულებას ფაქტორსა და ფაქტურის შორის, და ამათ შორის-კი ფაქტორად არის ეკონომიკის მიერ წარმოშობილი ბგერათა თანამიმდევრობა, ხასიათი, რითმი და წყობა, მათი ფორმა და ამ ფორმის დამოკიდებულება ეკონომიკის ფორმებიდან, ფაქტურას-კი შეადგენს ზემოხსენებული ელემენტების რეპროდუქცია სხვადასხვა კომბინაციის

სახით, და ეს რეპროდუქცია სრულებით დამოკიდებულია იმ ემოციონალური მდგომარეობისაგან, რომელიც იყო ფაქტორის ელემენტების შეთვისების დორს. პირველი შეგრძნება და მისი პასუხი — ემოცია, გამოხატველი არიან ბიოლოგიურ რეფლექსისა, ფაქტურა-კი პირობითი რეფლექსისა, ბიოლოგიურ რეფლექსზე აშენებულის. ამა თუ იმ ფაქტურისაკენ მისწრაფება, მისი განმეორება, მისი გამოყენება — ყველა ეს მაჩვენებელია ბიოლოგიური მიდრეკილებისა. საზომია თანამედროვე ეკონომიკასთან ფსიქიურად შეერთებისა, და ამიტომ ჩვენი ახალგაზრდა მუსიკოსების ძიება და ვარჯიშობა არქაიზმების აბლაბუდებში შედეგად მოიტანს რევოლიუციონურ სიტყვებით შემკულს, მაგრამ თანამედროვე პროლეტარიატისათვის ბიოლოგიურად მიუღებელს ან და ფსიქოლოგიურათ არასასურველ მუსიკალურ პროდუქციას.

აგრეთვე სავესებით გამორკვეულია მეცნიერების მიერ, რომ მუსიკის ზოგიერთი ელემენტი იწვევს ნერვიულ სისტემაში ფსიქიკიდან დამოუკიდებელ (ე. ი. მარტივ რეფლექსთა სახით) სამოტორო პროცესებს, ზოგიერთი-კი ზემოხსენებული პროცესების მოღუწებას, ან და სრულ ატროფიას. არცერთი ჩვენი მუსიკოსი არ იკვლევს ამ ელემენტებს, არავის აინტერესებს მუსიკალური რეფლექსოლოგიის ფართო და ღრმა ასპარეზი, და ამის შედეგები-კი სავესებით ჩანან როგორც ჩვენს მკირეწლოვანთა აღმზრდელობის საქმეში, ისე საოპერო, სიმფონიურ და საკონცერტო საქმიანობაში. ჩვენ უარყავით შიშველი ესთეტიზმი, მაგრამ მხოლოდ სიტყვიერად, საქმით-კი ხელს ვუწყობთ მას, და მისი ზეგავლენის ქვეშ მოგვიქცევა მთელი ჩვენი მოზარდი თაობა, ჩვენი მომავალი და მთელი მშრომელი მასა. პროლეტარიატში ენერჯის ჩასანერგავად და გასამხნეველად ჩვენ ვისვრით ლოზუნგებს წინსვლისა და მხნეობისა, და იმავე დროს ვაწვდით პროლეტარიატს მუსიკას, რომელიც აქრობს სამოტორო პროცესებს, ბადავს მტრის ბანაკისაკენ ბიოლოგიურ მიდრეკილებას. ამ შემთხვევაში ჩვენ ვბაძავთ იმ მეომარს, რომელიც მტრის გასაგმირავად მოსჭიდებია ხელებით არა ხანჯლის ტარს, არამედ შიშველ და ბასრ პირს და ბრძოლისკენ მისწრაფებაში ვერ ამჩნევს, რომ სისხლით იცლება და უძღურდება. საქართველოს მუსიკალური სინამდვილე სავესებით ამტკიცებს ამ ანალოგიას: ა/წ. თებერვალში მთავარ ხელოვნების მიერ ჩატარებულმა შრომის სკოლებში მუსიკა-სიმღერის მასწავლებელთა კონფერენციამ სავესებით დაამტკიცა, რომ არც ხელისუფლება, არც დაინტერესებული საბჭოთა ორგანოები, სა-

ქართველოს გასაბჭოებიდან დღემდე არც აქცევდენ, არც აქცივენ ყურადღებას და არც იციან, თუ ვინ რა მუსიკა-სიმღერას ასწავლის ბავშვებს და მოზარდებს შრომის სკოლებში, რამდენად დაკავშირებულია სწავლის მეთოდი და პროგრამა საბჭოთა ქვეყნის აღმშენებლობასთან, პროლეტარულ იდეოლოგიასთან, ან და რა შედეგები მოიტანა ამისთანა დაუდევრობამ. არავის აინტერესებს აგრეთვე, თუ რა მუსიკალური ლიტერატურა ვრცელდება საბჭოთა მუსიკალური მალაზიების საშუალებით, რამდენად საჭიროა პროლეტარიატისათვის ფოქსტროტების, იაფი ლირიკით და სანტიმენტალიზმით, ან და ცრუ პათოსით გაქლენთილი რომანსების დაბეჭდვა და გავრცელება, ვის რათ უნდა ის საეკლესიო ჰანგები, რომელთაც რევოლუციონური ტექსტებით შეფერილებმა, ყოფილი საეკლესიო რეგენტების ხელმძღვანელობით მოიკიდეს ფეხი მუშათა კლუბების თვითმოქმედ გუნდებში, რა შედეგს მოიტანს ზოგიერთი სხვა გუნდების მიერ ვარჯიშობა იმ ნაკვეთებზე, რომელნიც ყოვლად მიუღებელი იტალიანური მუსიკის ზეგავლენით და წაბადვით დაჯლაბნილნი არიან ამ გუნდების ხელმძღვანელთა მიერ, რომელნიც მუსიკაში უეცნი არიან და იმღერებიან როგორც რევოლუციონური სიმღერები? ეინ აგებს პასუხს პროლეტარიატის ამგვარ ფსიქოლოგიურ დაბნევაში? ყველგან სუფევს ეგრეთ წოდებული „მუსიკალური კონტრაბანდა“, ესე იგი, რევოლუციონური ტექსტის მფარველობით და ანტიპროლეტარული მუსიკალური ფაქტურის საშუალებით პროლეტარიატის ფსიქიკაზე უარყოფითი ზეგავლენა.

ამ გამზრუნელთა რაზმის ბელადად და მეთაურად უნდა ჩაითვალოს ჩვენი სახელმწიფო ოპერა, უმეტესად მას შემდეგ, რაც მის სათავეში მოქალაქე ლელი ჯაფარიძე დადგა. ეს დაწესებულება, რომელზედაც ჩვენმა რესპუბლიკამ, საქართველოს პროლეტარიატმა, უკვე დახარჯა და ეხლაც ხარჯავს უთვალავ თანხებს, ნიღაბახდილი ებრძვის იმავე პროლეტარიატს კულტურის ფრონტზე, და მცირე გამოწაკლისებით მთელი რეპერტუარი ოპერისა, როგორც ტექსტის, ისე მუსიკალური ფაქტურის მხრივ, თითქმის განზრახ შერჩეულია პროლეტარიატის მტერთა გასამხნეველად და სასიხარულოდ, თვით პროლეტარიატისათვის-კი იდეოლოგიური მარცხის და დეკლასაციის შინაგრძნობათა მისაყენებლად. ვერცერთმა ახალმა, და თანამედროვე ოპერამ, აღმშენებლობისათვის ტექსტით ან მუსიკალურ ფაქტურით სასარგებლომ, ვერ ნახა „ჯაფარიზმის“ ხანაში ჩვენი ოპერის სცენა, ვერცერთმა მუშა-მაყურებელმა ვერ გამოიტანა ოპერის თეატრიდან

ის ემოციონალური იმპულსი, რომელიც გააორკეცებდა მის კლასიურ გრძნობას და სიყვარულს შრომისადმი. და თუ ამჟამად სოციალიზმისკენ გაქანებაში მთელი საბჭოთა კავშირი განიცდის აღმშენებელ მუშაობის ძირითად რეკონსტრუქციას, ჩვენი ოპერის საქმიანობაც მთლიანად მიმართულია „რეკონსტრუქციისაკენ“, მხოლოდ სხვა სახისა, რომელსაც ობიექტად აქვს დასახული პროლეტარული ფსიქიკის მოტრიალება მანერ დამაუძღვრებელი კულტურისაკენ.

ყველა ზემოხსენებულს შედეგებზე საუბარი ცალკე წერილში გვიქნება.

არქიტექტურა უფრო მეტად, ვიდრე ხელოვნების რომელიმე სხვა დარგი, პირველ რიგში უპასუხებს უტილიტარულ მოთხოვნებს. კლასობრივ საზოგადოების არქიტექტურა მუდამ ემსახურებოდა გაბატონებულ კლასების ინტერესებს და იყო ამათი ფსიქოლოგიის მატარებელი. კაპიტალისტურ ხანის არქიტექტურას ახასიათებს გადაჭარბებული გატაცება სამკაულით, ფორმალიზმით და ტენიციზმით.

საბჭოთა კავშირში პროლეტარულ რევოლიუციის და სოციალისტურ აღმშენებლობის პირობებში არქიტექტურამ ჯერ კიდევ ვერ დააღწია თავი ბურჟუაზიულ ხელოვნების კალაპოტს — კონსტრუქტივიზმი, ფორმალიზმი და განსაკუთრებით ეკლექტიზმი დღემდე ბრძანებლობენ საბჭოთა არქიტექტურაში. ეს მიმართულებანი, ჩვენი სინამდვილის ზეგავლენით თითქო იცვლიან სახეს და ეგუებიან ჩვენს პირობებს, მაგრამ არსებითად ჩვენი სინამდვილისათვის უცხონი არიან.

ამავე დროს გარდამავალ ხანის ეკონომიურ საფუძვლებზე იზრდება პროლეტარული არქიტექტურა. იგი შენდება გეგმიან მეურნეობის და მოწინავე ტენიკის მკვიდრ საფუძვლებზე და ექვემდებარება ახალ სოციალისტურ საზოგადოების შექმნის პროცესში წამოჭრილ ამოცანების გადაწყვეტას.

პროლეტარიატის ხელში არქიტექტურის სოციალური როლი განსაკუთრებულ მნიშვნელობას ღებულობს. პროლეტარული არქიტექტურა არ არის დამონების და ბატონობის იარაღი და არც პასიური თვალთსასიამოვნო ხელოვნება — ის არის ხელოვნება აქტიური, რომელიც უნდა განდეს მშრომელ მასების განმათავისუფლებელ იარაღათ, სოციალიზმის და ახალ კოლექტიურ ყოფა-ცხოვრების უმძლავრეს ბერკეტათ. ჩვენ უარვყოფთ ეკლექტიურ ხუროთმოძღვრობას და ეკლექტიკების მეთოდს, რომლებიც მექანიურად ბაძავენ ძველ არქიტექტურას და ბრმად ექვემდებარებიან კლასიკურ კანონებს და სქემებს. ეკლექტიური მიმართულება განსაკუთრებით გაძლიერდა სავაჭრო-სამრეწველო კაპიტალის ხანაში. ეს ანარქიული ეკონომიური სისტემა, კერძო საკუთრებაზე და კონკურენციაზე აგებული

ლი, ახვევს არქიტექტურას ყველა თავის უარყოფით თვისებებს და თანდათან ჰქმნის მას სავაჭრო საგნათ.

დღეს ეკლექტიზმი რეაქციონურია, ვინაიდან ის ვერ შერიგებია ინდუსტრიალურ ტენიკის მიღწევებს: თანამედროვე ახალ სააღმშენებლო მასალების და კონსტრუქციების თვისებებს და საამშენებლო წარმოების ახალ მეთოდებს. ის რეაქციონურია თავისი მიდრეკილებით ცხოვრების წვრილ-მესაკუთრეობითი ფორმებისადმი. ის აღუწებს და ანელებს ახალ კოლექტიურ ყოფა-ცხოვრების წამოწყებებას. ის რეაქციონურია და იდეოლოგიურად ჩვენი დამი მტრულად არის განწყობილი, ვინაიდან იგი „აღდგენს მკვდრებით“ ფორმებს, რომლებიც შემუშავებული იყო პროლეტარიატისათვის უცხო კლასების მოთხოვნილებათა დასაკმაყოფილებლად. ჩვენი ჭაგებით, ყველა ეროვნებების პროლეტარული არქიტექტურა ინდენტიურია თავისი მიზნებით. ყოველ ქვეყანას პროლეტარული არქიტექტურა დაყრდნობილი მშრომელთა მასების თანამედროვე მოთხოვნილებებზე და მოწინავე ტენიკაზე თავისი ქვეყნის განსაკუთრებით გეოგრაფიული ყოფა-ცხოვრების პირობების მიხედვით ღებულობს თავისებურ ნაციონალურ სახეს.

ნაციონალურ არქიტექტურის ასეთ გაგებით ჩვენ უარყოფთ იმ არქიტექტურას, რომელიც საქ. სოც. საბჭ. რესპუბლიკაში „ნაციონალურ ხუროთმოძღვრების“ სახით ეწევა ისტორიულ, კლერიკალ-ფეოდალურ არქიტექტურის უცვლელად გადმონერგვას დღევანდელ ჩვენს პირობებში. ეს მექანიკურად აღდგენილი „ქართული ნაციონალური სტილი“, მეფეების დროს შექმნილი, ვერავითარ შემთხვევაში ვერ მოგვცემს იმ ფორმებს, რომლებიც დღეს ესაჭიროება საბჭოთა საქართველოს მშრომელ მასებს, ახალ ცხოვრების მშენებლობისათვის.

ეკლექტიზმთან ერთად ჩვენ უარყოფთ ფორმალიზმს არქიტექტურაში. ინდუსტრიალურ კაპიტალიზმის და მასთან დაკავშირებით ინდუსტრიალურ ტენიკის სწრაფი განვითარება მიჯნავენ ერთიმეორისაგან დეკორატიულ ფორმებს (შემკობა „სტილებში“) და ახალ კონსტრუქციას მასალებს (რკინა-ბეტონი, მინა და სხვ.). ამ მიმართულების არქიტექტორები, უკუაგდებენ ეკლექტიკას, მაგრამ არ შესწევთ ძალა შეათანხმონ თავისი შეხედულებები ახალი დროის ტენიკის მოთხოვნილებებთან და იწყებენ „ახალ“ არქიტექტურულ ფორმების აბსტრაქტიულ ძიებას.

ჩვენ უარყოფთ აბსტრაქტიულად მოაზროვნე სოციალურ-უტილიტარულ ამოცანების გარეშე მდგომ, უნიადაგო ფორმალიზმს. ჩვენ დადებითად ვსცნობთ, როგორც ფორმალიზმის ისე კონსტრუქტივის-

მის ისტორიულ როლს ეკლექტიზმთან და ტექნიკურ დახვეწებულ ბასთან ბრძოლაში. აგრეთვე აღმშენებლობის რაციონალიზაციის, მექანიზაციის და სტანდარტიზაციის საკითხების წამოყენებაში და ინდუსტრიალურ ტექნიკის პროპაგანდაში. მაგრამ მიუხედავად ამ დადებით მხარეებისა მათ თავის მუშაობაში ვერ ვასცილდნენ მემარცხენე ფრაზას და „რევოლიუციონურ“ პოზას.

ჩვენ უარვყოფთ ფინანსიურ კაპიტალის საფუძველზე აღმოცენებულ კონსტრუქტივიზმს, რომელიც მივიდა ხელოვნების სრულ უარყოფამდე, შესცვალა ის ტექნიკით, ინჟინერიით და ამით დაამტკიცა, რომ ის წარმოადგენს მსხვილ კაპიტალისტურ ჯგუფების იდეოლოგიის ანარეკლს არქიტექტურაში, ამ ჯგუფებისათვის დამახასიათებელ მაშინისადმი თაყვანისცემით და ვულგარულ მატერიალიზმით.

ჩვენ უარვყოფთ კონსტრუქტივიზმს, რომელიც ბრმად ჰზაძავს და მექანიურად გადმოაქვს ჩვენს ნიადაგზე დასავლეთის ტექნიკა. არ უწყევს ანგარიშს ადგილობრივ პირობებს, რეალურ შესაძლებლობას, არსებულ მასალებს და ეკონომიურ ფაქტორებს.

ჩვენ უარვყოფთ კონსტრუქტივიზმს, რომელმაც გაამეფა არქიტექტურაში ხალასი კონსტრუქციით ტკობის ესტეტიკა და ინდუსტრიალურ ტექნიკის გარეგნულ ფორმებისადმი ფანატიური მიბაძვა.

ჩვენ უნიადაგოთ მიგვაჩნია კონსტრუქტივისტების პოზიცია, რომელიც სავსებით უარყოფს ხელოვნების მნიშვნელობას არქიტექტურულ ორგანიზმის ჩამოყალიბებაში.

ჩვენს პირობებში სიერციითი ხელოვნებათა სხვა დარგების მიმართ არქიტექტურა აშკარად ხელმძღვანელობას იჩენს და ჩვენ ხაზგასმით აღვნიშნავთ, რომ არქიტექტურულ ჩამოყალიბების პროცესში ხელოვნების ყველა დარგის გამოყენებისათვის და მათი ორგანიული მთლიანობისათვის გზების ძიება აუცილებელ საჭიროებას წარმოადგენს.

ჩვენ უარვყოფთ ყოველგვარ ცდას მიჩქმალონ არქიტექტურის კლასობრივი როლი და პროლეტარიატს თავს მოახვიონ კლასთა გარეშე არქიტექტურა, რომლის განხორციელებას შესძლებს მხოლოდ სოციალისტური საზოგადოება.

ჩვენ გვწამს, რომ პროლეტარიატის დიქტატურის ხანაში არქიტექტურა უნდა იყოს კლასობრივი, როგორც შინაარსით ისე ფორმით, ამ პერიოდის არქიტექტურა უნდა მონაწილეობდეს კლასობრივ ბრძოლაში ყველა თავისი საშუალებებით მეზობელ პროლეტარიატის მხარეზე.

ჩვენ ვსთვლით, რომ პროლეტარული არქიტექტურის თეორია და პრაქტიკა თავის განვითარებაში უნდა ეყრდნობოდეს დიალექტიურ მატერიალიზმის მეთოდის გამოყენებას.

ჩვენ მხარს უჭერთ თანამედროვე მეცნიერულ ტექნიკურ საფუძველზე დამყარებულ არქიტექტურას.

მაქსიმალური წინსვლა მეცნიერების და ტექნიკის სფეროში, სამშენებლო მეთოდების ძირითადი რეორგანიზაცია, მექანიზაცია, სტანდარტიზაცია, ამერიკულ და ევროპიულ ტექნიკის მიღწევების კრიტიკული გამოყენება კლასობრივი ინტრესების, რეალური მიზანშეწონილობის, ჩვენი კონკრეტული პირობების და შესაძლებლობის თვალსაზრისით — აი რას უჭერთ ჩვენ მხარს.

ჩვენი მეურნეობის მთავარი ამოცანების მიხედვით ჩვენ მუშაობას გეზს აძლევენ ეკონომიურობის და რაციონალობის საკითხები.

პროლეტარიატის კლასობრივი ინტრესები აყენებენ არქიტექტორის წინაშე ახალ პრაქტიკულ ამოცანათა მთელ რიგს: მსხვილი საბინაო მშენებლობა არა წვრილ მესაკუთრეობრივი, არამედ კომუნალური ტიპისა; ქარხნების კოლმეურნეობების, საბჭოთა მეურნეობების როგორც რაციონალურად ჩამოყალიბებულ შრომის ადგილების საღ პირობებში აგება და აშენება; მასების გონიერ დასვენების და კომუნისტურად აღზრდისათვის კლუბების, დასასვენებელ სახლების, სკოლების, ბაგების და სხ. ასეთების აგება და აშენება. ყველა ეს ამოცანები გადაწყვეტილი უნდა იქმნას არა მარტო ვიწრო უტილიტარულ ტექნიკურ მიზანშეწონილობის თვალსაზრისით (პრაქტიციზმი) და არა მარტო შენობის ვიწრო-ლოკალურ ფუნქციების მიხედვით (კონსტრუქტივიზმი), არამედ უმთავრესად შენობის ფართო სოციალურ მნიშვნელობის თვალსაზრისით.

არქიტექტორი უნდა იყოს შრომის და ყოფა-ცხოვრების ახალი ფორმების პროპაგანდისტი და ორგანიზატორი: ის არ უნდა მოსწყდეს სინამდვილეს, არ უნდა გაიყინოს ერთხელ მიღწეულ წერტილზე; იგი მუდამ უნდა იდგეს პროლეტარულ მოძრაობის ავანგარდში. ჩვენ მხარს უჭერთ პროლეტარულ კლასობრივ არქიტექტურას, კონსტრუქტიულად მთლიან, მხნე, შრომის და ბრძოლისაკენ მასების ნებისყოფის დამრავლებელ ხელოვნებას. ჩვენ ვეწინააღმდეგებით ფორმის შინაარსიდან და აგრეთვე ფორმის კონსტრუქციიდან გამოყოფას. — ჩვენ მხარს უჭერთ მათ ორგანიულ მთლიანობას. ჩვენ მხარს უჭერთ წარსულ დროის კულტურის შეთვისებას, მის შესწავლას მარქსისტულ ანალიზის მეთოდით. არა ბრმა მექანიურ მისაბამივად (ეკლექ-

ტიზმი) არამედ ისტორიულ გამოცდილების კრიტიკულად გამოყენებისათვის პროლეტარულ არქიტექტურის შექმნის პროცესში.

ამრიგად ჩვენი მეთოდი არქიტექტურაში წარმოადგენს არქიტექტურის საგნის ყოველ მხრივ გაშუქებას, არქიტექტურის განმსაზღვრელ (სოციალ-ეკონომიური, ემოციონალ-იდეოლოგიური, კონსტრუქტიულ-ტექნიკური და სხ.) ელემენტების, მათი ურთიერთ კავშირით, წინააღმდეგობებით და ურთიერთ ქმედობით, მაქსიმალურად მხედველობაში მიღებას.

ჩვენ კერძო მომენტების განცალკევებულად გადაწყვეტის წინააღმდეგი ვართ. ჩვენ მხარს უჭერთ მთელი ამოცანის ორგანიულ გადაწყვეტას — ნაწილების ანალიზით, სინტეტიურ განსაზოგადოებისაკენ. ჩვენ მხარს უჭერთ არქიტექტურის ყველა პრობლემის გადაწყვეტას ჩვენ საერთო სამეურნეო ამოცანებზე, დღევანდელ დღის მოთხოვნილებებზე, მომავლისაკენ მისწრაფებებზე დაყრდნობით და ადგილობრივ სპეციფიურ პირობების ყოველმხრივი გათვალისწინებით.

ყოველ კულტურულ ამოცანაში ჩვენი გონების მთელ სიმახვილეს ვაჩერებთ იმ მთავარ მომენტებზე, რომლებსაც, ადებულ შემთხვევაში, უკარნახებენ არქიტექტურის პროლეტარიატის კლასობრივი ინტერესები. პროლეტარული არქიტექტურა არ უნდა ჩაიკეტოს სპეციალისტთა ვიწრო წრეში, არამედ გახდეს მთლიანი მასების საკუთრებად და შეიქმნას და განვითარდეს მათი მონაწილეობის, შემწყობის და შეფასების საშვალეებით. პროლეტარულ არქიტექტურის გზა მიმართულია და ლოზუნგიდან: „ხელოვნება მასებს“ ლოზუნგისაკენ: „მასათა ხელოვნება“ — ეს არის არა კაბინეტური, კარჩაკეტილი მეცნიერის, არამედ აქტიური საზოგადოებრივი მუშაკისა და მშრომელთა კლასის საქმისათვის მებრძოლთა გზა.

„სპაბ“-ის დამფუძნებელი წევრები:

1. გალუმოვი ე. ს., 2. გლაზკოვი ნ. პ., 3. გოქაძე ბ. ნ., 4. თევზაძე ა. ა., 5. ეიტკოვსკი ი. კ., 6. კრივოზუბკინი ბ. ვ., 7. ლეჟავა გ. ი.
8. მელეგი ნ. ვ., 9. მერაბიშვილი კ., 10. ნიკოლაიშვილი ა. მ., 11. უშენინი პ. ი., 12. სარქისოვი ა. ბ., 13. სირუნიაიანი ვ. ა. 14. სოკოლოვა ქ. ნ., 15. ყირქესალი ი. პ., 16. ქურდიანი ა. გ., 17. ცაგარელი პ. გ., 18. შავიშვილი მ. კ., 19. ჩხიკვაძე მ. ა., 20. ჯანდიერი მ. ი.

კარლო კალაძე — როგორ — პიესა ოთხ ნაწილათ. სახელგამი.

1929 წ.

თანამედროვე ეპოქაში გამოიკვალა დრამატურგიის ფუნქციონალური დანიშნულება, ჩვენ ვეთანხმებით იმ აზრს, რომელიც მოითხოვენ დრამის როგორც ლიტერატურული მოვლენის ლიკვიდაციას. ეს ფაქტი გააძლიერებს დრამის სცენიურ ღირებულებას; დრამატურგიის გადახრა ბელეტრისტიკისაკენ არ არის კარგი; პიესა უნდა იწერებოდეს სცენისათვის; ახალი პროლეტარული ბელეტრისტიკა თავის ამოცანას თვითონაც კარგად შეასრულებს. გარდა ამისა პიესა მოთხრობის შტაგვსად ვერ შეესაბამება მთელი რიგი წარმოდგენების შექმნას სცენიური განსახიერების გარეშე. ამ პრინციპზე უნდა აშენდეს ახალი დრამატურგია. მასში რაც შეიძლება ნაკლები უნდა იყოს ლიტერატურული წყალდიდობა; ამ პრინციპის მიხედვით დაწერილია კარლო კალაძის ახალი პიესა „როგორ“.

ავტორს თემად აუღია ათას ცხრაას ხუთი წლის რევოლუციის გმირული ბრძოლები; კარლო კალაძე, რომელსაც ამ რამდენიმე წლის წინათ პოეზიის სფეროში ნაციონალისტური და სიმვლასტური გადახრები ახასიათებდა, დრამატურგიაში გამოვიდა, იდეურათ როგორც ყოველმხრივ გამართლებული იდეოლოგიის მწერალი. მისი ეს დრამატული ნამუშევარი იდეური სიჯანსაღის ძლიერ ეფექტს იძლევა; ეს მოხდა იმიტომ, რომ დრამატურგია უფრო ვრცლათ გამოხატავს საზოგადოებრივ ცხოვრებას, ვიდრე ინტიმური ლირიკა; ლექსის წერის დროს ავტორი ვერდნობოდა ძველი პოეზიის მხატ. ტრადიციებს, დრამატურგიაში აღმოჩნდა მხოლოდ ერთი გზა: საზოგადოებრივ ცხოვრების ყოველმხრივ

შესწავლა. ობიექტიურმა პირობებმა შესწავლის შედეგათ ავტორი მიიყვანა ყოველმხრივ იდეოლოგიის ყოველმხრივ აღიარებამდე. თავის ლექსების წიგნში კარლო კალაძე სწერდა წმინდა წყლის ოპოზიციონური კილოთი, („მუშების საუბარი“) რომ მუშა, რომელიც აქტიურად იბრძოდა ცხრაასხუთიდან ოცდაერთ წლამდე. დღეს ჩამოწყვეტილია, ჩამოშორებულია საზ. ცხოვრებას, რადგან წარსულ ბრძოლებმა ვითომ საკმარისი ნაყოფი არ გამოიღო. ამ პიესაში წინა პლანზე წამოწეულია ამ აზრის საპასუხო იდეა. პიესის სიუჟეტური გაშლილობა მოთავსებულია მუშების საუბარის ფარგალში. საუბარი იწყება ღამით ქარხნის სადარაჯოზე, თავდება დილით; ძველი ბოლშევიკი კობა უყვება ახალგაზრდებს წარსულის ბრძოლებს და ასე ათავენებს: „რომელი ერთი გითხრათ ბიჭებო, დიდი ხალისი იყო, მრავალი შეეწირა და მრავალი ვიბრძოდი, მაგრამ ხალისი და გამბედაობა როდი კმაროდა თურმე — გამოცდილება და დიდი გამძლეობა ყოფილა საჭირო. გაუძელით... ვიმუშაოთ. მთელი დრო ეს შავი მთები, ეს მადაროები ჩვენი, რომ ყოფილიყო ამისთვის ვიბრძოდი და რას იტყვით გვაქვს თუ არა უფლება ჩვენად გამოვაცხადოთ“.

აქ აშკარად დავგობილია ძველი არაპროლეტარული თვალსაზრისი. აქვე უნდა ავღნიშნოთ, რომ პიესას აქვს არა მარტო იდეური მიღწევები, არამედ ტექნიკურ-ლიტერატურულიც;

„როგორ“ მიზნათ ისახავს გვიჩვენოს მთელი რიგი აქტიური ბოლშევიკების ტიპები და მათი საქმიანობა; ამ ამოცანას პიესა სამაგალითოდ ასრულებს; პირველ

როგში აღსანიშნავია ის გარემოება, რომ პიესა ფორმალურათ აგებულია პროლეტარულ რეალიზმის პრინციპზე. აქ არ არის კლასიციზმის ეპიგონობა, როგორც ეს ზოგიერთ აშხანაგებს ეჩვენებათ; (შავალითად „მნათობის“ ბიბლიოგრაფს) პირიქით აქ სათანადოთ დაძლეულია კლასიციზმის დრამატურგიული მემკვიდრეობა. უკანასკნელ ხანებში მთელ რიგ აშხანაგებმა დაიწყეს მუშაობა ამ დარგში, ზევრი მათგანი უთუოდ დამარცხდა; რატომ? იმიტომ, რომ მიუხედავად იდეოური სიჯანსაღისა მათ ვერ შესძლეს ფორმალური მასალის ახალი ტრაქტოვკა. ეს ნაკლი უთუოდ დასძლია კ. კალაძემ. პიესაში ერთიმეორეს ებრძვის რეაქცია და რევოლუცია. პირველის წარმომადგენლები არიან აღმასხანა ქარუმიძე, ბოქაული, შემდეგ გენერალი და მთელი რიგი ნაძირალები; მუცუტა და სხვა... საინტერესო ტიპს წარმოადგენს ბოქაულის და — ლოლა. ავტორი აქ არღვევს ერთ გაბატონებულ ტრადიციას, რომლის მიხედვით რევოლუციონერი ქალი მუ-

დამ ბოქაულის და მისი აქლობელი ნათესავის შვილი უნდა ყოფილიყო; ამ ნიადაგზე აღმოცენებულ ტრაგედიებზე მწერალს მიეცემოდა საშვალბა სანტიმენტალური სიტყვების ფრქვევისათვის.

პიესის ავტორი გვიჩვენებს, რომ ეს ექსალტიური ქალიშვილი დამძერი სიყვარულს ბოქაულისადმი უფრო მადლა აყენებს ვიდრე ბეგლარის სიყვარულთან დაკავშირებით წარმოშობილ სიმპატიებს რევოლუციის მიმართ. ეს სრულიად ბუნებრივი მოვლენაა. პიესაში წარსული ბრძოლები მოცემულია ოქტომბრის რევოლუციის პერსპექტივებში. აგრედვე სამაგალითოდ არის დახასიათებული ფუქსავატური ყოფა-ცხოვრება ბოქაულის ოჯახისა, ამ მხრივ აღსანიშნავია მეორე ნაწილის მეორე სცენა.

საერთოდ პიესა ერთ-ერთი დიდი მიღწევაა პროლეტარულ დრამატურგიისათვის, ის პროლეტარულ დრამატურგიის ზრდაზე ლაპარაკობს.

ლ. ი.

სანდრო ეული „ახალგაზრდობას“. სახელგამი. 1930 წელი.

სასტიკად სცდებოდნენ ზოგიერთი აშხანაგები, როდესაც ვიქ. შკლოვსკის „კამბურგის ანგარიში“ — სრულიად მოუფიქრებლად პროლეტ-მწერლობაშიაც შემოათრიათ. მით უფრო სახიფათოა იგი, რომ ფორმალისტი შკლოვსკი — ამით პროლეტარიატის მტრის საქმეს აკეთებს. შკლოვსკი თუ „უანდარმულ“ მათრახს ურტყამს მაქსიმ გორკის; ბოლოს და ბოლოს ეს მათრახი ზედება საბჭოთა საზოგადოებრივ აზრს, რომელმაც უკანასკნელს იუბილედ გაუპარათ.

მაგრამ ძლიერ სამწუხაროა, რომ ამ თეორიამ ჩვენშიაც იპოვა ერთგული დამცველები, რომლებსაც შესწევთ გამბედაობა, ეს იარაღი მომართონ პროლეტარულ მწერლების წინააღმდეგ.

პ. ქიქოძემ თავის ირთი წლის ანგარიშიში, შკლოვსკის ეს „უხერხემლო“ თეორია მთელი სიმწეავით განაეითარა... „მემარცხენე“ მოლაშქრეს ეყო გამბედაობა — ბრძოლებში გამოწრთობილ პროლეტ-მწერლების პირველი თაობისათვის ჯვარი დაესვა და საბოლოო ანგარიშიში უარყო პროლეტარული მწერლობის არსებობა საქართველოში.

„კამბურგის ანგარიშის“ „მწევე“ ხელი სარეცენზიო ლეჭების ავტორსაც მოხვდა. სწორედ ეს გარემოება გვიძულებს უფრო მეტი სიმანხილით განვიხილოთ ს. ეულის უკანასკნელად გამოსული ლეჭების წიგნი, ზომ არ მართლდება „მემარცხენე“ მოლაშქრის თავ-

დასხმები!? ხომ არ დაიწურა ეულის პოეტური ენერჯია? ჩვენ შევეცდებით მიუდგომლად გავაშუქოთ საკითხი.

უნდა ვაღიაროთ, რომ ეულს და საერთოდ პროლეტ-ლიტერატურის წინამორბედებს ჩვენს პერიოდულ პრესაში ბედი არ სწყალობთ. უდავოა „რომ ს. ეულის სახით პროლეტარულმა პოეზიამ პირველად დაილაპარაკა გაბედული და ძლიერი ხმით. ის იყო პირველი, რომელმაც მანამდე უჩვეულო ენტუზიაზმით გადმოშლა პროლეტარულ-რევოლუციონური მისწრაფებანი, აგრეთვე ერთადერთმა პირველთაგანმა შეიტანა ჩვენს ლიტერატურაში ინდუსტრიალური მოტივი... ასე რომ ის უნდა ჩაითვალოს პროლეტარული პოეზიის პიონერად საქართველოში“.) ს. ეულის შემოქმედება ამ აზრის დამტკიცების ურყევ საბუთებს იძლევა. თავიდანვე პოეტი დადგა დაჩაგრულთა მხარეზე და ეულის ფსევდონიმით ქართველ საზოგადოებას ელაპარაკებოდა შრომელი ხალხის გაჭირვებულ ცხოვრებაზე. ს. ეულმა „ბრძოლის მგოსანში“ ერთხელ კიდევ საქვეყნოდ აღიარა, რომ პროლეტარული პოეტი გვერდში უნდა ედგეს დაჩაგრულ კლას—პროლეტარიატს, კლასიური მტრის წინააღმდეგ ბრძოლაში. ამ ბრძოლის სიმღერებში დავაეკაცდა პოეტი... ამავე სიმღერებით ზრდიდა მომავალ თაობას.

— გავიდა წლები... აღსრულდა დიდი ხნის ბრძოლის საგანი... საქართველოში პროლეტარიატმა გაიმარჯვა... დადგა სამეურნეო აღმშენებლობის წლები... რევოლუციის რიტმი სხვა ფორმას ღებულობს. ობიექტური პერსპექტივები დაიწმინდნენ და პოეტაც შეგნებულად გაჰყვა მას... მას უხარია აშენება ზაპესის, ახალ-ახალი წამოწყებები... პოეტი უმღერს მას, მაგრამ ეს სიმღერა არ არის

მხოლოდ უბრალო სიმღერა, იგი სიმღერაა — მშენებლის, მოსაქმე ადამიანის და უკეთეს მომავლის. ს. ეულს არ რჩება არც-ერთი წვრილმანი ჩვენი ყოველდღიური ცხოვრებისა. იგი უმღერს: მუშის გარუჯულ მკლავს, განახლებულ სოფელს, ტანჯვის ბორკილით განთავისუფლებულ ქალს და მომავალ თაობას — პიონერებს.

„განახლებულ სოფელში“ იძლევა თანამედროვე სოფლის ფოტოგრაფიულ სურათს... პოეტი იჭრება ახალი გლეხების სულიერ სამყაროში... მხატვრულად გადმოგვცემს ყველა იმ ეკლილებებს, რომელიც ოქტომბერმა მოახდინა ისტორიულად ჩამორჩენილ გლეხის წვრილბურჟუაზიულ ფსიქოლოგიაში. პოეტმა იცის — რომ იგიც იცვლება ახალ ყაიდაზე. კერძოდ ამ ლექსში მოქმედ პირობად არის გამოყვანილი ქალაქის მუშა — დათო და სოფლის გლეხი — ალექსი. ამბავი იწყება მათი წარსული, ტანჯულ ცხოვრებიდან... მაგრამ რევოლუციამ უკვე დალევს წარსული. ამიტომაც ამბობს დათო:

„საცა შრომაში
ხარობს შრომელი,
მეც მიხარია,
რომ ვაღნობ რკინას
და ვჭედ იარაღს —
სოფლისთვის სახმარს...
დღეს ცეცხლის ალზე
სახე მიბრწყინავს,
რომ ეს სოფელი
წინანდელს არ ჰგავს“.

(„განახლებული სოფელი“).

მაგრამ ოქტომბრის მნიშვნელობა მართო ამით არ განიზომება. რევოლუციამ ფარდა ახადა ბურჟუაზიულ, ოჯახურ ურთიერთობას, სადაც ქალი წარმოადგენდა ცოცხალ მონას, გასართობ ნივთს... ოქტომბერმა ჯერ არჩახული სისასტიკით დალევს ოჯახური ბორკილები, შემანურ განწყობილებათა სიციწროვე და

1) იხილ. შალვა რადიანის „ლიტერატურული პორტრეტები“ — 1929 წელი. ხაზი ჩვენია.

ქალიც, როგორც აქტიური წევრი ჩვენი ცხოვრების, გამოიყვანა სამოქმედო ასპარეზზე. ლექსში „გლეხის ქალი“ — პოეტი იძლევა ახალი ადამიანის კონკრეტულ სახეს.

ამგვარივე თემაზე დაწერილი ლექსი „დეღევატი“, სადაც პოეტი ესაუბრება 60 წლის გლეხს — საკუთარ მამას, რომელიც სოფლიდან დეღევატად არის გამოგზავნილი ტფილისში. შეიღს უხარია, რომ მოხუცი მამა ანთებულია ახალი ცხოვრების ცეცხლით. სამაგიეროდ მამაც აღფრთოვანებულია შეიღის სამწერლო მოღვაწეობით.

ს. ეული ლექსების საკმაო ნაწილს უძღვნის მომავალ თაობას — პიონერებს. სადაც გამოაშკარავებულია პიონერების ენტუზიაზმი — ახალ-ცხოვრებისადმი. ამ თემებთან დაკავშირებით პოეტი თანმიმდევრობით ამუშავებს — რევოლუციის თემატიკას. ასეთია მაგ.: „ოქტომბრის მარში“, „ჩვენი კოშკი“, „ლენინის ნახე“, „ეული“, „ღმერთი უარყვეთ, „მოურავი“, „დედა“, „ჩვენი სოფელი“, „უსახლკარონი“, „ქალი მოურავის“ და სხვა.

აჭამდის ჩვენ პოეტის დადებით მხარეზე ელაპარაკობდით. არ იქნება ცალმხრივი — თუ ავტორს მიუთითებთ ზოგიერთ შეცდომებზე.

ს. ეული, მხატვრული ფაქტის შენების დროს ნაკლებ ყურადღებას აქცევს სტილს.

ჩვენ ვიცით, რომ ყოველ გარკვეულ ეპოქას თავისი სტილი და მხატვრობა გააჩნია. მხატვრული ფაქტის სიდიადე და მნიშვნელობა იმაშია, თუ რას ამუშავებ

და როგორ ამუშავებ! დღევანდელ მხატვრულ ფაქტებში გაბატონებულ ტენდენციათ ითვლება დინამიურობა. ნაპირებ დატეხილი სტრიქონები, არეული რიტმი და დარღვეული მეტრი — სათავეა დღევანდელი პოეზიის. უკვე მობერდა სილაბიური ლექსთა წყობა... ის კვდება, სამაგიეროდ გაშლილი სახით მოდის ზემოდ-დასახელებული ფორმები. ს. ეულის პოეზია ამ მხრივ ძლიერ დარბია. სანიმუშოთ მოგვყავს ერთი ადგილი..

„ზაპეს, ზაპეს!

დღეს ჩემ სახეს!

შეგადარეს და იკმარეს

რაც იმწარეს, შავ ბნელ ღამეს..

ეს ლექსი მითიურ ხანაში შექმნილ ხალხურ „ოდელია-დეღას“ უფრო ეკუთვნის ვიდრე რკინის და დინამიზმის ეპოქას. ზშირად ეული ერთი და იგივე ლექსში — ყოველ სტრიქონში იმეორებს ერთი და იგივე სიტყვებს. რაც გაუმართლებელია ფონეტიკურადაც და მორფოლოგიურადაც. ზშირად ცუდია რითმები. მაგ. უღირსია — სხვისია, ზღვისს — მაის და სხვა. საჭიროა დავუფიქროვოთ ლექსის ახალ კულტურას... აღსანიშნავია ისიც, რომ პოეტის შემოქმედებაში პეზი-მიზმის მიკრობებიც ზშირად სწამლავს პოეტის ჯანსაღ ხედვას. მაგ.:

„სულში ჩავუბდა უიმედობა

და შევაფურთხე გაჩენის წუთებს“

(ლექსი „ქალი მოურავის“)

მაგრამ აღნიშნული ნაკლი ვერ ამცირებს სარეცენზიო ლექსების წიგნის ღირსებას.

დ. ბენაშვილი.

ალ. მაშაშვილი „პიონერული“ 1930 წ. სახელგამი.

დღეს საბავშვო ლიტერატურის მნიშვნელობა დიდია. ის უნდა გადაიჭყეს მომავალ თაობის კლასიურ შეგნების გასაღვევებელ საშუალებად. საბავშვო ლიტერატურამ ხელი უნდა შეუწყოს ბავშვში პროლეტარულ ფსიხოლოგიის გამოუმუშავებას.

ალ. მაშაშვილის სარეცენზიო წიგნიც ამ ამოცანას ემსახურება.

ალ. მაშაშვილი სულ რამოდენიმე წელია, რაც ამ ხანით მუშაობს, მაგრამ მიუხედავად ამისა საგრძნობ შედეგებს მიაღწია. რაც მთავარია მაშაშვილმა გაიგო, შეიკნო ბავშვის შინაგანი ფსიქოლო-

გიური სამყარო, ამიტომაც, რომ ყოველი მისი ლექსი დამაჯერებელია და მგრძობიარე. კიდევ ერთი დადებითი მოვლენა ახასიათებს ალ. მაშაშვილს, ეს არის შემდეგი: ლექსი კონკრეტულ თემაზე აშენებული და გარკვეულ შინაარს იტევს. ავტორს შეუძლია სრული სუბიექტივობით გადმოგვცეთ ბავშვის განცდის ყოველი დეტალი მუშაობის, თამაშობის და სხვა მოქმედებათა დროს. ამ მხრივ აღსანიშნავია მისი ლექსი „ზამთარი“:

„ეს ბიჭებო პერი-პერი
მეც მოვიღვიარ მომიცადეთ
ქუდს დაავლო სწრაფად ხელი
და ყვირილით გარბის გარეთ
უკან ფისო ჯიბრით მისდევს
შინდვრად ისევ თოვს და ყინავს
გიგლა შირბის ბავშვებისკენ
და გუნდაობს თავ-დაყირა“.

„და გუნდაობს თავ-დაყირა“ ეს მოკლე ლაკონიური ფრაზა იძლევა მთელ პროცესის სურათს და წარმოდგენას თამაშობისას. მაშაშვილს უყვარს სახეებით აზროვნება, რაც უფრო მომხიბვლელ და ადვილ წარმოსადგენად ხდის ნივთს. ა. მაშაშვილი დინამიკის პოეტია, ის საგანს ხედავს მუდმივ მოძრაობაში.

მაშაშვილი დიდ აღფრთოვანების და ეგზალტიაციის დროს, საგნებსაც ამეტყველებს:

„კაცი როგორ დამუნჯდება
ამ დიდებულ დღეს
უხარიან ხალს, ქუჩებს და
სოფლად მინდორ-მთებს“.

(„ოქტომბრული“.)

საგნების სულიერ მდგომარეობაში გადაყვანა საერთოდ მიუღებელია მაგრამ პოეტი მას ისეთ ადგილას და სიტუაციაში ხმარობს, რომ მიზანი გამართლებული რჩება და პრინციპიც არ ირღვევა.

მაშაშვილის თემატიკაც ახალია და ყოველმხრივი. პოეტმა უკვე დააღწია თავი, ნაციონალურ შეზღუდულობის ტენდენციას. ამის უტყუარი ფაქტია საუკეთესო, მებრძოლი ლექსი: „ლენინელების სიმღერა“.

არ შეიძლება არ აღინიშნოს წიგნის ნაკლიც.

„გაივლის ეამი
მტვრევით ხმურით
დაგროვილ სეფდას
აქცევს ბოლებად და სხ.“

ასეთი ტონით წერა საბავშვო ლიტერატურაში არ შეიძლება რადგანაც აქ სხვა ამოცანებელ ობიექტთან გვაქვს საქმე, ბავშს რომ ასეთი ლექსები მივაწოდოთ ის მას არ წაიკითხავს და მიზანიც გაუმართლებელი დარჩება. ამ გარემოებას შემდეგში ავტორმა ვეროვანი ყურადღება უნდა მიაქციოს.

მიზან-შეუწონლად უნდა ჩაითვალოს აგრეთვე კრებულში ისეთი ლექსების შეტანა, როგორც მაგ., „მიხა ცხაკაისა“, „ბრძანება № 5“, „მუხა“, „25 თებერვალს“ და სხვ. *საჭირო იყო მეტი შერჩევა.

საერთოდ ეს კრებული ავტორის მორიგი გამარჯვებაა საბავშვო ლიტერატურის ფრონტზე.

გ. ლომიძე.

სიმონ ჩიქოვანი „მხოლოდ ლექსები“. 1930 წ. სახელგამი.

საბჭოთა კავშირის სახალხო მეურნეობის რეკონსტრუქციის მიმდინარე პერიოდში, კლასობრივ ბრძოლის ახალ საფეხურზე საბოლოოდ გამოიკვია და ჩამოყალიბდა მთელი რიგი სოციალური ტენდენციებისა, რომელნიც ფაქტიურად

წარმოადგენენ საბჭოთა ლიტერატურის რთულ საზოგადოებრივ მექანიზმის შინაბუნებას. ერთის მხრივ, გაძლიერდა რეაქციონური განწყობილებები, ხოლო მეორე მხრივ, გაიზარდა თანამგზავრულ ლიტერატურის ხვედრითი წონა, თანა-

მგზავრულ რევოლუციონურ ლიტერატურულ მოძრაობის ყველაზე უფრო მკვეთრ გამოხატულებათ ამ უკანასკნელ ხანებში უნდა ჩაითვალოს სიმონ ჩიქოვანის წიგნის გამოსვლა სალიტერატურო ბაზარზე. ამ ფაქტით ქართულ მწერლობის მემარცხენე ფრონტი დაუახლოვდა პროლეტარულ რევოლუციის იდეებს; ეს დაახლოვება დღეს უკვე პრაქტიკული აუცილებლობაა. ეს მოვლენა სხვათა შორის ხელს უწყობს რეაქციონურ ლიტერატურულ ძალების მაქსიმალურ იზოლიაციას. მემარჯვენე მწერლობა დღეს დიდი გულმოდგინებით დეკავს ბურჟუაზიის ესტეტიურ შაბლონებს. აქედან ბუნებრივია ფორმალური კონტრევოლუცია, როგორც ლოდიკური შედეგი ბურჟუაზიული ლიტერატურის სოციოლოგიური კრიზისისა.

მეორე მხრივ, გაიზარდა პროლეტმწერლობის იდეურ-ლიტერატურული სიმჭიმე. მასთან ერთად თანამგზავრულ ლიტერატურას შეემატა ახალი ძალები; მემარცხენე თანამგზავრების იდეურ-ლიტერატურული მუშაობა პრინციპიალურად დაუპირისპირდა შემოაღნიშნულ რეაქციონურ მოვლენებს, ამის საუკეთესო მაგალითად ჩვენ მიგვაჩნია სიმ. ჩიქოვანის მუშაობა, მას მართალია, დღემდე მრავალი სიმბოლისტური — „ფუტურისტული“ შეცდომები ხელს უშლიდა, მაგრამ დღეს ეს მდგომარეობა შეცვლილია.

ს. ჩიქოვანი, როგორც პოეტი გაიზარდა ოქტომბრის რევოლუციის შემდეგ. ამას აქვს გადაწყვეტი მნიშვნელობა. ინდუსტრიალიზმის ეპოქამ თავის დაღი დაჩნია მას. ფუტურიზმი თავის მთავარ ამოცანად ისახავდა ყრფილიყო კანონიზატორი ახალი მხატვრული ფორმებისა. ამ ტენდენციების ქვეშ მოექცა თავიდანვე სიმონ ჩიქოვანის პოეზიაც.

აქვე უნდა აღვნიშნოთ, რომ თავის შემოქმედების პირველ პერიოდში ს. ჩიქოვანი და საერთოდ მთელი „მემარცხენეობა“ ქართულ ლიტერატურაში საგრძ-

ნობლათ ასცდა ფუტურიზმის ლიტერატურულ პრინციპებს და ამით ადგილი შესაძლებელი გახდა წერილობურუბაზიული იდეოლოგიის ზეგავლენის ქვეშ მუშაობა. აქ დაიბადა ხანტიმენტალიზმის და რომანტიზმის ფუტურისტული ვარიაციები, ამ მოვლენის დამადასტურებელ სურათს თვით სიმონ ჩიქოვანის პოეზიის განვითარების სხვადასხვა ეტაპები იძლევა; რასაკვირველია, შედარებით ქართულ მწერლობის რეაქციონური ბანაკის მხატვრულ ფორმებთან ეს უფრო პროგრესიული მოვლენა იყო, მაგრამ ეს სრულებით არ ამართლებს რუსული ფუტურიზმის ობიექტულ მოდიფიკაციას ქართულ სოციალურ ნიადაგზე.

ქართულ მწერლობის ახლანდელ თაობას მხრებზე აწევს დიდი ლიტერატურული ტრადიციები, რომელიც წამოღებულია ლიტერატურული კლასიციზმის ბანაკიდან. მემარჯვენე ბანაკში თავიდანვე სანტიმენტალურმა ლირიკამ დაიპყრო ლიტერატურის მძრძანებელი სიმაღლეები; მხატვრული მუშაობის მთავარ ხერხათ აღიარებულ იქნა: პრაქტიკული სიტყვის ესთეტიზაცია. მეცხრამეტე საუკუნის დასასრულს და მეოცე საუკუნის დასაწყისში ქართულ ლიტერატურაში ადგილი ჰქონდა ღრმა სოციალურ კრიზისს, (შედეგობაში არა გვაქვს პროლეტარული მწერლობის წინაპრები) ლიტერატურულ კლასიციზმის უნარდაკარგულმა ეფიგონებმა სცადეს ეცვეთილი იდეოლოგიის ახალი ხერხობრივი ორგანიზაცია, მაგრამ ეს ცდა სასტიკი დამარცხებით დამთავრდა, ვინაიდან მათ არავითარი ახალი ღირებულება ფორმალურ სფეროში არ გააჩნდათ; ამ ხნის განმავლობაში გაიზარდა სიმბოლიზმი, როგორც ქართულ ლიტერატურის დეკადანსის უკანასკნელი საზღვარი. მის პარალელურად განვითარდა ხარფუხელი ყარაჩოლელების და ავღაბრელი მიკიტნების მომღერალთა რეაქციონური მწერლობა. ამ ხალხმა აშკარათ ჩამოასახლა მწერლობაში თამარ მეფე, ირაკლის

ბრძოლები, და სხვა ამგვარი ზღაპრები... ხანგრძლივი უმოძრაობის შემდეგ ეს ქაობი გაარღვია პროლეტარულ ლიტერატურის ახალმა ტალღებმა;

ასეთ პირობებში ჩამოყალიბდა ქართული ფუტურისმი. ს. ჩიქოვანი ამ მიმართულების ძირითადი წარმომადგენელთაგანია. დღეს იგი ერთ-ერთ მეპარცხენე თანამგზავრად ითვლება.

როგორია სიმონ ჩიქოვანის შემოქმედების პირველი პერიოდი? ამ საკითხზე საკმარის პასუხს გაგვცემს წიგნში წარმოდგენილი ზოგიერთი ნიმუშები. სიმონ ჩიქოვანის „თეორიული განხრის“ ლექსებში მრავალ ადგილას მოცემულია თავისი მწერლობის შეფასება: იგი ერთ ლექსში სრულიად სამართლიანად აკუთვნებს თავის თავს რევოლუციასთან შემთხვევით მოსულ მწერალთა რიგს:

„ვით ძველ პოეტებს
მსურდა სიმაღლე,
მეგონა ზეცამ
დამნიშნა ქვეყნად,
და მომივიდა
აზრი ახალი,
რომ შევქლებ ყოფნას
მნათობთა მეხრედ.
და პა ავდივარ,
ვკიდევარ თოჯზე

თოჯი გაწყდება და ვეშვები
ხალხის სიღრმეში,
ამ სიმაღლიდან
სიდაბლეში ჩამოშვებულმა
დავტოვე ცაში სინაზე
და გრძნობა გვირტების“.

(„ს. ჩიქოვანი გასაწყვეტ თოჯზე“.)

სიმონ ჩიქოვანი არ დაბადებულა რევოლუციისში, იგი შემთხვევითმა გარემოებამ ააცილა ზეშთაგონების პოეტის კარიერას და წვრილბურჟუაზიული ინტელიგენციის წრეებიდან პროლეტარულ რევოლუციის მემარცხენე თანამგზავრთა

რიგებში მოაქცია. ეს მეტად რთული სოციალური პროცესის შედეგია: სიმონ ჩიქოვანის პოეზია საკმაო სიმახვილით გვიხატავს ამ პროცესს. ოქტომბრის რევოლუციის შემდეგ ინტელიგენცია დაიყოფნებათ: ერთი ნაწილი გაყვედა კოლჩაკისა და კალედინის გზას და აქტიური საბოტაჟის საშუალებით ებრძოდა ახალ საბჭოთა რესპუბლიკას, ეს ნაწილი გლოვობდა თეთრი პურისა და საერთოდ თბილი ზუნგების დაკარგვას, ხოლო მეორე ნაწილი მიეკედლა პროლეტარულ რევოლუციის ციხე-სიმაგრეებს. ამ ფარგალში მოექცა ფიქრ მწერლობაც, რომლის ერთი ნაწილიც ამ გარდატეხის მომენტებში ახალი ფორმალური გზების ძიებაში იყვენენ გართული. ესენი იყვენენ ფუტურისმიის წარმომადგენლები. მათი პირველი პერიოდი ეს არის ხანა დაუღვევლი ძიებისა. ხლებნიკოვეა და ჟურნონიხმა მრავალხრივ დაამუშავეს ახალი ლექსალური მასალა. ზოგიერთმა კრიტიკოსებმა ფუტურისტები გამოაცხადა ახალი ენის მშენებლად. ფუტურისმის თეორეტიკოსები შეეცადენ დაემტკიცებინათ, რომ „ზაუმი“, როგორც სიტყვიერი მოვლენა გვხვდება ადამიანთა ისტორიის ყველა პერიოდებშიო. ერთი სიტყვით მთელი რიგი მნიშვნელოვანი პოეტებისა შეუღდა ისეთ ენაზე წერას, რომელიც არავის არ ესმოდა და მამასადამე მოკლებული იყო გარკვეულ სოციალ-პრაქტიკულ დანიშნულებას. ეს იყო ფუტურისმის პირველყოფილი დაბნეულობის ეპოქა. ამ დროს ისინი მთელ თავის ყურადღებას რაზმავდენენ ფორმალური მომენტებისა და სიტყვის ლაბორატორული დამუშავეების გარშემო.

„ზაუმი“ მოიბოგა აბსოლიტური პოეტური ღირებულება. სიმონ ჩიქოვანი თავისი მუშაობის პირველ წლებში ძლიერ ხშირად მიმართავდა ამ ხერხს, მთელი რიგი მისი ლექსებისა, რომელიც შეტანილია ახალ წიგნში, აშენებულა ფუ-

ტურიზმის თეორიული პრინციპების მიხედვით. აი მაგალითები:

1. „ცირა ციბა, ცირა წარბი, ცირა წაბლი, წარბენალი, ცაკუთხური, ცაკუთხედი, ხიდბოგირი.

ოდელიოდო ბუდე
ოდელიოდო ცია
მდინარის პირას
ცხენების მოცდა“.

2. „ცირა შინდი — შორს
ბაიდით გადაფრინდი
უდე ბუდე
უდეც ბადე და ბაიდებს
ობადები აბადია“.

3. გურაგელი შორავი
ბორავი ვერაგული
გურაგელი ქუფრი
მორბო კუპრი
გურაგელი შორი
შური გვიმბრა იბრო“ და სხვა.

ეს საფეხური სიმონ ჩიქოვანს დღეს უკვე განვლილი აქვს. ამ პერიოდის შემდეგ მან ხელი მოჰკიდა სერიოზულ მუშაობას;

ამ მუშაობის შედეგათ ს. ჩიქოვანის შემოქმედება გარკვევით მოექცა თანამგზავრულ კალაპოტში. თემატიურათ სიმონ ჩიქოვანის პოეზია ფრიალ მრავალფეროვანია, იგი ეხება, როგორც აღმშენებლობითი, ისე ყოფითი და ინდუსტრიალურ თემებს.

ს. ჩიქოვანის ლექსებიდან პირველ რიგში აღსანიშნავია „ოქტომბრიდან 27-მდე“, „ემიგრაციის მწერლებს“, „ჩადრი“, „მუშათა კლუბი საფრთხეში“, „სამოქალაქო ომებიდან“, „კავკასიიდან ტავანროგამდე“, „მოსკოვი“, „ქალწული კოშკი“ და სხვა.

სიმონ ჩიქოვანი ებრძვის რომანტიზმის ნაშთებს, მაგრამ ეს ბრძოლა ერთგვარი ფორმალური განხრითაა წარმოებულა: პოეტი პირველ რიგში ებრძვის არა რომანტიზმის იდეოლოგიას, არამედ ამ მიმართულების ხერხობრივ ნაშთებს

თანამედროვე ლიტერატურის ზედაპირზე, როგორცაა მაგალითად ლირიკა, სიმონ ჩიქოვანის შიშველ ლექსი ყველაზე უფრო ძლიერ ეფარდება ინდუსტრიალურ განწყობილობებს. რამდენად ახერხებს ამას პოეტი — ეს მეორე საკითხია. არ შეიძლება არ ითქვას, რომ ამ მხრივ ჩიქოვანს დიდი პერსპექტივები აქვს; ს. ჩიქოვანი სწერს:

„მისთვის მოვშორდი
განცდებს პირადულს —
საბჭოურ აზრის დაკავშირებით,
და ისტორიზმის ჩონჩხთა პარადი,
წარსულს გადავეცი დანახშირებულს“.

როგორც ეხედავთ სიმონ ჩიქოვანი იბრძვის ისტორიზმის წინააღმდეგ და ამ რიგად, იგი მტერია ძველი პოეზიის ესთეტიური ტრადიციებისა. ეს იმას არ ნიშნავს, რომ იგი მთლიანად თავისუფალია სიმბოლიზმის ზეგავლენისაგან. არა. მისი ლექსების ზოგიერთი ლირიკული სტრიქონები აშკარად ატარებენ სიმბოლიზმის დას. სიტყვიერი ბრძოლა რომანტიზმის წინააღმდეგ სრულებით არ ნიშნავს ყოველმხრივ განახლებას.

„ჩადრი“, როგორც სიმონის და უკულტურობის ემბლემა — ასე აქვს ასახული პოეტს. ეს ფრიალ მნიშვნელოვანი ლექსი ასე თავდება:

„გავიდა დრო
და აზრთა ზეკრებმა
გამოაღვიძეს ქალიც აჭარის
კომუნისმის და შრომის შეკრებამ
აახდევინეს ჩადრი საჯაროთ.
და ეფიქრობ ახლა
მე რომ ჩაივდე
შეგხვდე გოგოს
თუ მოხუცის კაბას
არ მომერიდოს
ხელს ხელს ჩამკიდებს
პასუხს გამცემს
და გზას გამიკაფავს“.

ამ ლექსში ნივთების ურთიერთობის საფუძველზე მოცემულია ადამიანთა ცოც-

ხალი ყოფა. ეს მთავარი უნდა იყოს თანამედროვე შწერლისათვის, მაგრამ ასეთი ლექსები ნაკლებად მოეპოვება სიმონ ჩიქოვანს. ამ საკითხში ჩვენ სასვებით ვეთანხმებით ამხ. შ. რადიანს, რომლის აზრით სიმ. ჩიქოვანს „შედეგობიდან ეპარება საზოგადოებრივი ურთიერთობა და მის ადგილს იჭერს ნივთთა ფეტიშიზმი... ამიტომ ის ყოველთვის უფრო აგვიწერს ნივთებს და ნაკლებად საზოგადოებრივ ურთიერთობას“. ეს ტენდენცია აშკარათ მოსჩანს მთელი წიგნის გასწვრივ. გარდა ამისა პოეტს ახასიათებს ერთგვარი ზე-ინდივიდუალიზმი. ესეც ისეთი მოვლენაა, რომელიც თანამგზავრ პოეტს არ გამოადგება.

„შრომის ბრძოლაში
გული წავაგოთ,
გვეძახის
ქვეყნის მეურნეობა...
ჩემი ლექსები
ხალხში დარგულა
როგორც სხივები
დილის მდებლზე
გზები მე უკან
არ მეგულება

და პოეტი ვერ შეიძლება
დღევანდელიობის...

ისეთი შედარებები, როგორსაც ამ ამონაწერში ხაზი აქვს გასმული ძლიერ ზშირად შეგვხვდებოდა ს. ჩიქოვანის ლექსებში. ამ რიგად იგი ჯერ კიდევ ვერ პოულობს ინდუსტრიალურ გამოთქმებს, აცი ამზობს თვითონაც, რომ „ეს წიგნი ბრძოლაა სიტყვისა და თემის დამორჩილების ასპარეზზე“, ჩვენ გვგონია, რომ ბრძოლას სიმონ ჩიქოვანი გამარჯვებით დაასრულებს და საბოლოოდ ჩამოყალიბდება, როგორც პროლეტარულ რევოლუციის ლიტერატურული თანამგზავრი.

საბოლოოდ უნდა აღინიშნოს, რომ მიუხედავად მრავალი ნაკლისა სიმონ ჩიქოვანის წიგნი „მხოლოდ ლექსები“ პროგრესული მოვლენაა, ამ წიგნით ნაჩვენებია არა მარტო სიმონ ჩიქოვანის განვლილი გზა, არამედ თვით მთელი ქართული ფუტურისმის რაობა. რეკონსტრუქციის მიმდინარე პერიოდში იზრდება თანამგზავრობა: ამის საუკეთესო მაჩვენებელია სიმონ ჩიქოვანის მუშაობა.

გ. ნატროშვილი.

ი. გრიშაშვილი „ქვესი ლექსი“. 1930.

ი. გრიშაშვილი ტიპური წარმომადგენელი ინდივიდუალისტური ლირიკისა, ამიტომ დღეს მას აღარავითარი სიკოცხლის ნიშანი აღარ ვაჩნია. მრავალთუ სიყვარული თავისი ფიზიკური და სულიერი შედეგებით, ეს იყო და არის გრიშაშვილის მთავარი თემა. ის მთლიანად ჩამოწყვეტილია თანამედროვე სოციალურ ცხოვრებას, მისი „წმინდა“ ლირიკა მაჩვენებელია ავტორის უაღრესად ვიწრო სოციალურ ტენდენციებისა. ი. გრიშაშვილი გამოვიდა ლიტერატურაში, როგორც ქართული წვრილი ბურჟუაზიის, და ეკზალტიური ქალიშვილების გულის მესაიდუმლე. ის არის ხელო-

ვანი გადაგვარებული სოციალური ფენისა. ამიტომ მისი შემოქმედებითი სიმახინჯე დაიწყო იმ დროიდან, როდესაც შწერალი პირველად გამოვიდა საშწერლო ასპარეზზე.

ვინ ჰკითხულობს დღეს გრიშაშვილს? ახალი მკითხველი ვერ იცნობს ძველი ტფილისის არქეოლოგიურ ნაშთს, ხოლო მეოცნებე ქალიშვილების ბუნაგები ვინადგურა ცხოვრებამ; დარჩა გრიშაშვილი, როგორც უჯარო გენერალი, ამათა მისი ძახილი:

„სადა ხართ ღამაზმანებო,
მოდი, დამათვრეთ, ბუნებით,

ამივსეთ ტუნის ყულაბა
მაგ კოცნის უხალთუნებით“.

ი. გრიშაშვილის უკანასკნელი ფაქტები ეს არის ზარიანი მოთქმა. რა ვუყოთ? მას აქვს საბუთი ტირილისა. ვის გაუგია ქირისფელის სიცილი სამგლოვიარო პროცესიაზე? ი. გრიშაშვილი დასტირის ძველ ქუჩებს, სირაჩხანას, სქელ რუმბებს, ჭიანურზე დაკრულ ჩარგას, ბაღდადის ფოჩებს, კრივს, მიკიტანს, დუდუკს და მთელ რიგ სიძველეს ნიშნებს. მთელი ეს ნაგავი არის ერთგვარი ექვივალენტი ი. გრიშაშვილის იდეოლოგიისა.

ი. გრიშაშვილი, ეს კლასიკოსი ქართულ სანტიმენტალიზმისა, პირდაპირ ისეთ სითამამეს იჩენს, რომ აშკარათ ილაშქრებს თანამედროვეობის წინააღმდეგ. მისი შემოქმედება ამოიწურა საბოლოოდ, მოექცა გამოუვალ ჩიხში; ის სწერს ერთი და იგივეს. ეს ათასგვარი ნაღები სპეციფიური ქართული უკულტურობისა, სიბნელისა, სქესობრივი აღვირაბსნილობისა, და მთავე ირონიისა, არის სახე ვიწრო ლარული შოვინიზმისა. ნაციონალიზმი აქ გვევლინება, როგორც ბედდაწაველილი მიკიტანის გლოვა საბჭოთა ჭვეუნის წინააღმდეგ. გრიშაშვილი, როგორც წერილ ბურჟუაზიული მწერალი თავის შემოქმედებაში აიღვალებს მემჩანობის უცუდეს თვისებებს. მას უყვარს სენსაცია. სარეცენზიო ფაქტი აშკარა სენსაცია! ავტორს გამოუფენია მკითხველის წინაშე ხელთნაწერის კლიშეები.

ი. გრიშაშვილი იმეორებს ქრისტიანულ ფილოსოფიას:

„არ მიყვარს სისხლი...
ომი... ბრძოლება...
მიყვარს სუყველა
ჩაგრულ-ვნებული“.

ოქტომბრის რევოლუციის წინ ამ ფრაზას ჰქონდა ერთგვარი ლიბერალური მნიშვნელობა, დღეს კი იგი აშკარა რეაქციონური ლოზუნგია. ჩაგრულთად-

მი ფილანტროპიული შებრალებების სურვილი ძლიერ გაურკვეველი მსწრაფია! შემდეგ ი. გრიშაშვილი სწერს:

„ვემუშაობ ჩემთვის
ჩუმად და ყურად
ვეძებ არხივში
ყვითელ ციტატებს“;

ი. გრიშაშვილი ძველი ტფილისის უღლეური მემკვიდრეა. ძველი ტფილისი და საერთოდ ამგვარი მტვერ წაყრილი ნიშნები სიძველისა დღეს გადაიქცა ნაციონალისტურ ინტელიგენციის სახობო საგნათ. ეს სრულიად ბუნებრივი მოვლენაა. ი. გრიშაშვილის იდეოლოგია ჯერ არ გაცილებია გრიგოლ ორბელიანის და ალექსანდრე ჯავახიშვილის ფეოდალურ შეხედულებებს:

„სიძველისადმი გრძნობა პატივი
თუ შენში მინც ოდნავ ელვარებს—
მიხედები ასე ანდამპტივით
რისთვის ვდარაჯობ
ტფილისის კარებს“.

ი. გრიშაშვილის ლექსები ბევრ ადგილას დაავადებულია ეგოცენტრიზმის ავადმყოფობით. ავტორს თავისი თავი გენიოსად გამოუტყაბდება; ის სტიროს, რომ მომავალში მას სხვა გენიოსების ბედ ეწყვევა: მტერიან ქუჩაში ვინმე პაყალი დაჰხვეთ მათ პარკებისათვის.

ი. გრიშაშვილი აშკარა რეაქციონერია, მისი შემოქმედება დღეს არჭირეაქციონურ იდეოლოგიის აშკარა გამოხატულებაა. ამას გრძნობს თვით ავტორი და გადაკრული ფრაზებით, ბუნდოვანი გამოთქმებით სცდილობს თავის გამართლებას. უკანასკნელ ლექსში, რომელიც ვედის სიმღერასავით წარმოსთქვა პოეტმა არის ვითომ ტენდენციები მუშასთან შიახლოვების; მიუხედავად ამისა ეს უკანასკნელი ლექსი უფრო მეტად ჩაბორჩენილი, იდეურათ არკაული და მიუღებელია ვიდრე სხვა ლექსები. ი. გრიშაშვილის ეს უკანასკნელი ნამუშევარი არის

ერთგვარი პოეტური რეზიუმე მისი მუშაობისა. ამ წიგნით მან „კონსპექტიურად“ გადმოგვცა მისი წარსული მუშაობის იდეოლოგიურ-ლიტერატურული მხარეები. მისი მთავარი თემები იყო ნაციონალიზმი, სექსუალური საკითხები და ყოველგვარი ანტისოციალური მოვლენების იდეალიზაცია. ასეა დღესაც ი. გრიშაშვილის განახლება დაუჯერებელი ამბავია. ამიტომ ტყუილათ ფიქრობს გრიშაშვილი თითქოს თავისი კვლევითი ხასიათის მუშაობით მშრომელ ხალხს ემსახურება. მისი ზემოხსენებული ხასიათის ნამუშევრები ისეთივე წვრილბურ-


ულული იდეების გამოხატელობა, როგორც საერთოდ ი. გრიშაშვილის მთელი პოეზია.

როგორია ი. გრიშაშვილის შემოქმედების ფორმალური მხარე? მისი მთავარი ენრი, ეს არის „წმინდა“ ბურჟუაზიული ლირიკა. როგორც იდეების სფეროში აქაც იგივე არქი-რეაქციონური ტენდენციები გვხვდება. ეს ასეც უნდა იყოს, რადგან ფორმალური ხერხები ერთგვარი ფუნქციაა იმ სოცოლოგიური იდეებისა, რომელთაც ემსახურება პოეტი თავის მოღვაწეობის გზაზე.

გ. ნ.

სარედაქციო კოლეგია:

ბ. ბუაჩიძე, გ. ლუარსაბიძე, ა. გაზაფშილი,
ს. მული და შ. რაღიანი.



1 9 3 0

პროლეტარული მწერლების
ახალი წიგნები:

ა. მ ა შ ა შ ვ ი ლ ი

პ რ ე მ ე ბ ი

სახელგამი ფასი 1 მან.



ს. ე შ ლ ი

ა ხ ა ლ გ ა უ რ დ ლ ბ ა

სახელგამი. ფასი 50 კპვ.



მიიღება ხელის მოწერა 1930 წ. ურველთვიურ ლიტერატურულ-მხატვრულ და საზოგადოებრივ კოლიტიკურ უწყნაღზე:

კროღებარული მწერლობა

სამარ. კროღებარულ მწერალთა ასოციაციის ორგანო:

კროღებარული მწერლობა

თავის ირგვლივ აერთიანებს კროღებარულ მწერლობის საუკეთესო კადრებს.

კროღებარული მწერლობა

გეგმავს კროღებარული ლიტერატურის საუკეთესო ნაწარმოებებს, აუწყებს საზოგადოებრივ კოლიტიკურ და კულტურულ ცხოვრების მნიშვნელოვან მოვლემებს.

კროღებარული მწერლობა

ათავსებს აგრეთვე რევოლუციურ თანამგზავრ მწერალ. საუკეთესო ნაწარმოებებს.

კროღებარული მწერლობა

ფართო აღვილს უთმობს თეატრის, კინოს, მხატვრობის, მუსიკის და სხვადასხვა ხელოვნების საკითხებს.

კროღებარული მწერლობა

აუწყებს თანამედროვე ლიტერატურის აქტუალურ საკითხებს.

უწყნაღის ფასი: წლიურად — 4 მან., 6 თვით — 2 მანეთი. ცალკე ნომერი 50 კაპ.

ხელის მოწერა მიიღება: თბ., სახელგამი, პერიოდსმეტრი, რუსთაველის კრ. № 22 და აგრეთვე კროვიციისაში სახელგამის ქველა მაღაზიებში.